








Digitized by the Internet Archive  
in 2011 with funding from  
LYRASIS members and Sloan Foundation



TITI LIVII  
PATAVINI  
HISTORIARUM LIBRI  
QUI SUPERSUNT OMNES

---

*TOMUS QUINTUS*



---

*MANNHEMII*

Cura & Sumptibus Societatis literatæ  
M DCC LXXX



TITL LIVII PATAVINI  
HISTORIARUM  
AB URBE CONDITA  
LIBER XXIII

---

EPITOME

*CAMPANI ad Hannibalem defecerunt. Nuncius Cannensis victoriæ Mago Carthaginem missus, annulos aureos, a digitis occisorum Romanorum detractos, in vestibulo curiæ effudit: quos excessisse modicum mensuram traditur. Post quem nuncium Hanno, vir ex Pœnis nobilissimus, suadebat senatui Carthaginienfium, ut pacem a populo Romano peterent: nec tenuit, obstrepente Barcina factione. Claudius Marcellus prætor ad Nolam, eruptione adversus Hannibalem ex oppido facta, prospere pugnavit. Exercitus Hannibalis*

*per hiberna Capuæ ita luxuriatus est , ut corporum viribus atque animorum enervaretur. Casilinum a Pœnis obsessum , ita fame vexatum est , ut lora & pelles scutis detractas , item mures , essent ; & nucibus , per Vulturum amnem a Romanis missis , vixerint. Senatus ex equestri ordine hominibus centum nonaginta septem suppletus est. L. Postumius prætor a Gallis cum exercitu cæsus est. Cn. & P. Scipiones in Hispania Hasdrubalem vicerunt , & Hispaniam suam fecerunt. Reliquiæ Cænnensis exercitus in Siciliam relegatæ sunt ; ne recederent inde , nisi finito bello. Inter Philippum Macedonum regem & Hannibalem societas juncta est. Sempronius Gracchus consul Campanos cecidit. Præterea in Sardinia feliciter a T. Manlio prætore adversus Pœnos Sardosque res gestas continet : a quo Hasdrubal dux , & Mago , & Hanno capti. Claudius Mar-*

*cellus prætor Hannibalis exercitum ad  
Nolam prælio fudit & vicit : primusque  
tot cladibus fessis Romanis meliorem spem  
belli dedit.*

I.

*U. c. 536.  
a. C. 216.*

**H**ANNIBAL, post Cannensem pugnam, castra capta ac direpta, confestim ex Apulia in Samnium moverat : aditus in Hirpinos a Statio, pollicente se Compsam traditurum. Compsanus erat Trebius nobilis inter suos : sed premebat eum Mopsiorum factio, familiæ per gratiam Romanorum potentis. Post famam Cannensis pugnae, vulgatumque Trebii sermonibus adventum Hannibalis, quum

*Hannibali  
Compsa  
traditur.*

*Neapolim  
petit.*

Mopsiani urbem (a) excessissent ; sine certamine tradita urbs Pœno, præsidiumque acceptum est. Ibi præda omni atque inpedimentis relictis, exercitu partito, Magonem regionis ejus urbes, aut deficientes ab Romanis accipere, aut detrectantes cogere ad defectionem jubet. Ipse per agrum Campanum mare inferum petit, obpugnaturus Neapolim, ut urbem maritimam haberet. Ubi fines Neapolitanorum intravit, Numidas partim in insidiis (& pleræque cavæ sunt viæ, sinusque occulti) quacumque apte poterat, disposuit : alios, præ se actam prædam ex agris ostentantes, obequitare portis jussit. In quos, quia

(a) *urbe Gron. Crev.*

nec multi, & incompofiti videbantur, quum  
 turma equitum erupiffet, ab cedentibus con- *U. c. 536.*  
 fulto tracta in infidias, circumventa eft: nec *a. C. 216.*  
 evafiffet quisquam, ni mare propinquum, &  
 haud procul litore naves pifcatoriæ pleræque  
 confpectæ peritis nandi dediffent effugium.  
 Aliquot tamen eo prælio nobiles juvenes  
 capti cæfque funt: inter quos & Hegeas  
 præfectus equitum, intemperantius cedentes  
 fecutus, cecidit. Ab urbe obpugnanda Pœ- *Conspec-*  
 num abfterruere confpecta mœnia, haudqua- *tam ob-*  
 quam prompta obpugnanti. *pugnare*  
*non audent.*

II. INDE Capuam flectit iter, luxuriantem *It Capuam*  
 longa felicitate atque indulgentia fortunæ,  
 maxime tamen, inter corrupta omnia, licen-  
 tia plebis fine modo libertatem exercentis.  
 Senatum & fibi & plebi obnoxium Pacuvius *Pacuvii*  
 Calavius fecerat; nobilis idem ac popularis *Calavii*  
 homo, ceterum malis artibus nanctus opes. *fraus.*  
 Is quum eo forte anno, quo res male gefta  
 ad Trafimenum eft, in fummo magistratu  
 effet, jam diu infeftam fenatui plebem, ra-  
 tus, per occafionem novandi res, magnum  
 aufuram facinus, ut, fi in ea loca Hannibal  
 cum victore exercitu veniffet, trucidato fe-  
 natu traderet Capuam Pœnis; improbus homo,

*U. c. 536.* sed non ad extremum perditus, quum mallet  
*a. C. 216.* incolumi, quam everſa, republica dominari;  
 nullam autem incolumem eſſe orbatam publico  
 conſilio crederet, rationem iniit, qua & ſe-  
 natum fervaret, & obnoxium ſibi ac plebi  
 faceret. Vocato ſenatu, quum, ſibi defeſtio-  
 nis ab Romanis conſilium placitum nullo  
 modo, niſi neceſſarium fuiſſet, præfatus eſſet,  
 « quippe qui liberos ex Ap. Claudii filia ha-  
 » beret, filiamque Romam nuptum Livio de-  
 » diſſet; ceterum majorem multo rem magis-  
 » que timendam inſtare. Non enim per de-  
 » ſectionem ad tollendum ex civitate ſenatum  
 » plebem ſpectare, ſed per cædem ſenatus  
 » vacuum rempublicam tradere Hannibali ac  
 » Pœnis velle. Eo ſe periculo poſſe liberare  
 » eos, ſi ſe permittant ſibi, &, certaminum  
 » in republica obliti, credant. » Quum om-  
 » nes victi metu permetterent; « Claudam in  
 » curia vos, [inquit] &, tamquam & ipſe  
 » cogitati facinoris particeps, adprobando  
 » conſilia, quibus nequidquam adverſarer,  
 » viam ſaluti veſtræ inveniam. In hoc fidem,  
 » quam vultis ipſi, accipite. » Fide data  
 egreſſus, claudi curiam, jubet, præſidium-  
 que in veſtibulo reliquit; ne quis adire cu-  
 riam injuſſu ſuo, neve inde egredi poſſit.

*Senatum  
 claudit in  
 curia.*



III. TUNC vocato ad concionem populo , *U. c. 536.*  
 « Quod sæpe , [inquit] optastis , Campani , *a. C. 216.*  
 » ut supplicii fumendi vobis ex improbo ac  
*Populo*  
*tollendi*  
 » detestabili senatu potestas esset ; eam nunc , *senatus*  
*potestatem*  
*facit.*  
 » non per tumultum expugnantes domos sin-  
 » gulorum , quas præfidiis clientium servo-  
 » rumque tuentur , cum summo vestro peri-  
 » culo , sed tutam habetis ac liberam. Clau-  
 » sos omnes in curiam accipite , solos , iner-  
 » mes. Nec quidquam raptim , aut forte te-  
 » mere egeritis. De singulorum capite vobis  
 » jus sententiæ dicendæ faciam , ut , quas quis-  
 » que meritus est , pœnas pendat. Sed ante  
 » omnia ita vos iræ indulgere oportet , ut  
 » potiolem ira salutem atque utilitatem vestram  
 » habeatis. Etenim hos ( ut opinor ) odistis  
 » senatores ; non senatum omnino habere  
 » non vultis : quippe aut rex , ( quod abomi-  
 » nandum ) aut , quod unum liberæ civitatis  
 » consilium est , senatus habendus est. Itaque  
 » duæ res simul agendæ sunt vobis , ut &  
 » veterem senatum tollatis , & novum coop-  
 » tetis. Citari singulos senatores jubebo , de  
 » quorum capite vos consulam. Quod de quo-  
 » quæ censueritis , fiet. Sed prius in ejus  
 » locum virum fortem ac frenuum novum

*Dummodo*  
*novus se-*  
*natus co-*  
*optetur.*

U. e. 536.  
a. C. 216.

» senatorem cooptabitis, quam de noxio sup-  
» plicium fumatur. » Inde confedit, &, no-  
minibus in urnam coniectis, citari, quod pri-  
mum forte nomen excidit, ipsumque e curia  
produci iussit. Ubi auditum est nomen, ma-  
lum & inprobum pro se quisque clamare,  
& supplicio dignum. Tum Pacuvius, « Video,  
» quæ de hoc sententia sit data. Eligite pro  
» malo atque improbo bonum senatorem &  
» justum (b). Primo silentium erat inopia  
potioris subijciundi; deinde, quum aliquis,  
omissa verecundia, quempiam nominasset,  
multo major extemplo clamor oriebatur,  
quum alii negarent nosse; alii nunc probra,  
nunc humilitatem fordidamque inopiam, &  
pudendæ artis aut quæstus genus, objice-  
rent. Hoc multo magis in secundo ac tertio  
citato senatore est factum (c): ut ipsius  
poenitere homines adpareret; quem autem in  
ejus substituerent locum, deesse: quia nec  
eosdem nominari adtinebat, nihil aliud quam

*Hæret po-  
pulus in  
novis eli-  
gendis se-  
natoribus;*

(b) *Video, quæ sententia de hoc sit data. Ejicitur  
pro malo atque improbo. Bonum senatorem & justum  
eligite. Gron. Video, quæ sententia de hoc sit data.  
Ejicitur. Pro -- justum eligite. Crev.*

(c) *factum est Gron. Crev.*

ad audienda probra nominatos, & multo humiliores obscurioresque ceteri erant eis, qui primi memoriæ obcurrerant. Ita dilabi homines, notissimum quodque malum maxime tolerabile dicentes esse, jubentesque senatum ex custodia dimitti.

*U. c. 536.  
a. C. 216.*

*Senatus  
liberatur.*

IV. Hoc modo Pacuvius quum obnoxium vitæ beneficio senatum multo sibi magis, quam plebi, fecisset, sine armis, jam omnibus concedentibus, dominabatur. Hinc fenatores, omiſſa dignitatis libertatisque memoria, plebem adulari, salutare, benigne invitare, adparatis accipere epulis: eas causas suscipere, ei semper parti adesse, secundum eam, litem iudices dare, quæ magis popularis aptiorque in vulgus favori conciliando esset. Jam vero nihil in senatu actum aliter, quam si plebis ibi esset concilium. Prona semper civitas in luxuriam, non ingeniorum modo vitio, sed adfluente copia voluptatum, & inlecebris omnis amœnitatis maritimæ terrestriſque; tum vero ita obsequio principum & licentia plebei lascivire, ut nec libidini nec sumtibus modus esset. Ad contemptum legum, magistratuum, senatus, accessit tum, post Cannensem cladem, ut, cujus

*U. c. 536.* aliqua erat verecundia, Romanum quoque  
*a. C. 216.* imperium spernerent. Id modo erat in mora,  
 ne extemplo deficerent, quod connubium ve-  
 tuustum multas familias claras ac potentes Ro-  
 manis miscuerat : & quod, quum militarent  
 aliquot apud Romanos, maximum vinculum  
 erant trecenti equites, nobilissimus quisque  
 Campanorum, in præsidia Sicularum urbium  
 delecti ab Romanis ac missi.

*Legati  
 Campano-  
 rum ad  
 Cos. Rom.*

V. HORUM parentes cognatique ægre per-  
 vicerunt, ut legati ad consulem Romanum  
 mitterentur. Ii, nondum Canusium profectum,  
 sed Venusiæ cum paucis ac semiermibus con-  
 sulem invenerunt, quam poterat maxime mi-  
 serabilem bonis fociis ; superbis atque infi-  
 delibus, ut erant Campani, spernendum. Et  
 auxit rerum suarum sui que contemptum consul  
 nimis detegendo cladem nudandoque. Nam  
 quum legati, ægre ferre senatum populumque  
 Campanum, adversi quidquam evenisse Ro-  
 manis, nunciaissent, pollicerenturque omnia,  
*Responsum* quæ ad bellum opus essent; « Morem magis  
*consulis.* » [inquit] (d) loquendi cum fociis servastis  
 » Campani, jubentes, quæ opus essent ad  
 » bellum, imperare, quam convenienter ad

(d) *Morem*, inquit, *magis* Gron. Crev.

» præsentem fortunæ nostræ statum locuti *U. c. 536.*  
 » estis. Quid enim nobis ad Cannas relictum *a. C. 216.*  
 » est, ut, quasi aliquid habeamus, id, quod  
 » deest, expleri ab fociis velimus? Pedites  
 » vobis imperemus, tamquam equites habea-  
 » mus? Pecuniam deesse dicamus, tamquam  
 » ea tantum desit? Nihil, ne quod supplere-  
 » mus quidem, nobis reliquit fortuna. Legio-  
 » nes, equitatus, arma, signa, equi virique,  
 » pecunia, commeatus, aut in acie, aut binis  
 » postero die amissis castris perierunt. Itaque  
 » non juvetis nos in bello oportet, Campani,  
 » sed pene bellum pro nobis suscipiatis. Ve-  
 » niat in mentem, ut trepidos quondam ma-  
 » jores vestros intra mœnia compulso, nec  
 » Samnitem modo hostem, sed etiam Sidici-  
 » num paventes, receptos in fidem apud Sa-  
 » ticulam defenderimus, coeptumque propter  
 » vos cum Samnitibus bellum per centum  
 » prope annos, variante fortuna eventum,  
 » tulerimus. Adjicite ad hæc, quod fœdus  
 » æquum deditis, quod leges vestras, quod  
 » ad extremum ( id quod ante Cannensem  
 » certe cladem maximum fuit ) civitatem  
 » nostram magnæ parti vestrum dedimus,  
 » communicavimusque vobiscum. Itaque com-

*U. c. 536.*  
*a. C. 216.*

» munem vos hanc cladem, quæ accepta est,  
» credere, Campani, oportet, communem  
» patriam tuendam arbitrari esse. Non cum  
» Samnite aut Etrusco res est, ut, quod a  
» nobis ablatum sit, in Italia tamen impe-  
» rium maneat. Pœnus hostis, ne Africæ  
» quidem indigenam, ab ultimis terrarum  
» oris, freto Oceani Herculisque columnis,  
» expertem omnis juris & conditionis &  
» linguæ prope humanæ, militem trahit. Hunc,  
» natura & moribus inmitem ferumque, in-  
» super dux ipse efferavit, pontibus ac mo-  
» libus ex humanorum corporum strue facien-  
» dis, & (quod proloqui etiam piget) vesci  
» humanis corporibus docendo. Hos, infan-  
» dis pastos epulis, quos contingere etiam  
» nefas sit, videre atque habere dominos,  
» & ex Africa & a Carthagine jura petere,  
» & Italiam Numidarum ac Maurorum pati  
» provinciam esse, cui non, genito modo in  
» Italia, detestabile sit? Pulchrum erit,  
» Campani, prolapsam clade Romanum im-  
» perium vestra fide, vestris viribus reten-  
» tum ac recuperatum esse. Triginta millia  
» peditum, quatuor equitum arbitror ex Cam-  
» pania scribi posse. Jam pecuniæ adfatim est

» frumentique. Si parem fortunæ vestræ fidem *U. c. 536.*  
 » habetis, nec Hannibal se vicisse, sentiet, *a. C. 216.*  
 » nec Romani victos esse.»

VI. HAC oratione consulis dimissis redeun-  
 tibusque domum legatis, unus ex iis, Vibius  
 Virrius, (e) « Tempus venisse, [ait] quo  
 » Campani non agrum solum, ab Romanis  
 » quondam per injuriam ademptum, recupe-  
 » rare, sed imperio etiam Italiæ potiri pos-  
 » sint. Fœdus enim cum Hannibale, quibus  
 » velint legibus, facturos. Neque controver-  
 » siam fore, quin, quum ipse confecto bello  
 » Hannibal victor in Africam decedat, exer-  
 » citumque deportet, Italiæ imperium Cam-  
 » panis relinquatur.» Hæc Virrio loquenti ad-  
 fensi omnes, ita renunciant legationem, uti  
 deletum omnibus videretur nomen Romanum.

Extemplo plebes ad defectionem ac pars ma-  
 jor senatus spectare. Extracta tamen, auctori-  
 tatibus seniorum, per paucos dies est res: *Campani  
 ad defec-  
 tionem  
 spectant.*  
 postremo vicit sententia plurium, ut iidem  
 legati, qui ad consulem Romanum ierant,  
 ad Hannibalem mitterentur. Quo priusquam  
 iretur, certumque defectionis consilium esset,  
 Romam legatos missos a Campanis, in qui-

(e) *Virius Gron. Crev.*

*U. c. 536.  
a. C. 216.*

busdam annalibus invenio, postulantes, ut alter consul Campanus fieret, si rem Romanam adjuvari vellent. Indignatione orta, submoveri a curia iussos esse: missumque lectorem, qui ex urbe educeret eos, atque eo die manere extra fines Romanos juberet. Quia nimis compar Latinorum quondam postulatio erat, Coeliusque & alii id haud sine causa prætermiserant scriptores, ponere pro certo sum veritus.

*Deficiunt  
ad Hanni-  
balem.*

VII. LEGATI ad Hannibalem venerunt; pacemque cum eo conditionibus fecerunt: « Ne quis imperator magistratusve Pœnorum » jus ullum in civem Campanum haberet, neve » civis Campanus invitus militaret, munusve » faceret. Ut suæ leges, sui magistratus Capuæ » essent. Ut trecentos ex Romanis captivis Pœ- » nus daret Campanis, quos ipsi elegissent; cum » quibus equitum Campanorum, qui in Sici- » lia stipendia facerent, permutatio fieret. » Hæc pacta: illa insuper, quam quæ pacta erant, facinora Campani ediderunt. Nam præfectos socium civesque Romanos alios, partim aliquo militiæ munere occupatos, partim privatis negotiis implicitos, plebs repente omnes comprehensos, velut custodiæ causa,



caussa, balneis includi iussit : ubi, fervore  
 atque æstu anima interclusa, foedum in mo-  
 dum exspirarent. Ea ne fierent, neu legatio  
 mitteretur ad Pœnum, summa ope Decius  
 Magius, vir cui ad summam auctoritatem  
 nihil, præter sanam civium mentem, defuit,  
 restiterat. Ut vero præsidium mitti ab Han-  
 nibale audivit, Pyrrhi superbam dominatio-  
 nem, miserabilemque Tarentinorum servitu-  
 tem, exempla referens, primo, ne recipere-  
 tur præsidium, palam vociferatus est : deinde,  
 ut receptum aut ejiceretur, aut, si malum  
 facinus, quod a vetustissimis fociis consan-  
 guineisque defecissent, forti ac memorabili  
 facinore purgare vellent, ut, interfecto Pu-  
 nico præsidio, restituerent se Romanis. Hæc  
 (neque enim occulte agebantur) quum re-  
 lata Hannibali essent, primo misit, qui vo-  
 carent Magium ad sese in castra : deinde,  
 quum is ferociter negasset se iturum (nec  
 enim Hannibali jus esse in civem Campanum)  
 concitatus ira Pœnus, comprehendi hominem,  
 vinctumque adtrahi ad se iussit. Veritus de-  
 inde, ne quid inter vim tumultus, atque ex  
 concitatione animorum inconsulti certaminis  
 oriretur, ipse, præmisso nuncio ad Marium

*U. c. 536.  
 a. C. 216.*

*Decius  
 Magius  
 adversatur  
 Pœnis.*

*Vocatus  
 ab Hanni-  
 bale negat  
 se iturum.*

U. c. 536.  
a. C. 216

Decii Ma-  
gii con-  
stantia,

Blosium prætorem Campanum, postero die se Capuæ futurum, proficiscitur e castris cum modico præsidio. Marius concione advocata edicit, ut frequentes cum conjugibus ac liberis obviam irent Hannibali. Ab universis id non obedienter modo, sed enise, favore etiam vulgi, & studio visendi tot jam victoriis clarum imperatorem factum est. Decius Magius nec obviam egressus est, nec, quo timorem aliquem ex conscientia significare posset, privatim se tenuit: in foro cum filio clientibusque paucis otiose inambulavit, trepidante tota civitate ad excipiendum Pœnum visendumque. Hannibal, ingressus urbem, senatum extemplo postulat, precantibusque inde primoribus Campanorum, ne quid eo die feriæ rei gereret, diemque ut ipse adventu suo festum lætus ac libens celebraret; quamquam præceps ingenio in iram erat, tamen, ne quid in principio negaret, visenda urbe magnam diei partem consumsit.

VIII. DEVERSATUS (f) est apud Ninnios (g) Celeres, Stenium Pacuviumque, inclitos nobilitate ac divitiis. Eo Pacuvius Cala-

(f) *Diversatus* Gron. Crev.

(g) *Minios* Gron. Crev.

vius, de quo ante dictum est, princeps fac-  
 tionis ejus; quæ traxerat rem ad Pœnos, *U. c. 536.*  
*a. C. 216.*  
 filium juvenem adduxit, abstractum abs De-  
 cii Magii latere; cum quo ferocissime pro  
 Romana societate adversus Punicum fœdus  
 steterat; nec eum aut inclinata in partem  
 alteram civitas, aut patria majestas sententia  
 depulerat. Huic tum pater juveni Hanniba-  
 lem deprecando magis, quam purgando,  
 placavit; victusque patris precibus lacri-  
 misque etiam ad cœnam eum cum patre  
 vocari jussit: cui convivio neminem Cam-  
 panum; præterquam hospites; Jubellium-  
 que Taureanum, insignem bello virum, adhibi-  
 turus erat. Cœperunt epulari de die, & convi-  
 vium non ex more Punico, aut militari disci-  
 plina esse: sed, ut in civitate atque etiam  
 domo luxuriosa, omnibus voluptatium inle-  
 cebris instructum. Unus nec dominorum in-  
 vitatione, nec ipsius interdum Hannibalis;  
 Calavii filius Perolla vinci potuit; ipse vale-  
 tudinem excusans, patre animi quoque ejus  
 haud mirabilem interturbationem caussante.  
 Solis ferme occasu patrem Calavium, ex  
 convivio egressum, secutus filius, ubi in  
 secretum (hortus erat posticis ædium partibus)

U. c. 536.  
a. C. 216.

*Ferolla  
occisurus  
Hanniba-  
lem rem  
significat  
Patri.*

pervenerunt, « Consilium, [inquit] adfero;  
» pater, quo non veniam solum peccati, quod  
» (h) defecimus ad Hannibalem, inpetraturi  
» ab Romanis, sed in multo maiore dignitate  
» & gratia simus Campani, quam umquam  
» fuimus. » Quum mirabundus pater, « quid-  
» nam id esset consilii, » quæreret; toga  
rejecta ab humero, latus subcinctum gladio  
nudat: « Jam ego, [inquit] sanguine Han-  
» nibalis fanciam Romanum foedus. Te id  
» prius scire volui, si forte abesse, dum fa-  
» cinus patratur, malles. »

*Dehorta-  
tur eum  
pater.*

IX. QUÆ ubi vidit audivitque senex;  
velut si jam agendis, quæ audiebat, interes-  
set, amens, metu, « Per ego te, [inquit]  
» fili, quæcumque jura liberos jungunt pa-  
» rentibus, precor quæsoque, ne ante oculos  
» patris facere & pati omnia infanda velis.  
» Paucae horæ sunt, intra quas jurantes per  
» quidquid Deorum est, dextræ dextras jun-  
» gentes, fidem obstrinximus, ut sacratas  
» fide manus, (i) digressi ab conloquio, ex-  
» templo in eum armaremus? Ab hospitali

(h) quo Gron. Crev.

(i) ut sacratis de mensis essemus: - - - armare-  
mur? Gron.

» mensa surgis, (k) ad quam tertius Cam-  
 » panorum adhibitus es ab Hannibale, ut eam  
 » ipsam mensam cruentares hospitis sanguine?  
 » Hannibalem pater filio meo potui placare,  
 » filium Hannibali non possum? Sed sit nihil  
 » sancti, non fides, non religio, non pietas:  
 » audeantur infanda, si non perniciem nobis  
 » cum scelere adferunt. Unus adgressurus es  
 » Hannibalem? quid illa turba tot liberorum  
 » fervorumque? quid in unum intenti omnium  
 » oculi? quid tot dextræ? torpescantne in  
 » amentia illa? Vultum ipsius Hannibalis,  
 » quem armati exercitus sustinere nequeunt,  
 » quem horret populus Romanus, tu sustine-  
 » bis? Et, alia auxilia desint, me ipsum ferire,  
 » corpus meum obponentem pro corpore Han-  
 » nibalis, sustinebis? Atqui per meum pectus  
 » petendus ille tibi transfigendusque est. De-  
 » terreri hic sine te potius, quam illic vinci.  
 » Valeant preces apud te meæ, sicut pro te  
 » hodie valuerunt.» Lacrimantem inde juve-

U. c. 535.  
 a. C. 216.

*Patri cedis  
 Perolla.*

(k) *Surgis ab h. m. Gron. Crev. paullo post:  
 adhibitus ab Annibale es.*

*U. c. 536.* daret, nihil facturum tale. Tum juvenis;  
*a. C. 216.*

« Ego quidem, [inquit] quam patriæ debeo,  
 » pietatem exsolvam patri. Tuam doleo vi-  
 » cem, cui ter proditæ patriæ sustinendum  
 » est crimen; semel, quum defectionis ab  
 » Romanis; iterum, quum pacis cum Hanni-  
 » bale fuisti auctor; tertio hodie, quum ressi-  
 » tuendæ Romanis Capuæ mora atque inpe-  
 » dimentum es. Tu, patria, ferrum, quo  
 » pro te armatus hanc arcem defendere vole-  
 » bam, hosti minime parcens, quando parens  
 » extorquet, recipe. » Hæc quum dixisset,  
 gladium in publicum trans maceriam horti  
 abjecit: &, quo minus res suspecta esset,  
 se ipse convivio reddidit.

*Hannibal  
 Dec. Ma-  
 gium sibi  
 dedi postu-  
 lat.*

X. POSTERO die senatus frequens datus  
 Hannibali. Ubi prima ejus oratio perblanda  
 ac benigna fuit, qua gratias egit Campanis,  
 quod amicitiam suam Romanæ societati præ-  
 posuissent; & inter cetera magnifica promissa  
 pollicitus, brevi caput Italiæ omni Capuam  
 fore, juraque inde cum ceteris populis Ro-  
 manum etiam petiturum. Unum esse exfor-  
 tem Punicæ amicitiae foederisque secum facti,  
 quem neque esse Campanum, neque dici de-  
 bere, Magium Decium. Eum postulare, ut

sibi dedatur, ac se præsente de eo referatur, *U. c. 536.*  
 fenatusque consultum fiat. Omnes in eam *a. C. 216.*  
 sententiam ierunt : quamquam magnæ parti  
 & vir indignus ea calamitate, & haud parvo  
 initio minui videbatur jus libertatis. Egressus  
 curia, in templo magistratus confedit ; com-  
 prehendi que Decium Magium, atque ante  
 pedes destitutum causam dicere iussit. Qui  
 quum, manente ferocia animi, negaret lege  
 fœderis id cogi posse, tum injectæ catenæ, *Magius*  
 ducique ante lictorem in castra est iussus. *abducitur*  
 Quoad capite aperto est ductus, conciona- *in castra*  
 bundus incescit, ad circumfusam undique *Hannib.*  
 multitudinem vociferans : « Habetis liberta-  
 » tem, Campani, quam petistis. Foro medio,  
 » luce clara, videntibus vobis, nulli Cam-  
 » panorum secundus, victus ad mortem ra-  
 » pior. Quid violentius Capua capta fieret ?  
 » Ite obviam Hannibali, exornate urbem,  
 » diemque adventus ejus consecrate, ut hunc  
 » triumphum de cive vestro spectetis. »  
 Hæc vociferanti, quum moveri vulgus vide-  
 retur, obvolutum caput est, ociusque rapi  
 extra portam iussus. Ita in castra perducitur :  
 extemploque inpositus in navim, & Cartha-  
 ginem missus ; ne, motu aliquo Capuæ ex

*U. c. 536.  
a. C. 216.*

indignitate rei orto, senatum quoque pœniteret dediti principis : &, legatione missa ad repetendum eum, ne aut negando rem, quam primum peterent, offendendi sibi novi socii ; aut tribuendo, habendus Capuæ esset seditionis ac turbarum auctor. Navem Cyrenas detulit tempestas, quæ tum in ditione regum erant. Ibi quum Magius ad statuam Ptolomæi régis confugisset, deportatus a custodibus Alexandriam ad Ptolomæum, quum eum docuisset, contra jus fœderis vinctum se ab Hannibale esse, vinculis liberatur ; permissumque, ut rediret, seu Romam, seu Capuam mallet. « Nec Magius Capuam sibi tutam » dicere ; & Romam eo tempore, quo inter » Romanos Campanosque bellum fit, trans- » fugæ magis, quam hospitis, fore domici- » lium. Nusquam malle, quam in regno ejus, » vivere, quem vindicem atque auctorem » habeat libertatis. »

*Rediit a  
Delphis  
legatus  
Romanus.*

XI. Dum hæc geruntur, Q. Fabius Pictor legatus a Delphis Romam rediit, responsumque ex scripto recitavit : Divi quoque in eo erant, quibus quoque modo supplicaretur. Tum, « Si ita faxitis, Romani, vestræ res » meliores facilioresque erunt : magisque ex



» sententia respublica vestra vobis procedet, *U. c. 536.*  
 » victoriaque duelli populi Romani erit. Py- *a. C. 216.*  
 » thio Apollini, respublica vestra bene gesta  
 » servataque, lucris meritis donum mittitote,  
 » deque præda, manubiis, spoliisque hono-  
 » rem habetote : lasciviam a vobis prohibe-  
 » tote. » Hæc ubi ex Græco carmine inter-  
 » pretata recitavit, tum dixit, » se oraculo  
 » egressum extemplo his omnibus Divis rem  
 » divinam ture ac vino fecisse : jussumque ab  
 » templi antistite, sicut coronatus laurea co-  
 » rona & oraculum adisset, & rem divinam  
 » fecisset ; ita coronatum navim adscendere,  
 » nec ante deponere eam, quam Romam per-  
 » venisset. Se, quæcumque imperata sint, cum  
 » summa religione ac diligentia exsecutum :  
 » coronam Romæ in aram (1) Apollinis de-  
 » posuisse. » Senatus decrevit, ut eæ res di-  
 » vinæ supplicationesque primo quoque tem-  
 » pore cum cura fierent. Dum hæc Romæ  
 » atque in Italia geruntur, nuncius victo-  
 » riæ ad Cannas Carthaginem venerat Mago  
 » Hamilcaris filius : non ex ipsa acie a fratre  
 » missus, sed retentus aliquot dies in recipien-

*Mago Car-*  
*thaginem*  
*a fratre*  
*missus.*

(1) *ara Gron. Crev.*

*U. c. 536.  
a. C. 216.*

*Exponit  
res gestas  
ab Hanni-  
bale.*

dis civitatibus Bruttiorum, quæque (m) deficiebant. Is, quum ei senatus datus esset, res gestas in Italia a fratre exponit : « Cum » sex imperatoribus eum, quorum quatuor » consules, duo dictator ac magister equitum » fuerint, cum sex consularibus exercitibus » acie conflixisse : occidisse supra ducenta » millia hostium : supra quinquaginta millia » cepisse. Ex quatuor consulibus duos occi- » disse ; ex duobus faucium alterum, alterum, » toto exercitu amisso, vix cum quinquaginta » hominibus effugisse. Magistrum equitum, » quæ consularis potestas sit, fuscum fugatum- » que : dictatorem, quia se in aciem numquam » commiserit, unicum haberi imperatorem. » Bruttios Apulosque, partim Samnitium ac » Lucanorum defecisse ad Pœnos. Capuam, » quod caput, non Campaniæ modo, sed, » post afflictam rem Romanam Cannensi » pugna, Italiæ sit, Hannibali se tradidisse. » Pro his tantis totque victoriis, verum esse, » grates Deis immortalibus agi haberique. »

*Annuli  
aurei  
ad modum  
mensuram.*

XII. AD fidem deinde tam lætarum rerum, effundi in vestibulo curiæ iussit annulos aureos, qui tantus acervus fuit, ut, metienti-

(m) quæ deficiebant Crev.

bus dimidium super tres modios expleſſe, ſint quidam auctores. Fama tenuit, quæ propior vero eſt, haud plus fuiſſe modio. Adjecit deinde verbis, quo majoris cladis indicium eſſet, neminem, niſi equitem, atque eorum ipſorum primores, id gerere inſigne. Summa fuit orationis, « Quo propius ſpem » belli perficiendi ſit, eo magis omni ope » juvandum Hannibalem eſſe. Procul enim » ab domo militiam eſſe, in media hoſtium » terra. Magnam vim frumenti, pecuniæ, » abſumi: & tot acies, ut hoſtium exercitus » deleſſe; ita victoris etiam copias parte ali- » qua minuiſſe. Mittendum igitur ſupplemen- » tum eſſe, mittendam in ſtipendium pecu- » niam frumentumque tam bene meritis de » nomine Punico militibus. » Secundum hæc dicta Magonis lætis omnibus, Himilco, vir factionis Barcinæ, locum Hannonis increpandi eſſe ratus, « Quid eſt, Hanno? [inquit.] Etiam nunc pœnitet belli ſuſcepti » adverſus Romanos? Jube dedi Hannibalem: » veta in tam proſperis rebus grates Diis in- » mortalibus agi. Audiamus Romanum ſenatorem in Carthaginienſium curia. » Tum Hanno: « Tacuiſſem hodie, Patres conſcripti,

*U. c. 536.  
a. C. 216.*

*Hanno-  
nem incre-  
pat Himil-  
co.*

*Oratio  
Hannonis  
de Hanni-  
bale.*

U. c. 536. » ne quid in communi omnium gaudio, mi-  
 a. C. 216, » nus lætum quod esset vobis, loquerer.  
 » Nunc interroganti fenatori, pœniteatne me  
 » adhuc suscepti adversus Romanos belli, si  
 » reticeam, aut superbus, aut obnoxius vi-  
 » dear : quorum alterum est hominis alienæ  
 » libertatis obliti; alterum suæ. Respondeam  
 » igitur Himilconi, non desisse pœnitere me  
 » belli, neque desitutum ante invictum vestrum  
 (n) imperatorem incusare, quam finitum ali-  
 » qua tolerabili conditione bellum videro :  
 » nec mihi pacis antiquæ desiderium ulla alia  
 » res, quam pax nova finiet. Itaque ista,  
 » quæ modo Mago jactavit, Himilconi cete-  
 » risque Hannibalis satellitibus jam læta sunt.  
 » Mihi possunt læta esse, quia res bello bene  
 » gestæ, si volumus fortuna uti, pacem no-  
 » bis æquiores dabunt. Nam si prætermitti-  
 » mus hoc tempus, quo magis dare, quam  
 » accipere, possumus videri pacem, vereor,  
 » ne hæc quoque lætitia luxuriet nobis, ac  
 » vana evadat. Quæ tamen nunc quoque qua-  
 » lis est? Occidi exercitus hostium : mittite  
 » milites mihi. Quid aliud rogares, si esses  
 » victus? Hostium cepi bina castra, prædæ

(n) nostrum Gron.

» videlicet plena & commeatum : frumen-  
 » tum & pecuniam date. Quid aliud, si spo-  
 » liatus, si exutus castris esses, peteres? Et,  
 » ne omnia ipse mirer, (mihi quoque enim,  
 » quoniam respondi Himilconi, interrogare  
 » jus fasque est) velim seu Himilco, seu  
 » Mago respondeat; quum ad internecionem  
 » Romani imperii pugnatum ad Cannas sit,  
 » constetque in defectione totam Italiam esse;  
 » primum ecquis Latini nominis populus de-  
 » fecerit ad nos? deinde ecquis homo, ex  
 » quinque & triginta tribubus, ad Hanniba-  
 » lem transfugerit?» Quum utrumque Mago  
 » negasset: «Hostium quidem ergo, [inquit]  
 » adhuc nimis multum superest. Sed, multi-  
 » tudo ea quid animorum, quidve spei habeat,  
 » scire velim.»

U. c. 536.  
 a. C. 216.

*Discepta-  
 tio cum  
 Magone.*

XIII. QUUM, id nescire, Mago diceret;  
 » Nihil facilius scitu est, [inquit.] Ecquos  
 » legatos ad Hannibalem Romani miserunt de  
 » pace? Ecquam denique mentionem pacis  
 » Romæ factam esse, adlatum ad vos est?»  
 Quum id quoque negasset, «Bellum igitur,  
 » [inquit] tam integrum habemus, quam ha-  
 » buimus, qua die Hannibal in Italiam est  
 » transgressus. Quam varia victoria prioro

*U. c. 536.* » Punico bello fuerit, plerique, qui memi-  
*a. C. 216.* » nerimus, supersumus. Numquam terra ma-  
 » rique magis prosperæ res nostræ visæ sunt,  
 » quam ante consules C. Lutatium & A. Po-  
 » stumium fuerunt. Lutatio & Postumio con-  
 » sulibus, devicti ad Ægates insulas sumus.  
 » Quod si (id quod Dii omen avertant) nunc  
 » quoque fortuna aliquid variaverit; tum  
 » pacem speratis, quum vincemur, quam nunc,  
 » quum vincimus, dat nemo? Ergo, si quis  
 » de pace consulat, seu deferenda hostibus,  
 » seu accipienda, habeo, quid sententiæ di-  
 » cam: si de iis, quæ Magos postulat, refer-  
 » tis, nec victoribus mitti adtinere puto, &  
 » frustrantibus nos falsa atque inani spe multo  
 » minus censeo mittenda esse. » Haud multos  
 movit Hannonis oratio. Nam & similtas cum  
 familia Barcina leviolem auctorem faciebat;  
 & occupati animi præfenti lætitia, nihil,  
 quò vanius fieret gaudium fuum; auribus  
 admittebant: debellatumque mox fore, si  
 adniti paullulum voluiffent, rebantur. Itaque  
 ingenti confenfu fit fenatusconfultum, ut  
 Hannibali quatuor Numidarum millia in fup-  
 plementum mitterentur, & quadraginta ele-  
 phanti, & argenti multa talenta. Dictatorque

cum Magone in Hispaniam præmissus est, ad *U. c. 536.*  
 conducenda viginti millia peditum, quatuor *a. C. 216.*  
 equitum, quibus exercitus, qui in Italia,  
 quique in Hispania erant, supplerentur.

XIV. CETERUM hæc, ut in secundis rebus, *Romani*  
 segniter otioseque gesta. Romanos, præter *inpigre*  
 insitam industriam animis, fortuna etiam *bellum ad-*  
*parant.*  
 cunctari prohibebat. Nam nec consul ulli rei,  
 quæ per eum agenda esset, deerat: & dicta-  
 tor M. Junius Pera, rebus divinis perfectis,  
 latoque, ut solet, ad populum, ut equum  
 descendere liceret, præter duas urbanas legio-  
 nes, quæ principio anni a consulibus con-  
 scriptæ fuerant, & fervorum delectum, co-  
 hortisque ex agro Piceno & Gallico conlec-  
 tas, ad ultimum prope desperatæ reipublicæ  
 auxilium, quum honesta utilibus cedunt,  
 descendit, edixitque: « Qui capitalem frau-  
 » dem ausi, quique pecuniæ judicati in vine-  
 » culis essent, qui eorum apud se milites  
 » fierent, eos noxa pecuniaque sese exsolvi  
 » jussurum. » Ea sex millia hominum Gallicis  
 spoliis, quæ triumpho C. Flamini translatæ  
 erant, armavit. Itaque cum viginti quinque  
 millibus armatorum ab urbe proficiscitur.  
 Hannibal, Capua recepta, quum iterum Nea-

*U. c. 536.  
a. C. 216.*

*Hannibal  
Neapolim  
frustra  
tentat.*

politianorum animos, partim spe, partim metu, nequidquam tentasset, in agrum Nolanum exercitum traducit: & ut non hostiliter statim, quia non desperabat voluntariam deditionem; ita, si morarentur spem, nihil eorum, quæ pati aut timere possent, prætermitturus. Senatus, ac maxime primores ejus, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, & patienda in obsidione multa gravia indignaque proponere animo. Neque auctores defectionis deerant. Itaque ubi senatum metus cepit, si propalam tenderent, resisti multitudini concitatæ non posse; clam simulando dilationem mali inveniunt: placere enim sibi defectionem ad Hannibalem simulant: quibus autem conditionibus in foedus amicitiamque novam transeant, parum constare. Ita spatio sumto, legatos propere ad prætorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res: agrum Hannibalis esse & Poenorum, urbem extemplo futuram, ni subveniat. Concedendo plebei senatum, ubi velint, defecturos se, ne deficere

præ-



præfestinarent, effecisse. Marcellus, conlaudatis Nolanis, eadem simulatione extrahi rem in suum adventum iussit: interim celari, quæ secum acta essent, spemque omnem auxilii Romani. Ipse a Casilino Calatiam petit: atque inde, Vulturno amni (o) trajecto, perque agrum Saticulanum Trebullanumque (p) super Sueffulam per montes Nola pervenit.

XV. SUB adventum prætoris Romani Pœnus agro Nolano excessit, & ad mare proxime Neapolim descendit, cupidus maritimi oppidi potiundi, quo cursus navibus tutus ex Africa esset. Ceterum, postquam Neapolim a præfecto Romano teneri accepit, (M. Junius Silanus erat, ab ipsis Neapolitanis ad-citus) Neapoli quoque, sicut Nola, ommissa, (q) petit Nuceriam. Eam quum aliquamdiu circumfedisset, sæpe vi, sæpe sollicitandis nequidquam nunc plebe nunc principibus, fame demum in deditionem accepit, pactus, ut inermes cum singulis abirent vestimentis. Deinde, ut qui a principio mitis omnibus

U. c. 536.  
a. C. 216.

*Hannibal  
Nuceriam  
capit.*

(o) *amne Gron. Crev.*

(p) *Trebianumque Crev.*

(q) *Neapolim quoque, sicut Nola, non admissus Gron.*

Tom. V.

C

*U. c. 536.  
a. C. 216.*

Italicis , præter Romanos , videri vellet , præmia atque honores , qui remanerent , ac militare secum voluissent proposuit. Nec ea spe quemquam tenuit. Dilapsi omnes , quocumque hospitia aut fortuitus animi inpetus tulit , per Campaniæ urbes , maxime Nola Neapolimque. Quum ferme triginta senatores , ac forte primus quisque , Capuam petissent ; exclusi inde , quod portas Hannibali clausissent , Cumas se contulerunt. Nuceriæ præda militi data est , urbs direpta atque incensa. Nola Marcellus non sui magis fiducia præfidii , quam voluntate principum , habebat. Plebes timebatur , & ante omnes L. Bantius , quem consensus attentatæ defectionis , ac metus a prætore Romano , nunc ad proditorem patriæ , nunc , si ad id fortuna defuisset , ad transfugiendum stimulabat. Erat juvenis acer , & sociorum ea tempestate prope nobilissimus eques. Seminecem eum ad Cannas in acervo cæforum corporum inventum , curatumque benigne , etiam cum donis Hannibal domum remiserat. Ob ejus gratiam meriti rem Nolanam in jus ditionemque dare voluerat Pœno : anxiumque eum & sollicitum cura novandi res prætor cernebat. Ceterum ,

*Bantius  
Nolanus  
propensus  
in Hanni-  
balem.*

quum aut pœna cohibendus esset, aut beneficio conciliandus, sibi adsumisse, quam hosti ademisse, fortem ac strenuum maluit socium, adcirumque ad se benigne adpellat: « Multos eum invidos inter populares habere; » inde existimatu facile esse, quod nemo » civis Nolanus sibi indicaverit, quam multa » ejus egregia facinora militaria essent. Sed, » qui in Romanis militaverit castris, non » posse obscuram ejus virtutem esse. Multos » sibi, qui cum eo stipendia fecerint, referre; » qui vir esset ille, quæque & quoties pericula pro salute ac dignitate populi Romani » adisset: utique Cannensi proelio non prius » pugna abstiterit, quam prope exsanguis » ruina superincidentium virorum, equorum, » armorumque sit obpressus. Itaque maxime » virtute esto, [inquit]. Apud me tibi omnis » honos atque omne præmium erit: & » quo frequentior mecum fueris, senties eam » rem tibi dignitati atque emolumento esse. » Lætoque juveni promissis equum eximium dono dat, bigatosque quingentos quæstorem numerare jubet: lictoribus imperat, ut eum se adire, quoties velit, patiantur.

U. c. 536.  
a. C. 216.

U. c. 536.

a. C. 216.

*Hannibal  
ad Nolam.*

XVI. HAC comitate Marcelli ferocis juvenis animus adeo est mollitus, ut nemo inde sociorum rem Romanam fortius ac fidelius juverit. Quum Hannibal ad portas esset, (Nolam enim rursus a Nuceria moverat castra) plebesque Nolana de integro ad defectionem spectaret, Marcellus sub adventum hostium intra muros se recepit; non castris metuens, sed ne prodendæ urbis occasionem nimis multis in eam imminentibus daret. Instrui deinde utrimque acies cœptæ, Romanorum promœnibus Nolæ, Pœnorum ante castra sua. Prœlia hinc parva inter urbem castraque, & vario eventu fiebant: quia duces nec prohibere paucos temere provocantes (r), nec dare signum universæ pugnæ volebant. In hac cotidiana duorum exercituum statione principes Nolanorum nunciant Marcello, « Nocturna colloquia inter plebem ac Pœ-  
» nos fieri; statutumque esse, ut, quum Ro-  
» mana acies egressa portis iret (s), inpe-  
» dimenta eorum ac sarcinas diriperent, clau-  
» derent deinde portas, murosque occupa-  
» rent, ut, potentes rerum suarum atque ur-

(r) rogantes Gron. Crev.

(s) foret Gron.

» his, Pœnum inde pro Romano acciperent. » *U. c. 536.*  
 Hæc ubi nunciata sunt Marcello, conlaudatis *a. C. 216.*  
 fenatoribus Nolanis, priusquam aliquis mo- *Marcellus*  
 tus intus oriretur, fortunam pugnae experiri *se prælio*  
 statuit. Ad tres portas in hostes versas tri- *parat.*  
 partito exercitum instruxit : impedimenta sub-  
 sequi iussit : calones lixasque & invalidos  
 milites vallum ferre. Media porta robora le-  
 gionum & Romanos equites, duabus circa  
 portis novos milites levemque armaturam ac  
 fociorum equites statuit. Nolani muros por-  
 tasque adire vetiti; subsidiaque destinata in-  
 pedimentis data, ne, occupatis proelio legio-  
 nibus, in ea inpetus fieret. Ita instructi intra  
 portas stabant. Hannibali, sub signis (id quod  
 per aliquot dies fecerat) ad multum diei in  
 acie stanti, primo miraculo esse, quod nec  
 exercitus Romanus porta egrederetur, nec  
 armatus quisquam in muris esset. Ratus de-  
 inde prodita conloquia esse, metuque resides  
 factos, partem militum in castra remittit,  
 iussos propere adparatum omnem obpugnandæ  
 urbis in primam aciem adferre; satis fidens,  
 si cunctantibus instaret, tumultum aliquem  
 in urbe plebem moturam. Dum in sua quis-  
 que ministeria discursu trepidat ad prima

*Hanniba-  
 lem adgre-  
 ditur.*

*U. c. 536.*  
*a. C. 216.*

signa, succeditque ad muros acies, patefacta repente porta, Marcellus signa canere, clamoremque tolli, ac pedites primum, deinde equites, quanto maximo possent inpetu, in hostem erumpere jubet. Satis terroris tumultusque in aciem mediam intulerant, quum duabus circa portis P. Valerius Flaccus & C. Aurelius legati in cornua hostium erupere. Addidere clamorem lixæ calonesque, & alia turba custodiæ inpedimentorum adposita, ut, paucitatem maxime spernentibus Pœnis, ingentis repente exercitus speciem fecerint. Vix equidem ausim adfirmare, quod quidam auctores sunt, duo millia & octingentos (t) hostium cæsos; non plus quingentos Romanum (u) amisisse. Sive tanta, sive minor victoria fuit, ingens eo die res, ac nescio, an maxima illo bello gesta sit: non vinci enim ab Hannibale vincentibus difficilius fuit, quam postea vincere.

*Bene rem  
 gerit.*

XVII. HANNIBAL, spe potiundæ Nolæ adempta, quum Acerras recessisset; Marcellus extemplo, clausis portis custodibusque dispositis, ne quis egrederetur, quæstionem in

(t) trecentos Gron. Crev.

(u) non plus uno Romanos amisisse Gron.

foro de iis , qui clam in conloquiis hostium fuerant , habuit : supra septuaginta damnatos proditoris securi percussit , bonaque eorum iussit publica populi Romani esse : & , summa rerum senatui tradita , cum exercitu omni profectus , supra Sueffulam castris positis confedit. Poenus , Acerras primum ad voluntariam deditionem conatus perlicere , postquam obstinatos vidit , obsidere inde atque obpugnare parat. Ceterum Acerranis plus animi , quam virium , erat. Itaque , desperata tutela urbis , ut circumvallari mœnia viderunt , priusquam continuarentur hostium opera , per intermissa munimenta neglectasque custodias silentio noctis dilapsi , per vias inviaque , qua quemque aut consilium aut error ( x ) tulit , in urbes Campaniæ , quas satis certum erat non mutasse fidem , perfugerunt. Hannibal , Acerris direptis atque incensis , quum a Casilino dictatorem Romanum legionesque novas adiri ( y ) nunciaissent , ne quis tam propinquis hostium castris Capuam quoque recurrat , exercitum ad Casilinum ducit. Casilinum eo tempore quingenti Prænestini

*U. c. 536.  
a. C. 216.*

*Acerras  
capit  
Pœnus.*

( x ) *terror Gron.*

( y ) *legionesque eminus adspici Crev.*

V. c. 536. habebant , cum paucis Romanis Latinique  
a. C. 276. nominis , quos eodem audita Cannensis cla-  
 des contulerat. Hi , non confecto Præneste  
 ad diem delectu , serius profecti domo , quum  
 Casilinum ante adversæ pugnae famam venif-  
 sent , & aliis adgregarent sese Romanis sociis-  
 que , profecti a Casilino cum satis magno  
 agmine irent ; avertit eos retro Casilinum  
 nuncius Cannensis pugnae. Ibi quum dies  
 aliquot , suspecti Campanis timentesque , ca-  
 vendis ac struendis in vicem insidiis tradu-  
 xissent , jamque de Capuæ defectione agi ,  
 accipique Hannibalem satis pro certo habue-  
 re , interfectis nocte oppidanis , partem urbis,  
 quæ cis Vulturum est , ( eo enim dividitur  
 anni ) occupavere : idque præsidium (z)  
 Casilini habebant Romani. Additur & Peru-  
 sina cohors , homines quadringenti sexaginta,  
 eodem nuncio , quo Prænestini paucos ante  
 dies , Casilinum compulsi. Et satis ferme  
 armatorum ad tam exigua mœnia , & flumine  
 altera parte cincta , tuenda erat : penuria  
 frumenti , nimium etiam ut videretur homi-  
 num , efficiebat.

(z) *præsidii Gron. Crev.*



XVIII. HANNIBAL quum jam inde haud  
 procul esset, Gætulos cum præfecto, nomine  
 Isalca, præmittit: ac primo, si fiat conlo-  
 quii copia, verbis benignis ad portas ape-  
 riendas præsidiumque accipiendum perlicere  
 jubet: si in pertinacia persistent, rem gerere  
 ac tentare, si qua parte invadere urbem pos-  
 sit. Ubi ad mœnia accessere, quia silentium  
 erat, solitudo visa; metuque concessum bar-  
 barus ratus, moliri portas & claustra refrin-  
 gere parat: quum, patefactis repente portis,  
 cohortes duæ, ad id (a) ipsum instructæ  
 intus, ingenti cum tumultu erumpunt, stra-  
 gemque hostium faciunt. Ita primis repulsis,  
 Maharbal, cum majore robore virorum mis-  
 sus, nec ipse eruptionem cohortium sustinuit.  
 Postremo Hannibal, castris ante ipsa mœnia  
 obpositis, parvam urbem parvumque præsi-  
 dium summa vi atque omnibus copiis obpu-  
 gnare parat. Ac, dum instat laceffitque, co-  
 rona undique circumdatis mœnibus, aliquot  
 milites & promptissimum quemque, e muro  
 turribusque iectos, amisit. Semel ultro erum-  
 pentes agmine elephantorum obposito prope  
 interclusit, trepidosque compulit in urbem,

U. c. 536.  
 a. C. 216.

*Casilinum*  
*Hannibal*  
*obpugnat.*

(a) *id del. Gron.*

*U. c. 536.* satis multis, ut ex tanta paucitate, interfecis.  
*a. C. 216.*

*Hannibal  
 it Capuam  
 in hiber-  
 na.*

Plures cecidissent, ni nox proelio intervenisset. Postero die omnium animi ad obpugrandum accenduntur; utique postquam corona aurea muralis proposita est, atque ipse dux, castelli, plano loco positi, segnem obpugnationem Sagunti expugnatoribus exprobrabat, Cannarum Trasimenique & Trebiæ singulos admonens universosque. Inde vineæ quoque cœptæ agi cuniculique: nec ad varios conatus hostium aut vis ulla, aut ars deerat. Socii Romanorum propugnacula adversus vineas statuere, transversis cuniculis hostium cuniculos excipere; & palam & clam cœptis obviam ire; donec pudor etiam Hannibalem ab incepto avertit: castrisque communitis, ac præsidio modico inposito, ne omiſſa res videretur, in hiberna Capuam concessit. Ibi partem majorem hiemis exercitum in rectis habuit, adversus omnia humana mala sæpe ac diu duratum (b), bonis inexpertum atque insuetum. Itaque, quos nulla mali vicerat vis, perdidere nimia bona ac voluptates inmodicæ; & eo inpenſius, quo avidius ex insolentia in eas se merſerant. Somnus enim, &

(b) *durantem Gron. Crev.*

vinum, & epulæ, & scorta, balineaque, & otium, consuetudine in dies blandius, ita enervaverunt corpora animosque, ut magis deinde præteritæ victoriæ eos (c), quam præsentis tutarentur vires; majusque id peccatum ducis apud peritos artium militarium haberetur, quam quod non cum Cannensi acie protinus ad urbem Romanam duxisset. Illa enim cunctatio distulisse modo victoriam videri potuit; hic error vires ademisse ad vincendum. Itaque, Hercule, velut si cum alio exercitu a Capua exiret, nihil usquam pristinae disciplinæ tenuit. Nam & redierunt plerique scortis impliciti: &, ubi primum sub pellibus haberi coepti sunt, viaque & alius militaris labor excepit, tironum modo, corporibus animisque deficiebant: & deinde per omne æstivorum tempus magna pars sine com meatibus ab ignis dilabebantur: neque aliæ latebræ, quam Capua, desertoribus erant.

XIX. CETERUM, mitescente jam hieme, educto ex hibernis milite, Casilinum redit. Ubi, quamquam ab obpugnatione cessatum erat, obsidio tamen continuata oppidanos præsidiumque ad ultimum inopiæ adduxerat.

U. c. 536.  
a. C. 216.

*Contemptur illic  
ejus exercitus.*

(c) eos victoriæ Gron. Crev.

*U. c. 536.*  
*a. C. 216.*

Castris Romanis Ti. Sempronius præerat, dictatore auspiciorum repetendorum causa profecto Romam. Marcellum, & ipsum cupientem ferre auxilium obsessis, & Vulturnus annis inflatus aquis, & preces Nolanorum atque Acerranorum, tenebant, Campanos timentium, si præsidium Romanum abcessisset. Gracchus, adsidens tantum Casilino, quia prædictum erat dictatoris, ne quid absente eo rei gereret, nihil movebat: quamquam, quæ facile omnem patientiam vincerent, nunciabantur a Casilino. Nam &, præcipitasse se quosdam non tolerantes famem, constabat; & stare inermes in muris, nuda corpora ad missilium telorum ictus præbentes. Ea ægre patiens Gracchus, quum neque pugnam conferere dictatoris injussu auderet, (pugnandum autem esse, si palam frumentum inportaret, videbat) neque clam inportandi spes esset, farre, ex agris circa undique convecto, quum complura dolia compleisset, nuncium ad magistratum Casilinum misit, ut exciperent dolia, quæ annis deferret. Insequenti nocte, intentis omnibus in flumen ac spem ab nuncio Romano factam, dolia medio missa anni defluerunt: æqua-

*Casilinum  
 in doliis  
 per annum  
 frumentum  
 mittitur.*

liter inter omnes frumentum divisum. Id *U. c. 536.*  
 postero quoque die ac tertio factum est. Nocte *a. C. 216.*

& mittebantur & perveniebant : eo custodias  
 hostium fallebant. Imbribus deinde continuis  
 citatior solito amnis, transverso vortice do-  
 lia inpulit ad ripam, quam hostes fervabant.  
 Ibi hærentia inter obnata ripis salicta conspi-  
 ciuntur : nunciatumque Hannibali est, &  
 deinde intentiore (d) custodia cautum, ne  
 quid falleret Vulturno ad urbem missum.  
 Nuces tamen fusæ ab Romanis castris, quum  
 medio anni ad Casilinum defluerent, cratibus  
 excipiebantur. Postremo ad id ventum inopiæ  
 est, ut lora detractasque scutis pelles, ubi  
 fervida mollissent aqua, mandere conarentur,  
 nec muribus aliove animali abstinerent, &  
 omne herbarum radicumque genus aggeribus  
 infimis muri eruerent; &, quum hostes oba-  
 rassent, quidquid herbidi terreni extra murum  
 erat, raporum semen injecerunt, ut Hanni-  
 bal, « Eone usque, dum ea nascantur, ad  
 » Casilinum sessurus sum? » exclamaret: &  
 qui nullam antea passionem auribus admise-  
 rat, tum demum agi secum est passus de re-  
 demptione liberorum capitum. Septunces auri

*Nuces  
mittuntur.*

*Horrenda  
fames.*

(d) *interiore Grop.*

U. c. 536. in singulos pretium convenit. Fide accepta;  
 a. C. 216. sese tradiderunt : donec omne aurum perso-  
*Casilinum* lutum est, in vinculis habiti : tum remissi  
*deditur* Cumas cum fide. Id verius est, quam ab  
*Hanni-* equite in abeuntes inmisso interfectos. Præ-  
*bali.* nestini maxima pars fuere. Ex quingentis  
 septuaginta, qui in præsidio fuerunt, minus  
 dimidium ferrum famesque absumsit : ceteri  
 incolumes Præneste cum prætore suo Mani-  
 cio ( scriba is antea fuerat ) redierunt. Sta-  
 tua ejus indicio fuit, Præneste in foro statu-  
 ta, loricata, amicta toga, velato capite; &  
 tria signa cum titulo lamnæ æneæ inscripto,  
 « Manicium pro militibus, qui Casilini in  
 » præsidio fuerint, votum vovisse. » Idem  
 titulus tribus signis in æde Fortunæ positus  
 fuit subjectus.

XX. CASILINUM oppidum redditum Cam-  
 panis est, firmatum septingentorum militum  
 de exercitu Hannibalis præsidio; ne, ubi  
 Pœnus inde abcessisset, Romani obpugna-  
 rent. Prænестinis militibus senatus Romanus  
 duplex stipendium & quinquennii militiæ  
 vacationem decrevit. Civitate quum dona-  
 rentur ob virtutem, non mutaverunt. Peru-  
 sinorum casus obscurior fama est; quia nec

ipforum monumento ullo est inlustratus, nec *U. c. 536.*  
 decreto Romanorum. Eodem tempore Pete- *a. C. 216.*  
 linos (e), qui uni ex Bruttiis manserant in *Petelini*  
 amicitia Romana, non Carthaginienſes mo- *Romanis*  
 do, qui regionem obtinebant, ſed Brutii *fidi.*  
 quoque ceteri, ob ſeparata ab ſe conſilia,  
 obpugnabant. Quibus (f) quum obſiſtere  
 malis nequirent Petelini, legatos Romam ad  
 præſidium petendum miſerunt. Quorum pre-  
 ces lacrimæque (in queſtus enim flebiles,  
 quum ſibimet ipſi conſulere juſſi ſunt, ſeſe  
 in veſtibus curiæ profuderunt) ingentem  
 miſericordiam Patribus ac populo moverunt.  
 Conſultique iterum a Manio Pomponio præ-  
 tore Patres, circumſpectis omnibus imperii  
 viribus, fateri coacti, nihil jam longinquis  
 fociis in ſe præſidii eſſe, redire domum,  
 fideque ad ultimum expleta, conſulere ſibi-  
 met ipſos in reliquum (g) præſenti fortuna  
 juſſerunt. Hæc poſtquam renunciata legatio  
 Petelinis eſt, tantus repente mœror pavor-  
 que ſenatum eorum cepit, ut pars profugien-  
 di, qua quiſque poſſet, ac deferendæ urbis

(e) *Petellinos.* Sic ſemper *Gron. Crev.*

(f) *quibus del. Gron.*

(g) *reliquum del. Crev.*

*U. c. 536.* auctores essent; pars, quando deserti a ve-  
*a. C. 216.* teribus fociis essent, adjungendi se ceteris  
 Bruttiis, ac per eos dedendi Hannibali. Vicit  
 tamen ea pars, quæ nihil raptim nec temere  
 agendum, consulendumque de integro cen-  
 suit. Re laxata (*h*) postero die per minorem  
 trepidationem tenuerunt (*i*) optimates, ut,  
 convectis omnibus ex agris, urbem ac mu-  
 ros firmarent.

*Status  
 rerum in  
 Sicilia,*

XXI. PER idem fere tempus literæ ex Si-  
 cilia Sardiniaque Romam adlatæ. Priores ex  
 Sicilia T. Otacilii proprætoris in senatu reci-  
 tatæ sunt: « L. Furium prætorem cum classe  
 » ex Africa Lilybæum venisse: ipsum gravi-  
 » ter faucium in discrimine ultimo vitæ esse.  
 » Militi & navalibus fociis neque stipendium,  
 » neque frumentum ad diem dari; neque,  
 » unde detur, esse. Magnopere suadere, ut  
 » quam primum ea mittantur; sibi que, si ita  
 » videatur, ex novis prætoribus successorem  
 » mittant. » Eademque ferme de stipendio  
 frumentoque ab A. Cornelio Mammula pro-  
 prætore ex Sardinia scripta. Responsum utrif-  
 que, non esse, unde mitteretur: jussique  
 ipsi

(*h*) *Relata p. d. p. m. t. re, Crev.*

(*i*) *retinuerunt Gron.*



ipſi claſſibus atque exercitiſus ſuis conſulere. *U. c. 536.  
a. C. 216.*  
T. Otacilius, ad unicum ſubſidium populi *Hiero ad-  
juvat Ro-*  
Romani Hieronem legatos quum miſiſſet, in *manos*  
ſtipendium, quanti argenti opus fuit, & ſex  
menſium frumentum accepit. Cornelio in  
Sardinia civitates ſociæ benigne contulerunt.  
Et Romæ quòque propter penuriam argenti  
triumviri menſarii, rogatione M. Minucii  
tribuni plebis, facti, L. Æmilius Papus, qui  
conſul cenſorque fuerat, & M. Atilius Re-  
gulus, qui bis conſul fuerat, & L. Scribo-  
nius Libo, qui tum tribunus plebis erat. Et  
duumviri creati, M. & C. Atilii, ædem Con-  
cordiæ, quam L. Manlius prætor voverat,  
dedicaverunt. Et tres pontifices creati, Q.  
Cæcilius Metellus, & Q. Fabius Maximus,  
& Q. Fulvius Flaccus, in locum P. Scantini  
demortui, & L. Æmilii Paulli conſulis, &  
Q. Ælii Pæti, qui ceciderant pugna Cannenſi.

XXII. QUUM cetera, quæ continuis cla-  
dibus fortuna minuerat, quantum conſiliis  
humanis adſequi poterant, Patres expleſſent;  
tandem ſe quoque & ſolitudinem curiæ,  
paucitatemque convenientium ad publicum  
conſilium reſpexerunt. Neque enim poſt L.  
Æmilium & C. Flaminium cenſores ſenatus

*U. c. 536.  
a. C. 216.*

*Delibera-  
tur de ex-  
plendo se-  
natu.*

lectus fuerat, quum tantum senatorum adver-  
sæ pugnæ, ad hoc sui quemque casus per  
quinquennium absumsissent. Quum de ea re  
Manius Pomponius prætor, dictatore post  
Casilinum amissum profecto jam ad exerci-  
tum, exposcentibus cunctis retulisset; tum  
Sp. Carvilius, quum longa oratione non so-  
lum inopiam, sed paucitatem etiam civium,  
e (k) quibus in Patres legerentur, conquestus  
esset, explendi senatus causa, & jungendi  
artius Latini nominis, pro magna re se (l)  
suadere dixit, ut ex singulis populis Latino-  
rum, binis senatoribus, si Patres Romani  
censuissent, civitas daretur, atque in demor-  
tuorum locum in senatum legerentur. Eam  
sententiam haud æquioribus animis, quam  
ipforum quondam postulatum Latinorum, Pa-  
tres audierunt: &, quum fremitus indignan-  
tium tota curia esset, & præcipue Manlius,  
(m) « esse etiam nunc stirpis ejus virum,  
» diceret, ex qua quondam in Capitolio  
» consul minatus esset, quem Latinum in cu-  
» ria vidisset, eum sua manu se interfectu-

(k) *ex Gron. Crev.*

(l) *se del. Gron. Crev.*

(m) *T. Manlius Crev.*

» rum ; » Q. Fabius Maximus, « Numquam *U. c. 536.*  
 » rei ullius alieniore tempore mentionem *a. C. 216.*  
 » factam in senatu, dixit, quam inter tam  
 » suspensos fociorum animos incertamque  
 » fidem id tactum, quod insuper sollicitaret  
 » eos. Eam unius hominis temerariam vocem  
 » silentio omnium extinguendam esse : & ,  
 » si quid umquam arcani sanctive ad silendum  
 » in curia fuerit, id omnium maxime tegan-  
 » dum, occulendum, obliviscendum, pro  
 » non dicto habendum esse. » Ita ejus rei ob-  
 » pressa mentio est. Dictatorem, qui censor *Fabius*  
 » ante fuisset, vetustissimusque ex eis, qui vi- *Buteo*  
 » verent, censoriis esset, creari placuit, qui *dictator*  
 » senatum legeret : adcirque C. Terentium con- *legendi*  
 » sulem ad dictatorem dicendum iusserunt. Qui, *senatus*  
 » quum ex Apulia, relicto ibi praesidio, magnis *caussa.*  
 » itineribus Romam redisset, nocte proxima,  
 » ut mos erat, M. Fabium Buteonem ex sena-  
 » tusconsulto sine magistro equitum dictato-  
 » rem in sex menses dixit.

XXIII. Is ubi cum lictoribus in Rostra *Dictatoris*  
 » escendit, « neque duos dictatores tempore *orationis.*  
 » uno, quod numquam antea factum esset,  
 » probare se, » dixit : « neque dictatorem se  
 » sine magistro equitum : nec censoriam vim

*U. c. 536.* »uni permissam (n), & eidem iterum : nec  
*a. C. 216.* »dictatori, nisi rei gerendæ causâ creato,  
 »in sex menses datum imperium. Quæ  
 »inmoderata fors, tempus ac necessitas fece-  
 »rint, iis se modum inpositurum. Nam ne-  
 »que senatu quemquam moturum ex iis,  
 »quos C. Flaminius, L. Æmilius censores in  
 »senatum legissent : transcribi tantum recita-  
 »rique eos iussurum; ne penes unum homi-  
 »nem iudicium arbitriumque de fama ac  
 »moribus senatoris fuerit : ita in demor-  
 »tuorum locum sublecturum, ut ordo ordi-  
 »ni, non homo homini prælatus videretur. »  
 Recitato vetere senatu, inde primos in de-  
 mortuorum locum legit, qui post L. Æmi-  
 lium & C. Flaminium censores curulem ma-  
 gistratum cepissent, necdum in senatum lecti  
 essent, ut quisque eorum primus creatus erat :  
 tum legit, qui ædiles, tribuni plebei, quæ-  
 storesve fuerant : tum ex iis, qui magistra-  
 tus non cepissent, qui spolia ex hoste fixa  
 domi haberent, aut civicam coronam acce-  
 pissent. Ita, centum septuaginta septem cum  
 ingenti adprobatione hominum in senatum  
 lectis, extemplo se magistratu abdicavit,

(n) *permissam uni Gron.*

privatusque de Rostris descendit, lictoribus abire iussis : turbæque se inmiscuit privatas agentium res, tempus hoc sedulo terens, ne deducendi sui causa populum de foro abduceret : neque tamen elanguit cura hominum ea mora, frequentesque eum domum deduxerunt. Consul nocte insequenti ad exercitum rediit, non facto certiore senatu, ne comitiorum causa in urbe retineretur.

*U. c. 536.  
a. C. 216.*

XXIV. POSTERO die consultus a Manio Pomponio prætore senatus decrevit, dictatori scribendum, uti, si e republica censeret esse, ad consules subrogandos veniret cum magistro equitum & prætore M. Marcello, ut ex iis præsentibus noscere Patres possent, quo statu respublica esset, consiliaque ex rebus caperent. Qui aditi erant, omnes venerunt, relictis legatis, qui legionibus præessent. Dictator, de se pauca ac modice locutus, in magistrum equitum, Ti. Sempronium Gracchum, magnam partem gloriæ vertit; comitiaque edixit, quibus L. Postumius tertium absens, qui tum Galliam provinciam obtinebat, & Ti. Sempronius Gracchus, qui tum magister equitum & ædilis curulis erat (o)

(o) & ædilis curilis erat leg. eo accurrerat Gron.

U. c. 536.  
a. C. 216.

confules crearentur. Prætores inde creati, M. Valerius Lævinus, Ap. Claudius Pulcher, Q. Fulvius Flaccus, Q. Mucius Scævola. Dictator, creatis magistratibus, Teanum in hiberna ad exercitum rediit, relicto magistro equitum Romæ: qui, quum post paucos dies magistratum initurus esset, de exercitibus scribendis comparandisque in annum Patres confuleret. Quum eæ res maxime agerentur, nova clades nunciata, aliam super aliam cumulante in eum annum fortuna; L. Postumius, consulem designatum, in Gallia ipsum atque exercitum deletos. Silva erat vasta, (Litanam Galli vocabant) qua exercitum traducturus erat. Ejus silvæ dextra lævaque circa viam Galli arbores ita incidérant, ut inmotæ starent, momento levi impulsæ occiderent. Legiones duas Romanas habebat Postumius, fociumque ab supero mari tantum conscripserat, ut viginti quinque millia armatorum in agros hostium induxerit. Galli oram extremæ silvæ quum circumfedisent, ubi intravit agmen saltum, tum extremas arborum succifarum inpellunt, quæ, alia in aliam, instabilem per se ac male hærentem, incidentes, ancipiti strage arma, viros, equos

*L. Postumius Cos.  
des. in  
Gallia  
cum exercitu  
deletus.*

obruerunt, ut vix decem homines effugerent. *U. c. 536.*  
 Nam quum exanimati plerique essent arborum *a. C. 216.*  
 truncis fragmentisque ramorum, ceteram  
 quoque multitudinem, inopinato malo trepi-  
 dam, Galli, saltum omnem armati circumse-  
 dentes (p), interfecerunt; paucis e tanto  
 numero captis, qui, fluminis pontem peten-  
 tes, obfesso ante ab hostibus ponte interclusi  
 sunt. Ibi Postumius, omni vi, ne caperetur,  
 dimicans obcubuit. Spolia corporis caputque  
 ducis præcisum Boii ovantes templo, quod  
 sanctissimum est apud eos, intulere. Purgato  
 inde capite, ut mos iis est, calvam auro cæ-  
 lavere: idque sacrum vas iis erat, quo sol-  
 lemnibus libarent: poculumque idem sacer-  
 doti esse, ac templi antistitibus. Præda quo-  
 que haud minor Gallis, quam victoria, fuit.  
 Nam etsi magna pars animalium strage silvæ  
 obpressa erat, tamen ceteræ res, quia nihil  
 dissipatum fuga est, stratæ per omnem jacen-  
 tis agminis ordinem inventæ sunt.

XXV. HAC nunciata clade, quum per  
 dies multos in tanto pavore fuisset civitas,  
 ut, tabernis clausis, velut nocturna solitu-  
 dine per urbem acta, senatus ædilibus nego-

(p) *circumfidentes* Gron. Crev.

*U. c. 536.*  
*a. C. 216.*

tium daret, ut urbem circumirent, aperiri-  
que tabernas, & mœstitiæ publicæ speciem  
urbi demi juberent; tum Ti. Sempronius se-  
natum habuit, consolatusque Patres est, &  
adhortatus, «ne, qui Cannensi ruinæ non  
» subcubuiſſent, ad minores calamitates ani-  
» mos submitterent. Quod ad Carthaginienſes  
» hoſtes Hannibalemque adtinet, proſpera mo-  
» do eſſent, ſicut ſperaret futura, Gallicum  
» bellum & omitti tuto & differri poſſe: ul-  
» tionemque eam fraudis in Deorum ac po-  
» puli Romani poteſtate fore. De hoſte Pœno  
» exercitibusque, per quos id bellum gerere-  
» tur, conſultandum atque agitandum.» Ipſe  
primum, quid peditum equitumque, quid  
civium, quid ſociorum in exercitu eſſet dicta-  
toris, diſſeruit. Tum Marcellus ſuarum co-  
piarum ſummam expoſuit. Quid in Apulia  
cum C. Terentio conſule eſſet, a peritis  
quæſitum eſt. Nec, unde conſulares exerci-  
tus ſatis firmi ad tantum bellum eſſiceren-  
tur, inibatur ratio. Itaque Galliam, quam  
quam ſtimulabat juſta ira, omitti eo anno  
placuit. Exercitus dictatoris conſuli decretus  
eſt. De exercitu Marcelli, qui eorum ex  
fuga Cannenſi eſſent, in Siciliam eos traduci,



atque ibi militare, donec in Italia bellum esset, placuit. Eodem ex dictatoris legionibus rejici militem minimi quemque roboris, nullo præstituto militiæ tempore, nisi qui (q) stipendiorum legitimorum esset. Duæ legiones urbanæ alteri consuli, qui in locum L. Postumii subfectus esset, decretæ sunt: eumque, quum primum salvis auspiciis posset, creari placuit. Legiones præterea duas primo quoque tempore ex Sicilia adiri; atque inde consul, cui legiones urbanæ evenissent, militum fumeret quantum opus esset. C. Terentio consuli propagari in annum imperium; neque de eo exercitu, quem ad præsidium Apuliæ haberet, quidquam minui.

XXVI. DUM hæc in Italia geruntur adparanturque, nihilo segnius in Hispania bellum erat: sed ad eam diem magis prosperum Romanis. P. & Cn. Scipionibus inter se partitis copias, ut Cnæus terra, Publius navibus rem gereret; Hasdrubal Pœnorum imperator, neutri parti virium satis fidens, procul ab hoste, intervallo ac locis tutus, tenebat se: quoad (r) multum ac diu obtestanti quatuor

*Res gestæ  
in  
Hispania.*

(q) quod Crev.

(r) quoad l. cui Gron.

*U. c. 536.*  
*a. C. 216.*

*Hasdrubal  
 adversus  
 Carpesios  
 ducit exer-  
 citum.*

millia peditum, & quingenti equites in supplementum missi ex Africa sunt. Tum, resecta tandem spe, castra propius hostem movit : classemque & ipse instrui pararique jubet, ad insulas maritimamque oram tutandam. In ipso inpetu moyendarum de integro rerum, perculit eum praefectorum navium transitio : qui, post classem ab Iberum per pavorem desertam graviter increpiti, numquam deinde satis fidi aut duci, aut Carthaginienfium rebus fuerant. Fecerant hi (s) transfugae motum in Carpesiorum (t) gente, desciverantque iis auctoribus urbes aliquot : una etiam ab ipsis vi capta fuerat. In eam gentem versum ab Romanis bellum est ; infestoque exercitu Hasdrubal ingressus agrum hostium, pro captae ante dies paucos urbis moenibus, Galbum, nobilem Carpesiorum ducem, cum valido exercitu castris sese tenentem, adgredi statuit. Praemissa igitur levi armatura, quae eliceret hostes ad certamen, peditum partem ad depopulandum per agros passim dimisit, ut palantes exciperent. Simul & ad castra tumultus erat, & per

(s) ii Gron.

(t) Tartessiorum. Sic & in seqq. Crev.

agros fugaque & cædes : deinde undique diversis itineribus quum in castra se recepissent, adeo repente decessit animis pavor , ut non ad munimenta modo defendenda satis animorum esset, sed etiam ad laceffendum hostem proelio. Erumpunt igitur agmine e castris, tripudiantes more suo; repentinaque eorum audacia terrorem hosti, paullo ante ultro laceffenti, incussit. Itaque & ipse Hasdrubal in collem satis arduum, tutum (u) flumine etiam objecto, tum copias subducit, & præmissam levem armaturam equitesque palatos eodem recipit : nec aut colli aut flumini satis fidens, vallo castra permunit. In hoc alterno pavore certamina aliquot sunt contracta : nec Numida Hispano eques par fuit; nec jaculator Maurus cætrato, velocitate pari, robore animi viriumque aliquantum præstanti.

*U. c. 536.  
a. C. 216.*

*Carpesii  
terrorem  
hostibus  
incutiunt.*

XXVII. POSTQUAM neque elicere Pœnum ad certamen obversati castris poterant, neque castrorum obpugnatio facilis erat; urbem Ascuam, (x) quo, fines hostium ingrediens, Hasdrubal frumentum commeatusque alios

(u) *tutumque Gron.*

(x) *Asenam Gron. Crev.*

*U. c. 536.* convexerat, vi capiunt, omnique circa agro  
*a. C. 216.* potiuntur. Nec jam, aut in agmine, aut in  
 castris, ullo imperio contineri. Quam ubi  
 neglegentiam ex re (ut fit) bene gesta oriri  
 fenserat Hasdrubal, cohortatus milites, ut  
 palatos sine signis hostes adgrederentur, de-  
 gressus colle, pergit ire acie instructa ad  
 castra. Quem ut adesse tumultuose nun-  
 ciavere fugientes ex speculis stationibus-  
 que (z), ad arma conclamatum est. Ut  
 quisque arma ceperat, sine imperio, sine  
 signo, incompofiti, inordinati in prælium  
 ruunt. Jam primi conseruerant (a) manus,  
 quum alii catervatim currerent, alii nondum  
 e castris exissent. Tamen primo ipsa audacia  
 terruere hostem. Deinde, rari in confertos  
 inlati, quum paucitas parum tuta esset, respi-  
 cere alii alios, & undique pulsi coire in or-  
 bem; & dum corporibus adplicantur, arma-  
 que armis jungunt, in artum compulsi, quum  
 vix movendis armis satis spatii esset, corona  
 hostium cincti, ad multum diei cæduntur.  
 Exigua pars, eruptione facta, silvas ac mon-

(z) Quem ut adesse tumultuose nuntii refugien-  
 tes ex speculis stationibusque attulere Gron. Crev.

(a) conseruerunt Gron.

tes petit : parique terrore & castra sunt deserta , & universa gens postero die in dedicationem venit. Nec diu in pacato mansit. Nam subinde ab Carthagine adlatum est , ut Hasdrubal primo quoque tempore in Italiam exercitum duceret. Quæ vulgata res per Hispaniam omnium ferme animos ad Romanos avertit. Itaque Hasdrubal extemplo literas Carthaginem mittit , indicans , quanto fama profectionis suæ damno fuisset. « Si vero inde » pergeret , priusquam Iberum transiret , Romanorum Hispaniam fore. Nam , præterquam quod nec præsidium , nec ducem haberet , quem relinqueret pro se ; eos impeditores esse Romanos , quibus vix æquis viribus resisti possit. Itaque si ulla Hispaniæ cura esset , successorem sibi cum valido exercitu mitterent : cui , ut omnia prospere evenirent , non tamen otiosam provinciam fore. »

XXVIII. HÆ literæ quamquam primo admodum moverunt senatum ; tamen , quia Italiæ cura prior potiorque erat , nihil de Hasdrubale , neque de copiis ejus mutatum est. (b) Himilco , cum exercitu justo &

U. c. 536.  
a. C. 216.

*Hasdrubal  
jubetur ducere  
exercitum in  
Italiam.*

(b) est del. Gron. Crev.

*U. c. 536.  
a. C. 216.*

*Himilco  
mittitur in  
Hispaniam.*

aucta classe ad retinendam terra marique ac tuendam Hispaniam, est missus; qui, ut pedestres navalesque copias trajecit, castris communitis, navibusque subductis & vallo circumdatis, cum equitibus delectis ipse, quantum maxime adcelerare poterat, per dubios infestosque populos juxta intentus ad Hasdrubalem pervenit. Quum decreta senatus mandataque exposuisset, atque edidicisset ipse in vicem, quemadmodum tractandum bellum in Hispania foret, retro in sua castra rediit; nulla re, quam celeritate, tutior, quod undique abierat, antequam consentirent.

*Hasdrubal  
in Italiam  
ire parat.*

Hasdrubal, priusquam moveret castra, pecunias imperat populis omnibus suæ deditio- nis, satis gnarus, Hannibalem transitus quosdam pretio mercatum: nec auxilia Gallica aliter, quam conducta, habuisse; inopem, tantum iter ingressum, vix penetraturum ad Alpes fuisse. Pecuniis igitur raptim exactis, ad Iberum descendit. Decreta Carthaginien- sium & Hasdrubalis iter ubi ad Romanos sunt perlata, omnibus omiſſis rebus, ambo duces, junctis copiis, ire obviam cœptis atque obsistere parant; rati si Hannibali, vix per se ipsi tolerando Italiæ hosti, Hasdrubal

*Scipiones  
ei obviam  
eunt.*

dux atque Hispaniensis exercitus esset junctus, *U. c. 536.*  
 illum Romani finem imperii fore. His anxii *a. C. 216:*  
 curis ad Iberum contrahunt copias; &, transito amne, quum diu consultassent, utrum castra castris conferrent, an satis haberent, fociis Carthaginensium obpugnandis, morari ab itinere proposito hostem, urbem a propinquo flumine Iberam adpellatam, opulentissimam ea tempestate regionis ejus, obpugnare parant. Quod ubi sensit Hasdrubal, pro ope ferenda fociis, pergit ipse ire ad urbem, deditam nuper in fidem Romanorum, (c) obpugnandam. Ita jam cœpta obsidio omissa ab Romanis est, & in ipsum Hasdrubalem versum bellum.

XXIX. QUINQUE millium intervallo castra distantia habuere paucos dies: nec sine levis prœliis, nec ut in aciem exirent. Tandem uno eodemque die velut ex composito utrimque signum pugnae propositum est, atque omnibus copiis in campum descensum. Triplex stetit Romana acies. Velitum pars inter antesignanos locata, pars post signa accepta, equites cornua cinxere. Hasdrubal mediam aciem Hispanis firmat: in cornibus,

*Pugna inter Scipiones & Hasdrubalem.*

(c) *Romanam Grœc.*

*U. c. 536.* dextro Pœnos locat, lævo Afros mercenā-  
*a. C. 216.* riorumque auxilia : equitum Numidas Pœno-  
 rum peditibus, ceteros Afris pro cornibus  
 obponit (*d*). Nec omnes Numidæ in dextro  
 locati cornu, sed quibus, defultorum in  
 modum, binos trahentibus equos inter acer-  
 rimam sæpe pugnam in recentem equum ex  
 fesso armatis transfultare mos erat : tanta  
 velocitas ipsis, tamque docile equorum ge-  
 nus est. Quum hoc modo instructi starent,  
 imperatorum utriusque partis haud ferme  
 dispares spes erant. Nam ne multum quidem,  
 aut numero, aut genere militum, hi aut  
 illi præstabant. Militibus longe dispar ani-  
 mus erat. Romanis enim, quamquam procul  
 a patria pugnarent, facile persuaserant duces,  
 pro Italia atque urbe Romana eos pugnare.  
 Itaque, velut quibus reditus in patriam eo  
 discrimine pugnae verteretur, obstinaverant  
 animis, vincere aut mori. Minus pertinaces  
 viros habebat altera acies. Nam maxima pars  
 Hispani erant : qui vinci in Hispania, quam  
 victores in Italiam trahi, malebant. Primo  
 igitur concursu, quum vix pila coniecta essent,  
 retulit pedem media acies, inferentibusque  
 sese magno inpetu Romanis terga vertit.



Nihilo segnius in cornibus prælium fuit. Hinc Pœnus, hinc Afer urguet: & velut in circumventos prælio ancipiti pugnant. Sed quum in medium tota jam coisset Romana acies, fatis virium ad dimovenda hostium cornua habuit. Itaque duo diversa prælia erant: utroque Romani, ut qui, pulsus tandem mediis, & numero & robore virorum præstarent, haud dubie superarunt. Magna vis hominum ibi occisa. Et, nisi Hispani vixdum conferto prælio tam effuse fugissent: perpauci ex tota superfuissent acie. Equestris pugna nulla admodum fuit; quia, simul inclinatam mediam aciem Mauri Numidæque viderunt, extemplo fuga effusa nuda cornua, elephantis quoque præ se actis, deseruere. Et Hasdrubal, usque ad ultimum eventum pugnae moratus, e media cæde cum paucis effugit. Castra Romani cepere, atque diripere. Ea pugna, si qua dubia in Hispania erant, Romanis adjunxit: Hasdrubalique non modo in Italiam traducendi exercitus, sed ne manendi quidem fatis tuto in Hispania, spem reliquit. Quæ postquam literis Scipionum Romæ vulgata sunt, non tam victoria,

U. c. 536.  
a. C. 216.

*Vincunt  
Romani.*

*U. c. 536.* quam prohibito Hasdrubalis in Italiam tran-  
*a. C. 216.* situ, lætabantur.

*Petelia in  
 Bruttiiis  
 ab Himil-  
 cone cap-  
 ta.*

XXX. DUM hæc in Hispania geruntur, Petelia (e) in Bruttiiis, aliquot post mensibus, quam cœpta obpugnari erat, ab Himilcone, præfecto Hannibalis, expugnata est. Multo (f) sanguine ac vulneribus ea Pœnis victoria stetit: nec ulla magis vis obsessos, quam fames, expugnavit. Absumtis enim frugum alimentis, carnisque omnis generis quadrupedum; futrinæ postremo coriis, herbisque & radicibus, & corticibus teneris, strictisque rubis vivere; nec, antequam vires ad standum in muris ferendaque arma deerant, expugnati sunt. Recepta Petelia, Pœnus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus & Bruttiorum exercitus Crotonem, Græcam urbem, circumfedit, opulentam quondam armis virisque, tum jam adeo multis magnisque cladibus adstrictam, ut omnis ætatis minus viginti millia civium superessent. Itaque urbe a defensoribus vasta facile potiti

*Croto  
 capitur a  
 Bruttiiis.*

(e) *Petellia*. Sic semper Gron. Crev.

(f) *est*; multoque Gron.

sunt hostes : arx tantum retenta , in quam inter tumultum captæ urbis e mediâ cæde quidam effugere. Et Locrenses descivere ad Bruttios Pœnosque , prodita multitudine a principibus. Rhegini tantummodo regionis ejus , & in fide erga Romanos , & potestatis suæ ad ultimum manserunt. In Siciliam quoque eadem inclinatio animorum pervenit : & ne domus quidem Hieronis tota ab defectione abstinuit. Namque Gelo maximus stirpis , contempta simul senectute patris , simul post Cannensem cladem Romana societate , ad Pœnos defecit : movissetque in Sicilia res , nisi mors adeo obportuna , ut patrem quoque suspicione adspargeret , armantem eum multitudinem , sollicitantemque socios absumisset. Hæc eo anno in Italia , in Africa , in Sicilia , in Hispania vario eventu acta. Exitu anni Q. Fabius Maximus a senatu postulavit , ut ædem Veneris Erycinæ , quam dictator vovisset , dedicare liceret. Senatus decrevit , ut Ti. Sempronius consul designatus , quum primum ( g ) honorem ( h ) inisset , ad populum ferret , ut Q. Fabium duumvirum

U. c. 536.  
a. C. 216.

*Gelo filius  
Hieronis  
deficit ad  
Pœnos.*

*Moritur,*

( g ) *primum* del. Crev.

( h ) *honorem* l. *magistratum* Gron.

*U. c. 536.  
a. C. 216.*

esse juberent ædis dedicandæ caussa. Et M. Æmilio Lepido, qui bis consul augurque fuerat, filii tres, Lucius, Marcus, Quintus, ludos funebres per triduum, & gladiatorum paria duo & viginti per triduum in foro dederunt. Ædiles curules C. Lætorius, & Ti. Sempronius Gracchus, consul designatus, qui in ædilitate magister equitum fuerat, ludos Romanos fecerunt, qui per triduum instaurati sunt. Plebeii ludi ædilium M. Aurelii Cottæ & M. Claudii Marcelli ter instaurati. Circumacto tertio anno Punici belli,

*U. c. 537.  
a. C. 215.*

*Ti. Sempronio  
Coss.*

Ti. Sempronius consul Idibus Martiis magistratum iniit. Prætores Q. Fulvius Flaccus, qui antea consul censorque fuerat, urbanam; M. Valerius Lævinus peregrinam sortem in jurisdictione habuit. Ap. Claudius Pulcher Siciliam, Q. Mucius Scævola Sardiniam fortiti sunt. M. Marcello pro consule imperium esse populus jussit, quod post Cannensem cladem unus Romanorum imperatorum in Italia prospere rem gessisset.

*Duplex  
tributum  
imperatum*

XXXI. SENATUS, quo die primum est in Capitolio consultus, decrevit, ut, quo (i) eo anno duplex tributum imperaretur, sim-

(i) *quo del. Crev.*

plex confestim exigeretur , ex quo stipendium præfens omnibus militibus daretur , præterquam qui milites ad Cannas fuissent. De exercitibus ita decreverunt , ut duabus legionibus urbanis Ti. Sempronius consul Cales ad conveniendum diem ediceret : inde sex legiones in castra Claudiana supra Sueffulam deducerentur : quæ ibi legiones essent , (erant autem Cannensis maxime exercitus ) eas Ap. Claudius Pulcher prætor in Siciliam trajiceret : quæque in Sicilia essent , Romam deportarentur. Ad exercitum , cui ad conveniendum Cales edicta dies erat , M. Claudius Marcellus missus : isque jussus in castra Claudiana deducere urbanas legiones. Ad veterem exercitum accipiendum deducendumque inde in Siciliam , T. Metilius Croto legatus ab Ap. Claudio est missus. Taciti primo exspectaverant homines , uti consul comitia collegæ creando haberet. Deinde , ubi ablegatum , velut de industria , M. Marcellum viderunt , quem maxime consulem in eum annum ob egregie in prætura res gestas creari volebant , fremitus in curia est ortus. Quod ubi sensit consul , « Utrumque , [ inquit ] e republica » fuit , Patres conscripti , & M. Claudium

*U. c. 537.  
a. C. 215.*

*Decreta  
de exerci-  
tibus.*

*U. c. 537.* » ad permutandos exercitus in Campaniam  
*a. C. 215.* » proficisci, & comitia non prius edici, quam

» is inde, confecto, quod mandatum est, ne-  
 » gotio, revertisset; ut vos consulem, quem  
 » tempus reipublicæ postularer, quem ma-  
 » xime vultis, haberetis. » Ita de comitiis,  
 donec rediit Marcellus, silentium fuit. Interea  
 duumviri creati sunt Q. Fabius Maximus &  
 T. Otacilius Crassus, ædibus dedicandis,  
 Menti Otacilius, Fabius Veneri Erycinæ.  
 Utraque in Capitolio est, canali uno discre-  
 tæ. Et de trecentis equitibus Campanis, qui,  
 in Sicilia cum fide stipendiis emeritis, Ro-  
 mam venerant, dein latum ad populum, ut  
 cives Romani essent: item, uti municipes  
 Cumani essent, pridie quam populus Cam-  
 panus a populo Romano defecisset. Maxime,  
 ut hoc ferretur, moverat, quod, quorum  
 hominum essent, scire se ipsi negabant; ve-  
 tere patria relicta, in eam, in quam redie-  
 rant, nondum adsciti. Postquam Marcellus  
 ab exercitu rediit, comitia uni consuli ro-  
 gando in locum L. Postumii edicuntur. Crea-  
 tur ingenti consensu Marcellus, qui extem-  
 plo magistratum occiperet. Cui ineunti con-  
 sulatum quum tonuisset, vocati augures

*Marcellus  
 in locum  
 Postumii  
 Cos. crea-  
 tur.*

vitio creatum videri pronunciaverunt ; vulgoque Patres ita fama ferebant , quod tum primum duo plebei consules facti essent , id Deis cordi non esse. In locum Marcelli , ubi is se magistratu abdicavit , subfectus Fabius Maximus tertium. Mare arsit eo anno : ad Sinuessam bos equuleum peperit : signa Lanuvii ad Junonis Sospitæ cruore manavere , lapidibusque circa id templum pluit. Ob quem imbrem novemdiale , ut adsolet , sacrum fuit : ceteraque prodigia cum cura expiata.

*U. c. 537.  
a. C. 215.*

*Se abdicat  
& ei substituitur Fab.  
Maximus  
III. Cos.*

XXXII. CONSULES exercitus inter sese (k) diviserunt. Fabio exercitus , cui M. Junius dictator præfuerat , evenit ; Sempronio volones , qui fierent , (l) & sociorum viginti quinque millia ; M. Valerio prætori legiones , quæ ex Sicilia redissent , decretæ ; M. Claudius proconsul ad eum exercitum , qui supra Sueffulam Nolæ præfideret , missus. Prætores in Siciliam ac Sardiniam profecti. Consules edixerunt , quoties in senatum vocassent , uti senatores , quibusque in senatu dicere sententiam liceret , ad portam Capenam convenirent. Prætores , quorum jurisdictio

(k) *se Gron. Crev.*

(l) *volonum quod fuerat Crev.*

*U. c. 537.* erat, tribunalia ad Piscinam publicam posue-  
*a. C. 215.* runt. Eo vadimonia fieri iusserunt : ibique  
 eo anno jus dictum est. Interim Carthagi-  
 nem, unde Mago frater Hannibalis duodecim  
 millia peditum, & mille quingentos equites,  
 viginti elephantos, mille argenti talenta in  
 Italiam transmissurus erat, cum præsidio  
 sexaginta navium longarum, nuncius adfer-  
 tur, in Hispania rem male gestam; omnesque  
 ferme ejus provinciæ populos ad Romanos  
 defecisse. Erant, qui Magonem cum classe  
 ea copiisque, omiſſa Italia, in Hispaniam  
 averterent; quum Sardinia recipiendæ repen-  
 tina spes adfulsit. « Parvum ibi exercitum  
 » Romanum esse : veterem prætorem inde  
 » A. Cornelium provinciæ peritum decedere,  
 » novum expectari. Ad hoc, fessos jam ani-  
 » mos Sardorum esse diuturnitate imperii :  
 » & proximo iis anno acerbe atque avare  
 » imperatum. Gravi tributo & conlatione  
 » iniqua frumenti pressos. Nihil deesse aliud,  
 » quam auctorem, ad quem deficerent. » Hæc  
 clandestina legatio per principes missa erat,  
 maxime eam rem moliente Hampſicora, qui  
 tum auctoritate atque opibus longe primus  
 erat. His nunciis prope uno tempore turbati,

*Vocantur  
 Pœni in  
 Sardiniam  
 ab Ham-  
 pſicora.*



erectique, Magonem cum classe sua copiisque in Hispaniam mittunt. In Sardiniam Hadrubalem (m) deligunt ducem : & tantum ferme copiarum, quantum Magoni, decernunt. Et Romæ consules, transactis rebus, quæ in urbe agendæ erant, movebant jam sese ad bellum. Ti. Sempronius militibus Sinuessam diem ad conveniendum edixit; & Q. Fabius, consulto prius senatu, ut frumenta omnes ex agris, ante Kalendas Junias primas, in urbes munitas conveherent. « Qui non invenisset, ejus se agrum populaturum, servos » sub hasta venditurum, villas incensurum. » Ne prætoribus quidem, qui ad jus dicendum creati erant, vacatio ab belli administratione data est. Valerium prætorem in Apuliam ire placuit, ad exercitum a Terentio accipiendum : quum ex Sicilia legiones venissent, iis potissimum uti ad regionis ejus præsidium : Terentianum mitti cum aliquo legatorum. Et viginti quinque naves M. Valerio datæ sunt, quibus oram maritimam inter Brundisium ac Tarentum tutari posset. Par navium numerus Q. Fulvio prætori urbano decretus ad suburbana litora tutanda. C. Te-

U. c. 537.

a. C. 215.

(m) add. cognomento Calvum Gron. Crev.

*U. c. 537.  
a. C. 215.*

rentio proconsuli negotium datum , ut in Piceno agro conquestionem militum haberet, locisque iis præsidio esset. Et T. Otacilius Crassus , postquam ædem Mentis in Capitolio dedicavit , in Siciliam cum imperio , qui classi præesset , missus.

XXXIII. IN hanc dimicationem duorum opulentissimorum in terris populorum omnes reges gentesque animos intenderant : inter quos Philippus Macedonum rex , eo magis , quod (n) propior Italiae , ac mari tantum Ionio discretus erat. Is ubi primum fama accepit , Hannibalem Alpes transgressum , ut bello inter Romanos Pœnumque orto lætatus erat , ita , utrius populi mallet victoriam esse , incertis adhuc viribus , fluctuatus animo fuerat. Postquam tertia jam pugna , tertia victoria cum Pœnis erat , ad fortunam inclinavit , legatosque ad Hannibalem misit : qui , vitantes portus Brundisium Tarentinumque , quia custodiis navium Romanarum tenebantur , ad Laciniæ Junonis templum in terram egressi sunt. Inde per Apuliam petentes Capuam , media in præsidia Romana inlati sunt : deductique ad M. Valerium Lævinum prætorem ,

*Philippus  
rex Maced.  
legatos  
mittit ad  
Hannibalem.*

(n) quo Crev.

circa Nuceriam castra habentem. Ibi intrepide Xenophanes legationis princeps, a Philippo rege se missum, ait, ad amicitiam societatemque jungendam cum populo Romano; mandata habere ad consules ac senatum populumque Romanum. Inter defectiones veterum sociorum, Valerius, nova societate tam clari regis lætus admodum, hostes pro hospitibus comiter accepit: dat, qui prosequantur, itinera cum cura demonstrarent, quæ loca, quosque saltus, aut Romanus, aut hostes teneant. Xenophanes per præsidia Romana in Campaniam, inde, qua proximum fuit, in castra Hannibalis pervenit, foedusque cum eo atque amicitiam junxit legibus his: « Ut » Philippus rex quam maxima classe (ducen- » tas autem naves videbatur effecturus) in » Italiam trajiceret, & vastaret maritimam » oram: bellum pro parte sua terra marique » gereret. Ubi debellatum esset, Italia omnis » cum ipsa urbe Roma Carthaginiensium at- » que Hannibalis esset, prædaque omnis Han- » nibali cederet. Perdomita Italia, navigarent » in Græciam, bellumque, cum quibus regi- » bus placeret, gererent. Quæ civitates conti- » nentis, quæ insulæ ad Macedoniam vergunt, » eæ Philippi regnique ejus essent.»

U. c. 537.  
a. C. 215.

*Fœdus in-  
ter Philip-  
pum &  
Hanniba-  
lem.*

*U. c. 537.  
a. C. 215.*

*Legati  
Pœnorum  
ad Philippum.*

XXXIV. IN has ferme leges inter Pœnum ducem legatosque Macedonum ictum fœdus, missique cum iis ad regis ipsius firmandam fidem legati, Gisgo, & Bostar, & Mago, eodem ad Junonis Laciniaë, ubi navis occulta in statione erat, perveniunt : inde profecti, quum jam altum tenerent, conspecti a classe Romana sunt, quæ præsidio erat Calabriaë litoribus. P. Valerius Flaccus cercuros ad persequendam retrahendamque navem quum misisset, primo fugere regii conati : deinde, ubi celeritate vinci senserunt, tradunt se Romanis : & ad præfectum classis adducti, quum quæreret, « qui, & unde, & quo tenderent » cursum ? » Xenophanes primo, fatis jam semel felix, mendacium struere, « a Philippo » se ad Romanos missum, ad M. Valerium, » ad quem unum iter tutum fuerit, pervenisse, » Campaniam superare nequisse, septam hostium præfidiis. » Deinde, ut Punicus cultus habitusque suspectos legatos fecit Hannibalis, interrogatosque sermo prodidit ; tum, comitibus eorum seductis, ac metu territis, literæ quoque ab Hannibale ad Philippum inventæ, & pacta (o) inter regem Macedon-

(o) add. *pacis* Gron. Crev.

num Poenumque ducem. Quibus fatis cognitis; optimum visum est, captivos comitesque eorum Romam ad senatum, aut ad consules, ubicumque essent, quam primum deportare. Ad id celerrimæ quinque naves delectæ, ac L. Valerius Antias, qui præesset, missus : eique mandatum, ut in omnes naves legatos separatim custodiendos divideret, daretque operam, ne quod iis colloquium inter se, neve quæ communicatio consilii esset. Per idem tempus Romæ quum A. Cornelius Mammula, ex Sardinia provincia decedens, retulisset, qui status rerum in insula esset, bellum ac defectionem omnes spectare; Q. Mucium, qui successisset sibi, gravitate coeli aquarumque advenientem exceptum, non tam in periculosum, quam longum, morbum implicitum, diu ad belli vim sustinendam inutilem fore; exercitumque ibi ut fatis firmum pacatæ provinciæ præsidio (p) esse, ita parum bello, quod motum iri videretur : decreverunt Patres, ut Q. Fulvius Flaccus quinque millia peditum, quadringentos equites scriberet, eamque legionem primo quoque tempore in Sardiniam trajicien-

U. c. 537.  
a. C. 215.

*Sardinia  
status.*

(p) præsidio l. præsidem Gron. Crev.

*U. c. 537.* dam curaret, mitteretque cum imperio, quem  
*a. C. 215.* ipsi videretur, qui rem gereret, quoad Mu-  
 cius convaluisset. Ad eam rem missus est T.  
 Manlius Torquatus, qui bis consul censorque  
 fuerat, subegeratque in consulatu Sardos. Sub  
 idem fere tempus & a Carthagine in Sardi-  
 niam classis missa, duce Hasdrubale, cui  
 Calvo cognomen erat, fœda tempestate ve-  
 xata, ad Baliares insulas dejicitur: (q) ibi-  
 que (adeo non armamenta modo, sed etiam  
 alvei navium quassati erant) subductæ naves  
 dum reficiuntur, aliquantum temporis trive-  
 runt.

XXXV. In Italia quum post Cannensem  
 pugnam, fractis partis alterius viribus, al-  
 terius mollitis animis, segnius bellum esset:

*Campano-  
 rum molli-  
 tiones in  
 Cumanos.* Campani per se adorti sunt rem Cumanam  
 suæ ditionis facere. Primo sollicitantes, ut  
 ab Romanis deficerent, ubi id parum pro-  
 cessit, dolum ad capiendos eos comparant.  
 Campanis omnibus statum sacrificium ad Ha-  
 mas. Eo senatum Campanum venturum cer-  
 tiores Cumanos fecerunt: petieruntque, ut  
 & Cumanus eo senatus veniret ad consultan-  
 dum communiter, ut eosdem uterque popu-

(q) ejicitur Gron.

lus socios hostesque haberet : præsidium ibi *U. c. 537.*  
 armatum sese habituros , ne quid ab Romano *a. C. 215.*  
 Pœnove periculi esset. Cumani ( quamquam  
 suspecta fraus erat ) nihil abnuere ; ita regi  
 fallax consilium posse rati. Interim Tî. Sem-  
 pronius consul Romanus Sinuessæ , quo ad  
 conveniendum diem edixerat , exercitu lustra-  
 to , transgressus Vulturnum flumen , circa Li-  
 ternum castra posuit. Ibi , quia otiosa stativa  
 erant , crebro decurrere milites cogebat , ut  
 tirones ( ea maxima pars volonum erat ) ad-  
 fuescerent signa sequi , & in acie agnoscere  
 ordines suos. Inter quæ maxima inerat ( r )  
 cura duci , itaque legatis tribunisque præce-  
 perat , « ne qua exprobratio cuiquam veteris  
 » fortunæ discordiam inter ordines fereret :  
 » vetus miles tironi , liber voloni sese exæ-  
 » quari fineret : omnes satis honestos gene-  
 » rososque ducerent , quibus arma sua signa-  
 » que populus Romanus commisisset : quæ  
 » fortuna coëgisset ita fieri , eandem cogere  
 » tueri factum. » Ea non majore cura præ-  
 cepta ab ducibus sunt , quam a militibus ob-  
 servata ; brevique tanta concordia coaluerant  
 omnium animi , ut prope in oblivionem ve-

( r ) add. *zum Gron. Crev.*

U. c. 537. niret, qua ex conditione quisque esset miles  
a. C. 215. factus. Hæc agenti Graccho legati Cumani  
nunciarunt, quæ a Campanis legatio paucos  
ante dies venisset, & quid iis ipsi respon-  
dissent : triduum post eum diem festum esse :  
non senatum solum omnem ibi futurum, sed  
castra etiam & exercitum Campanum. Grac-  
chus, jussis Cumanis omnia ex agris in urbem  
convehere, & manere intra muros, ipse  
pridie, quam statum sacrificium Campanis  
esset, Cumas movet castra. Hamæ inde tria  
millia passuum absunt. Jam Campani eo fre-  
quentes ex composito convenerant, nec pro-  
cul inde in occulto Marius Alfius Medixtu-  
ticus (summus magistratus erat Campanis)  
cum quatuordecim millibus armatorum habe-  
bat castra, sacrificio adparando, & inter id  
instruendæ fraudi aliquanto intentior, quam  
muniendis castris, aut ulli militari operi.  
Triduum sacrificatum ad Hamas. Nocturnum  
erat sacrum, ita ut ante mediam noctem com-  
pleretur. Huic Gracchus insidiandum tempori  
ratus, custodibus ad portas positis, ne quis  
enunciare posset cœpta, & ab decima diei  
hora coactis militibus corpora curare, som-  
noque operam dare, ut primis tenebris con-  
venire



venire ad signum possent, vigilia ferme prima tolli iussit signa; silentique profectus agmine, quum ad Hamas media nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntes obtruncat. Hominum eo tumultu nocturno cæsa plus duo millia, cum ipso duce Mario Alfio. Capta sunt signa militaria quatuor & triginta.

XXXVI. GRACCHUS, minus centum militum jactura castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri fefellit opinio. Nam simul Capuam ea clades est nunciata, ratus Hannibal, ab re bene gesta insolenter lætum exercitum tironum, magna ex parte, servorumque, spoliante victos, prædasque agentem, ad Hamas se inventurum, citatum agmen præter Capuam rapit, obviosque ex fuga Campanorum, dato præsidio, Capuam duci, faucios vehiculis portari jubet. Ipse Hamis vacua ab hostibus castra, nec quidquam præter recentis vestigia cædis, strataque passim corpora sociorum invenit. Auctores erant

*U. c. 537.  
a. C. 215.*

*Castra  
Campana  
invadit  
Gracchus.*

*U. c. 537.  
a. C. 215.*

*Defendit  
Cumas  
Gracchus.*

quidam ut protinus inde Cumas duceret ; urbemque obpugnaret. Id quamquam haud modice Hannibal cupiebat , ut , quia Neapolim non potuerat , Cumas saltem , maritimam urbem , haberet ; tamen , quia præter arma nihil secum miles , raptim acto agmine , extulerat , retro in castra supra Tifata se recepit. Inde , fatigatus Campanorum precibus , sequenti die cum omni adparatu obpugnandæ urbis Cumas redit : perpopulatoque agro Cumano , mille passus ab urbe castra locat , quum ( *s* ) Gracchus magis verecundia in tali necessitate deferendi socios , inplorantes fidem suam populi que Romani , substitisset , ( *t* ) quam satis fidens exercitui. Nec alter consul Fabius , qui ad Cales castra habebat , Vulturnum flumen traducere audebat exercitum ; occupatus primo auspiciis repetendis , dein prodigiis , quæ alia super alia nunciabantur , expiantique ea haud facile litari aruspices respondebant.

XXXVII. HÆ causæ quum Fabium tenerent , Sempronius in obsidione erat ; & jam operibus obpugnabatur. Adversus ligneam

( *s* ) *quum* l. *tum* Gron.

( *t* ) *substitit* Gron.

ingentem admotam urbi, aliam turrem ex ipso muro excitavit consul Romanus, aliquanto altiore: quia muro satis per se alto subjectis validis sublicis pro solo usus erat. Inde primum faxis, fudibusque, & ceteris missilibus propugnatores moenia atque urbem tuebantur: postremo, ubi promovendo adjunctam muro viderunt turrem, facibus ardentibus plurimum simul ignem coniecerunt. Quo incendio trepida armatorum multitudo quum de turre (u) sese præcipitaret, eruptio ex oppido simul duabus portis (x) stationes hostium fudit, fugavitque in castra; ut eo die obfesso, quam obsidenti, similior esset Pœnus. Ad mille trecenti (y) Carthaginensium cæsi, & undesexaginta vivi capti; qui, circa muros & in stationibus solute ac negligenter agentes, quum nihil minus, quam eruptionem, timuissent, ex improviso obpressi fuerant. Gracchus, priusquam se hostes ab repentino pavore conligerent, receptui signum dedit, ac suos intra muros recepit.

U. c. 537.  
a. C. 215.

*Eruptio  
Gracchi.*

(u) *turri* Gron. Crev.

(x) *add. facta* Gron. Crev.

(y) *trecentos* Gron. Crev.

*U. c. 537.* Postero die Hannibal, lætum (ζ) secunda  
*a. C. 215.* re consulem iusto prælio ratus certaturum,  
 aciem inter castra atque urbem instruxit. Ce-  
 terum postquam neminem moveri ab solita  
 custodia urbis vidit, nec committi quidquam  
 temerariæ spei, ad Tifata redit infecta re.  
 Quibus diebus Cumæ liberatæ sunt obsidio-  
 ne, iisdem diebus & in Lucanis ad Grumen-  
 tum Ti. Sempronius, cui Longo cognomen  
 erat, cum Hannone Pœno prospere pugnat.  
 Supra duo millia hostium occidit, & ducen-  
 tos octoginta milites amisit : signa militaria  
 ad quadraginta unum cepit. Pulsus finibus  
 Lucanis Hanno retro in Bruttios sese recepit.  
 Et ex Hirpinis oppida tria, quæ a populo  
 Romano defecerant, vi recepta per M. Va-  
 lerium prætorem. Vercellius Siciliusque,  
 auctores defectionis, securi percussi. Supra  
 mille captivorum sub hasta venierunt : præda  
 alia militi concessa, exercitus Luceriam re-  
 ductus.

XXXVIII. DUM hæc in Lucanis atque in  
 Hirpinis geruntur, quinque naves, quæ  
 Macedonum atque Pœnorum captos legatos  
 Romam portabant, ab supero mari ad inferum

circumvectæ prope omnem Italiæ oram, quum præter Cumas velis ferrentur; neque, hostium an sociorum essent, fatis sciretur, Gracchus obviam ex classe sua naves misit. Quum percunctando in vicem cognitum esset, consulem Cumis esse; naves Cumas adpulsæ, captivique ad consulem deducti, & literæ datæ. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehi legatos jussit. Quum eodem fere die literæ legatique Romanam venissent, &, percunctatione facta, dicta cum scriptis congruerent, primo gravis cura Patres incescit, cernentes, quanta vix tolerantibus Punicum bellum Macedonici belli moles instaret. Cui tamen adeo non subcubuerunt, ut extemplo agigaretur, quemadmodum ultro inferendo bello averterent ab Italia hostem. Captivis in vincula conditi jussis, comitibusque eorum sub hasta venditis, ad naves viginti quinque, quibus P. Valerius Flaccus præfectus præerat, viginti paratas alias decernunt. His comparatis deductisque, & additis quinque navibus, quæ advexerant captivos legatos, triginta (a) naves ab Ostia

*U. c. 537.  
a. C. 215.*

*Legati  
Philippi &  
Hannibalis  
Romam  
ducuntur.*

(a) *quingenta* Gron.

*U. c. 537.*  
*a. C. 215.*  
 Tarentum profectæ : iussusque P. Valerius , militibus Varronianis , quibus L. Apustius legatus Tarenti præerat , in naves inpositis , quinquaginta navium classe non tueri modo Italiæ oram , sed explorare de Macedonico bello. Si congruentia literis legatorumque indiciis Philippi consilia essent , ut M. Valerium prætorem literis certiores faceret : isque , L. Apustio legato exercitui præposito , Tarentum ad classem profectus , primo quoque tempore in Macedoniam transmitteret : daretque operam , ut Philippum in regno contineret. Pecunia ad classem tuendam bellumque Macedonicum ea decreta est , quæ Ap. Claudio in Siciliam missa erat , ut redderetur Hieroni regi : ea per L. Apustium legatum Tarentum est devecta. Simul ab Hierone missa ducenta millia modium tritici , & hordei centum.

*Legationem aliam mittit Philippus ad Hannibalem.*

XXXIX. Dum hæc Romani parant aguntque , ad Philippum captiva navis , una ex iis , quæ Romam missæ erant , ex cursu refugit : inde scitum , legatos cum literis captos. Itaque ignarus de iis , quæ cum Hannibale legatis suis convenissent , quæque legati ejus ad se adlaturi fuissent , legationem

aliam cum eisdem mandatis mittit. Legati ad *U. c. 537.*  
 Hannibalem missi, Heraclitus, cui Scotino *a. C. 215.*  
 cognomen erat, & Crito Berœæus (b), &  
 Sositheus Magnes. Hi prospere tulerunt ac  
 retulerunt mandata. Sed prius se æstas circum-  
 egit, quam movere ac moliri quidquam rex  
 posset: tantum navis una capta cum legatis  
 momenti fecit, ad dilationem imminentis Ro-  
 manis belli. Et circa Capuam, transgresso  
 Vulturum Fabio post expiata tandem pro-  
 digia, ambo consules rem gerebant. Compul-  
 teriam, & Trebulam, & Saticulam, urbes,  
 quæ ad Pœnum defecerant, Fabius vi cepit;  
 præsidiaque in iis Hannibalis, Campanique  
 permulti capti. Et Nolæ, sicut priore anno, *Nolano-*  
 senatus Romanorum, plebs Hannibalis erat: *rum*  
 consiliaque occulta de cæde principum & *discordiæ.*  
 prodicione urbis inibantur. Quibus ne incep-  
 ta procederent, inter Capuam castraque Han-  
 nibalis, quæ in Tifatis erant, traducto exer-  
 citu, Fabius super Vesuvium in castris Clau-  
 dianis confedit; inde M. Marcellum procon-  
 sulem cum iis copiis, quas habebat, Nolam  
 in præsidium misit.

(b) *Beræus* Gron. Crev.

*U. c. 537.  
a. C. 215.*

*Res in  
Sardinia  
gestæ.*

XL. Et in Sardinia res per T. Manlium prætorem administrari cœptæ, quæ omiffa erant, postquam Q. Mucius prætor gravi morbo est implicitus. Manlius, navibus longis ad Carales subductis, navalibusque focis armatis, ut terra rem gereret, & a prætore exercitu accepto, duo & viginti millia peditum, mille & ducentos equites confecit. Cum his equitum peditumque copiis profectus in agrum hostium, haud procul ab Hampficoræ castris castra posuit. Hampficora tum forte profectus erat in Pellitos (c) Sardos, ad juventutem armandam, qua copias auget. Filius ejus, nomine Hioftus, castris præerat: is, adolefcentia ferox, temere prælio inito fufus fugatusque. Ad tria millia Sardorum eo prælio cæsa, octingenti ferme vivi capti. Alius exercitus primo per agros filvasque fuga palatus; dein, quo ducem fugisse fama erat, ad urbem nomine Cornum, caput ejus regionis, confugit. Debelatumque eo prælio in Sardinia effert, ni classis Punica cum duce. Hasdrubale, quæ tempestate dejecta ad Baliares erat, in tempore ad spem rebellandi advenisset. Manlius

(c) *Pellidos* Gron.



post famam adpulsæ Punicæ classis, Carales se recepit. Ea occasio Hampficoræ data Pœno se jungendi. Hasdrubal, copiis in terram expositis, & classe remissa Carthaginem, duce Hampficora ad fociorum populi Romani agrum populandum profectus, Carales perventurus erat, ni Manlius obvio exercitu ab effusa eum populatione continuisset. Primo castra castris modico intervallo sunt objecta : deinde procurfationes leviaque certamina vario eventu inita : postremo descensum in aciem, signisque conlatis, iusto prælio per quatuor horas pugnatum. Diu pugnam ancipitem Pœni, Sardis facile vinci adfuetis, fecerunt : postremo & ipsi, quum omnia circa strage ac fuga Sardorum repleta essent, fusi. Ceterum terga dantes, circumducto cornu, quo pepulerat Sardos, inclusit Romanus. Cædes inde magis, quam pugna, fuit. Duodecim millia hostium cæsa Sardorum simul Pœnorumque, ferme tria millia & septingenti ( *d* ) capti, & signa militaria septem & viginti.

*U. c. 537.  
a. C. 215.*

*Prælium,  
quo superiores  
Romani.*

XLI. ANTE omnia claram & memorabilem pugnam fecit Hasdrubal imperator captus, & Hanno, & Mago, nobiles Carthaginienfes:

( *d* ) *sexcenti* Gron. Crev.

*U. c. 537.*  
*a. C. 215.*

*Sardinia*  
*perdomita.*

Mago ex gente Barcina, propinqua cognatione Hannibali junctus ; Hanno auctor rebellionis Sardis, bellicue ejus haud dubie concitor. Nec Sardorum duces minus nobilem eam pugnam cladibus suis fecerunt. Nam & filius Hampficoræ Hioftus in acie cecidit : & Hampficora, cum paucis equitibus fugiens, ut super adflictas res necem quoque filii dividit, nocte, ne cujus interventus cœpta impediret, mortem sibi conscivit. Ceteris urbs Cornus eadem, quæ ante, fugæ receptaculum fuit. Quam Manlius, victore exercitu adgreffus, intra paucos dies recepit. Deinde aliæ quoque civitates, quæ ad Hampficoram Pœnosque defecerant, obfidibus datis, dederunt sese. Quibus stipendio frumentoque imperato, pro cujusque aut viribus aut delicto, Carales exercitum reduxit. Ibi navibus longis deductis, inpositoque, quem secum advexerat, milite, Romam navigat, Sardiniamque perdomitam nunciat Patribus : & stipendium quæstoribus, frumentum ædilibus, captivosque Fulvio prætori tradidit. Per idem tempus T. Otacilius prætor, quinquaginta navium ab Lilybæo classe in Africam transvectus, depopulatusque agrum Carthaginien-

fem, quum Sardiniam inde peteret, quo fama erat Hasdrubalem a Baliaribus nuper trajecisse, classi Africam repetenti obcurrit, levi- que certamine in alto commisso, septem inde naves cum fociis navalibus cepit: ceteras metus haud secus, quam tempestas, passim disjecit. Per eosdem forte dies & Bomilcar cum militibus, ad supplementum Carthagine missis, elephantisque, (e) & commeatu, Locros accessit. Quem ut incautum obprimeret Ap. Claudius, per simulationem provinciæ circumeundæ Messanam raptim exercitu ducto, æstu secundo Locros trajecit. Jam inde Bomilcar ad Hannonem in Bruttios profectus erat; & Locrenses portas Romanis clausurunt. Appius magno conatu nulla re gesta, Messanam repetit. Eadem æstate Marcellus ab Nola, quam præsidio obtinebat, crebras excursiones in agrum Hirpinum & Samnites Caudinos fecit: adeoque omnia ferro atque igni vastavit, ut antiquarum cladum Samnio memoriam renovaret.

XLII. ITAQUE extemplo legati, ad Hannibalem missi simul ex utraque gente, ita Pœnum adlocuti sunt: « Hostes populi Romani, » Hannibal, fuimus primum per nos ipsi,

*Oratio  
Samnitium  
ad Hanni-  
balem.*

(e) *quadragintaque elephantis Gron. Crev.*

*U. c. 537.* » quoad nostra arma , nostræ vires nos tu-  
*a. C. 215.* » tari poterant. Postquam iis parum fideba-  
 » mus , Pyrrho regi nos adjunximus ; a quo  
 » relictæ pacem necessariam accepimus , fui-  
 » musque in ea per annos prope quinquæ-  
 » ginta , ad id tempus , quo in Italiam veni-  
 » sti. Tua nos non magis virtus fortunaque,  
 » quam unica comitas ac benignitas erga ci-  
 » ves nostros , quos captos nobis remisisti ,  
 » ita conciliavit tibi , ut , te salvo atque in-  
 » columi amico , non modo populum Roma-  
 » num , sed ne Deos quidem iratos ( si dici  
 » fas est ) timeremus. At , Hercule , non so-  
 » lum incolumi & victore , sed præseate te ,  
 » ( comploratum prope conjugum ac libero-  
 » rum nostrorum exaudire , & flagrantia testæ  
 » posses conspiciere ) ita sumus aliquoties hac  
 » æstate devastati , ut M. Marcellus , non  
 » Hannibal , vicisse ad Cannas videatur ; glo-  
 » rienturque Romani , te , ad unum modo  
 » ictum vigentem , velut aculeo emissio , tor-  
 » pere. Per centum prope annos cum populo  
 » Romano bellum gessimus , nullo externo  
 » adjuti nec duce , nec exercitu : nisi quod  
 » per biennium Pyrrhus nostro magis milite  
 » suas auxit vires , quam suis viribus nos de-

» fendit. Non ego secundis rebus nostris glo- *U. c. 537.*  
 » riabor, duos consules, ac duos consulares *a. C. 315.*  
 » exercitus a nobis sub jugum missos, & si  
 » qua alia aut læta aut gloriosa nobis eve-  
 » nerunt. Quæ aspera adversaque tunc acci-  
 » derunt, minore indignatione referre possu-  
 » mus, quam quæ hodie eveniunt. Magni  
 » dictatores cum magistris equitum; bini con-  
 » sules cum binis consularibus exercitibus  
 » ingrediebantur fines nostros; ante explora-  
 » to, & subsidiis positis, & sub signis ad  
 » populandum ducebant. Nunc proprii (f)  
 » unius & parvi ad tuendam Nolam præsidii  
 » præda sumus. Jam ne manipulatim quidem,  
 » sed latronum modo, percurfant totis fi-  
 » nibus nostris negligentius, quam si in Ro-  
 » mano vagarentur agro. Causa autem hæc  
 » est, quod neque tu defendis, & nostra  
 » juvenus, quæ, si domi esset, tutaretur,  
 » omnis sub signis militat tuis. Nec te, nec  
 » exercitum tuum norim, nisi, a quo tot Ro-  
 » manas acies fusas stratasque esse sciam, ei  
 » facile esse ducam obprimere populos  
 » nostros vagos, sine signis, palatos, quo  
 » quemque trahit, quamvis vana, prædæ spes.

(f) *prope Gron. Crev.*

*U. c. 537.  
a. C. 215.*

» Numidarum paucorum illi quidem præda  
» erunt, præsidiumque missum nobis & Nolæ  
» ademerit (g) : si modo, quos, ut socios  
» haberes, dignos duxisti, haud indignos ju-  
» dicas, quos in fidem receptos tuearis. »

*Respon-  
sum Han-  
nibal.*

XLIII. AD ea Hannibal respondit : « Om-  
» nia simul facere Hirpinos Samnitesque : &  
» indicare clades suas, & petere præsidium,  
» & queri indefensos se neglectosque. Indi-  
» candum autem fuisse primum : dein (h)  
» petendum præsidium : postremo, ni impe-  
» traretur, tum denique querendum, frustra  
» openi inploratam. Exercitum sese (i) non  
» in agrum Hirpinum Samnitemve, ne &  
» ipse oneri esset, sed in proxima loca socio-  
» rum populi Romani adducturum : iis popu-  
» landis & militem suum repleturum se, &  
» metu procul ab iis submoturum hostes.  
» Quod ad bellum Romanum attineret, si  
» Trasimeni quam Trebiæ, si Cannarum quam  
» Trasimeni pugna nobilior esset ; Cannarum  
» se quoque memoriam obscuram majore &

(g) *præsidiumque missum nobis erit, & Nolæ  
ademeris.* Gron. Crev.

(h) *deinde* Gron. Crev.

(i) *se* Gron. Crev.

» clariore victoria faſturum. » Cum hoc re- *U. c. 537.*  
ſponſo muneribusque amplis legatos dimiſit. *a. C. 215.*

Ipſe, præſidio modico relictò in Tifatis, pro-  
fectus cetero exercitu ire Nolam pergit. Eo-  
dem Hanno ex Brutiis, cum ſupplemento  
Carthagine adveſto atque elephantis, venit.  
Caſtris haud procul poſitis, longe alia omnia  
inquirenti completa ſunt, quam quæ a legatis  
ſociorum audierat. Nihil enim Marcellus ita  
gerebat, ut aut fortunæ, aut temere hoſti  
commiſſum dici poſſet. Explorato, cum fir-  
miſque præſidiis, tuto receptu prædatum ierat:  
omniaque, velut adverſus præſentem Hanni-  
balem, cauta proviſaque fuerunt. Tum, ubi  
ſenſit hoſtem adventare, copias intra mœnia  
tenuit: per muros inambulare ſenatores No-  
lanos juſſit, & omnia circa explorare, quæ  
apud hoſtes fierent. Ex iis Hanno, quum ad  
murum ſubceſſiſſet, Herennium Baſſum &  
Herium Petrium (1), ad conloquium evoca-  
tos, permiſſuque Marcelli egreſſos, per in-  
terpretem adloquitur. Hannibalis virtutem  
fortunamque extollit: populi Romani obterit  
ſeneſcentem cum viribus majeſtatem. « Quæ  
» ſi paria eſſent, ut quondam fuiſſent, tamen

*Hanno  
tentat ani-  
mos Nola-  
norum.*

(1) *Pettium Crev.*

*U. c. 537.*  
*a. C. 215.*

» expertis , quam grave Romanum imperium  
 » fociis , quanta indulgentia Hannibalis etiam  
 » in captivos omnes Italici nominis fuisset ,  
 » Punicam Romanæ societatem atque amici-  
 » tiam præoptandam esse. Si ambo consules  
 » cum suis exercitibus ad Nolam essent ; tamen  
 » non magis pares Hannibali futuros , quam  
 » ad Cannas fuissent : nedum prætor unus ,  
 » cum paucis & novis militibus , Nolam tu-  
 » tari possit. Ipsorum , quam Hannibalis , in-  
 » teresse , capta an tradita Nola potiretur :  
 » potiturum enim , ut Capua Nuceriaque poti-  
 » tus esset : sed , quid inter Capuæ Nuceriæque  
 » fortunam interesset , ipsos prope in medio  
 » sitos Nolanos scire. Nolle ominari , quæ  
 » captæ urbi cessura forent : sed potius spon-  
 » dere , si Marcellum cum præsidio ac No-  
 » lam tradidissent , neminem alium , quam  
 » ipsos , legem , qua in societatem amicitiam-  
 » que Hannibalis venirent , dicturum. »

XLIV. AD ea Herennius Bassus respondit :  
 » Multos annos jam inter Romanum Nolanum-  
 » que populum amicitiam esse , cujus neutros  
 » ad eam diem pœnitere ; & sibi si cum for-  
 » tuna mutanda fides fuerat , sero jam esse  
 » mutare eam : dedituris se Hannibali non  
 » fuisse



» fuisse arcessendum Romanum præsidium : *U. c. 537.*  
 » cum iis, qui ad se tuendos venissent, om- *a. C. 215.*  
 » nia sibi & esse confociata, & ad ultimum  
 » fore. » Hoc conloquium abstulit spem Han- *Obpugnæ*  
 nibali per prodicionem recipiendæ Nolæ. Ita- *Nolam*  
 que oppidum corona circumdedit, ut simul *Hannibal.*  
 ab omni parte mœnia adgrederetur. Quem  
 ut subcessisse muris Marcellus vidit, instructa  
 intra portam acie, cum magno tumultu erupit.  
 Aliquot primo impetu perculsi cæsique sunt;  
 dein, concursu ad pugnantes facto, æqua-  
 tisque viribus, atrox coepit esse pugna: me-  
 morabilisque inter paucas fuisset, ni ingeri-  
 tibus procellis effusus imber diremisset pu-  
 gnantes. Eo die commissò modico certamine,  
 atque inritatis animis, in urbem Romani,  
 Pœni in castra sese receperunt. Tamen Pœno-  
 rum prima eruptione perculsi ceciderunt haud  
 plus quam triginta, Romanorum nullus. Im-  
 ber continens per noctem totam usque ad  
 horam tertiam diei insequentis tenuit: itaque,  
 quamquam utraque pars avidi certaminis  
 erant, eo die tenuerunt sese tamen munimen-  
 tis. Tertio die Hannibal partem copiarum  
 prædatum in agrum Nolanum misit. Quod  
 ubi animadvertit Marcellus, extemplo in

U. c. 537.  
a. C. 215.

*Prælium  
ad  
Nolam.*

aciem copias educit ( *m* ) : neque Hannibal detrectavit. Mille fere passuum inter urbem erant castraque. Eo spatio ( & sunt omnia campi circa Nolam ) concurrerunt. Clamor, ex parte utraque sublatus, proximos ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt : quos conlaudatos Marcellus in subsidiis stare, & faucios ex acie efferre iussit; pugna abstinere, ni ab se signum accepissent.

XLV. PRÆLIUM erat anceps : summa vi & duces hortabantur, & milites pugnabant. Marcellus victis ante diem tertium, fugatis ante paucos dies a Cumis, pulsus priore anno ab Nola ab eodem se duce, milite alio, instare jubet. « Non omnes esse in acie : præ-  
» dantes vagari in agro : sed, qui pugnent,  
» marcere Campana luxuria, vino & scortis,  
» omnibusque lustris per totam hiemem con-  
» sectos. Abisse illam vim vigoremque, di-  
» lapsa esse robora corporum animorumque,  
» quibus Pyrenæi Alpiumque superata sint  
» jûga : reliquias illorum virorum, vix arma  
» membraque sustinentes, pugnare. Capuam

( *m* ) *eduxit* Gron. Crev.

» Hannibali Cannas fuisse. Ibi virtutem belli-  
 » cam, ibi militarem disciplinam, ibi præte-  
 » riti temporis famam, ibi spem futuri ex-  
 » stinctam. » Quum hæc exprobrando hosti  
 Marcellus suorum militum animos erigeret,  
 Hannibal multo gravioribus probris increpa-  
 bat : « Arma signaque eadem se noscere,  
 » quæ ad Trebiam Trasimenumque, postre-  
 » mo ad Cannas viderit habueritque. Mili-  
 » tem alium profecto se in hiberna Capuam  
 » duxisse, alium inde eduxisse. Legatumne  
 » Romanum & legionis unius atque alæ magno  
 » certamine vix toleratis pugnam, quos binæ  
 » acies consulares numquam sustinuerunt?  
 » Marcellus, tirone milite ac Nolanis subfi-  
 » diis, inultus nos jam iterum laceffit? Ubi  
 » ille meus miles est, qui erepto ex equo  
 » C. Flaminio consuli caput abstulit? ubi, qui  
 » L. Paullum ad Cannas occidit? Ferrum nunc  
 » hebet? an dextræ torpent? an quid pro-  
 » digii est aliud? Qui pauci plures vincere  
 » soliti estis, nunc paucis plures vix restatis.  
 » Romam vos expugnaturus, si quis duceret,  
 » fortes lingua jactabatis. En nunc (n) minor  
 » est res. Hic experiri vim virtutemque volo.

U. c. 537  
 a. C. 215

(n) *En nunc* l. *Enim* Crøv.

*U. c. 537.* » Expugnate Nolam , campeſtrem urbem ,  
*a. C. 215.* » non flumine , non mari ſeptam. Hinc vos  
 » ex tam opulenta urbe præda ſpoliisque onu-  
 » ſtos vel ducam , quo voletis , vel ſequar.»

*Pœni  
 in caſtra  
 compellun-  
 tur.*

XLVI. NEC bene , nec male dicta profue-  
 runt ad confirmandos animos. Quum omni  
 parte pellerentur , Romanisque creſcerent  
 animi , non duce ſolum adhortante , ſed Nola-  
 nis etiam per clamorem , favoris indicem ;  
 accendentibus ardorem pugnae , terga Pœni  
 dederunt , atque in caſtra compulſi ſunt. Quæ  
 obpugnare cupientes milites Romanos Mar-  
 cellus Nolam reduxit (o) , cum magno gau-  
 dio & gratulatione etiam plebis , quæ ante  
 inclinatioꝝ ad Pœnos fuerat. Hoſtium plus  
 quinque millia cæſa eo die , vivi capti ſex-  
 centi , & ſigna militaria undeviginti , & duo  
 elephanti : quatuor in acie occiſi. Romano-  
 rum minus mille interfecti. Poſterum diem  
 induciis tacitis , ſepeliendo utrimque cæſos  
 in acie , conſumſerunt. Spolia hoſtium Mar-  
 cellus , Vulcano votum , cremavit. Tertio  
 poſt die ( ob iram credo aliquam , aut ſpem  
 liberalioris militiæ ) mille ducenti ſeptuaginta  
 duo equites , mixti Numidæ Hispanique , ad

(o) *reducit Gron. Crev.*

Marcellum transfugerunt. Eorum forti fidelique opera in eo bello usi sunt sæpe Romani. *U. c. 537.*  
*a. C. 215.*

Ager Hispanis in Hispania, Numidis in Africa post bellum, virtutis causa, latus datus est.

Hannibal, ab Nola remisso in Bruttios Hannone cum quibus venerat copiis, ipse Apuliæ hiberna petit, circaque Arpos confedit. Q.

Fabius, ut profectum in Apuliam Hannibalem *Q. Fabii*  
*res gestæ.*

audivit, frumento ab Nola Neapolique in ea castra convecto, quæ super Sueffulam erant,

munimentisque firmatis, & præsidio, quod per hiberna ad tutandum locum satis esset,

relicto, ipse Capuam propius movit castra, agrumque Campanum ferro ignique est de-

populatus: donec coacti sunt Campani, nihil admodum viribus suis fidentes, egredi

portis, & castra ante urbem in aperto communire. Sex millia armatorum habebant, pe-

ditem inbellem: equitatu plus poterant: itaque equestribus præliis laceffebant hostem.

Inter multos nobiles equites Campanos Cerinus Jubellius erat, cognomine Taurea.

Civis indidem erat, longe omnium Campanorum fortissimus eques: adeo ut, quum

apud Romanos militaret, unus eum Romanus Claudius Asellus gloria equestri æqua-

U. c. 537.  
a. C. 215.

ret. Hunc Taurea quum diu perlustrans oculis obequitasset hostium turmis, tandem facto silentio, « ubi esset Claudius Asellus ? » quæfivit : « & , quoniam verbis secum de virtute » ambigere solitus esset, cur non ferro de- » cerneret ; daretque opima spolia victus, » aut victor caperet ? »

*Pugna  
inter Cl.  
Asellum  
Rom. &  
Jub. Tau-  
ream  
Camp.*

XLVII. HÆC ubi Asello nunciata sunt in castra, id modo moratus, ut consulem percunctaretur, liceretne extra ordinem in provocantem hostem pugnare ? permissu ejus arma extemplo cepit : proventusque ante stationes equo, Tauream nomine compellavit, congregique, ubi vellet, jussit. Jam Romani ad spectaculum pugnae ejus frequentes exierant : & Campani, non vallum modo castrorum, sed moenia etiam urbis prospectantes repleverant. Quum jam ante ferocibus dictis rem nobilitassent, infestis hastis concitarunt equos. Dein libero spatium inter se ludificantes, sine vulnere pugnam extrahebant. Tum Campanus Romano, « Equorum, [in- » quit] hoc, non equitum, erit certamen, » nisi e campo in cavam hanc viam demitti- » mus equos : ibi nullo ad evagandum spa- » tium cominus conferentur manus. » Dicto

prope citius equum in viam Claudius dejecit. *U. c. 537.*  
 Taurea, verbis ferocior, quam re, « Mini- *a. C. 215.*  
 » me sis, [inquit] cantherium in fossa. »  
 Quæ vox in rusticum inde proverbium  
 prodita. Claudius, quum ex via longe  
 perequasset, nullo obvio hoste in cam-  
 pum rursus evectus, increpans ignaviam  
 hostis, cum magno gaudio & gratulatione  
 victor in castra redit. Huic pugnae equestri  
 rem (quam satis certam, communis existi-  
 matio est) mirabilem certe, adjiciunt qui-  
 dam annales : quum refugientem ad urbem  
 Tauream Claudius sequeretur, patenti hostium  
 portæ invecum, per alteram, stupentibus  
 miraculo hostibus, intactum evasisse.

XLVIII. QUIETA inde stativa fuere, ac  
 retro etiam consul movit castra, ut semen-  
 tem Campani facerent : nec ante violavit  
 agrum Campanum, quam jam altæ in-sege-  
 tibus herbæ pabulum præbere poterant. Id  
 convexit in Claudiana castra super Suef-  
 sulam ; ibique hiberna ædificavit. M.  
 Claudio proconsuli imperavit, ut, retento  
 Nolæ necessario ad tuendam urbem præsidio,  
 ceteros milites dimitteret Romam, ne oneri  
 fociis, & sumtui reipublicæ essent. Et Ti.

*U. c. 537.* Gracchus a Cumis Luceriam in Apuliam le-  
*g. C. 215.* giones quum (p) duxisset, M. Valerium inde  
 prætorem Brundisium, cum eo, quem Luce-  
 riæ habuerat, exercitu misit, tuerique oram  
 agri Sallentini (q), & providere, quod ad  
 Philippum bellumque Macedonicum adtine-  
 ret, iussit. Exitu æstatis ejus, qua hæc gesta  
 perscripsimus, literæ a P. & Cn. Scipionibus  
 venerunt, quantas, quamque prosperas in  
 Hispania res gessissent: sed pecuniam in sti-  
 pendium, vestimentaue, & frumentum exer-  
 citui, & fociis navalibus omnia deesse. Quod  
 ad stipendium adtineat, si ærarium inops esset,  
 se aliquam rationem inituros, quo modo ab  
 Hispanis sumant: cetera utique ab Roma mitta-  
 enda esse: nec aliter aut exercitum aut pro-  
 vinciam retineri posse. Literis recitatis, ne-  
 mo omnium erat, quin, & vera scribi, &  
 postulari æqua, fateretur: sed obcurrerat  
 animis, quantos exercitus terrestres navales-  
 que tuerentur, quantaue nova classis mox  
 paranda esset, si bellum Macedonicum mo-  
 veretur. « Siciliam ac (r) Sardiniam, quæ  
 ante bellum vestigales fuissent, vix præfides

*Romano-  
rum ino-  
pia.*

(p) *dum* Gron. (r) & Gron. Crev.

(q) *Salentini* Gron.



» provinciarum exercitus alere : tributo sumtus  
 » subpeditari : quum (s) ipsum tributum  
 » conferentium numerum tantis exercituum  
 » stragibus, & ad Trafimenum lacum, & ad  
 » Cannas, inminutum; tum (t), qui super-  
 » essent pauci, si multiplices gravarentur sti-  
 » pendio, alia perituros peste. Itaque, nisi  
 » fide staret respublica, opibus non staturam.  
 » Prodeundum in concionem Fulvio prætori  
 » esse, indicandas populo publicas necessita-  
 » tes, cohortandosque, qui redempturis auxilii  
 » sent patrimonia, ut reipublicæ, ex qua  
 » crevissent, ad tempus commodarent; con-  
 » ducerentque ea lege præbenda, quæ ad  
 » exercitum Hispaniensem opus essent, ut,  
 » quum pecunia in ærario esset, iis primis  
 » solveretur.» Hæc prætor in concione edixit,  
 qua die vestimenta, frumentum, Hispaniensi  
 exercitui præbenda, quæque alia opus essent  
 navalibus fociis, esset locaturus.

XLIX. UBI ea dies venit, ad conducendum  
 tres societates aderant hominum undeviginti,  
 quorum duo postulata fuere : unum, ut mi-

*U. e. 537.  
 a. C. 215.*

*Privata  
 pecunia  
 respublica  
 admini-  
 stratur.*

(s) quum l. verum cum ipsum Gron. verum quum  
 Crev.

(t) tum del. Gron.

*U. c. 537.  
a. C. 215*

*Illiturgi  
obfessa a  
tribus Pæ-  
norum du-  
cibus.*

litia vacarent, dum in eo publico essent: alterum, ut, quæ in naves inposuissent, ab hostium tempestatisque vi publico periculo essent. Utroque impetrato, conduxerunt, privataque pecunia respublica administrata est. Hi mores, eaque caritas patriæ per omnes ordines velut tenore uno pertinebat. Quemadmodum conductâ omnia magno animo sunt, sic summa fide præbita, nec secus quam si ex opulento ærario, ut quondam, alerentur.

Quum hi commeatus venerunt, Illiturgi oppidum ab Hasdrubale, ac Magone, & Hamilcare Bomilcaris filio, ob defectionem ad Romanos obpugnabatur. Inter hæc trina castra hostium Scipiones, quum in urbem sociorum magno certamine ac strage obsistentium pervenissent, frumentum, cujus inopia erat, advexerunt: cohortatique oppidanos, ut eodem animo moenia tutarentur, quo pro se purgentem Romanum exercitum vidissent, ad castra maxima obpugnanda, quibus Hasdrubal præerat, ducunt. Eodem & duo duces, & duo exercitus Carthaginiensium, ibi rem summam agi cernentes, convenerunt. Itaque eruptione e castris pugnatum est. Sexaginta hostium millia eo die in pugna fuerunt, sex-

decim circiter Romanis. Tamen adeo haud dubia victoria fuit, ut plures numero, quam ipsi erant, Romani hostium occiderint: ceperint amplius tria millia hominum, paullo minus mille equorum, undesexaginta militaria signa, elephantis quinque in prælio occisis: trinisque castris eo die potiti sunt. Illiturgi obsidione liberato, ad Intibili obpugnandum Punici exercitus traducti, suppletis copiis ex provincia, ut quæ maxime omnium belli avida, modo præda aut merces esset, & tum juventute abundante. Iterum signis conlatis, eadem fortuna utriusque partis pugnatum. Supra tredecim millia hostium cæsa, supra duo capta, cum signis duobus & quadraginta, & novem elephantis. Tum vero omnes prope Hispaniæ populi ad Romanos defecerunt: multoque majores ea æstate in Hispania, quam in Italia, res gestæ.

*U. c. 537.  
a. C. 215.*

*Victoria  
Romano-  
rum.*

# EPITOME

## LIBRI XXIV LIVIANI

**H**IERONYMUS, *Syracusanorum rex, cujus avus Hiceto amicus populi Romani fuerat, ad Carthaginienses defecit; & propter crudelitatem superbiamque a suis interfectus est. Ti. Sempronius Gracchus proconsul prospere adversus Pænos & Hannonem ducem ad Beneventum pugnavit, servorum maxime opera, quos liberos esse jussit. Claudius Marcellus consul, in Sicilia, quæ prope tota ad Pænos defecerat, Syracusas obsedit. Philippo Macedonum regi bellum indictum est; qui, ad Apolloniam nocturno prælio obpressus fugatusque, Macedoniam cum prope inermi exercitu perfugit. Ad id bellum gerendum Valerius prætor missus est. Res præterea in Hispania a P. & Cn. Scipionibus adversus Carthaginienses gestas continet. Syphax, rex Numidarum, in amicitiam*

*adscitus , & a Masinissa , rege Massylo-  
rum , pro Carthaginiensibus pugnante ,  
victus , in Maurusios cum magna manu  
transiit contra Gades ; ubi angusto freto  
Africa & Hispania dirimuntur. Celtiberi  
quoque in amicitiam recepti sunt : quorum  
auxiliis adscitis , tunc primum mercena-  
rium militem Romana castra habuerunt.*

# LIBER XXIV

## I.

*U. c. 537.  
a. C. 215.*

*Res  
a Pœnis  
apud  
Bruttios  
gestæ.*

*Rhegium  
frustra  
tentatum.*

U<sup>T</sup> ex Campania in Bruttios reditum est, Hanno, adjutoribus & ducibus Bruttiis, Græcas urbes tentavit, eò facilis in societate manentes Romana, quod Bruttios, quos & oderant, & metuebant, Carthaginienfium partis factos cernebant. Rhegium primum tentatum est, diesque aliquot ibi nequidquam absumti. Interim Locrenses frumentum, lignaque, & cetera necessaria usibus ex agris in urbem rapere, etiam ne quid relictum prædæ hostibus esset: & in dies major omnibus portis multitudo effundi. Postremo iam modo relictis in urbe erant, qui reficere muros ac portas, telaque in propugnacula congerere cogeantur. In permixtam omnium ætatum ordinumque multitudinem, & vagantem in agris magna ex parte inermem, Hamilcar Pœnus equites emisit; qui, violare quemquam vetiti, tantum, ut excluderent ab urbe fuga dissipatos, turmas objecere. Dux ipse, loco superiore capto, unde agros urbemque posset conspicere, Bruttiorum cohort-

tem adire muros , atque evocare principes *U. c. 537.*  
 Locrenfium ad conloquium juffit , & , polli- *a. C. 215.*  
 centes amicitiam Hannibalis , adhortari ad  
 urbem tradendam. Bruttiis in conloquio nul-  
 lius rei primo fides eft : (a) deinde ut Pœ-  
 nus adparuit in collibus , & refugientes pauci  
 aliam omnem multitudinem in poteftate  
 hoftium effe adferebant ; tum , metu victi ,  
 confulturos fe populum responderunt : advo-  
 catâque extemplo concione , quum & levif-  
 fimus quifque novas res novamque societa-  
 tem mallent , & , quorum propinqui extra  
 urbem interclufi ab hoftibus erant , velut  
 obfidibus datis , pigneratos haberent ani-  
 mos , pauci magis taciti probarent con-  
 ftantem fidem , quam probatam tueri aude-  
 rent ; haud dubio in speciem confenfu fit ad  
 Pœnos deditio. L. Atilio præfecto præfidii , *Locrenfes*  
 quique cum eo milites Romani erant , clam *fe dedunt*  
 in portum deductis , atque inpositis in naves , *Pœnis.*  
 ut Rhegium deveherentur , Hamilcarem Pœ-  
 nosque ea conditione , ut fœdus extemplo  
 æquis legibus fieret , in urbem acceperunt.  
 Cujus rei prope non fervata fides deditis eft ,  
 quum Pœnus dolo dimiffum Romanum incu-

(a) *est del. Gron. Grev.*

*U. c. 537.* faret; Locrenses profugisse ipsum caussarentur. *a. C. 215.* Insecuti etiam equites sunt, si quo casu in freto æstus morari, aut deferre naves in terram posset. Et eos quidem, quos sequebantur, non sunt adepti: alias a Messana trajicientes freto Rhegium naves conspexerunt. Milites erant Romani, a Claudio prætore missi ad obtinendam urbem præsidio. Itaque Rhegio extemplo abscessum est. Locrensis jussu Hannibalis data pax, «ut liberi suis legibus viverent: urbs pateret Pœnis, portus in potestatem (b) Locrensis esset: societas eo jure staret, ut Pœnus Locrensem, Locrensisque Pœnum pace ac bello juvaret.»

*Bruttii  
Crotonem  
obpugnant*

II. SIC a freto Pœni reducti, frémentibus Bruttis, quod Rhegium ac Locros, quas urbes direpturos se destinaverant, intactas reliquissent. Itaque per se ipsi, conscriptis armatisque juventutis suæ quindecim millibus, ad Crotonem obpugnandum pergunt ire, Græcam & ipsam urbem, & maritimam: plurimum accessurum opibus, si in ora maris urbem portu ac mœnibus validam (c) tenuis-

(b) potestate Grœci.

(c) si in ora maris portum ac urbem mœnibus validam Grœci. Crev.



tenuissent, credentes. Ea cura angebat, quod *U. c. 537.*  
neque non arcessere ad auxilium Pœnos satis *a. C. 215.*

audebant, ne quid non pro sociis egisse viderentur: &, si Pœnus rursus magis arbiter pacis, quam adjutor belli, fuisset, ne in libertatem Crotonis, sicut ante Locrorum, frustra pugnaretur. Itaque optimum visum est, ad Hannibalem mitti legatos, caverique ab eo, ut receptus Croto Bruttiorum esset. Hannibal quum præsentium eam consultationem esse respondisset, & ad Hannonem eos rejecisset, ab Hannone nihil certi ablatum; (d) Nec enim diripi volebant nobilem atque opulentam urbem: & sperabant, quum Brutius obpugnaret, Pœnos nec probare, nec juvare eam obpugnationem adpareret, eo maturius ad se defecturos: Crotone nec consilium unum inter populares, nec voluntas erat. Unus velut morbus invaserat omnes Italiæ civitates, ut plebes ab optimatibus dissentirent: (e) senatus Romanis faveret, plebs ad Pœnos rem traheret. Eam dissensionem in urbe perfuga nunciat Brutiis; Aristomachum esse principem plebis, tradendæ

(d) *allatum Gron.*

(e) *dissentiret Gron.*

*U. c. 537.  
a. C. 215.*

que auctorem urbis : & in vasta urbe late-  
que omnibus disiectis mœnibus, raras &  
stationes custodiasque senatorum esse : ( *f* )  
quacumque custodiant plebis homines, ea  
patere aditum. Auctore ac duce perfuga,  
Bruttii corona cinxerunt urbem : acceptique  
a plebe primo inpetu locos omnes, præter  
arcem, cepere. Arcem optimates tenebant,  
præparato jam ante ad talem casum perfu-  
gio. Eodem Aristomachus perfugit ; tamquam  
Pœnis, non Bruttiis, auctor urbis tradendæ  
fuiſſet.

*Urbs capi-  
tur a Brut-  
tiis præter  
arcem.*

III. URBS Croto murum in circuitu paten-  
tem duodecim millia passuum habuit, ante  
Pyrrhi in Italiam adventum. Post vastitatem  
eo bello factam vix pars dimidia habitabatur:  
flumen, quod medio oppido fluxerat, extra  
frequentia tectis loca præterfluebat : & arx  
procul iis, quæ habitabantur. Sex millia  
ab erat ab urbe nobili templum ( ipsa urbe  
erat nobilius ), Laciniae Junonis, sanctum  
omnibus circa populis. ( *g* ) Lucus ibi, fre-

*Lacinia  
Junonis  
templum.*

( *f* ) & in vasta urbe lateque omnibus disiectis  
mœnibus partitas stationes custodiasque senatorum  
ac plebis esse. Gron. Crev.

( *g* ) sex millia ab erat ab urbe nobile templum,  
ipsa urbe nobilius, Lacinia &c. Gron. Crev.

quenti silva & proceris abietis arboribus septus, læta in medio pascua habuit, ubi omnis generis sacrum Deæ pascebatur pecus sine ullo pastore: separatimque egressi cujusque generis greges nocte remeabant ad stabula, numquam insidiis ferarum, non fraude violati hominum. Magni igitur fructus ex eo pecore capti, columnaue inde aurea solida facta, & sacrata est: inclitumque templum, divitiis etiam, non tantum sanctitate, fuit. Ac miracula aliqua adfinguntur plerumque tam insignibus locis. Fama est, aram esse in vestibulo templi, cujus cinerem nullo umquam moveri vento. Sed arx Crotonis, una parte imminens mari, (h) altera vergente in agrum, situ tantum naturali quondam munita, postea & muro cincta est, qua per averfas rupes ab Dionysio Siciliae tyranno per dolum fuerat capta. Eam tum arcem, satis, ut videbatur, tutam, Crotoniatum optimates tenebant, circumfidente cum Bruttii eos etiam plebe sua. Postremo Bruttii, quum suis viribus inexpugnabilem viderent arcem, coacti necessitate, Hannonis auxilium implo- rant. Is, conditionibus ad deditionem com- pellere Crotoniatas conatus, ut coloniam

U. c. 537.  
a. C. 215.

Arx  
Crotonis;

*U. c. 537.  
a. C. 215.*

Bruttiorum eo deduci, antiquamque frequentiam eorum recipere vastam ac desertam bellis urbem paterentur, omnium neminem, præter Aristomachum, movit: morituros se adfirmabant citius, quam, inmixti Bruttiis, in alienos ritus, mores, legesque, ac mox linguam etiam verterentur. Aristomachus unus, quando nec suadendo ad deditiōem fatis valebat, nec, sicut urbem prodiderat, locum prodendæ arcis inveniebat, transfugit ad Hannonem. Locrenses brevi post legati, quum permissu Hannonis arcem intraissent, persuadent, ut traduci se in Locros paterentur, nec ultima experiri vellent. Jam hoc ut sibi liceret, impetraverant & ab Hannibale, missis ad ipsum legatis. Ita Crotone excessum est, deductique Crotoniatæ ad mare naves conscendunt. Locros omnis multitudo abeunt. In Apulia ne hiems quidem quieta inter Romanos atque Hannibalem erat. Luceriæ Sempronius consul, Hannibal haud procul Arpis hibernabat. Inter eos levia prælia ex occasione, aut obportunitate hujus aut illius partis, oriebantur: meliorque eis Romanus, & in dies cautior tutiorque ab insidiis fiebat.

*Crotoniatæ  
Locros  
abeunt.*

IV. IN Sicilia Romanis omnia mutaverat mors Hieronis, regnumque ad Hieronymum nepotem ejus translatum : puerum, vixdum libertatem, nedum dominationem, modice laturum. Læte id ingenium tutores atque amici ad præcipitandum in omnia vitia acceperunt : quæ ita futura cernens Hiero, ultima senectæ voluisse dicitur liberas Syracusas relinquere, ne sub dominatu puerili, per ludibrium, bonis artibus partum firmatumque interiret regnum. Huic consilio ejus summa ope obstitere filiæ, nomen regium penes puerum futurum ratæ, regimen rerum omnium penes se virosque suos, Andranodorum & Zoippum : nam ii tutorum primi relinquebantur. Non facile erat nonagesimum jam agentî annum, circumfesso dies noctesque muliebribus blanditiis, liberare animum, & convertere ad publicam privata curam. Itaque tutores modo (i) quindecim puero reliquit : quos precatus est moriens, ut fidem erga populum Romanum, quinquaginta annos ab se cultam, inviolatam fervarent, juvenemque suis potissimum vestigiis insistere vellent disciplinæque, in qua edoctus esset. Hæc man-

U. c. 537.  
a. C. 215.

*Hieronius  
succedit  
Hieronymus Syracusis.*

(i) modo l. numero Gron.

*U. c. 537.  
a. C. 215.*

data. Quum exspirasset, per tutores testamento prolato, (k) pueroque in concionem producto, (erat autem quindecim tunc ferme annorum) paucis, qui per concionem ad excitandos clamores dispositi erant, adprobantibus testamentum, ceteris velut patre amisso in orba civitate omnia timentibus, funus fit regium, magis amore civium & caritate, quam cura suorum, celebre. Deinde ceteros tutores submovet Andranodorus, juvenem jam esse dictitans Hieronymum, ac regni potentem: deponendoque tutelam ipse, quæ cum pluribus communis erat, in se unum omnium vires convertit.

V. Vix quidem ulli bono moderatoque regi facilis erat favor apud Syracusanos, succedenti tantæ caritati Hieronis. Verum *Hieronymi vitia.* enim vero Hieronymus, velut suis vitiis desiderabilem efficere vellet avum, primo statim conspectu, omnia quam disparia essent, ostendit. Nam qui per tot annos Hieronem filiumque ejus Gelonem, nec vestis habitu, nec alio ullo insigni differentes a ceteris civi-

(k) *In qua edoctus esset. Post hæc mandata quum exspirasset, tutores prodeunt. Testamento prolato &c. Gron. Crev.*

bus vidissent, conspexere purpuram, ac diadema, ac satellites armatos, quadrigisque etiam alborum equorum interdum ex regia procedentem, more Dionysii tyranni. Hunc tam superbum adparatum habitumque convenientes sequebantur contemptus omnium hominum, superbæ aures, contumeliosa dicta, rari aditus, non alienis modo, sed tutoribus etiam, libidines novæ, inhumana crudelitas. Itaque tantus omnes terror invaserat, ut quidam ex tutoribus aut morte voluntaria, aut fuga præverterent metum suppliciorum. Tres ex iis, quibus solis aditus in domum familiarior erat, Andranodorus & Zoippus, generi Hieronis, & Thrafo quidam, de aliis quidem rebus haud magnopere audiebantur: tendendo autem duo ad Carthaginienses, Thrafo ad societatem Romanam, certamine ac studiis interdum in se convertebant animum adolescentis: quum conjuratio, in tyranni caput facta, indicatur per calonem quemdam, æqualem Hieronymi, & jam inde a puero in omnia familiaria jura adfectum. Index unum ex conjuratis Theodotum, a quo ipse adpellatus erat, nominare potuit. Qui comprehensus extemplo, traditusque Andra-

U. c. 537.  
a. C. 215.

*Conjuratio in ejus caput.*

*U. c. 537.  
a. C. 215.*

nodoro torquendus, de se ipse haud cunctanter fassus, confcios celabat. Postremo, quum omnibus intolerandis patientiæ humanæ cruciatibus laceraretur, victum malis se simulans, avertit ab confciis in infontes indicium (Thrasonem esse auctorem consilii mentitus, nec, nisi tam potenti duce confisos, rem tantam aufuros) ab latere tyranni, quorum capita vilissima fingenti inter dolores gemitusque obcurrere. Maxime animo tyranni credibile indicium Thraso nominatus fecit. Ita (1) extemplo traditur ad supplicium: adjectique pænæ ceteri juxta infontes. Confciorum nemo, quum diu socius consilii torquebatur, aut latuit, aut fugit. Tantum illis in virtute ac fide Theodoti fiduciæ fuit: tantumque ipsi Theodoto virium ad arcana occultanda.

*Ad Hanni-  
balem in-  
clinat.*

VI. ITA, quod unum vinculum (m) cum Romanis societatis erat, Thrasone sublato e medio, extemplo haud dubie ad defectionem res spectabat; legatique ad Hannibalem missi, ac remissi ab eo cum Hannibale nobili adolescente Hippocrates & Epicydes, nati Car-

(1) *Itaque Gron. Crev.*

(m) *Itaque quod omne vinculum Gron.*



thagine, sed oriundi ab Syracusis exfule avo, Pœni ipsi materno genere. Per hos juncta societas Hannibali ac Syracusano tyranno : nec invito Hannibale apud tyrannum manserunt. Ap. Claudius prætor, cujus Sicilia provincia erat, ubi ea accepit, extemplo legatos ad Hieronymum misit : qui, quum sese ad renovandam societatem, quæ cum avo fuisset, venisse dicerent, per ludibrium auditi dimissique sunt ab quærente per jocum Hieronymo, « quæ fortuna eis pugnæ ad Cannas » fuisset ? vix credibilia enim legatos Hannibalis narrare. Velle, quid veri sit, scire, » ut ex eo, utram spem sequatur, consilium » capiat. » Romani, « quum serio legationes » audire cœpisset, redituros se ad eum dicentes esse, » monito magis eo, quam rogato, ne fidem temere mutaret, profiscuntur. Hieronymus legatos Carthaginem misit ad fœdus ex societate cum Hannibale faciendum. Pacto convenit, ut, quum Romanos Sicilia expulissent, (id autem brevi fore, si naves atque exercitum misissent) Himera amnis, qui ferme insulam dividit, finis regni Syracusani ac Punici imperii esset. Aliam deinde, inflatus adstantationibus eorum, qui eum non

*U. c. 537.  
a. C. 215.*

*Legati Romanorum  
per ludibrium ab  
eo auditi.*

*Fœdus ejus  
cum Pœnis.*

U. c. 537. Hieronis tantum, sed Pyrrhi etiam regis,  
a. C. 215. materni avi, jubebant meminisse, legationem  
 misit, qua (n)æquum censebat, Sicilia sibi  
 omni cedi: Italiæ imperium proprium quæri  
 Carthaginienfi populo. Hanc levitatem ac  
 jactationem animi neque mirabantur in juvene  
 furioso, neque arguebant, dummodo aver-  
 terent eum ab Romanis.

VII. SED omnia in eo præcipitia ad exitium  
 fuerunt. Nam quum, præmissis Hippocrate  
 atque Epicyde cum binis millibus armatorum  
 ad tentandas urbes, quæ præfidiis teneban-  
 tur Romanis, & ipse in Leontinos cum ce-  
 tero omni exercitu (erant autem ad quin-  
 decim millia peditum equitumque) profectus  
 esset; liberas ædes conjurati (& omnes forte  
 militabant) imminentes viæ angustæ, qua  
 descendere ad forum rex solebat, sumserunt.  
 Ibi, quum instructi armatique ceteri transitum  
 expectantes starent, uni ex eis, (Dinomeni  
 fuit nomen) quia custos corporis erat, par-  
 tes datæ sunt, ut, quum adpropinquaret ja-  
 nuæ rex, per causam aliquam in angustiis  
 sustineret ab tergo agmen. Ita, ut convene-  
 rat, factum est. Tamquam laxaret elatum

(n) quia Gron.

pedem ab stricto nodo, moratus turbam Dinomenes, tantum intervalli fecit, ut, quum in prætereuntem sine armatis regem inpetus fieret, confoderetur aliquot prius vulneribus, quam subcurri posset. Clamore & tumultu audito, in Dinomenem, jam haud dubie obstantem, tela conjiciuntur: inter (o) quæ tamen, duobus acceptis vulneribus, evasit. Fuga factellitum, ut jacentem videre regem, facta est. Interfectores pars in forum ad multitudinem lætam libertate, pars Syracusas pergunt, ad præoccupanda Andranodori regionumque aliorum consilia. Incerto rerum statu, Ap. Claudius, bellum oriens ex propinquo quum cerneret, senatum literis certiore fecit, Siciliam Carthaginienſi populo & Hannibali conciliari. Ipse adversus Syracusana consilia, provinciam, regnique fines omnia convertit præſidia. Exitu anni ejus, Q. Fabius ex auctoritate senatus Puteolos, per bellum cœptum frequentari emporium; communiit, præſidiumque inposuit. Inde Romam comitiorum caussa veniens, in eum, quem primum diem comitialem habuit, comitia edixit; atque ex itinere præter urbem in cam-

*U. c. 537.  
a. C. 215.*

*A conjuratis occiditur.*

*Comitia  
consularia*

(o) per Gron. Crev.

*U. c. 537.* pum descendit. Eo die quum fors prærogativæ  
*a. C. 215.* Anienfi juniorum exisset, eaque T. Otacilium,  
 M. Æmilium Regillum consules diceret, tum  
 Q. Fabius, silentio facto, tali oratione est  
 usus.

*Fabii Cos.  
 oratio de  
 diligendis  
 magna cu-  
 ra Cosf.*

VIII. « Si aut pacem in Italia, aut bellum  
 » cum eo hoste haberemus, in quo negle-  
 » gentiæ laxior locus esset; qui vestris studiis,  
 » quæ in campum ad mandandos, quibus ve-  
 » litis, honores adfertis, moram ullam ob-  
 » ferret, is mihi parum meminisse videretur  
 » vestræ libertatis. Sed quum in hoc bello,  
 » in hoc hoste, numquam ab ullo duce sine  
 » ingenti nostra clade erratum sit, eadem vos  
 » cura, qua in aciem armati descenditis, inire  
 » suffragium ad creandos consules decet, &  
 » sibi sic quemque dicere; Hannibali impe-  
 » ratori parem consulem nomino. Hoc anno  
 » ad Capuam Jubellio Taureæ Campano sum-  
 » mo equiti provocanti suminus Romanus  
 » eques Asellus Claudius est obpositus. Ad-  
 » versus Gallum, quondam provocantem in  
 » ponte Anienis, T. Marlium, fidentem &  
 » animo & viribus, misere majores nostri. Ob  
 » eandem causam haud multis annis post  
 » fuisse non negaverim, cur M. Valerio non

» diffideretur , adversus similiter provocantem *U. c. 537.*  
 » arma capienti Gallum ad certamen. Quem- *a. C. 215.*  
 » admodum pedites equitesque optamus , ut  
 » validiores , si minus , ut pares hosti habea-  
 » mus ; ita duci hostium parem imperatorem  
 » quæramus. Quum , qui est summus in ci-  
 » vitate dux , eum legerimus ; tamen repente  
 » lectus , in annum creatus , adversus vete-  
 » rem ac perpetuum imperatorem compara-  
 » bitur , nullis neque temporis , neque juris  
 » inclusum angustiis , quominus ita omnia  
 » gerat administretque , ut tempora postula-  
 » bunt belli. Nobis autem in adparatu ipso ,  
 » ac tantum inchoantibus res , annus circum-  
 » agitur. Quoniam , quales viros creare vos  
 » consules deceat , satis est dictum ; restat ,  
 » ut pauca de eis , in quos prærogativæ fa-  
 » vor inclinavit , dicam. M. Æmilius Regil-  
 » lus flamen est Quirinalis , quem neque mit-  
 » tere ab (p) sacris , neque retinere possu-  
 » mus , ut non Deum aut belli deferamus  
 » curam. Otacilius sororis meæ filiam uxo-  
 » rem , atque ex ea liberos , habet. Ceterum  
 » non ea vestra in me majoresque meos me-  
 » rita sunt , ut non potiore privatis neces-

U. c. 537. » situdinibus rempublicam habeam. Quilibet  
 a. C. 215. » nautarum vectorumque tranquillo mari gui-  
 » bernare potest : ubi sæva orta tempestas  
 » est, ac turbato mari rapitur vento navis,  
 » tum viro & gubernatore opus est. Non  
 » tranquillo navigamus, sed jam aliquot pro-  
 » cellis submersi pene sumus. Itaque, quis ad  
 » gubernacula sedeat, summa cura providen-  
 » dum ac præcavendum vobis est. In minore  
 » te experti, T. Otacili, re sumus. Haud  
 » sane, cur ad majora tibi fidamus, docu-  
 » menti quidquam dedisti. Classem hoc anno,  
 » cui tu præfuisi, trium rerum causa para-  
 » vimus : ut Africæ oram popularetur ; ut  
 » tuta nobis Italiæ litora essent ; ante omnia  
 » ne supplementum cum stipendio commea-  
 » tuque ab Carthagine Hannibali transporta-  
 » retur. Create consulem T. Otacilium, non  
 » dico, si omnia hæc, sed si aliquid eorum  
 » reipublicæ præstitit. Sin autem, te clas-  
 » sem obtinente, etiam, velut pacato mari,  
 » quælibet Hannibali tuta atque integra ab  
 » domo venerunt : si ora Italiæ infestior hoc  
 » anno, quam Africæ, fuit ; quid dicere po-  
 » tes, cur te potissimum ducem Hannibali  
 » hosti obponant ? (q) Si consul esses, dicta-

(q) *opponamus Gron.*

» torem dicendum exemplo majorum nostro- *U. c. §37.*  
 » rum censeremus. Nec tu id indignari posses, *a. C. 215.*  
 » aliquem in civitate Romana meliorem bello  
 » haberi, quam te. Magis nullius interest,  
 » quam tua, T. Otacili, non inponi cervici-  
 » bus tuis onus, sub quo concidas. Ego  
 » magnopere suadeo, eodem animo, quo, si  
 » stantibus vobis in aciem armatis repente  
 » deligendi duo imperatores essent, quorum  
 » ductu atque auspicio dimicaretis, hodie  
 » quoque consules creetis: quibus sacramento  
 » liberi vestri dicant, ad quorum edictum  
 » conveniant, sub quorum tutela atque cura  
 » militent. Lacus Trasimenus & Cannæ tristitia  
 » ad recordationem exempla, sed ad præcaven-  
 » dum simile utili (r) documento sunt. Præco;  
 » Aniensem juniorum in suffragium revoca. »

IX. QUUM T. Otacilius ferociter, eum  
 continuare consulatum velle, vociferaretur  
 atque obstreperet, lictores ad eum accedere  
 consul jussit: &, quia in urbem non inie-  
 rat, protinus in campum ex itinere profectus,  
 admonuit, cum securibus sibi fasces præferri.  
 Iterum prærogativa suffragium init; (s) crea-

(r) utiles Gron. utilia documenta Crev.

(s) iniit Crev.

tique in ea consules Q. Fabius Maximus quartum, M. Marcellus tertium. Eisdem consules ceteræ centuriæ sine variatione ulla dixerunt. Et prætor unus relictus Q. Fulvius Flaccus : novi (f) alii creati, T. Otacilius Crassus iterum, Q. Fabius consulis filius, qui tum ædilis curulis erat, P. Cornelius Lentulus. Comitibus prætorum perfectis, senatusconsultum factum est, « ut Q. Fulvio » extra ordinem urbana provincia esset :isque » potissimum, consulibus ad bellum profectis, » urbi præesset. » Aquæ magnæ bis eo anno fuerunt : Tiberisque agros inundavit cum magna strage tectorum, pecorumque & hominum perniciæ. Quinto anno secundi Punici belli, Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animos. Multis enim annis tale consulum par non fuerat. Referebant senes, sic Maximum Rullum cum P. Decio ad bellum Gallicum, sic postea Papirium Carviliūque adversus Samnites, Bruttiosque, & Lucanum cum Tarentino populum, consules declaratos. Absens Marcellus consul creatus, quum ad exerci-

U. c. 538.  
a. C. 214.

Q. Fabio  
IV. M.  
Marcello  
III. Coss.

(f) inf. tres Gron. Crev.



exercitum esset; præsentī Fabio, atque ipso  
comitia habente, consulatus continuatus. *U. c. 538.*  
*a. C. 214.*

Tempus ac necessitas belli, ac discrimen summæ rerum faciebant, ne quis aut in exemplum exquireret, aut suspectum cupiditatis imperii consulem haberet. Quin laudabant potius magnitudinem animi, quod, quum summo imperatore esse opus reipublicæ sciret, seque eum haud dubie esse, minoris invidiam suam, si qua ex re oriretur, quam utilitatem reipublicæ, fecisset.

X. Quo die magistratum inierunt consules; senatus in Capitolio est habitus: decretumque omnium primum, ut consules sortirentur, compararentve inter se, uter censoribus creandis comitia haberet, priusquam ad exercitum proficisceretur. Prorogatum deinde imperium omnibus, qui ad exercitus erant: iussique in provinciis manere, Ti. Gracchus Luceriæ, ubi cum volonum exercitu erat; C. Terentius Varro in agro Piceno, Manius Pomponius in Gallico: ex prætoribus prioris anni pro prætore Q. Mucius obtineret Sardiniam, M. Valerius ad Brundisium oræ maritimæ, intentus adversus omnes motus Philippi Macedonum regis, præesset. P. Cor.

*U. c. 538.* nelio Lentulo prætori Sicilia decreta provin-  
*a. C. 214.* cia ; T. Otacilio classis eadem , quam adver-

sus Carthaginienſes priore anno habuiſſet.

*Prodigia.* Prodigia eo anno multa nunciata ſunt : quæ  
 quo magis credebant ſimplices ac religioſi  
 homines , eo plura nunciabantur. Lanuvii in  
 æde intus Soſpitæ Junonis corvos nidum  
 feciſſe : in Apulia palmam viridem ariſſe :  
 Mantuæ ſtagnum effuſum Mincio amni cruen-  
 tum viſum : & Calibus creta , & Romæ in  
 foro boario ſanguine pluſſe : & in vico  
 Iſtrico fontem ſub terra tanta vi aquarum  
 fluxiſſe , ut ſerias doliaque , quæ in eo loco  
 erant , provoluta velut inpetus torrentis tu-  
 lerit : tacta de cœlo atrium publicum in Ca-  
 pitolio , ædem in campo Vulcani , nucem in  
 Sabinis publicamque viam , murum ac por-  
 tam Gabiis. Jam alia vulgata miracula erant :  
 haſtam Martis præneſte ſua ſponte promo-  
 tam : bovem in Sicilia locutum : infantem  
 in utero matris in Marruciniſ , “ Io trium-  
 phe ! ” clamaſſe : ex muliere Spoleti virum  
 factum : Hadriæ aram in cœlo , ſpeciesque  
 hominum circum eam , cum candida veſte ,  
 viſas eſſe. Quin Romæ quoque in ipſa urbe ,  
 ſecundum apum examen in foro viſum , ad-

firmantes quidam, legiones se armatas in Janiculo videre, concitaverunt civitatem ad arma: qui tum in Janiculo essent, negarunt, quemquam ibi, præter adfuetos collis ejus cultores, adparuisse. Hæc prodigia hostiis majoribus procurata sunt ex aruspicum responso: & supplicatio omnibus Deis, quorum pulvinaria Romæ essent, indicta est.

XI. PERPETRATIS, quæ ad pacem Deum pertinebant, de republica belloque gerendo, & quantum copiarum, & ubi quæque essent, consules ad senatum retulerunt. Duodeviginti legionibus bellum geri placuit: binas consules sibi sumere: binis Galliam, Siciliamque, ac Sardiniam obtineri: duabusque Q. Fabium prætorem Apuliæ, duabus volonum Ti. Gracchum circa Luceriam præesse: singulas C. Terentio proconsuli ad Picenum, & M. Valerio ad classem circa Brundisium relinqui, & duas urbi præsidio esse. Hic ut numerus legionum expleretur, sex novæ legiones erant scribendæ. Eas primo quoque tempore consules scribere jussi, & classem parare: ut cum eis navibus, quæ pro Calabriae litoribus in statione essent, centum (1) quinquaginta

U. c. 533.  
a. C. 214.

(1) centum del. Gron.

U. c. 538.

a. C. 214.

longarum navium classis eo anno expleretur:

Delectu habito, & centum navibus novis deductis, Q. Fabius comitia censoribus creandis habuit. Creati M. Atilius Regulus & P. Furius Philus. Quum increbresceret (u) rumor, bellum in Sicilia esse, T. Otacilius eo cum classe proficisci iussus est. Quum deessent

*Nauta privata in-  
pensata pa-  
rati.*

nautæ, consules ex senatusconsulto edixerunt, « ut, qui, L. Æmilio, C. Flamini » censoribus, millibus æris quinquaginta ipse » aut pater ejus census fuisset, usque ad » centum millia, aut cui postea res tanta esset » facta, nautam unum cum sex mensium stipendio daret: qui supra centum millia, » usque ad trecenta millia, tres nautas cum » stipendio annuo: qui supra trecenta millia, » usque ad decies æris, quinque nautas: qui » supra decies, septem: senatores octo nautas » cum annuo stipendio darent. » Ex hoc edicto dati nautæ, armati instructique ab dominis, cum triginta dierum coctis cibariis naves conscenderunt. Tum primum est factum, ut classis Romana fociis navalibus privata inpena paratis compleretur.

(u) *increbresceret Gron.*

XII. Hic major solito adparatus præcipue *U. c. 538.*  
 conterruit Campanos, ne ab obsidione Ca- *a. C. 214.*  
 puæ bellum ejus anni Romani inciperent. Ita *Terrentur*  
 que legatos Hannibalem oratum miserunt, *Campani.*  
 ut Capuam exercitum admoveret. «Ad eam  
 » obpugnandam novos exercitus scribi Romæ;  
 » nec ullius urbis defectioni magis infensos  
 » eorum animos esse.» Id quia tam trepidi  
 nunciabant, maturandum Hannibal ratus, ne  
 prævenirent Romani, profectus Arpis, ad  
 Tifata in veteribus castris super Capuam con-  
 sedit. Inde, Numidis Hispanisque ad præsi-  
 dium simul castrorum simul Capuæ relictis,  
 cum cetero exercitu ad lacum Averni per  
 speciem sacrificandi, re ipsa ut tentaret Pu-  
 teolos, quodque ibi præsidii erat, descendit.  
 Maximus, postquam Hannibalem Arpis pro-  
 fectum, & regredi in Campaniam, adlatum  
 est, nec die nec nocte intermisso itinere, ad  
 exercitum redit : & Ti. Gracchum ab Luceria  
 Beneventum copias admovere, Q. Fabium  
 prætorem (is filius consulis erat) Luceriam  
 Graccho succedere jubet. In Siciliam eodem  
 tempore duo prætores profecti, P. Cornelius  
 ad exercitum, Otacilius, qui maritimæ oræ  
 reique navali præesset; & ceteri in suas

*V. c. 538.* quisque provincias profecti : & , quibus pro-  
*a. C. 214.* rogatum imperium erat , easdem , quas priore  
 anno , regiones obtinuerunt.

*Legati Ta-*  
*rentini ad*  
*Hanniba-*  
*lem.*

XIII. Ad Hannibalem , quum ad lacum  
 Averni esset , quinque nobiles juvenes ab  
 Tarento venerunt , partim ad Trasimenum  
 lacum , partim ad Cannas capti , dimissique  
 domos cum eadem comitate , qua usus adver-  
 sus omnes Romanorum socios Pœnus fuerat.  
 Ii , « memores beneficiorum ejus perpulisse  
 » magnam partem se juventutis Tarentinæ , »  
 referunt , « ut Hannibalis amicitiam ac socie-  
 » tatem , quam populi Romani , mallent ;  
 » legatosque ab suis missos rogare Hanniba-  
 » lem , ut exercitum propius Tarentum ad-  
 » moveat. Si signa ejus , si castra conspecta  
 » Tarento sint , haud ullam intercessuram  
 » moram , quin urbs dedatur. In potestate  
 » juniorum plebem , in manu plebis rem Ta-  
 » rentinam esse , » Hannibal conlaudatos eos ,  
 oneratosque ingentibus promissis , domum ad  
 cœpta maturanda redire jubet : se in tem-  
 pore adfuturum esse. Hac cum spe dimissi  
 Tarentini. Ipsum ingens cupido incefferat Ta-  
 renti potiundi. Urbem esse videbat , quum  
 opulentam nobilemque , tum maritimam , &

in Macedoniam obportune versam : regem- *U. c. 533.*  
 que Philippum hunc portum , si transfiret in *a. C. 214.*  
 Italiam , quum Brundisium Romani haberent  
 petiturum. Sacro inde perpetrato , ad quod  
 venerat , & , dum ibi moratur , pervastato  
 agro Cumano usque ad Miseni promontorium ,  
 Puteolos repente agmen convertit , ad obpri- *Puteolos*  
 mendum præsidium Romanum. Sex millia *frustra ,*  
 hominum erant , & locus munimento quoque, *tentat.*  
 non natura modo , tutus. Triduum ibi mo-  
 ratus Pœnus , ab omni parte tentato præsidio,  
 deinde , ut nihil procedebat , ad populandum  
 agrum Neapolitanum , magis ira quam po-  
 tiundæ urbis spe , processit. Adventu ejus in *A Nolanis*  
 propinquum agrum Nolana mota est plebs , *vocatur.*  
 jam diu aversa ab Romanis & infesta senatui  
 suo. Itaque legati ad arcessendum Hanniba-  
 lem , cum haud dubio promisso tradendæ  
 urbis , venerunt. Prævenit inceptum eorum *Prævenit*  
 Marcellus consul , a primoribus adcitus. Die *eum Mar-*  
 uno Sueffulam a Calibus , quum Vultur- *cellus.*  
 nus annis trajicientem moratus esset , contende-  
 rat. Inde proxima nocte sex millia peditum ,  
 equitesque trecentos , qui præsidio senatu  
 essent , Nola intromisit : & , uti a consule  
 omnia inpigre facta sunt ad præoccupandam

*U. c. 538.* Nola, ita Hannibal tempus terebat; bis  
*a. C. 214.* jam ante nequidquam tentata re, segnior ad  
 credendum Nolanis factus.

*Hannonis  
 & Gracchi  
 exercitus  
 ad Bene-  
 ventum.*

XIV. ISDEM diebus & Q. Fabius consul  
 ad Casilinum tentandum, quod præsidio Pu-  
 nico tenebatur, venit; & ad Beneventum,  
 velut ex composito, parte altera Hanno ex  
 Brutiis cum magna peditum equitumque  
 manu, altera Ti. Gracchus ab Luceria acces-  
 sit: qui primo oppidum intravit. Deinde, ut  
 Hannonem tria millia ferme ab urbe ad Ca-  
 lorem fluvium castra posuisse, & inde agrum  
 populari audivit, & ipse, egressus mœnibus,  
 mille ferme passus ab hoste castra locat, ibi-  
 que concionem militum habuit. Legiones  
 magna ex parte volonum habebat; qui jam  
 alterum annum libertatem tacite mereri, quam  
 postulare palam, maluerant. Senferat tamen  
 hibernis egrediens murmur in agmine esse  
 quærentium, « en umquam liberi militaturi  
 » essent? » scripseratque senatui, non tam  
 quid desiderarent, quam quid meruissent:  
 « bona fortique opera eorum se ad eam diem  
 » usum: neque ad exemplum justi militis  
 » quidquam eis, præter libertatem, deesse. »  
 De eo permissum ipsi erat, faceret, quod &



republica duceret esse. Itaque prius, quam cum hoste manum confereret, pronunciat; « tempus venisse eis (u) libertatis, quam diu » sperassent, potiundæ. Postero die signis » conlatis dimicaturum puro ac patenti cam- » po, ubi sine ullo insidiarum metu vera » virtute geri res posset. Qui caput hostis retu- » lisset, eum se extemplo liberum iussurum » esse: qui loco cessisset, in eum servili sup- » plicio animadversurum. Suam cuique for- » tunam in manu esse: libertatis auctorem » eis non se fore solum, sed consulem M. » Marcellum, sed universos Patres; quos, » consultos ab se de libertate eorum, sibi » permisisset. » Literas inde consulis ac sena- » tusconsultum recitavit. Ad quæ clamor cum ingenti adsensu est sublatus. Pugnam posce- » bant, signumque ut daret extemplo, ferociter instabant. Gracchus, prælio in posterum diem pronunciato, concionem dimisit. Milites læti, præcipue quibus merces navatæ in unum diem operæ libertas futura erat, armis expediendis quod (v) reliquum consumunt.

XV. POSTERO die, ubi signa cœperunt canere, primi omnium parati instructique ad

(u) *ejus* Gron. Crev.

(v) *quod 1, diei* Gron. Crev.

U. c. 538.  
a. C. 214.

*Gracchus  
libertatem  
promittit  
volonibus  
qui acriter  
pugnave-  
runt.*

*U. c. 538.* prætorium conveniunt. Sole orto, Gracchus  
*a. C. 214.* in aciem copias educit : nec hostes moram

*Acris  
 pugna.*

dimicandi fecerunt. Decem & septem millia  
 peditum erant, maximā ex parte Bruttii ac  
 Lucani : equites mille ducenti ; inter quos  
 pauci admodum Italici, ceteri Numidæ fere  
 omnes Maurique. Pugnatum est & acriter,  
 & diu. Quatuor horis neutro inclinata est  
 pugna : nec alia magis Romanum inpediebat  
 res, quam capita hostium pretia libertati facta.  
 Nam ut quisque hostem inpigre occiderat,  
 primum capite ægre inter turbam tumultum-  
 que abscidendo (x) tempus terebat : deinde,  
 occupata dextra tenendo caput, fortissimus  
 quisque pugnator esse desierat : segnibus ac  
 timidis tradita pugna erat. Quod ubi tribuni  
 militum Graccho nunciaverunt, « neminem  
 » stantem jam vulnerari hostem, carnificari  
 » jacentes, & in dextris militum pro gladiis  
 » humana capita esse : » signum dari propere  
 jussit, « projicerent capita, invaderentque  
 » hostem. Claram fatis & insignem virtutem  
 » esse : nec dubiam libertatem futuram stre-  
 » nuis viris. » Tum redintegrata pugna est,  
 & eques etiam in hostem emissus. Quibus

(x) *abscidendo* Gron. Crev.

quum inpigre Numidæ concurrissent, nec se- *U. c. 538.*  
 gnior equitum, quam peditum, pugna esset, *a. C. 214.*  
 iterum in dubium adducta res. Quum utrim-  
 que duces, Romanus Bruttium Lucanumque,  
 toties a majoribus suis victos subactosque;  
 Pœnus mancipia Româna & ex ergastulo  
 militem, verbis obtereret; postremo pronun-  
 ciat Gracchus, « esse nihil, quod de liber-  
 »tate sperarent, nisi eo die fusi fugatique  
 »hostes essent.

XVI. EA demum vox ita animos accendit,  
 atque, renovato clamore, velut alii repente  
 facti, tanta vi se in hostem intulerunt, ut  
 sustineri ultra non possent. Primo antesignani  
 Pœnorum, deinde signa perturbata, postremo  
 tota impulsæ acies: inde haud dubie terga  
 data, ruuntque fugientes in castra, adeo pa-  
 vidi trepidique, ut ne in portis quidem aut  
 vallo quisquam restiterit, ac prope continenti  
 agmine Romani infecuti, novum de integro  
 prælium inclusi hostium vallo ediderint. Ibi  
 sicut pugna inpeditor in angustiis, ita cædes  
 atrocior fuit: & adjuvare captivi, qui,  
 rapto inter tumultum ferro, conglobati &  
 ab tergo ceciderunt Pœnos, & fugam inpe-  
 dierunt. Itaque minus duo millia hominum

*Romani  
vincunt.*

U. c. 538. ex tanto exercitu, & ea major pars equitum,  
 a. C. 214. cum ipso duce effugerunt : alii omnes cæsi  
 aut capti : capta & signa duodequadragenta.  
 Ex victoribus duo millia ferme cecidere. Præ-  
 da omnis (præterquam hominum captorum)  
 militi concessa est : & pecus exceptum est,  
 quod intra dies triginta domini cognovissent.  
 Quum præda onusti in castra redissent, qua-  
 tuor millia ferme volonum militum, qui  
 pugnaverant segnius, nec in castra inrupe-  
 rant simul, metu pœnæ collem haud procul  
 castris ceperunt. Postero die per tribunos (y)  
 militum inde deducti, concione militum ad-  
 vocata a Graccho, superveniunt. Ubi quum  
 proconsul veteres milites primum, prout  
 cujusque virtus atque opera in ea pugna fue-  
 rat, militaribus donis donasset, tunc quod  
 ad volones attineret, « omnes, [ait] malle,  
 » laudatos a se, dignos indignosque, quam  
 » quemquam eo die castigatum esse. Quod  
 » bonum, faustum, felixque reipublicæ ipsis-  
 » que esset, omnes eos liberos esse jubere. »  
 Ad quam vocem quum clamor ingenti alacri-  
 tate sublatus esset, ac nunc complexi inter  
 se gratulantesque, nunc manus ad cœlum

*Volonibus  
 libertas  
 datur.*

(y) tribunum Gron. Crev.

tollentes, bona omnia populo Romano Grac- *U. c. 538.*  
*a. C. 214.*  
choque ipsi precarentur; tum Gracchus:

« Priusquam omnes jure libertatis æquassem,  
» [inquit] neminem nota strenui aut ignavi  
» militis notasse volui. Nunc, exsoluta jam  
» fide publica, ne discrimen omne virtutis  
» ignaviæque pereat, nomina eorum, qui,  
» detrectatæ pugnae memores, secessionem  
» paullo ante fecerunt, referri ad me jubebo:  
» citatosque singulos jurejurando adigam, nisi  
» queis morbus causa erit, non aliter, quam  
» stantes, cibum potionemque, quoad stipen-  
» dia facient, capturos esse. Hanc multam ita  
» æquo animo feretis, si reputabitis, nulla  
» ignaviæ nota leviori vos designari potuisse.»  
Signum deinde conligendi vasa dedit: mili-  
tesque prædam portantes agentesque, per  
lasciviam ac jocum, ita ludibundi Beneven-  
tum rediere, ut ab epulis per celebrem fe-  
stumque diem actis, non ex acie, reverti vi-  
derentur. Beneventani omnes turba effusa  
quum obviam ad portas exissent, complecti  
milites, gratulari, vocare in hospitium. Ad-  
parata convivia omnibus in propatulo ædium  
fuerant: ad ea invitabant, Gracchumque  
orabant, ut epulari permetteret militibus. Et

*U. c. 538.* Gracchus ita permisit, in publico epularentur omnes. Ante suas quibusque fores prolata omnia. Pileati, aut lana alba velatis capitibus volones epulati sunt; alii adcubantes, alii stantes, qui simul ministrabant vesciebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in æde Libertatis, quam pater ejus in Aventino ex multaticia pecunia faciendam curavit dedicavitque.

*Marcellus  
obviam it;  
Hannibali.*

XVII. DUM hæc ad Beneventum geruntur, Hannibal, depopulatus agrum Neapolitanum, ad Nolam castra movet. Quem ubi adventare consul sensit, Pomponio proprætore cum eo exercitu, qui super Sueffulam in castris erat, adcito, ire obviam hosti parat, nec moram dimicandi facere. C. (2) Claudium Neronem cum robore equitum silentio noctis per averfam maxime ab hoste portam emit: circumvectumque occulte subsequi sensim agmen hostium jubet, & quum coortum prælium videret, ab tergo se objicere. Id errore viarum, an exiguitate temporis, Nero exsequi non potuerit, incertum est. Absente eo quum prælium commissum esset, superior

quidem haud dubie Romanus erat; sed, quia equites non adfuere in tempore, ratio compositæ rei turbata est. Non ausus insequi cedentes Marcellus, vincentibus suis signum receptui dedit. Plus tamen duo millia hostium eo die cæsa traduntur: Romani minus quadringentis. Solis fere obcasu Nero, diem noctemque nequidquam fatigatis equis hominibusque, ne viso quidem hoste rediens, adeo graviter est ab consule increpitus, ut per eum stetisse diceret, quo minus accepta ad Cannas redderetur hosti clades. Postero die Romanus in aciem descendit: Pœnus, tacita etiam confessione victus, castris se tenuit. Tertio die silentio noctis, omissa spe Nolæ potiundæ, rei numquam prospere tentatæ, Tarentum ad certiores spes prodicionis proficiscitur.

XVIII. NEC minore animo res Romana domi, quam militiæ, gerebatur. Censores, vacui ab operum locandorum cura, propter inopiam ærarii, ad mores hominum regendos animum adverterunt; castigandaque vitia; quæ, velut diutinis morbis ægra corpora ex se gignunt, nata bello erant. Primum eos citaverunt, qui post Cannensem pugnam

U. c. 538.  
a. C. 214.

*Romani  
vincunt,*

*Censura  
Romæ se  
vere exer-  
cita.*

*U. c. 538.* rempublicam deferuisse, Italiaque excessisse  
*a. C. 214.* velle dicebantur. Princeps eorum L. Cæcilius  
 Metellus (a) quæstor tum forte erat. Jussu  
 deinde eo ceterisque ejusdem noxæ reis causam  
 dicere, quum purgari nequissent, pronun-  
 ciarunt, verba orationemque eos adver-  
 sus rempublicam habuisse, quò conjuratio  
 deferendæ Italiæ causâ fieret. Secundum eos  
 citati nimis callidi exsolvendi jurisjurandi  
 interpretes: qui captivorum, ex itinere re-  
 gressi clam in castra Hannibalis, solutum,  
 quod juraverant redituros, rebantur. His su-  
 perioribusque illis equi ademti, qui publicum  
 equum habebant: tribuque moti, ærarii om-  
 nes facti. Neque senatu modo aut equestri  
 ordine regendo cura se censorum tenuit. No-  
 mina omnium ex juniorum tabulis excerpse-  
 runt, qui quadriennio non militassent, qui-  
 bus neque vacatio justâ militiæ, neque mor-  
 bus causâ fuisset. Et ea supra duo millia no-  
 minum in ærarios relata, tribuque omnes  
 moti. Additumque inertî censoriæ notæ triste  
 senatusconsultum: ut ii omnes, quos censo-  
 res notassent, pedibus mererent, mitteren-  
 turque in Siciliam ad Cannensis exercitus  
 reliquias,

(a) add. qui Gron. Cræv.



reliquias , cui militum generi non prius , quam pulsus Italia hostis esset , finitum stipendiorum tempus erat. Quum censores , ob inopiam ærarii , se jam locationibus abstinerent ædium sacrarum tuendarum , curuliumque equorum præbendorum , ac similibus his rerum ; convenere ad eos frequentes , qui hastæ hujus generis adfueverant : hortatique censores , « ut omnia perinde agerent , locarent , ac si pecunia in ærario esset. Neminem , nisi bello confecto , pecuniam ab ærario petiturum esse. » Convenere deinde domini eorum , quos Ti. Sempronius ad Beneventum manu emiserat : arcessitosque se ab triumviris mensariis esse dixerunt , ut pretia servorum acciperent : ceterum non ante , quam bello confecto , accepturos esse. Quum hæc inclinatio animorum plebis ad sustinendam inopiam ærarii fieret ; pecuniæ quoque pupillares primo , deinde viduarum , coeptæ conferri : nusquam eas tutius sanctiusque deponere credentibus , qui deferebant , quam in publica fide. Inde , si quid emptum paratumque pupillis ac viduis foret , a quæstore perscribebatur. Manavit ea privatorum benignitas ex urbe etiam in castra , ut non

*U. c. 538.  
a. C. 214.*

*Liberaltas privatorum erga rempubl.*

*U. c. 538.  
a. C. 214.*

eques, non centurio stipendium acciperent, mercenariumque increpantes vocarent, qui accepisset.

*Fabius  
Casilinum  
obsidet.*

XIX. Q. FABIVS consul ad Casilinum castra habebat, quod duum millium Campanorum, & septingentorum militum Hannibalis tenebatur præsidio. Præerat Staius Metius, missus ab Cn. Magio Atellano : qui eo anno Medixtuticus erat, servitiæque & plebem promiscue armabat, ut castra Romana invaderet, intento consule ad Casilinum obpugnandum. Nihil eorum Fabium fefellit. Itaque Nolam ad collegam mittit, « altero exercitu, » dum Casilinum obpugnatur, opus esse, qui » Campanis obponatur. Vel ipse, relicto Nola præsidio modico, veniret : vel, si eum » Nola teneret, & necdum securæ res ab » Hannibale essent, se Ti. Gracchum proconsulem a Benevento adciturum.» Hoc nuncio

*Marcellus  
codem cum  
exercitu  
venit.*

Marcellus, duobus militum millibus Nola in præsidio relicto, cum cetero exercitu Casilinum venit, adventuque ejus Campani, jam moventes sese, quieverunt. Ita a duobus consulibus Casilinum obpugnari cœptum. Ubi quum multa, succedentes temere mœnibus, Romani milites acciperent vulnera, neque

fatis inceptis succederet ; Fabius , omittendam rem parvam ac juxta magnis difficilem , abscedendumque inde censebat , quum res majores instarent. Marcellus multa magnis ducibus sicut non adgredienda , ita semel adgressis non dimittenda esse , dicendo , quia magna famæ momenta in utramque partem fierent , tenuit , ne inrito incepto abiretur. Vineæ inde omniaque alia operum machinationumque genera quum admoventur , Campanique Fabium orarent , ut abire Capuam tuto liceret ; paucis egressis , Marcellus portam , qua egrediebantur , occupavit , cædesque promiscue omnium circa portam primo , deinde , inruptione facta , etiam in urbe fieri coëpta est. Quinquaginta fere primo egressi Campanorum , quum ad Fabium confugissent , præsidio ejus Capuam pervenerunt. *Casilinum* *captum.* Casilinum , inter colloquia cunctationemque petentium fidem , per occasionem captum est. Captivi , quique Campanorum , quique Hannibalis militum erant , Romam missi , atque ibi in carcere inclusi sunt : oppidanorum turba per finitimos populos in custodiam divisa.

XX. QUIBUS diebus a Casilino , re bene gesta , recessum est , eis Gracchus in Lucanis

*U. c. 538.  
a. C. 214.*

*In  
Lucanis  
accepta  
clades.*

*Fabius  
Samnium  
vastat.*

aliquot cohortes, in ea regione conscriptas ; cum præfecto sociorum in agros hostium prædatum misit. Eos effuse palatos Hanno adortus , haud multo minorem, quam ad Beneventum acceperat, reddidit hosti cladem, atque in Bruttios raptim, ne Gracchus adsequeretur, concessit. Consules, Marcellus retro , unde venerat, Nolam redit; Fabius in Samnium ad populandos agros recipiendasque armis , quæ defecerant , urbes processit. Caudinus Samnis gravius devastatus : perusti late agri , prædæ pecudum hominumque actæ : oppida vi capta , Compulteria, Telesia, Compsa, Melæ, Fulfulæ & Orbitanium : ex Lucanis Blandæ : Apulorum Æcæ obpugnatae. Millia hostium in his urbibus viginti quinque capta , aut occisa : & recepti perfugæ trecenti septuaginta ; quos quum Romam misisset consul, virgis in comitio cæsi omnes , ac de saxo dejecti. Hæc a Q. Fabio intra paucos dies gesta. Marcellum ab gerundis rebus valetudo adversa Nolæ tenuit. Et a prætore Q. Fabio, cui circa Luceriam provincia erat , Accua oppidum per eos dies vi captum : stativaque ad Ardoneas communita. Dum hæc aliis locis ab Romanis geruntur ;

jam Tarentum pervenerat Hannibal, cum *U. c. 538.*  
 maxima omnium, quacumque ierat, clade. *a. C. 214.*

In Tarentino demum agro pacatum incedere agmen coepit. Nihil ibi violatum, neque usquam via excessum est : adparebatque, non id modestia militum aut ducis, nisi ad conciliandos Tarentinorum animos, fieri. Ceterum *Ad Tarentum castra locat Hannibal.*  
 quum propemodo muris accessisset, nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo ante, quam Hannibal ad moenia accederet, a M. Valerio propræto-  
 re, qui classi ad Brundisium præerat, missus M. Livius, primore juventute conscripta, *M. Livius Tarentum tuetur.*  
 dispositisque ad omnes portas, circaque muros, qua res postulabat, stationibus, die ac nocte plurimum intentus, neque hostibus, neque dubiis fociis loci quidquam præbuit ad tentandum. Quare diebus aliquot frustra ibi absūntis, Hannibal, quum eorum nemo, qui ad lacum Averni adissent, aut ipsi venirent, aut nuncium literasve mitterent, vana promissa se temere secutum cernens, castra inde movit. Tum quoque, intacto agro Tarentino, (quamquam simulata lenitas nihildum pro-  
 fuerat, tamen spe labefactandæ fidei haud

U. c. 538.  
a. C. 214.

*Hannibal  
Salapiam  
se confert.*

abfistens ) Salapiam ut venit, frumentum ex agris Metapontino atque Heracliensi (jam media æstas exacta erat, & hibernis placebat locus ) comportat. Prædatum inde Numidæ Maurique per Sallentinum agrum proximosque Apuliæ saltus dimissi : unde ceteræ prædæ haud multum, equorum greges maxime abacti; e quibus ad quatuor millia domanda equitibus divisa.

*Rerum  
status in  
Sicilia.*

XXI. ROMANI, quum bellum nequaquam contemnendum in Sicilia oriretur, morsque tyranni duces magis inpigros dedisset Syracusanis, quam causam aut animos mutasset, M. Marcello alteri consulum eam provinciam decernunt. Secundum Hieronymi cædem primo tumultuatum in Leontinis apud milites fuerat, vociferatumque ferociter, parentandum regi sanguine conjuratorum esse. Deinde libertatis restitutæ dulce auditu nomen crebro usurpatum, spes facta ex pecunia regia largitionis, militiæque fungendæ potioribus ducibus, & relata tyranni fœda scelera fœdioresque libidines, adeo mutavere animos, ut infepultum jacere corpus paullo ante desiderati regis paterentur. Quum ceteri ex conjuratis ad exercitum obtinendum remansissent,

Theodotus & Sosis regiis equis , quanto maximo cursu poterant , ut ignaros omnium regios obprimerent , Syracusas contendunt. Ceterum prævenerat non fama solum , ( qua nihil in talibus rebus est celerius ) sed nuncius etiam ex regiis fervis. Itaque Andranodorus & Insulam , & arcem , & alia , quæ poterat , quæque obportuna erant , præfidiis firmarat. Hexapylo Theodotus ac Sosis post solis obcasum jam obscura luce infecti , quum cruentam regiam vestem atque insigne capitis ostentarent , travecti per Tycham , simul ad libertatem , simul ad arma vocantes , in Achradinam convenire jubent. Multitudo pars procurrit in vias , pars in ( *b* ) vestibulis stat , pars ex tectis fenestrisque prospectant , & , quid rei sit , rogitant. Omnia luminibus conlucent , strepituque vario complentur. Armati locis patentibus congregantur. Inermes ex Olympii Jovis templo spolia Gallorum Illyriorumque , dono data Hieroni a populo Romano , fixaque ab eo , detrahunt , præcantes Jovem , ut volens propitius præbeat sacra arma , pro patria , pro Deum delubris , pro libertate sese armantibus. Hæc quoque mul-

*U. c. 538.  
a. C. 214.*

*Andranodorus ar-  
cem Syra-  
cusis occupa-  
vit.*

( *b* ) add. *ædium* Gron. Crev.

*U. c. 538.  
a. C. 214.*

titudo, stationibus per principes regionum urbis dispositis, adjungitur. In Insula inter cetera Andranodorus præfidiis firmat horrea publica. Locus, saxo quadrato septus, atque arcis in modum emunitus, capitur ab juventute, quæ præsidio ejus loci adtributa erat, mittuntque nuncios in Achradinam, horrea frumentumque in senatus potestate esse.

*Polyæni  
libera &  
moderata  
oratio.*

XXII. LUCE prima populus omnis armatus inermisque in Achradinam ad curiam convenit. Ibi pro concordiae ara, quæ in eo sita loco erat, ex principibus unus nomine Polyænus concionem & liberam & moderatam habuit: « Servitudinis indignitatisque homines expertos, adversus notum malum inritatos esse. Discordia civilis quas inportet clades, audisse magis a patribus Syracusanos, quam ipsos vidisse. Arma quod impigre ceperint, laudare: magis laudaturum, si non utantur, nisi ultima necessitate coacti. In præsentia legatos ad Andranodorum mitti placere, qui denuncient, ut in potestate senatus ac populi sit: portæ Insulæ pateant: recedat præsidium. Si tutelam alieni regni suum regnum velit facere, eundem se censere, multo acrius ab Andranodoro, quam



» ab Hieronymo , repeti libertatem. » Ab hac concione legati missi sunt. Senatus inde haberi cœptus est : quod sicut , regnante Hierone , manserat publicum consilium , ita post mortem ejus, ante eam diem , nulla de re neque convocati, neque consulti fuerant. Ut ventum ad Andranodorum est, ipsum quidem movebat & civium consensus, & quum aliæ occupatæ urbis partes , tum pars Insulæ, velut munitissima , prodita atque alienata. Sed evocatum eum ab legatis Damarata ( c ) uxor, filia Hieronis, inflata adhuc regiis animis ac muliebri spiritu, admonet sæpe usurpatæ Dionysii tyranni vocis : qua, « pedibus » tractum, non infidentem equo , relinquere » tyrannidem, dixerit , debere. Facile esse » momento, quo quis velit, cedere possessione magnæ fortunæ : facere & parare » eam, difficile atque arduum esse. Paullum » ( d ) fumeret spatii ad consultandum ab legatis. Eo uteretur ad arcessendos ex Leon- » tinis milites : quibus si pecuniam regiam » pollicitus esset, omnia in potestate ejus » futura. » Hæc muliebria consilia Andrano-

*U. c. 538.  
a. C. 214.*

*Legati  
mittuntur  
ad  
Andranodorum.*

( c ) *Demarata Gron. Crev.*

( d ) *Paullulum Gron. Crev.*

*U. c. 538.  
a. C. 214.*

dorus neque tota adspersatus est, neque ex templo accepit : tutiorem ad opes adfectandas ratus esse viam, si in præsentia tempore cessisset. Itaque legatos renunciare iussit; futurum se in senatus ac populi potestate. Postero die luce prima, patefactis Insulæ portis, in forum Achradinæ venit. Ibi in aram Concordiæ, ex qua pridie Polyænus concionatus erat, descendit : orationemque eam orsus est, qua primum cunctationis suæ veniam petivit. « Se enim clausas habuisse portas, » non separantem suas res a publicis, sed » strictis semel gladiis timentem, qui finis » cædibus esset futurus : utrum, quod satis » libertati foret, contenti nece tyranni essent; » an, quicumque aut propinquitate, aut ad- » finitate, aut aliquibus ministeriis regiam » contigissent, alienæ culpæ rei trucidarentur. Postquam animadvertit, eos, qui liberassent patriam, fervare etiam liberatam velle, atque undique consuli in medium; » non dubitasse, quin & corpus suum, & » cetera omnia, quæ suæ fidei tutelæque » essent, quoniam eum, qui mandasset, suus » furor absumsisset, patriæ restitueret. » Con- versus deinde ad interfectores tyranni, ac

nomine adpellans Theodotum ac Sofim : « Fa-  
 » cinus , [ inquit ] memorabile fecistis . Sed ,  
 » mihi credite , inchoata vestra gloria , non-  
 » dum perfecta , est ; periculumque ingens  
 » manet , nisi paci & concordiae consulitis ,  
 » ne libera efferatur respublica .

XXIII. Post hanc orationem claves por-  
 tarum pecuniaeque regiae ante pedes eorum  
 posuit . Atque illo quidem die dimissi ex con-  
 cione laeti , circa omnia fana Deum suppli-  
 caverunt cum conjugibus ac liberis : postero  
 die comitia praetoribus creandis habita . Crea-  
 tus in primis Andranodorus ; ceteri magna  
 ex parte interfectores tyranni : duos etiam  
 absentes , Sopatrum ac Dinomenem , fecerunt .  
 Qui , auditis , quae Syracusis acta erant , pe-  
 cuniam regiam , quae in Leontinis erat , Syra-  
 cusas devectam , quaestoribus ad id ipsum  
 creatis tradiderunt : & ea , quae in Insula  
 erat & Achradina , tradita est : murique ea  
 pars , quae ab cetera urbe nimis firmo muni-  
 mento intersepiebat Insulam , consensu om-  
 nium dejecta est . Secutae & ceterae res hanc  
 inclinationem animorum ad libertatem . Hip-  
 pocrates atque Epicydes , audita morte tyranni ,  
 quam Hippocrates , etiam nuncio inter-

U. c. 538.  
 a. C. 214.

*Pratores  
 Syracusis  
 creantur.*

*Hippocran-  
 tes & Epi-  
 cydes redi-  
 re velle se  
 ad Hanni-  
 balem si-  
 mulant.*

U. c. 538. a. C. 214. feſto , celare voluerat , deſerti a militibus ,  
quia id tutiſſimum ex præſentibus videbatur ,  
Syracufas rediere. Ubi ne ſuſpecti obverſa-  
rentur ( e ) , tamquam novandi res aliquam  
occaſionem quærentes , prætores primum ,  
dein ( f ) per eos ſenatum adeunt. « Ab Han-  
» nibale ſe miſſos prædicant ad Hieronymum ,  
» tamquam amicum ac ſocium. Paruiſſe impe-  
» rio ejus , cujus imperator ſuus voluerit.  
» Velle ad Hannibalem redire. Ceterum ,  
» quum iter tutum non ſit , vagantibus paſſim  
» per totam Siciliam Romanis armis , petere ,  
» ut præſidii dent aliquid , quo Locros in  
» Italiam perducantur. Gratiam magnam eos  
» parva opera apud Hannibalem inituros. »  
Facile res impetrata : abire enim duces regiones ,  
quum peritos militiæ , tum egentes eoſdem  
atque audaces , cupiebant : ſed , quod vole-  
bant , non , quam maturato opus erat , navi-  
ter expediebant. Interim juvenes militares &  
adſueti militibus , nunc apud eos ipſos , nunc  
apud transfugas , quorum maxima pars ex  
navalibus fociis Romanorum erat , nunc etiam  
apud infimæ plebis homines , crimina ferebant

( e ) *obſervarentur* Gron.

( f ) *deinde* Gron. Crev.

in senatum optimatesque : « id moliri clam *U. c. 538.*  
 » eos atque fruere , ut Syracusæ per speciem *a. C. 214.*  
 » reconciliatæ societatis in dirione Romano-  
 » rum sint ; dein factio & pauci auctores fœ-  
 » deris renovati dominantur. »

XXIV. His audiendis credendisque obpor-  
 tuna multitudo , major in dies , Syracusas  
 confluebat : nec (g) Epicydi solum spem no-  
 vandarum rerum , sed Andranodoro etiam, *Androno-*  
 præbebat. Qui , fessus tandem uxoris voci- *dorus ty-*  
 bus , monentis , « Nunc illud esse tempus *rannidem*  
*adfectat.*  
 » occupandi res , dum turbata omnia nova  
 » atque incondita libertate essent , dum regiis  
 » stipendiis pastus obversaretur miles , dum  
 » ab Hannibale missi duces adfueti militibus  
 » juvare possent incepta , » cum Themisto ,  
 cui Gelonis filia nupta , rem consociatam  
 paucos post dies Aristoni cuidam tragico  
 actori , cui & alia arcana committere adfue-  
 rat , incaute aperit. Huic & genus & fortuna  
 honesta erant ; nec ars , quia nihil tale apud  
 Græcos pudori est , ea deformabat. Itaque ,  
 fidem potiolem ratus , quam patriæ debebat ,  
 indicium ad prætores defert. Qui , ubi rem  
 haud vanam esse certis indiciis compererunt ,

(g) add. *Hippocrati & Gron.*

U. c. 538.

a. C. 214.

*Occiditur  
cum**Themisto.*

consultis senioribus, & auctoritate eorum præsidio ad fores positò, ingressos curiam Themistum atque Andranodorum interfecerunt: & quum tumultus ab re in speciem atrocior, causam aliis ignorantibus, ortus esset, silentio tandem factò, indicem in curiam introduxerunt. Qui quum ordine omnia edocuisset, & principium conjurationis factum ab Harmoniæ Gelonis filiæ nuptiis, quibus Themisto juncta esset; Afrorum Hispanorumque auxiliares instructos ad cædem prætorum principumque aliorum; bonaque eorum prædæ futura interfectoris pronunciatum; jam mercenariorum manum adfuetam imperiis Andranodori paratam fuisse ad Insulam rursus occupandam; singula deinde, quæ per quosque agerentur, totamque viris armisque instructam conjurationem ante oculos posuisset; senatui quidem tam jure cæsi, quam Hieronymus, videbantur. Ante curiam variæ atque incertæ rerum multitudinis clamor erat: quam, ferociter minitantem in vestibulo curiæ, corpora conjuratorum eo metu compresserunt, ut silentes integram plebem in concionem sequerentur. Sopatro mandatum ab senatu & ab collegis, ut verba faceret.

XXV. Is, tamquam reos ageret (h), ab antea acta vita orsus, quæcumque post Hieronis mortem scelestæ atque impie facta essent, Andranodorum ac Themistum arguit fecisse. « Quid enim sua sponte fecisse Hieronymum » puerum, ac vixdum pubescentem facere » potuisse? Tutores ac magistros ejus sub » aliena invidia regnasse. Itaque aut ante » Hieronymum, aut certe cum Hieronymo » perire eos debuisse. At illos, debitos jam » morti destinatosque, alia nova scelera post » mortem tyranni molitos; palam primo, quum » clausis Andranodorus Insulæ portis hære- » ditatem regni creverit, quæque procurator » tenuerat, pro domino possederit; proditus » deinde ab eis, qui in Insula erant, circum- » sessus ab universa civitate, quæ Achradinam » tenuerit, nequidquam palam atque aperte » petitum regnum, clam & dolo adfectare » conatus sit, & ne beneficio quidem atque » honore potuerit vinci, quum inter libera- » tores patriæ infidiator ipse libertatis crea- » tus esset prætor. Sed animos eis regios con- » juges regias (i) fecisse, alteri Hieronis,

U. c. 538.  
a. C. 214.

*Sopatri  
prætoris  
oratio in  
tyrannos.*

(h) *agebat* Gron. Crev.

(i) *regias conjuges* Gron. Crev.

*U. c. 538. » alteri Gelonis , filias nuptas. » Sub hanc  
a, C. 214.*

*Stirps  
regia inter-  
ficietur.*

vocem ex omnibus partibus concionis clamor oritur, nullam earum vivere debere, nec quemquam superesse tyrannorum stirpis. Hæc natura multitudinis est; aut servit humiliter, aut superbe dominatur : libertatem, quæ media est, nec spernere modice, nec habere sciunt : & non ferme defunt irarum indulgentes ministri, qui avidos atque intemperantes plebeiorum animos ad sanguinem & cædes inritent. Sicut tum extemplo prætores rogationem promulgarunt : acceptaque pene prius, quam promulgata est, ut omnis regia stirps interficeretur : missique a prætoribus Damaratam (k) Hieronis, & Harmoniam Gelonis filias, conjuges Andranodori & Themisti, interfecerunt.

XXVI. HERACLEA erat filia Hieronis, uxor Zoippi; qui, legatus ab Hieronymo ad regem Ptolomæum missus, voluntarium consciverat exsilium. Ea quum ad se quoque venire præscisset; in sacrarium ad penates confugit; cum duabus filiabus virginibus, resolutis crinibus, miserabilique alio habitu : & ad ea addidit preces, « nunc per memoriam Hiero-

» nis

(k) Demaratam Gron. Crev.



» nis patris, Gelonisque fratris, ne se inno-  
 » xiam invidia Hieronymi conflagrare sine-  
 » rent. Nihil se ex regno illius, præter ex-  
 » filium viri, habere: neque fortunam suam  
 » eamdem vivo Hieronymo fuisse, quam so-  
 » roris; neque interfecto eo causam eamdem  
 » esse. Quid? quod, si Andranodoro consilia  
 » processissent, illa cum viro fuerit regna-  
 » tura; sibi cum ceteris serviendum. Si quis  
 » Zoippo nunciet, interfectum Hieronymum,  
 » ac liberatas Syracusas, cui dubium esse,  
 » quin extemplo conscensurus sit navim, at-  
 » que in patriam rediturus? Quantum spes  
 » hominum fallit! In liberata patria conju-  
 » gem ejus ac liberos de vita dimicare; quid  
 » obstantes libertati, aut legibus? Quod ab  
 » se cuiquam periculum, a sola ac prope vi-  
 » dua, & puellis in orbitate degentibus, esse?  
 » At enim periculi quidem nihil ab se timeri:  
 » invisam tamen regiam stirpem esse. Able-  
 » garent ergo procul ab Syracusis Siciliaque,  
 » & asportari Alexandriam juberent, ad vi-  
 » rum uxorem, ad patrem filias. » Aversis  
 » auribus animisque, casse ne tempus terere-  
 » tur, ferrum quosdam expedientes cernebat (1):

(1) (*ferrum enim quosdam exped. cern.*) Gron. Crev.

U. c. 538.  
a. C. 214.

tum, omiſſis pro ſe precibus, « puellis ut  
» ſaltem parcerent, » orare inſtitit : « a qua  
» ætate etiam hoſtes iratos abſtinere, ne,  
» tyrannos ulciſcendo, quæ odiſſent, ſcelera  
» imitarentur. » Inter hæc abſtractam a pene-  
tralibus jugulant : in virgines deinde, reſper-  
ſas matris cruore, inpetum faciunt. Quæ,  
alienata mente ſimul luctu metuque, velut  
captæ furore, eo curſu ſe ex ſacrario prori-  
puerunt, ut, ſi effugium patuiſſet in publi-  
cum, impleturæ urbem tumultu fuerint. Tum  
quoque haud magno ædium ſpatio, inter me-  
dios tot armatos, aliquoties integro corpore  
evaſerunt : tenentibusque, quum tot ac tam  
validæ eluctandæ manus eſſent, ſeſe eripue-  
runt : tandem, vulneribus conſectæ, quum  
omnia repleſſent ſanguine, exanimis conſue-  
runt ; cædemque per ſe miſerabilem miſera-  
biliorem caſus fecit, quod paullo poſt nun-  
cius venit, mutatis repente ad miſericordiam  
animis, ne interficerentur. Ira deinde ex mi-  
ſericordia orta, quod adeo feſtinatum ad ſup-  
plicium, neque locus pœnitendi, aut regres-  
ſus ab ira relictus eſſet. Itaque fremere mul-  
titude, & in locum Andranodori ac Themifſi  
( nam ambo prætores fuerant ) comitia poſ-

cere : quæ nequaquam ex sententia prætorum futura essent.

*U. c. 538.  
d. C. 214.*

XXVII. STATUTUS est comitiis dies : quo, necopinantibus omnibus , unus ex ultima turba Epicydem nominavit , tum inde alius Hippocratem. Crebriores deinde eæ voces, & cum haud dubio adsensu multitudinis esse. Et erat confusa concio, non populari modo, sed militari quoque turba, magna ex parte etiam perfugis, qui omnia novare cupiebant, permixtis. Prætores dissimulare primo, & trahenda re esse : postremo victi consensu, & seditionem metuentes, pronunciant eos prætores. Nec illi primo statim creati nudare, quid vellent : quamquam ægre ferebant, & de induciis dierum decem legatos isse ad Ap. Claudium, & , impetratis eis, alios, qui de fœdere antiquo renovando agerent, missos. Ad Murgantiam tum classem navium centum Romanus habebat, quoniam evaderent motus ex cædibus tyrannorum orti Syracusis, quove eos ageret nova atque insolita libertas, operiens. Per eosdem dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus posse rem convenire

*Epicydes  
& Hippo-  
crates  
prætores  
sunt.*

*U. c. 538.  
a. C. 214.*

ratus, & ipse legatos Syracusas, qui coram cum prætoribus de renovando fœdere agerent, misit. Et jam ibi nequaquam eadem quies & tranquillitas erat. Postquam Punicam classem accessisse Pachynum adlatum est, demto timore Hippocrates & Epicydes, nunc apud mercenarios milites, nunc apud transfugas, prodi Romano Syracusas, criminabantur. Ut vero Appius naves ad ostium portus, quo aliæ partis hominibus animus accederet, in statione habere cœpit, ingens in speciem criminibus vanis accesserat fides: ac primo etiam tumultuose decurrerat multitudo ad prohibendos, si in terram egrederentur.

XXVIII. IN hac turbatione rerum in concionem vocari placuit; ubi quum alii alio tenderent, nec procul seditione res esset,

*Apollonidæ salutariis oratio.*

Apollonides principum unus orationem salutarem, ut in tali tempore, habuit: « Nec » spem salutis, nec perniciem propiorem » unquam civitati ulli fuisse. Si enim uno » animo omnes vel ad Romanos, vel ad (m) » Carthaginienes inclinent, nullius civitatis » statum fortunatiorem beatioremve fore. Si » alii alio trahant res, non inter Pœnos Ro-

(m) *ad del. Gron.*

» manosque bellum atrocius fore , quam inter  
 » ipsos Syracusanos : quum intra eosdem mu-  
 » ros pars utraque suos exercitus, sua arma,  
 » suos habitura sit duces. Itaque, ut omnes  
 » idem sentiant , summa vi agendum esse :  
 » utra societas sit utilior , eam longe mino-  
 » rem ac levioris momenti consultationem  
 » esse. Sed tamen Hieronis potius, quam Hie-  
 » ronymi, auctoritatem sequendam in sociis  
 » legendis, vel quinquaginta annis feliciter  
 » expertam amicitiam nunc incognitæ, quon-  
 » dam infideli, præferendam. Esse etiam mo-  
 » menti aliquid ad consilium, quod Cartha-  
 » ginensibus ita pax negari possit , ut non  
 » utique in præsentia bellum cum eis geratur :  
 » cum Romanis extemplo aut pacem , aut  
 » bellum habendum. » Quo minus cupiditatis  
 ac studii visa est oratio habere , eo plus  
 auctoritatis habuit. Adjectum est prætoribus  
 ac delectis senatorum militare etiam consi-  
 lium : iussi & duces ordinum præfectique  
 auxiliorum simul consulere. Quum sæpe acta  
 res esset magnis certaminibus , postremo,  
 quia belli cum Romanis gerendi ratio nulla  
 adparebat , pacem fieri placuit, mittique cum  
 eis legatos ad rem confirmandam.

U. c. 538.  
 a. C. 214.

*Syracusa-  
 ni pacem  
 cum Roma-  
 nis decer-  
 nunt.*

*U. c.* 538.  
*a. C.* 214.

*Hippocrates cum  
 præsidio in  
 Leontinos  
 missus provin-  
 ciam  
 Rom. in-  
 vadit.*

XXIX. DIES haud ita multi intercesserunt, quum ex Leontinis legati, præsidium finibus suis orantes, venerunt; quæ legatio perobportuna visa ad multitudinem inconditam ac tumultuosam exonerandam, ducesque ejus ablegandos. Hippocrates prætor ducere eo transfugas jussus: secuti multi ex mercenariis auxiliis, (n) quatuor millia armatorum effecerunt. Et mittentibus & missis ea læta expeditio fuit. Nam & illis, quod jam diu cupiebant, novandi res occasio data est; & hi, sentinam quamdam urbis rati exhaustam, lætabantur. Ceterum levaverunt modo in præsentia velut corpus ægrum, quo mox in graviorem morbum recideret. Hippocrates enim finitima provinciæ Romanæ primo furtivis excursionibus vastare cœpit: deinde, quum ad tuendos sociorum agros missum ab Appio præsidium esset, omnibus copiis inpetum in obpositam stationem cum cæde multorum fecit. Quæ quum essent nunciata Marcello, legatos extemplo Syracusas misit, qui pacis fidem ruptam esse dicerent: nec belli defuturam umquam causam, nisi Hippocrates atque Epicydes non ab Syracusis modo,

(n) *ex auxiliis mercenariis Gron. Crev.*

sed tota procul Sicilia, ablegarentur. Epicydes, ne aut reus criminis absentis fratris præfens esset, aut deesset pro parte sua concitando bello, profectus & ipse in Leontinos, quia fatis eos adversus populum Romanum concitatos cernebat, avertere etiam ab Syraculis coepit. « Nam ita eos pacem pepigisse cum Romanis, ut, quicumque populi sub regibus fuissent, & suæ ditionis essent; nec jam libertate contentos esse, nisi etiam regnent (o) ac dominantur. Renunciandum igitur eis esse, Leontinos quoque æquum censere liberos esse; vel quod in solo urbis suæ tyrannus ceciderit, vel quod ibi primum conclamatum ad libertatem, relictiisque regiis ducibus Syraculas sit concursum. Itaque aut eximendum id de foedere esse, aut legem eam foederis non accipientem. » Facile multitudini persuasum: legatisque Syracusanorum, & de cæde stationis Romanæ querentibus, & Hippocratem atque Epicydem abire seu Locros, seu quo alio mallent, dummodo Sicilia cederent, jubentibus, ferociter responsum est: « Neque mandasse sese Syracusanis, ut pacem pro se

U. c. 538.  
a. C. 214.

*Leontini  
alienantur  
a Syracusanis.*

U. c. 538.

a. C. 214.

» cum Romanis facerent : neque teneri alie-  
 » nis foederibus. » Hæc ad Romanos Syra-  
 cufani detulerunt, abnuentes « Leontinos in  
 » fua potestate effe. Itaque integro fecum  
 » foedere bellum Romanos cum iis gesturos.  
 » Neque fefe defuturos ei bello ; ita ut in  
 » potestatem redacti fuæ rurfus ditionis ef-  
 » fent, ficut pax conveniffet. »

*Leontino-  
 rum urbs a  
 Marcello  
 expugna-  
 ta.*

XXX. MARCELLUS cum omni exercitu  
 profectus in Leontinos, Appio quoque ad-  
 cito, ut altera parte adgrederetur, tanto ar-  
 dore militum est ufus ab ira inter conditio-  
 nes pacis interfectæ ftationis, ut primo in-  
 petu urbem expugnarent. Hippocrates atque  
 Epicydes, postquam capi muros refringique  
 portas videre, (p) in arcem fefe cum pau-  
 cis recepere. Inde clam nocte Herbeffum  
 perfugiunt. Syracufanis, octo millium arma-  
 torum agmine profectis domo, ad Mylam  
 flumen nuncius obcurrit, « captam urbem  
 » effe ; » cetera falſa mixta veris ferens :  
 » cædem promifcuam militum atque oppida-  
 » norum factam, nec quemquam puberem  
 » arbitrari fupereffe : direptam urbem : bona  
 » locupletium donata. » Ad nuncium tam

(p) *viderunt Gron. Crev.*



atrocem constitit agmen; concitatisque omnibus, duces, (erant autem Sofis ac Dinomenes) quid agerent, consultabant. Terroris speciem haud vanam mendacio præbuerant verberati ac securi percussi transfugæ ad duo millia hominum. Ceterum Leontinorum militumque aliorum nemo, post captam urbem, violatus fuerat: suæque omnia eis, nisi quæ primus tumultus captæ urbis absumserat, restituebantur. Nec ut Leontinos irent, proditos ad cædem commilitones querentes, percelli potuere, nec ut eodem loco certiores nuntium expectarent. Quum ad defectionem inclinatos animos cernerent prætores, sed eum motum haud diuturnum fore, si duces amentiae sublati essent; exercitum ducunt Megaram. Ipsi cum paucis equitibus Herbestum proficiscuntur, spe, territis omnibus, per prodicionem urbis potiundæ. Quod ubi frustra eis fuit inceptum, vi agendum rati, postero die Megaris castra movent, ut Herbestum omnibus copiis obpugnarent. Hippocrates & Epicydes, non tam tutum prima specie, quam unum, spe undique abscissa, consilium, esse rati, ut se militibus permetterent, & adfuetis magna ex parte sibi, &

U. c. 538.

a. C. 214.

*U. c. 538.* tum fama cædis commilitonum accensis, ob-  
*a. C. 214.* viam agmini procedunt. Prima forte signa  
 sexcentorum Cretenſium erant, qui apud  
 Hieronymum meruerant ſub eis, & Hanni-  
 balis beneficium habebant, capti ad Traſime-  
 num inter Romanorum auxilia, dimiſſique.  
 Quos ubi ex ſignis armorumque habitu co-  
 gnovere Hippocrates atque Epicydes, ramos  
 oleæ ac velamenta alia ſupplicum porrigen-  
 tes, orare, « ut reciperent ſeſe, receptosque  
 » tutarentur, neu proderent Syracuſanis, a  
 » quibus mox ipſi trucidandi populo Romano  
 » dederentur. »

XXXI. « ENIMVERO, [conclamant,] bo-  
 » num ut animum haberent : omnem ſe cum  
 » illis fortunam ſubituros. » Inter hoc con-  
 loquium ſigna conſtiterant, tenebaturque  
 agmen : necdum, quæ moræ cauſſa foret,  
 pervenerat ad duces. Poſtquam Hippocraten  
 atque Epicyden adeſſe pervasit rumor, fre-  
 mitusque toto agmine erat haud dubie adpro-  
 bantium adventum eorum; extemplo præto-  
 res citatis equis ad prima ſigna perrexerunt,  
 « Qui mos ille, quæ licentia Cretenſium eſſet, »  
 rogantes, « conloquia ferendi cum hoſte,  
 » injuſſuque prætorum miſcendi eos agmini

» suo? » Comprehendi (q) injicique catenas  
 jufferunt Hippocrati. Ad quam vocem tan-  
 tus extemplo primum a Cretibus clamor est  
 ortus, deinde exceptus ab aliis, ut facile,  
 si ultra tenderent, adpareret, eis timendum  
 esse. Solliciti incertique rerum suarum Me-  
 garam, unde profecti erant, referri signa ju-  
 bent, nunciosque de statu præsentis Syracusas  
 mittunt. Fraudem quoque Hippocrates addit,  
 inclinatis ad omnem suspicionem animis: &  
 Cretensium quibusdam ad itinera infidenda  
 missis, velut interceptas literas, quas ipse  
 composuerat, recitat: « Prætores Syracusani  
 » consuli Marcello. » Secundum salutem, ut  
 adsolet, scriptum erat: « Recte eum atque  
 » ordine fecisse, quod in Leontinis nulli pe-  
 » percisset. Sed omnium mercenariorum mi-  
 » litum eandem esse causam, nec umquam  
 » Syracusas quieturas, donec quidquam ex-  
 » ternorum auxiliorum, aut in urbe, aut in  
 » exercitu suo, esset. Itaque daret operam,  
 » ut eos, qui cum suis prætoribus castra ad  
 » Megaram haberent, in suam potestatem re-  
 » digeret, ac supplicio eorum liberaret tan-  
 » dem Syracusas. » Hæc quum recitata essent,

*U. c. 538.  
 a. C. 214.*

*U. c. 538.* cum tanto clamore ad arma discursum est,  
*a. C. 214.* ut prætores inter tumultum pavidī adequita-  
 verint (r) Syracusas. Et ne fuga quidem  
 eorum seditio compressa est, inpetusque in  
 Syracusanos milites fiebant: nec ab ullo tem-  
 peratum foret, ni Epicydes atque Hippocra-  
 tes iræ multitudinis obviam issent: non a  
 misericordia aut humano consilio, sed ne  
 spem reditus præciderent sibi; &, quum  
 ipsos simul milites fidos haberent, simul ob-  
 fides, tum cognatos quoque eorum atque  
 amicos tanto merito primum, dein pignore  
 sibi conciliarent: expertique, quam vana aut  
 levi aura mobile vulgus esset, militem nancti  
 ex eo numero, qui in Leontinis circumfessi  
 erant, subornant, ut Syracusas perferret nun-  
 cium convenientem eis, quæ ad Mylam falso  
 nunciata erant; auctoremque se exhibendo,  
 ac velut visa, quæ dubia erant, narrando,  
 concitaret iras hominum.

*Syracusani fraude  
 Hippocratis & vano  
 nuncio de-  
 cepti ac-  
 cenduntur  
 in Rom.*

XXXII. Huic non apud vulgum modo  
 fides fuit, sed senatum quoque in curiam in-  
 troductus movit. Haud vani quidam homines  
 palam ferre, « perbene detectam in Leonti-  
 nis esse avaritiam & crudelitatem Romano-

(r) *abequitaverint* Crev.

» rum. Eadem, si intraissent Syracusas, aut *U. c. 538,*  
 » foediora etiam, quo majus ibi avaritiæ præ- *a. C. 214.*  
 » mium esset, facturos fuisse. » Itaque clau-  
 dendas cuncti portas, & custodiendam urbem  
 censere. Sed non ab eisdem omnes timere,  
 nec eosdem odisse. Ad militare genus omne  
 partemque magnam plebis invisum esse no-  
 men Romanum. Prætores optimatumque  
 pauci, quamquam inflammati (s) vano nun-  
 cio erant, tamen ad propius præsentiusque  
 malum cautiores esse. Et jam ad Hexapylum  
 erant Hippocrates atque Epicydes: fereban-  
 turque conloquia per propinquos popularium,  
 qui in exercitu erant, ut portas aperirent,  
 finerentque communem patriam defendi ab  
 inpetu Romanorum. Jam, unis foribus Hexa-  
 pyli apertis, coepti erant recipi, quum præ-  
 tores intervenerunt. Et primo imperio minis-  
 que, deinde auctoritate, deterrendo, postre-  
 mo, ut omnia vana erant, obliti majestatis,  
 precibus agebant, ne proderent patriam ty-  
 ranni ante satellitibus, & tum corruptoribus  
 exercitus. Sed furdæ ad hæc omnia aures  
 concitatæ multitudinis erant, nec minore  
 intus vi, quam foris, portæ effringebantur:

(s) inflati Gron. Crev.

*U. c. 538.* effractisque omnibus, tuto in Hexapylo agmen  
*s. C. 214.* receptum est. Prætores in Achradinam cum  
 juventute popularium confugiunt. Mercenarii  
 milites perfugæque, & quidquid regionum  
 militum Syracusis erat, agmen hostium au-  
 gent. Ita Achradina quoque primo inpetu  
 capitur, prætorumque, (t) nisi qui inter  
 tumultum effugerunt, omnes interficiuntur.  
 Nox cædibus finem fecit. Postero die servi  
 ad pileum vocati, & carcere vincti emissi :  
 confusaque hæc omnis multitudo Hippocra-  
 tem atque Epicydem creant prætores : Syra-  
 cusæque, quum breve tempus libertas ad-  
 fulsisset, in antiquam servitutem reciderunt.  
 (u)

*Romani ad  
 Syracusas  
 castra mo-  
 vent.*

XXXIII. HÆC nunciata quum essent Ro-  
 manis, ex Leontinis mota sunt extemplo ca-  
 stra ad Syracusas. Et ab Appio legati per  
 portum missi forte in quinquerei erant.  
 Præmissa quadriremis, quum intrasset fauces  
 portus, capitur : legati ægre effugerunt. Et  
 jam non modo pacis, sed ne belli quidem  
 jura relicta erant : quum Romanus exercitus  
 ad Olympium (Jovis id templum est) mille

(t) prætoresque Gron. Crev.

(u) reciderant Crev.

& quingentis passibus (v) ab urbe castra  
 posuit. Inde quoque legatos præmitti placuit:  
 quibus, ne intrarent urbem, extra portam  
 Hippocrates atque Epicydes obviam cum suis  
 processerunt. Romanus orator « non bellum  
 » se Syracusanis, sed opem auxiliumque ad-  
 » ferre, [ ait ], & eis, qui, ex media cæde  
 » elapsi, perfugerint ad se, & eis, qui, metu  
 » obpressi, fœdiorem, non exilio solum, sed  
 » etiam morte, servitutem patiantur. Nec  
 » cædem nefandam sociorum inultam Roma-  
 » nos passuros. Itaque si eis, qui ad se per-  
 » fugerunt, tutus in patriam reditus pateret,  
 » cædis (w) auctores dedantur, & libertas  
 » legesque Syracusanis restituantur, nihil ar-  
 » mis opus esse. Si ea non fiant, quicumque  
 » in mora sit, bello persecuturos. » Ad ea  
 Epicydes, « Si qua (x) ad se mandata habe-  
 » rent, responsum eis, [ ait ] se duros  
 » fuisse: quum in eorum, ad quos venerint,  
 » manu res Syracusana esset, tum revertē-  
 » rentur. Si bello laceffant, ipsa re intellectu-  
 » ros, nequaquam idem esse Syracusas ac

U. c. 538.

a. C. 214.

*Mittunt**legatos**Syracusas.**Superbum**Epicydis**responsum.*(v) *quingentos passus* Crev.(w) *ac cædis* Gron. Crev.(x) *quæ* Gron. Crev.

*U. c. 538.* » Leontinos obpugnare. » Ita legatis relictis,  
*a. C. 214.* portas clausit. Inde terra marique simul cœptæ  
*Obpugnatur Syracusæ.* obpugnari Syracusæ : terra ab Hexapylo ,  
 mari ab Achradina , cuius murus fluctu ad-  
 luitur. Et , quia , sicut Leontinos terrore ac  
 primo inpetu ceperant , non diffidebant , va-  
 stam disiectamque spatio urbem parte aliqua  
 se invasuros , omnem adparatum obpugnand-  
 arum urbium muris admoverunt.

*Archimedes.*

XXXIV. Et habuisset tanto inpetu cœpta  
 res fortunam , nisi unus homo Syracusis ea  
 tempestate fuisset. Archimedes is erat , uni-  
 cus spectator cœli siderumque ; mirabilior  
 tamen inventor ac machinator bellicorum  
 tormentorum operumque , quibus ea , quæ  
 hostes ingenti mole agerent , ipse perlevi  
 momento ludificaretur. Murum per inæqua-  
 les ductum colles , ( pleraque alta & diffici-  
 lia aditu , submissa quædam , & quæ planis  
 vallibus adiri possent ) ut cuique aptum vi-  
 sum est loco , ita omni genere tormentorum  
 instruxit. Achradinæ murum , qui , ut ante  
 dictum est , mari adluitur , ex quinquerei-  
 bus Marcellus obpugnabat. Ex ceteris navi-  
 bus sagittarii funditoresque , & velites etiam ,  
 quorum telum inhabile ad remittendum in-  
 peritis



peritis est, vix quemquam sine vulnere consistere in muro patiebantur. Hi, quia spatio missilibus opus est, procul muro tenebant naves. Junctæ aliæ binæ ad quinquermes, dentis interioribus remis, ut latus lateri applicaretur, quum exteriore ordine remorum velut naves agerentur; turres contabulatas machinamenta que alia quatiendis muris portabant. Adversus hunc navalem adparatum Archimedes variæ magnitudinis tormenta in muris disposuit. In eas, quæ procul erant; naves faxa ingenti pondere emittebat: propiores levioribus, eoque magis crebris, petebat telis: postremo, ut sui vulnere intacti tela in hostem ingererent, murum ab imo ad summum crebris cubitalibus fere cavis aperuit; per quæ cava pars sagittis, pars scorpionibus modicis ex occulto petebant hostem. Quæ propius quædam subibant naves, quo interiores ictibus tormentorum essent, in eas tollenone super murum eminente ferrea manus firmæ catenæ inligata quum injecta proræ esset, gravi libramento plumbi recelente ad solum, suspensa prora, navim in puppim statuebat: dein, remissa subito, velut ex muro cadentem navim cum ingenti trepidatione

U. c. 538.  
a. C. 2143

*U. c. 538.* datione nautarum ita undæ adfligebat, ut ,  
*a. C. 214.* etiamſi recta reciderat, aliquantum aquæ ac-  
 ciperet. Ita maritima obpugnatio eſt eluſa,  
 omniſque viſ eſt eo verſa, ut totis viribus  
 terra adgrederentur. Sed ea quoque pars eo-  
 dem omni adparatu tormentorum inſtructa  
 erat, Hieronis inpenſis curaque per multos  
 annos, Archimedis unica arte. Natura etiam  
 juvabat loci, quod ſaxum, cui inpoſita muri  
 fundamenta ſunt, magna ex parte ita proclive  
 eſt, ut non ſolum miſſa tormento, ſed etiam  
 quæ pondere ſuo provoluta eſſent, graviter  
 in hoſtem inciderent. Eadem cauſſa ad ſub-  
 eundum arduum aditum inſtabilemque ingreſ-  
 ſum præbebat. Ita, conſilio habito, quum  
 omniſ conatus ludibrio eſſet, abſiſtere ob-  
 pugnacione, atque obſidendo tantum arcere  
 terra marique commeatibus hoſtem placuit.

*Ab obpu-  
 gnacione  
 abſiſtunt  
 Romani.*

*Marcellus  
 alias urbes  
 capit.*

XXXV. INTERIM Marcellus, cum tertia  
 fere parte exercitus ad recipiendas urbes pro-  
 ſectus, quæ in motu rerum ad Carthaginien-  
 ſes defecerant, Helorum atque Herbeſſum,  
 deditibus ipſis, recipit. Megara vi capta  
 diruit ac diripuit ad reliquorum, ac maxime  
 Syracuſanorum, terrorem. Per idem fere  
 tempus & Himilco, qui ad Pachyni promon-

*Himilco in  
 Siciliam  
 venit,  
 Agrigen-  
 ſum capit.*

torium classem diu tenuerat, ad Heracleam, *U. c. 538*  
 quam vocant Minoam, quinque & viginti *a. C. 214*  
 millia peditum, tria equitum, duodecim ele-  
 phantos exposuit : nequaquam cum quantis  
 copiis ante tenuerat ad Pachynum classem.  
 Sed, postquam ab Hippocrate occupatæ Sy-  
 racusæ erant, profectus Carthaginem, adju-  
 tusque ibi & ab legatis Hippocratis, literis-  
 que Hannibalis, qui venisse tempus aiebat  
 Siciliæ per summum decus repetendæ, &  
 ipse haud vanus præsens monitor facile per-  
 pulerat, ut, quantæ maximæ possent, pedi-  
 tum equitumque copię in Siciliam trajiceren-  
 tur. Adveniens Heracleam, intra paucos dies  
 inde Agrigentum recipit : aliarumque civi-  
 tatium, quæ partis Carthaginienfium erant,  
 adeo accensæ sunt spes ad pellendos Sicilia  
 Romanos, ut postremo etiam, qui obside-  
 bantur Syracusis, animos sustulerint ; &  
 parte copiarum satis defendi urbem posse rati,  
 ita inter se munera belli partiti sint, ut Epi-  
 cydes præesset custodiæ urbis, Hippocrates,  
 Himilconi conjunctus, bellum adversus con-  
 sulem Romanum gereret. Cum decem milli-  
 bus peditum, quingentis equitibus nocte per  
 intermissa custodiis loca profectus, castra circa

*Hippocra-  
 tes Syracu-  
 sis egressus  
 ei se con-  
 jungit.*

U. c. 538.  
a. C. 214.

Acrillas urbem ponebat. Munientibus super-  
venit Marcellus, ab Agrigento jam occupato,  
quum frustra eo prævenire hostem festinans  
tetendisset, rediens; nihil minus ratus, quam  
illo tempore ac loco Syracusanum sibi exer-  
citum obviam fore; sed tamen metu Himil-  
conis Pœnorumque ( ut quibus nequaquam  
eis copiis, quas habebat, par esset ) quam  
poterat maxime intentus, atque agmine ad  
omnes casus composito ibat.

*Vincitur*  
*a*  
*Marcello.*

XXXVI. FORTE ea cura, quæ erat adver-  
sus Pœnos præparata, adversus Siculos usui  
fuit. Castris ponendis incompositos ac disper-  
sos nactus eos & plerosque inermes, quod  
peditum fuit, circumvenit: eques, levi cer-  
tamine inito, cum Hippocrate Acras perfu-  
git. Ea pugna deficientes ab Romanis quum  
cohibuisset Siculos, Marcellus Syracusas re-  
diit: & post paucos dies Himilco, adjuncto  
Hippocrate, ad flumen Anapum, octo ferme  
inde millia, castra posuit. Sub idem fere  
tempus & naves longæ quinque & quinqu-  
aginta Carthaginiensium cum Bomilcare classis  
præfecto in magnum portum Syracusas ex  
alto decurrere; & Romana item classis, tri-  
ginta quinqueres, legionem primam Pa-

*Auxilia*  
*Roma*  
*&*  
*Carthagine*  
*missa.*

normi exposuere : versumque ab Italia bellum ( adeo uterque populus in Siciliam intentus ) fuisse videri poterat, Legionem Romanam, quæ exposita Panormi erat, venientem Syracusas, prædæ haud dubie sibi futuram Himilco ratus, via decipitur. Mediterraneo namque Pœnus itinere duxit; legio maritimis locis, classe prosequente, ad Ap. Claudium, Pachynum cum parte copiarum obviam progressum, pervenit. Nec diutius Pœni ad Syracusas morati sunt. Et Bomilcar, simul parum fidens navibus suis, duplici facile numero classem habentibus Romanis, simul inutili mora cernens nihil aliud ab suis quam inopia adgravari socios, ( *y* ) velis in altum datis, in Africam transmisit. Et Himilco, secutus nequidquam Marcellum Syracusas, si qua, priusquam majoribus copiis jungeretur, occasio pugnandi esset, postquam ea nulla contigerat, tutumque ad Syracusas & munimento & viribus hostem cernebat, ne frustra assidendo spectandoque obsidionem sociorum tempus tereret, castra inde movit: ut, quocumque vocasset defectionis ab Romanis spes, admoveret exercitum, ac præsens

U. c. 538.  
a. C. 214.

*U. c. 538.* suas res fiventibus adderet animos. Murgan-  
*a. C. 214.* tiam primum, prodito ab ipsis præsidio Ro-  
 mano, recepit: ubi frumenti magna vis com-  
 meatusque omnis generis convekti erant (z)  
 Romanis.

*Aliquot  
 urbes  
 ad Pænos  
 deficiunt.*

XXXVII. Ad hanc defectionem erecti sunt  
 & aliarum civitatum animi: præsidiaque  
 Romana aut pellebantur arcibus, aut prodita  
 per fraudem obprimebantur. Henna (a) ex-  
 celso loco ac prærupto undique sita, quum  
 loco inexpugnabilis erat, tum præsidium in  
 arce validum, præfectumque præsidii haud  
 sane obportunum insidiantibus habebat. L. Pi-  
 narius erat vir acer, & qui plus in eo, ne  
 posset decipi, quam in fide Siculorum, repone-  
 ret: & tum intenderant eum ad cavendi omnia  
 curam tot auditæ proditioes defectionesque  
 urbium, & clades præsidiorum. Itaque nocte  
 dieque juxta parata instructaque omnia custo-  
 diis ac vigiliis erant: nec ab armis aut loco  
 suo miles abscedebat. Quod ubi Hennensium  
 principes, jam pacti cum Himilcone de pro-  
 ditione præsidii, animadverterunt, nulli occa-  
 sioni fraudis Romanum patere, palam rentur

*Hennen-  
 sium moli-  
 tiones.*

(z) add. a Gron.

(a) Enna: Sic semper Gron. Crèv.

agendum. (b) « Urbem arcemque suæ pote-  
 » statis [ aiunt ] debere esse , si liberi in so-  
 » cietatem , non servi in custodiam , traditi  
 » essent Romanis. Itaque claves portarum red-  
 » di sibi » æquum censent. « Bonis fociis fi-  
 » dem suam maximum vinculum esse : & ita  
 » sibi populum Romanum senatumque gratias  
 » habiturum , si volentes , ac non coacti ,  
 » mansissent in amicitia. » Ad ea Romanus ,  
 « Se in præsidio inpositum esse , » dicere ,  
 « ab imperatore suo : clavesque portarum &  
 » custodiam arcis ab eo accepisse , quæ nec  
 » suo nec Hennenfium arbitrio haberet ,  
 » sed ejus , qui commisisset. Præsidio dece-  
 » dere apud Romanos capital esse : & nece  
 » liberorum etiam suorum eam legem paren-  
 » tes sanxisse. Consulem Marcellum haud  
 » procul esse : ad eum mitterent legatos ,  
 » cujus juris atque arbitrii esset. » Se vero  
 negare illi missuros : testarique , si verbis  
 nihil agerent , vindictam aliquam libertatis  
 suæ quæsituros. Tum Pinarius : « at illi , si  
 » ad consulem gravarentur mittere , sibi sal-  
 » tem darent populi concilium : ut sciretur ,  
 » utrum paucorum ea denunciata , an univer-

U. c. 538.  
 a. C. 214.

*U. c. 538.* » *sæ civitatis, essent.* » Consensu in poste-  
*a. C. 214.* rum diem concio edicitur.

*Pinarii  
 Hennæ  
 præfeti  
 oratio ad  
 milites.*

XXXVIII, POSTQUAM ab eo conloquio in  
 arcem sese recepit, convocatis militibus,  
 « Credo ego vos audisse, milites, [inquit];  
 » quemadmodum præsidia Romana ab Siculis  
 » circumventa & obpressa sint per hos dies.  
 » Eam vos fraudem, Deum primo benigni-  
 » tate, dein vestra ipsi virtute, dies noctes-  
 » que perstando ac pervigilando in armis vi-  
 » tistis. Urinam reliquum tempus nec patien-  
 » do infanda, nec faciendo, traduci possit!  
 » Hæc occulta in fraude cautio est, qua usi  
 » adhuc sumus: cui quoniam parum succedit,  
 » aperte ac propalam claves portarum reposi-  
 » cunt; quas simul tradiderimus, Carthagi-  
 » nensium extemplo Henna erit, foediusque  
 » hic trucidabimur, quam Murgantiæ præsi-  
 » dium interfectum est. Noctem unam ægre  
 » ad consultandum sumsi, qua vos certiores  
 » periculi instantis facerem. Orta luce concio-  
 » nem habituri sunt, ad criminandum me  
 » concitandumque in vos populum. Itaque  
 » crastino die, aut vestro, aut Hennenfium  
 » sanguine Henna inundabitur. Nec præoccu-



» pati spem ullam , ( c ) nec occupantes peri-  
 » culi quidquam habebitis. Qui prior strinx-  
 » rit ferrum , ejus victoria erit. Intenti ergo  
 » omnes armatique signum expectabitis. Ego  
 » in concione ero : & tempus , quoad om-  
 » nia instructa sint , loquendo altercandoque  
 » traham. Quum toga signum dederō , tum  
 » mihi , undique clamore sublato , turbam in-  
 » vadite , ac sternite omnia ferro : & cavete ,  
 » quisquam superfit , a quibus aut vis , aut  
 » fraus timeri possit. Vos , Ceres mater ac  
 » Proserpina , precor , ceteri superi inferni-  
 » que Dii , qui hanc urbem , hos sacratos la-  
 » cus lucosque colitis , ut ita nobis volentes  
 » propitii adsitis , si vitandæ , non ferendæ ,  
 » fraudis causa hoc consilii capimus. Pluri-  
 » bus vos , milites , hortarer , si cum armatis  
 » dimicatio futura esset. Inermes , incautos  
 » ad satietatem trucidabitis. Et consulis castra  
 » in propinquo sunt , ne quid ab Himilcone  
 » & Carthaginienfibus timeri possit. »

XXXIX. Ab hac adhortatione dimissi cor-  
 pora curant. Postero die alii aliis locis , ad  
 obsidenda itinera claudendosque oppidanis  
 exitus , pars maxima super theatrum circaque ,

U. c. 538.  
 a. C. 214.

*U. c. 538.*  
*a. C. 214.*

*Cæduntur  
 Hennen-  
 ses.*

adſueti & ante ſpectaculis concionum, conſiſtunt. Productus ad populum a magiſtrati-  
 bus præfectus Romanus, quum conſulis ea  
 de re jus ac poteſtatem eſſe, non ſuam, &  
 pleraque eadem, quæ pridie, dixiſſet; pri-  
 mo ſenſim, ac plures, reddere claves, dein  
 jam una voce id omnes juberent, cunctanti-  
 que ac differenti ferociter minitarentur, nec  
 viderentur ultra vim ultimam dilaturi; tum  
 præfectus toga ſignum, ut convenerat, de-  
 dit. Militesque intenti dudum ac parati, alii  
 ſuperne in averſam concionem clamore ſub-  
 lato decurrunt, alii ad exitus theatri conſerti  
 obſiſtunt. Cæduntur Hennenſes cavea incluſi,  
 coacervanturque, non cæde ſolum, ſed etiam  
 fuga; quum alii ſuper aliorum capita rue-  
 rent, atque integri faucibus, vivi mortuis in-  
 cidentes cumularentur. Inde paſſim diſcurri-  
 tur, & urbis captæ modo fugaque & cædes  
 omnia tenet: nihilo remiſſiore militum ira,  
 quod turbam inermem cædebant, quam ſi  
 periculum par & ardor certaminis eos iniri-  
 taret. Ita Henna, aut malo, aut neceſſario  
 facinore retenta. Marcellus nec factum impro-  
 bavit, & prædam Hennenſium militibus con-  
 ceſſit, ratus, timore deterritos temperatu-

ros proditiōibus præsidiōrum Siculos. Atque *U. c. 538.*  
 ea clades, ut urbis in media Siciliā sitæ, *a. C. 214.*  
 claræque vel ob insignem munimento natu-  
 rali locum, vel ob sacrata omnia vestigiis  
 raptæ quondam Proserpinæ, prope uno die  
 omnem Siciliam pervasit. Et quia cæde in-  
 fanda rebantur, non hominū tantum, sed  
 etiam Deorum sedem violatam esse, tum vero,  
 qui etiam ante dubii fuerant, defecere ad  
 Pœnos. Hippocrates inde Murgantiam, Hi-  
 milco Agrigentum sese recepit: quum adciti  
 a proditoribus nequidquam ad Hennam exer-  
 citum admovissent. Marcellus retro in Leon-  
 tinos redit: frumentoque & com meatibus  
 aliis in castra convectis, præsidio modico ibi  
 relicto, ad Syracusas obsidendas venit, inde  
 Ap. Claudio Romam ad consulatum petendum  
 misso, T. Quinctium Crispinum in ejus lo-  
 cum classi castrisque præficit (*d*) veteribus.  
 Ipse hibernacula quinque millia passuum (*e*)  
 Hexapylo (Leonta vocant locum) communiit,  
 ædificavitque. Hæc in Sicilia usque ad prin-  
 cipium hiemis gesta.

XL. EADEM æstate & cum Philippo rege;

(*d*) præficit Gron. Crev.

(*e*) add. ab Gron. Crev.

*U. c. 538.  
a. C. 214.*

*Bellum  
cum  
Philippo.*

*Oricum  
a  
Philippo  
captum.*

*A M. Va-  
lerio præ-  
tore recep-  
tum.*

quod jam ante suspectum fuerat, motum bellum est. Legati ab Orico ad M. Valerium prætorem venerunt, præsidem classi Brundisio Calabriæque circa litoribus, nunciantes, Philippum primum Apolloniam tentasse, lembis biremibus centum viginti flumine adverso subvectum : deinde, ut ea res tardior spe fuerit, ad Oricum clam nocte exercitum admovisse : eamque urbem, sitam in plano, neque mœnibus, neque viris atque armis validam, primo inpetu obpressam esse. Hæc nunciantes orabant, ut opem ferret, hostemque haud dubium Romanis, terræ aut maritimis viribus arceret ; qui ob nullam aliam causam, nisi quod inminerent Italiæ, peterentur. M. Valerius, præsidio loci ejus relicto P. (f) Valerio legato, cum classe instructa parataque, &, quod longæ naves militum capere non poterant, in onerarias inpositis, altero die Oricum pervenit : urbemque eam, levi tenente præsidio, quod recedens inde reliquerat Philippus, haud magno certamine recepit. Legati eo ab Apollonia venerunt, nunciantes, in obsidione sese, quod deficere ab Romanis nollent, esse : ne-

(f) P. l. T. Gron. Crev.

que sustinere ultra vim Macedonum posse, *U. c. 538,*  
 nisi præsidium mittatur Romanum. Facturum *a. C. 214.*

se, quæ vellent, pollicitus, duo millia de-  
 lectorum militum navibus longis mittit ad  
 ostium fluminis, cum præfecto socium, Q.  
 Nævio Crista, viro inpigro & perito militiæ.  
 Is, expositis in terram militibus, navibusque  
 Oricum retro, unde venerat, ad ceteram clas-  
 sem remissis, milites procul a flumine per  
 viam minime ab regiis obsessam duxit, &  
 nocte, ita ut nemo hostium sentiret, urbem  
 est (g) ingressus. Die insequenti quiescere,  
 dum præfectus juventutem Apolloniatiū,  
 armaque & urbis vires inspiceret. Ubi ea visa  
 inspectaque satis animorum fecere, simulque  
 ab exploratoribus comperit, quanta socordia  
 ac negligentia apud hostes esset; silentio  
 noctis ab urbe sine ullo tumultu egressus,  
 castra hostium adeo neglecta atque aperta  
 intravit, ut satis constaret, prius mille ho-  
 minum vallum intrasse, quam quisquam sen-  
 tiret: ac, si cæde abstinuissent, pervenire ad  
 tabernaculum regium potuisse. Cædes proxi-  
 morum portæ excitavit hostes. Inde tantus  
 terror pavorque omnes occupavit, ut non

*Nævius  
 Crista  
 Apolloni-  
 atiam a  
 Philippo  
 obsessam  
 liberat;  
 Macedo-  
 nes fundit  
 fugatque.*

(g) est del. Gron. Crev.

*U. c. 538.* modo aliū quisquam arma caperet, aut castris  
*a. C. 214.* pellere hostem conaretur; sed etiam ipse rex, sicut somno excitus erat, prope seminudus fugiens, militi quoque, nedum regi, vix decoro habitu, ad flumen navesque perfugerit. Eodem & alia turba effusa est. Paulo minus tria millia militum in castris aut capta, aut occisa. Plus tamen hominum aliquanto captum, quam cæsum est. Castris direptis, Apolloniatae catapultas, ballistas, tormentaque alia, quæ obpugnandæ urbi comparata erant, ad tuenda mœnia, si quando similis fortuna venisset, Apolloniam devexere: cetera omnis præda castrorum Romanis concessa est. Hæc quum Oricum essent nunciata, M. Valerius classem extemplo ad ostium fluminis duxit, ne navibus capeßere fugam rex posset. Itaque Philippus, neque terrestri, neque navali certamine fatis fore parem se fidens, subductis aut incensis navibus, terra Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

*Res in  
Hispania  
gestæ.*

XLI. EODEM anno in Hispania variæ res gestæ. Nam, priusquam Romani annem Iberum transirent, ingentes copias Hispanorum

Mago & Hasdrubal fuderunt : defecissetque *U. c. 538.*  
*a. C. 214.*  
ab Romanis ulterior Hispania, ni P. Corne-  
lius, raptim traducto exercitu Iberum, dubiis  
sociorum animis in tempore advenisset. Pri-  
mo ad castrum Altum (locus est insignis cæde  
magni Hamilcaris) castra Romani habuere.  
Arx erat munita, & convexerant ante frumen-  
tum. Tamen, quia omnia circa hostium plena  
erant, agmenque Romanum inpune incurfa-  
tum ab equitibus hostium fuerat, & ad duo  
millia, aut moratorum aut palantium per  
agros, interfecta; cessere inde Romani pro-  
pius pacata loca, & ad montem Victoriæ  
castra communivere. Eo Cn. Scipio cum om-  
nibus copiis, & Hasdrubal Gisgonis filius,  
tertius Carthaginiensium dux, cum exercitu  
iusto advenit: contraque castra Romana trans  
fluvium omnes confedere. P. Scipio, cum  
expeditis clam profectus ad loca circa visenda,  
haud fefellit hostes: obpressissentque eum in  
patentibus campis, ni tumulum in propinquo  
cepisset. Ibi quoque circumfessus adventu  
fratris obsidione eximitur. Castulo urbs Hispa-  
niæ valida ac nobilis, & adeo conjuncta so-  
cietate Pœnis, ut uxor inde Hannibali esset,  
ad Romanos defecit. Carthaginienses Illitur;

U. c. 538.  
a. C. 214.

*Illiturgin  
obpugnans  
Pani.*

gin obpugnare adorti, quia præsidium ibi Romanum erat : videbanturque inopia eum locum maxime expugnaturi. Cn. Scipio, ut fociis præsidioque ferret opem, cum legione expedita profectus, inter (h) bina castra cum magna cæde hostium urbem est ingressus, & postero die eruptione æque felici pugnavit. Supra duodecim millia hominum cæsa duobus præliis : plus mille (i) capti, cum sex & triginta militaribus signis. Ita ab Illiturgi recessum est. Bigerra inde urbs (fo-  
cia & hæc Romanorum erat) a Carthaginien-  
sibus obpugnari cœpta est. Eam obsidionem  
sine certamine adveniens Cn. Scipio solvit.

*Prælium  
ad  
Mundam.*

XLII. AD Mundam exinde castra Punica mota : & Romani eo confestim secuti sunt. Ibi signis conlatis pugnatum per quatuor ferme horas : egregieque vincentibus Roma-  
nis signum receptui est datum, quod Cn. Scipionis femur tragula confixum erat : pa-  
vorque circa eum ceperat milites, ne mor-  
tiferum esset vulnus. Ceterum haud dubium  
fuit, quin, nisi ea mora intervenisset, castra  
eo die Punica capi potuerint. Jam non mili-  
tes solum, sed elephanti etiam usque ad val-

(h) intra Gron.

lum

(i) plus decem millibus captum Gron. Crev.



lum acti erant, superque ipso novem & triginta elephantis pilis confixi. Hoc quoque proelio ad duodecim millia hominum dicuntur cæsa, prope tria capta, cum signis militibus septem & quinquaginta. Ad Auringen inde urbem Pœni recessere; & , ut territis instaret, secutus Romanus. Ibi iterum Scipio lecticula in aciem inlatus confligit: nec dubia victoria fuit: minus tamen dimidio hostium, quam antea, quia pauciores superfuerant, qui pugnarent, occisum. Sed gens nata instaurandis reparandisque bellis, Magone ad conquestionem militum fratre misso, brevi replevit exercitum, animosque ad tentandum de integro certamen fecit. Alii plerique milites, sicut pro parte toties intra paucos dies victa, iisdem animis, quibus prius, eodemque eventu pugnare. Plus octo millia hominum cæsa: haud multo minus quam mille captum (k), & signa militaria quinquaginta octo (l); & spolia plurima Gallica fuere, aurei torques (m), armillæque, magnus

*U. c. 538.  
a. C. 214*

*Alterâ  
Rom.  
victoriâ*

*Tertiâ  
victoriâ*

(k) *capta Gron.*

(l) *& signa militaria quinquaginta octo; del. Gron.*

(m) *aurei torques l. annuli aurei, torques armillæque Gron.*

*U. c. 518.* numerus. Duo etiam insignes reguli Gallo-  
*a. C. 214.* rum (Moenicapto & Civismaro nomina erant)  
 eo prælio ceciderunt : octo elephanti capti,  
 tres occisi. Quum jam res prosperæ in Hispa-  
 nia essent, verecundia Romanos tandem ce-  
 pit, Saguntum oppidum, quæ (n) causa  
 belli esset, octavum jam annum sub hostium  
 potestate esse. Itaque id oppidum, vi pulso  
 præsidio Panico, receperunt, cultoribusque  
 antiquis, quos vis reliquerat belli, restitue-  
 runt : & Turdetanos, qui contraxerant eis  
 cum Carthaginienfibus bellum, in potestatem  
 redactos sub corona vendiderunt, urbemque  
 eorum delevere.

*Saguntum  
 receptum  
 a Rom.*

XLIII. HÆC in Hispania, Q. Fabio, M.  
 Claudio consulibus, gesta. Romæ quum tri-  
 buni plebis novi magistratum inissent (o),  
 extemplo censoribus, P. Furio & M. Atilio,  
 a L. Metello tribuno plebis dies dicta ad po-  
 pulum est. Quæstorem eum proximo anno,  
 adempto equo, tribu moverant, atque ærarium  
 fecerant, propter conjurationem deferendæ  
 Italiæ ad Cannas factam. Sed novem tribu-  
 norum auxilio vetiti causam in magistratu  
 dicere, dimissique fuerant. Ne lustrum perfici-

*Censoribus  
 dies dicta  
 ad popu-  
 lum.*

(n) quod Gron.

(o) iniissent Crev.

cerent, mors prohibuit P. Furii. M. Atilius magistratu se abdicavit. Consularia comitia habita a Q. Fabio Maximo consule. Creati consules ambo absentes, Q. Fabius Maximus consulis filius, & Ti. Sempronius Gracchus iterum. Prætores fiunt M. Atilius, &, qui tum ædiles curules erant, P. Sempronius Tuditanus, & Cn. Fulvius Centumalus, & M. Æmilius Lepidus. Ludos scenicos per quadri-  
duum eo anno primum factos ab curulibus ædilibus, memoriæ proditur. Ædilis Tuditanus hic erat, qui ad Cannas, pavore aliis in tanta clade torpentibus, per medios hostes evasit. Comitiiis perfectis, auctore Q. Fabio consule, designati consules Romam arcessiti magistratum inierunt: senatumque de bello ac provinciis suis prætorumque, & de exercitibus, quibus quique præessent, consuluerunt.

*U. c. 538.  
a. C. 214.*

*U. c. 539.  
a. C. 213.*

*Q. Fabio,  
Ti. Sempronio II.  
Cos.*

XLIV. ITAQUE provinciæ atque exercitus divisi. Bellum cum Hannibale consulibus mandatum, & exercituum unus, quem ipse Sempronius habuerat; alter, quem Fabius consul. Eæ binæ erant legiones. M. Æmilius prætor, cujus peregrina fors erat, jurisdictione M. Atilio collegæ prætoris urbano man-

*U. c. 539.* data, Luceriam provinciam haberet, legio-  
*a. C. 213.* nesque duas, quibus Q. Fabius, qui tum

consul erat, prætor præfuerat. P. (p) Sempronio provincia Ariminum, Cn. Fulvio Sueffula, cum binis item legionibus, evenerunt: ut Fulvius urbanas legiones duceret, Tuditanus a Manio (q) Pomponio acciperet. Prorogata imperia provinciæque, M. Claudio Sicilia finibus eis, quibus regnum Hieronis fuisset: Lentulo proprætori provincia vetus: T. Otacilio classis. Exercitus nulli additi novi. M. Valerio Græcia Macedoniaque cum legione & classe, quam haberet: Q. Mucio cum vetere exercitu (duæ autem legiones erant) Sardinia: C. Terentio legio una, cui jam præerat, & Picenum. Scribi præterea duæ legiones urbanæ iussæ, & viginti millia sociorum. His ducibus, his copiis, adversus multa simul, aut mota aut suspecta bella, munierunt Romanum imperium. Consules, duabus urbanis legionibus scriptis, supplementoque in alias lecto, priusquam ab urbe moverent, prodigia procurarunt, quæ nunciata erant. Murus ac portæ tactæ, &

*Prodigia.*

(p) P. 1. Prætori Gron.

(q) M. 1. M. Gron. Crev.

Ariciæ etiam Jovis ædes de cœlo tacta fuerat. Et alia ludibria oculorum auriumque *U. c. 539. a. C. 213.* credita pro veris. Navium longarum species in flumine Taracinæ, quæ nullæ erant, visæ, & in Jovis Vicilini templo, quod in Compfano agro est, arma concrepuisse : & flumen Amiterni cruentum fluxisse. His procuratis ex decreto pontificum, profecti consules, Sempronius in Lucanos, in Apuliam Fabius. Pater filio legatus ad Sueffulam in castra venit. Quum obviam filius progrediretur, lictoresque verecundia majestatis ejus taciti anteirent; præter undecim fasces equo prævectus senex, ut consul animadvertere proximum lictorem jussit, & is, ut descenderet ex equo, inclamavit; tum demum defiliens, « Experiri, [inquit] volui, fili, fatir' » scires, consulem te esse. »

XLV. In ea castra Dasius Altinius Arpinus *Altinius vir ambigua fidei promittit se Arpos Romanis proditurum.* clam nocte cum tribus servis venit, promittens, si sibi præmio foret, se Arpos proditurum esse. Quum eam (r) rem ad consilium retulisset Fabius, aliis « pro transfuga verberandus necandusque » videri, « ancipitis » animi communis hostis : qui post Cannen-

(r) add. tunc Gron. Crev.

*U. c. 539.*  
*a. C. 213.*

» sem cladem , tamquam cum fortuna fidem  
 » stare oporteret , ad Hannibalem discessisset,  
 » traxissetque ad defectionem Arpos : quum-  
 » que ( *s* ) res Romana contra spem votaue  
 » ejus velut resurgeret , turpius videatur no-  
 » vam referre prodicionem proditis olim : qui  
 » aliunde stet semper , aliunde sentiat , infidus  
 » focius, vanus hostis ; ad Faleriorum Pyrrhive  
 » proditorem tertium transfugis documentum  
 » esset. » Contra ea consulis pater Fabius ,  
 « temporum oblitos homines , in medio ar-  
 » dore belli , tamquam in pace , libera de  
 » quoque arbitria agere , [ aiebat ] : Qui ( *t* ) ,  
 » quum illud potius agendum atque eis cogi-  
 » tandum sit , si quo modo fieri possit , ne qui  
 » focii a populo Romano desciscant , id non  
 » cogitent ( *u* ) ; documentum autem dicant ( *v* )  
 » statui oportere , si quis resipiscat , & anti-  
 » quam societatem respiciat. Quod si abire ab  
 » Romanis liceat , redire ad eos non liceat ;  
 » cui dubium esse , quin brevi deserta ab fo-  
 » ciis Romana res , foederibus Punicis omnia

( *s* ) *quumque* l. *tum posteaquam* Gron. Crev.

( *t* ) *qui* del. Gron. Crev.

( *u* ) *id non cogitent* l. & *non vocitent* Gron. Crev.

( *v* ) *ducant* Gron. Crev.

» in Italia juncta visura sit ? Se tamen non *U. c. 539.*  
 » eum esse, qui Altinio fidei quidquam cen- *a. C. 213.*  
 » feat habendum, sed mediam consecuturum  
 » consilii viam. Neque eum pro hoste, neque  
 » pro socio in præsentia habitum, libera custo-  
 » dia haud procul a castris placere in aliqua  
 » fida civitate servari per belli tempus : per-  
 » petrato bello, tum consultandum, utrum  
 » defectio prior plus merita sit poenæ, an hic  
 » reditus veniæ.» Fabio adsensum est : cate-  
 nisque ligatus, traditur & ipse & comites : &  
 auri fatis magnum pondus, quod secum tum  
 attulerat, ei servari jussum. Calibus eum  
 interdiu solutum custodes sequebantur : nocte  
 clausum adservabant. Arpis domi primum de-  
 siderari quærique est cœptus : dein fama,  
 per totam urbem vulgata, tumultum, ut  
 principe amisso, fecit : metuque rerum no-  
 varum extemplo nuncii ad Hannibalem missi.  
 Quibus nequaquam obfensus Pœnus, quia &  
 ipsum, ut ambiguae fidei virum, suspectum  
 jam pridem habebat, & causam nactus erat  
 tam ditis hominis bona possidendi vendendi-  
 que, ceterum ut iræ magis, quam avaritiæ,  
 datum crederent homines, crudelitati quoque  
 gravitatem addidit : conjugemque ejus ac

*U. c. 539.* liberos in castra adcitos, quæstione prius  
*4. C. 213.* habita, primum de fuga Altinii, dein quan-  
*Conjux* tum auri argentique domi relictum esset, fa-  
*ejus & libe-* tis cognitis omnibus, vivos combussit.  
*ri combusti*  
*ab Hanni-*  
*bale.*

XLVI. FABIVS, ab Sueffula profectus;

*Arpos*  
*adgreditur*  
*Fabius.*

Arpos primum institit obpugnare. Ubi quum a quingentis fere passibus castra posuisset, contemplatus ex propinquo situm urbis mœniaque, quæ pars tutissima mœnibus erat, qua maxime neglectam custodiam vidit, ea potissimum adgredi statuit. Comparatis omnibus, quæ ad urbes obpugnandas usui sunt, centurionum robora ex toto exercitu delegit, tribunosque viros fortes eis præfecit, & milites sexcentos, quantum fatis visum est, attribuit: eosque, ubi quartæ vigiliæ signum cecinisset, ad eum locum scalas jussit ferre. Porta ibi humilis & angusta erat, via infrequenti per desertam partem urbis: eam portam scalis prius transgressos ad murum pergere, & ex interiore parte vi claustra refringere jubet, & tenentes partem urbis cornu signum dare, ut ceteræ copiæ admoverentur: parata omnia atque instructa sese habiturum. Ea inpigre facta: &, quod impedimentum agentibus fore videbatur, id maxime ad fallendum



adjuvit. Imber, ab nocte media coortus, custodes vigilesque, dilapsos e stationibus, subfugere in tecta coëgit : sonituque primo largioris procellæ strepitum molientium portam exaudiri prohibuit : lentior deinde æqualiorque accidens auribus magnam partem hominum sopivit. Postquam portam tenuerunt, cornicines in via paribus intervallis dispositos canere jubent, ut consulem excirent. Id ubi factum ex composito est, signa efferri consul jubet, ac paullo ante lucem per effractam portam urbem ingreditur.

U. c. 539.

a. C. 213.

*Et capit;*

XLVII. Tum demum hostes excitati sunt, jam & imbre conquiescente, & propinqua luce. Præsidium in urbe erat Hannibalis, quinque millia ferme armatorum : & ipsi Arpini tria millia hominum armabant. Eos primos Pœni, ne quid ab tergo fraudis esset, hosti obposuerunt. Pugnatum primo in tenebris angustisque viis est : quum Romani non vias tantum, sed tecta etiam proxima portæ, occupassent, ne peti superne ac vulnerari possent. Cogniti inter se quidam Arpinique & Romani ; atque inde colloquia cœpta fieri, percunctantibus Romanis, quid sibi vellent Arpini ? quam ob noxam Romanorum, quod

*U. c. 539.  
a. C. 213.*

*Arpinis  
ipsis adju-  
vantibus.*

aut meritum Pœnorum , pro alienigenis ac barbaris , Italici adversus veteres socios Romanos bellum gererent , & vestigalem ac stipendiariam Italiam Africæ facerent ? Arpinis purgantibus , ignaros omnium se venum a principibus datos Pœno , captos obpressosque a paucis esse. Initio orto , plures cum pluribus conloqui. Postremo prætor Arpinus ab suis ad consulem deductus ; fideque data inter signa aciesque , Arpini repente pro Romanis adversus Carthaginiensem (x) arma verterunt. Hispani quoque , paullo minus mille homines , nihil præterea cum consule pacti , quam ut sine fraude Punicum emitteretur præsidium , ad consulem transtulerunt signa , Carthaginiensibus portæ patefactæ , emisique cum fide incolumes ad Hannibalem Salapiam venerunt. Arpi sine clade ullius , præterquam unius veteris proditoris , novi perfugæ restituti ad Romanos. Hispanis duplicia cibaria dari iussa : operaque eorum forti ac fideli persæpe respublica usa est. Quum consul alter in Apulia , alter in Lucanis esset ; equites centum duodecim nobiles Campani , per speciem prædandi ex hostium agro , per-

(x) *Carthaginienses* Gron. Crev.

missu magistratum ab Capua profecti, ad *U. c. 539.*  
 castra Romana, quæ super Sueffulam erant, *a. C. 213.*

venerunt. Stationi militum, qui essent, dixerunt; conloqui sese (y) cum prætore velle.

Cn. Fulvius castris præerat : cui ubi nunciatum est, decem ex eo numero iussis incrementibus deduci ad se, ubi, quæ postularent, audivit, (nihil autem aliud petebant, quam ut, Capua recepta, bona sibi restituerentur) in fidem omnes accepti. Et ab altero prætore

Sempronio Tuditano oppidum Aternum expugnatum. Amplius septem millia hominum capta, & æris argentique signati aliquantum.

*Aternum  
capum.*

Romæ fœdum incendium per duas noctes ac diem unum tenuit : solo æquata omnia inter Salinas ac portam Carmentalem, cum Æquimælio Jugarioque vico. In templis Fortunæ ac matris Matutæ & Spei extra portam, late vagatus ignis sacra profanaque multa absumfit.

*Romæ  
incendium.*

XLVIII. EODEM anno P. & Cn. Cornelii, quum in Hispania res prosperæ essent, multosque & veteres reciperent socios, & novos adjicerent, in Africam quoque spem extenderunt. Syphax erat rex Numidarum, subi-

*Res in  
Hispania  
gestæ.*

(y) *se Gron. Crev.*

U. c. 539.  
a. C. 213.

*Romani  
cum  
Syphace  
rege  
amicitiam  
faciunt.*

to Carthaginiensibus hostis factus : ad eum centuriones tres legatos miserunt, qui cum eo amicitiam societatemque facerent; & pollicerentur, si perseveraret urgere bello Carthaginienses, gratam eam rem fore senatui populoque Romano, & adnifuros, ut in tempore, & bene cumulatam gratiam referant. Grata ea legatio barbaro fuit : conlocutusque cum legatis de ratione belli gerundi, ut veterum militum verba audivit, quam multarum rerum ipse ignarus esset, ex comparatione tam ordinatæ disciplinæ, animum advertit. Tum, primum ut pro bonis ac fidelibus fociis facerent, oravit, « ut duo legationem referrent ad imperatores suos : unus » apud sese magister rei militaris remaneret. « Rudem ad pedestria bella Numidarum gentem esse, equis tantum habilem. Ita jam » inde a principiis gentis majores suos bella » gessisse, ita se a pueris insuetos. Sed habere » hostem pedestri fidentem Marte : cui si » æquari robore virium velit, & sibi pedites » comparandos esse ; & ad id multitudine » hominum regnum abundare : sed armandi, » ornandique & instruendi eos artem ignorare. Omnia, velut forte congregata turba,

» vasta ac temeraria esse. » Facturos se in *U. c. 539.*  
 præsentia, quod vellent, legati responderunt : *a. C. 213.*

fide accepta, ut remitteret extemplo eum, si  
 imperatores sui non comprobassent factum.

Q. Statorio nomen fuit, qui ad regem reman-  
 sit. Cum duobus Romanis reliquis Numida  
 legatos (z) in Hispaniam misit ad accipiendam  
 fidem ab imperatoribus Romanis. Iisdem man-  
 davit, ut protinus Numidas, qui intra præ-  
 sidia Carthaginiensium auxiliares essent, ad  
 transitionem perlicerent. Et Statorius ex multa  
 juventute regi pedites conscripsit : ordina-  
 tosque proxime morem Romanum, instruendo  
 & decurrendo signa sequi, & servare ordi-  
 nes docuit : & operi aliisque justis militari-  
 bus ita adsuëfecit, ut brevi rex non equiti  
 magis fideret, quam pediti ; conlatisque æquo  
 campo signis, justo prælio Carthaginiensem  
 hostem superaret. Romanis quoque in Hispa-  
 nia legatorum regis adventus magno emolu-  
 mento fuit. Namque ad famam eorum transi-  
 tiones crebræ ab Numidis cœptæ fieri. Ita  
 cum Syphace Romanis juncta amicitia est.  
 Quod ubi Carthaginienses acceperunt, extem-

(z) Cum duobus Romanis relata ; Numidasque  
 legatos Gron. Crev.

*U. c. 539.* plo ad Galam , in parte altera Numidiæ  
*a. C. 213.* ( Maffyli ( a ) ea gens vocatur ) regnantem ,  
 legatos mittunt.

*Pæni cum  
 Gala fæ-  
 dus fa-  
 ciunt.*

XLIX. FILIUM Gala Masinissam habebat ; septem & decem annos natum , ceterum juvenem ea indole , ut jam tum adpareret , latius regnum opulentiusque , quam accepisset , facturum. Legati , « quoniam Syphax se Romanis » junxisset , ut potentior societate eorum ad- » versus reges populosque Africæ esset , » docent ; « melius fore Galæ quoque , Car- » thaginiensibus jungi quam primum , antè- » quam Syphax in Hispaniam , aut Romani in » Africam transeant ; obprimi Syphacem , ni- » hildum præter nomen ex fœdere Romano » habentem , posse. » Facile persuasum Galæ , filio deposcente id bellum , ut exercitum mitteret : qui , Carthaginiensium legionibus conjunctis , magno prælio Syphacem devicit. Triginta millia eo prælio hominum cæsa dicuntur. Syphax cum paucis equitibus in Maurusios ex acie Numidas ( extremi prope oceanum adversus Gades colunt ) refugit : adfluentibusque ad famam ejus undique barbaris , ingentes brevi copias armavit. Cum

*Masinissa  
 Galæ fi-  
 lius Sy-  
 phacem  
 vincit.*

( a ) *Maffyla Gron.*

quibus antequam in Hispaniam angusto direntam freto trajiceret, Masinissa cum victore exercitu advenit : isque ibi cum Syphace ingenti gloria per se, sine ullis Carthaginensium opibus, gessit bellum. In Hispania nihil memorabile gestum, præterquam quod Celtiberum juventutem eadem mercede, quæ pacta cum Carthaginensibus erat, imperatores Romani ad se perduxerunt : & nobilissimos Hispanos supra trecentos in Italiam ad sollicitandos populares, qui inter auxilia Hannibalis erant, miserunt. Id modo ejus anni in Hispania ad memoriam insigne est, quod mercenarium militem in castris neminem ante, quam tum Celtiberos, Romani habuerunt.

*U. c. 539.  
a. C. 213.*

---

*Celtiberi  
primi mer-  
cede mili-  
tant apud  
Rom.*

# EPITOME

## LIBRI XXV LIVIANI

*P. CORNELIUS* Scipio , postea Africanus , ante annos ædilis factus est. Hannibal urbem Tarentum , præter arcem , in quam præsidium Romanorum fugerat , per Tarentinos juvenes , qui se noctu venatum ire simulaverant , cepit. Ludi Apollinares ex Marcii carminibus , quibus Cannensis clades prædicta fuerat , instituti sunt. A Q. Fulvio & Ap. Claudio consulibus adversus Hannonem Pœnorum ducem prospere pugnatum est. Ti. Sempronius Gracchus proconsul , ab hospite suo Lucano in insidias deductus , a Magone interfectus est. Centenius Penula , qui centurio militaverat , quum petisset a senatu , ut sibi exercitus daretur , pollicitusque esset , si hoc impetrasset , de Hannibale victoriam , octo millibus acceptis , militum dux factus , conflixit acie cum Hannibale , & cum exercitu cæsus est.

Cn.



*Cn. Fulvius prætor male adversus Hannibalem pugnavit : in quo prælio hominum sexdecim millia ceciderunt : ipse cum equitibus ducentis effugit. Capua obsessa est a Q. Fulvio & Ap. Claudio consulibus. Claudius Marcellus Syracusas expugnavit anno tertio, & ingentem se virum gessit. In eo tumultu urbis captæ Archimedes, intentus formis, quas in pulvere descripserat, interfectus est. P. & Cn. Scipiones in Hispania tot tantarumque rerum feliciter gestarum tristem exitum tulerunt : prope cum totis exercitibus cæsi anno octavo, quam in Hispaniam iverant : amissaque ejus provinciæ possessio foret, nisi L. Marcii equitis Romani virtute & industria, contractis exercituum reliquiis, ejusdem hortatu, bina castra hostium expugnata essent. Ad triginta septem millia cæsa, ad mille octingentos triginta capti, præda ingens parta. Dux Marcus appellatus est.*

# LIBER XXV

## I.

*U. c. 539.*

*a. C. 213.*

*Hannibal*

*ad*

*Tarentum.*

**D**UM hæc in Africa atque in Hispania geruntur, Hannibal in agro Tarentino æstatem consumsit, spe per prodicionem urbis Tarentinorum potiundæ. Ipsorum interim Sallentinorum ignobiles urbes ad eum defecerunt. Eodem tempore in Brutiis ex duodecim populis, qui anno priore ad Pœnos desciverant, Consentini & Thurini in fidem populi Romani redierunt. Et plures rediissent, ni T. (a) Pomponius Veientanus præfectus socium, prosperis aliquot populationibus in agro Bruttio iusti ducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditæ turbæ agrestium fervorumque, cæsa aut capta est: minimumque iacturæ fuit, quod præfectus inter ceteros est captus, & tum temerariæ pugnae auctor, & ante publicanus, omnibus malis artibus & reipublicæ & societatibus infidus damnosusque. Sempromius consul in Lucanis multa prælia parva,

(a) T. 1. L. Gron. Crev.

haud ullum dignum memoratu, fecit : & ignobilia oppida Lucanorum aliquot expugnavit. Quo diutius trahebatur bellum, & variabant secundæ adversæque res non fortunam magis, quam animos, hominum; tanta religio, & ea magna ex parte externa, civitatem incescit, ut aut homines, aut Dii repente alii viderentur facti. Nec jam in secreto modo atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes : quorum numerum auxit rustica plebs, ex incultis diutino bello infestisque agris egestate & metu in urbem compulsæ; & quæstus ex alieno errore facilis, quem velut ex concessæ artis usu exercebant. Primo secretæ bonorum indignationes exaudiebantur, deinde ad Patres etiam & ad publicam querimoniam excessit res. Incusati graviter ab senatu ædiles triumvirique capitales, quod non prohiberent, quum emovere eam multitudinem e foro, ac disjicere adparatus sacrorum conati essent, haud procul afuit, quin violarentur. Ubi potentius jam esse id malum adparuit, quam

U. c. 539.  
a. C. 213.

*Superstitiones Romanæ exorta.*

*U. c. 539.  
a. C. 213.*

*Coërcitæ a  
senatu.*

ut minores per magistratus sedaretur ; M. Atilio prætori urbis negotium ab senatu datum est, ut his religionibus populum liberaret. Is & in concione senatusconsultum recitavit, & edixit, « Ut, quicumque libros » vaticinos precationesve, aut artem sacrificandi conscriptam haberet, eos libros omnes literasque ad se ante Kalendas Apriles deferret : neu quis, in publico sacrove loco, » novo aut externo ritu sacrificaret. »

*Sacerdotes  
mortui &  
subfecti.*

II. ET aliquot publici sacerdotes mortui eo anno sunt : L. Cornelius Lentulus pontifex maximus, & C. Papirius C. F. Maso pontifex, & P. Furius Philus augur, & C. Papirius L. F. Maso decemvir sacrorum. In Lentuli locum M. Cornelius Cethegus, in Papirii Cn. Servilius Cæpio, pontifices subfecti sunt. Augur creatus L. Quinctius Flamininus, decemvir sacrorum L. Cornelius Lentulus. Comitiorum consularium jam adpetebat tempus; sed, quia consules a bello intentos avocare non placebat, Ti. Sempronius consul comitiorum causa dictatorem dixit C. Claudium Centhonem. Ab eo magister equitum est dictus Q. Fulvius Flaccus. Dictator primo comitali die creavit consules Q.

*Dictator  
comitiorum  
caussa.*

Fulvium Flaccum, magistrum equitum, & Ap. Claudium Pulchrum, cui Sicilia provincia in prætura fuerat. Tum prætores creati Cn. Fulvius Flaccus, C. Claudius Nero, M. Junius Silanus, P. Cornelius Sulla. Comitibus perfectis, dictator magistratu abiit. Ædilis curulis fuit eo anno cum M. Cornelio Cethego P. Cornelius Scipio, cui post Africano fuit cognomen. Huic petenti ædilitatem quum obfisterent tribuni plebis, negantes rationem ejus habendam esse, quod nondum ad petendum legitima ætas esset : « Si me, [ inquit ] » omnes Quirites ædilem facere volunt, factis annorum habeo. » Tanto inde favore ad suffragium ferendum in tribus discursum est, ut tribuni repente incepto destiterint. Ædilitia largitio hæc fuit. Ludi Romani pro temporis illius copiis magnifice facti, & diem unum instaurati, & congii olei in vicos singulos dati. L. Villius Tappulus & M. Fundanius Fundulus, ædiles plebei, aliquot matronas apud populum probri accusarunt : quasdam ex eis damnatas in exilium egerunt. Ludi plebei per biduum instaurati : & Jovis epulum fuit ludorum causa.

U. c. 539.  
a. C. 213.

P. Cornelius Scipio  
ædilis ante legitimum ætatem.

U. c. 540.

a. C. 212.

Q. Fulvio

III. Ap.

Claudio

Coss.

Provinciae

&amp; exerci-

tus divisi.

III. Q. FULVIUS Flaccus tertium, Ap. Claudius consulatum ineunt. Et prætores provincias sortiti sunt; P. Cornelius Sulla urbanam & peregrinam, quæ duorum ante fors fuerat, Cn. Fulvius Flaccus Apuliam; C. Claudius Nero Sueffulam, M. Junius Silanus Tuscos. Consulibus bellum cum Hannibale & binæ legiones decretæ: alter a Q. Fabio superioris anni consule, alter a Fulvio Centumalo acciperet. Prætorum, Fulvii Flacci, quæ Luceriæ sub Æmilio prætore; Neronis Claudii, quæ in Piceno sub C. Terentio fuissent, legiones essent. Supplementum in eas quisque scriberet sibi (b) M. Junio in Tuscos legiones urbanæ prioris anni datæ. Ti. Sempronio Graccho & P. Sempronio Tuditano imperium provinciæque Lucani & Galliæ cum suis exercitibus prorogatæ: item P. Lentulo, qua vetus provincia in Sicilia esset; M. Marcello Syracusæ, & qua Hieronis regnum fuisset: T. Otacilio classis: Græcia M. Valerio: Sardinia Q. Mucio Scævola: Hispaniæ P. & Cn. Corneliis. Ad veteres exercitus duæ urbanæ legiones a

(b) quisque scriberet sibi leg. ipsi scriberent sibi  
Crev.

consulibus scriptæ, summaque trium & vi- *U. e. 548.*  
 ginti legionum eo anno effecta est. Delectum *a. C. 212.*  
 consulum M. Postumii Pyrgensis cum magno *23 legioni.*  
 prope motu rerum factum inpediit. Publicanus *bus bellum*  
 erat Postumius, qui multis annis parem frau- *gestum.*  
 de avaritiaque neminem in civitate habuerat,  
 præter T. (c) Pomponium Veientanum, quem,  
 populantem temere agros in Lucanis, ductu  
 Hannonis priore anno ceperant Carthaginien-  
 ses. Hi, quia publicum periculum erat a vi *Fraus Pu-*  
 tempestatis in iis, quæ portarentur ad exer- *blicano-*  
 citus, & ementiti erant falsa naufragia, & *rum & in*  
 ea ipsa, quæ vera renunciaverant, fraude *primis Po-*  
 ipsorum facta erant, non casu. In veteres *stumii.*  
 quassasque naves paucis & parvi pretii rebus  
 inpositis, quum merfissent eas in alto, ex-  
 ceptis in præparatas scaphas nautis, multi-  
 plices fuisse merces ementiebantur. Ea fraus  
 indicata M. Atilio prætori priore anno fuerat,  
 ac per eum ad senatum delata, nec tamen  
 ullo senatusconsulto notata: quia Patres or-  
 dinem publicanorum in tali tempore obfensum  
 nolebant. Populus severior vindex fraudis  
 erat: excitatique tandem duo tribuni plebis  
 Sp. & L. Carvili, quum rem invisam infamem

*U. c. 540.* memque cernerent, ducentum millium æris  
*a. C. 212.* multam M. Postumio dixerunt. Cui certandæ

*Multam ei  
 dicunt duo  
 tr. pl.*

quum dies advenisset, conciliumque tam frequens plebis adesset, ut multitudinem area Capitolii vix caperet; perorata causâ, spes una videbatur esse, si C. Servilius Casca tribunus plebis, qui propinquus cognatusque Postumio erat, prius, quam ad suffragium tribus vocarentur, intercessisset. Testibus datis, tribuni populum submoverunt; sitellaque adlata est, ut fortirentur, ubi Latini suffragium ferrent. Interim publicani Cascæ instare, ut concilio diem eximeret. Populus reclamare: & forte in cornu primus sedebat Casca, cui simul metus pudorque animum versabat. Quum in eo parum præsidii esset, turbandæ rei causâ publicani per vacuum in submoto locum cuneo intruperunt, jurgantes simul cum populo tribunisque. Nec procul dimicatione res erat, quum Fulvius consul tribunis, « Nonne videtis, [inquit] vos in » ordinem coactos esse, & rem ad feditio- » nem spectare, ni propere dimittitis plebis » concilium? »

*Concilium  
 plebis tur-  
 batum au-  
 dacia pu-  
 blicano-  
 rum.*

IV. PLEBE dimissa, senatus vocatur, & consules referunt de concilio plebis turbato



vi atque audacia publicanorum. « M. Furium  
 » Camillum, cujus exilium ruina urbis secuta  
 » fuerit, damnari se ab iratis civibus passum  
 » esse. Decemviros ante eum, quorum legi-  
 » bus ad eam diem viverent, multos postea  
 » principes civitatis, judicium de se populi  
 » passos. Postumium Pyrgensem suffragium  
 » populo Romano (d) extorsisse, concilium  
 » plebis sustulisse, tribunos in ordinem coë-  
 » gisse, contra populum Romanum aciem  
 » instruxisse (e), locum occupasse, ut tri-  
 » bunos a plebe intercluderet, tribus in suf-  
 » fragium vocari prohiberet. Nihil aliud a  
 » cæde ac dimicatione continuasse homines,  
 » nisi patientiam magistratum, quod cesserint  
 » in præsentia furori atque audaciæ paucorum,  
 » vinci se ac populum Romanum passi  
 » sint: & comitia, quæ reus vi atque armis  
 » prohibiturus erat, ne causâ quærentibus  
 » dimicationem daretur, voluntate ipsius su-  
 » stulerint. » Hæc quum ab optimo quoque  
 pro atrocitate rei acta (f) essent, vimque  
 eam contra rempublicam & pernicioso exem-

U. c. 540.

a. C. 212.

(d) Romano l. per vim Gron. Crev.

(e) instruxisse l. introduxisse Gron.

(f) jacta Gron.

*U. c. 540.  
a. C. 212.*

*Postumius  
publica-  
nus & alii  
aliquot in  
exsilium  
abeunt.*

plo factam, senatus decreffet; confestim Car-  
vili tribuni plebis, omiffa multæ certatione,  
rei capitalis diem Postumio dixerunt: ac, ni  
vades daret, prehendi a viatore, atque in  
carcerem duci jufferunt. Postumius, vadibus  
datis, non adfuit. Tribuni plebem rogave-  
runt, plebesque ita fcivit: « Si M. Postumius  
» ante Kalendas Maias non prodiffet, cita-  
» tusque eo die non respondiffet, neque ex-  
» cufatus effet, videri eum in exfilio effe:  
» bonaque ejus venire, ipfi aqua & igni pla-  
» cere interdici. » Singulis deinde eorum, qui  
turbæ ac tumultus concitatores fuerant, rei  
capitalis diem dicere, ac vades pofcere cœ-  
perunt. Primo non dantes, deinde etiam eos,  
qui dare poffent, in carcerem conjiciebant:  
cujus rei periculum vitantes plerique in ex-  
filium abierunt.

V. HUNC fraus publicanorum, deinde frau-  
dem audacia protegenis, exitum habuit. Comi-  
tia inde pontifici maximo creando sunt habita.  
Ea comitia novus pontifex M. Cornelius Ce-  
thegus habuit. Tres ingenti certamine petie-  
runt: Q. Fulvius Flaccus confil, qui & ante  
bis confil & cenfor fuerat: & T. Manlius  
Torquatus, & ipfe duobus confulatibus &

censura insignis : & P. Licinius Crassus , qui *U. e. 548.*  
 & ædilitatem curulem petiturus erat. Hic *a. C. 212.*  
 senes honoratosque juvenis in eo certamine  
 vicit. (g) Ante hunc, intra centum annos  
 & (h) viginti, nemo præter P. Cornelium  
 Caluffam, pontifex maximus creatus fuerat,  
 qui sella curuli non sedisset. Consules quum  
 ægre delectum conficerent, quod inopia ju- *Delectuum*  
 niorum non facile in utrumque, ut & novæ *difficul-*  
 urbanæ legiones, & supplementum veteribus *tas.*  
 scriberetur, sufficiebat; senatus «absistere eos  
 » incepto » vetuit, « & triumviros binos creari »  
 jussit : « alteros, qui citra, alteros, qui ultra  
 » quinquagesimum lapidem in pagis, forisque,  
 » & conciliabulis omnem copiam ingenuo-  
 » rum inspicerent : & , si qui roboris fatis ad  
 » ferenda arma habere viderentur, etiamsi  
 » nondum militari ætate essent, milites fa-  
 » cerent. Tribuni plebis, si iis videretur,  
 » ad populum ferrent, ut, qui minores sep-  
 » tem & decem annis sacramento dixissent,  
 » iis perinde stipendia procederent, ac si sep-  
 » tem & decem annorum, aut majores, mi-  
 » lites facti essent. » Ex hoc senatusconsulto

(g) *devicit Gron. Crev.*

(h) & *del. Gron.*

*U. c. 540.  
a. C. 212.*

*Legati  
Cannensis  
exercitus  
ad Marcel-  
lum.*

creati triumviri bini conquisitionem ingenuorum per agros habuerunt. Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatæ sunt. Cannensis reliquiæ cladis hic exercitus erat, relegatus in Siciliam, sicut ante dictum est, ne ante Punici belli finem in Italiam reportaretur.

*Postulant  
ut dimi-  
care cum  
hoste li-  
ceat.*

VI. Hi permisso Lentuli primores equitum centurionumque, & robora ex legionibus peditum, legatos in hiberna ad M. Marcellum miserunt, e quibus unus, potestate dicendi facta, « Consulem [inquit] te, M. Mar- » celle, in Italiam adissemus, quum primum » de nobis, etsi non iniquum, certe triste » senatusconsultum factum est; nisi hoc spe- » rassemus, in provinciam nos morte regum » turbatam ad grave bellum adversus Siculos » simul Pœnosque mitti: & sanguine nostro » vulneribusque nos senatui satisfacturos esse: » (i) sicut patrum memoria, qui capti a » Pyrrho ad Heracleam erant, adversus Pyr-

(i) Crev. sic habet: & sanguine nostro vulneribusque nostris senatui satisfacturos esse. Gron. autem: sanguine nostro vulneribusque nos patriæ satisfacturos esse.

» rhum ipsum pugnantes satisfecerunt. Quam- *U. c. 540;*  
 » quam quod ob meritum nostrum succen- *a. C. 212.*  
 » fuistis, Patres conscripti, nobis, aut suc-  
 » censetis? Ambo mihi consules & univer-  
 » sum senatum intueri videor, quum te, M.  
 » Marcelle, intueor: quem si ad Cannas con-  
 » sulem habuisssemus, melior & reipublicæ &  
 » nostra fortuna esset. Sine, quæso, prius-  
 » quam de conditione nostra queror, noxam,  
 » cujus arguimur, nos purgare. Si non Deum  
 » ira, nec fato, cujus lege immobilis rerum  
 » humanarum ordo feritur, sed culpa perii-  
 » mus ad Cannas, cujus tandem ea culpa  
 » fuit? Militum, an imperatorum? Equidem  
 » miles nihil umquam dicam de imperatore  
 » meo, cui præsertim gratias sciam ab senatu  
 » actas, quod non desperaverit de republica;  
 » cui post fugam ab Cannis per omnes annos  
 » prorogatum imperium. Ceteros item ex re-  
 » liquis cladis ejus, quos tribunos militum  
 » habuimus, honores petere & gerere, &  
 » provincias obtinere audivimus. An vobis  
 » vestrisque liberis ignoscitis facile, Patres  
 » conscripti, in hæc vilia capita sævi? Et  
 » consuli primoribusque aliis civitatis fugere,  
 » quum spes alia nulla esset, turpe non fuit;

*U. c. 540.* » milites utique morituros in aciem misistis?

*a. C. 212.*

» Ad Alliam prope omnis exercitus fugit. Ad  
 » Furculas Caudinas, ne expertus quidem  
 » certamen, arma tradidit hosti, ut alias pu-  
 » dendas clades exercituum taceam. Tamen  
 » tantum afuit ab eo, ut ulla ignominia iis  
 » exercitibus quæreretur, ut & urbs Roma  
 » per eum exercitum, qui ab Allia Veios  
 » transfugerat, reciperaretur; & Caudinæ  
 » legiones, quæ sine armis redierant Romam,  
 » armatæ remissæ in Samnium, eundem illum  
 » hostem sub jugum miserint, qui hac sua  
 » ignominia lætatus fuerat. Cannensem vero  
 » quisquam exercitum fugæ aut pavoris infi-  
 » mulare potest, ubi plus quinquaginta millia  
 » hominum ceciderunt? unde consul cum equi-  
 » tibus septuaginta fugit? unde nemo superest,  
 » nisi quem hostis cædendo fessus reliquit?  
 » Quum captivis redemptio negabatur, nos vul-  
 » go homines laudabant, quod reipublicæ nos  
 » reservassemus: quod ad consulem Venusiam  
 » redissemus, & speciem iusti exercitus fecis-  
 » semus. Nunc deteriore conditione sumus,  
 » quam apud patres nostros fuerant captivi.  
 » Quippe illis arma tantum atque ordo mili-  
 » tandi, locusque, in quo tenderent in castris,

» est mutatus : quæ tamen , semel navata *U. c. 540.*  
 » reipublicæ opera , & uno felici prælio , *a. C. 212.*  
 » recuperarunt. Nemo eorum relegatus in  
 » exilium est : nemini spes emerendi stipen-  
 » dia adempta : hostis denique est datus , cum  
 » quo dimicantes , aut vitam semel , aut igno-  
 » miniam finirent. Nos , quibus ( nisi quod  
 » commisimus , ut quisquam ex Cannensi acie  
 » miles Romanus superesset ) nihil objici po-  
 » test , non solum a patria procul Italiaque ,  
 » sed ab hoste etiam , relegati sumus : ubi  
 » fenescamus in exilio , ne qua opes , (k)  
 » ne qua occasio abolendæ ignominiaë , ne  
 » qua placandæ civium iræ , ne qua denique  
 » bene moriendi sit. Neque ignominiaë finem ,  
 » nec virtutis præmium petimus ; modo ex-  
 » periri animum , & virtutem exercere liceat.  
 » Laborem & periculum petimus , ut virorum ,  
 » ut militum officio fungamur. Bellum in  
 » Sicilia jam alterum annum ingenti dimica-  
 » tione geritur : urbes alias Pœnus , alias Ro-  
 » manus expugnat : peditum , equitum acies  
 » concurrunt : ad Syracusas terra marique  
 » res geritur : clamorem pugnantium crepi-  
 » tumque armorum exaudimus residues ipsi ac

(k) opes l. spes Gron. Crev.

*U. c. 540.* » segnes, tamquam nec manus, nec arma ha-  
*a. C. 212.* » beamus. Servorum legionibus Ti. Sempro-  
 » nius consul toties jam cum hoste signis  
 » conlatis pugnavit. Operæ pretium habent,  
 » libertatem civitatemque. Pro servis saltem  
 » ad hoc bellum emtis vobis fimus. Congredi  
 » cum hoste liceat, & pugnando quærere  
 » libertatem. Vis tu mari, vis terra, vis acie,  
 » vis urbibus obpugnandis experiri virtutem?  
 » Asperrima quæque ad laborem periculum-  
 » que deposcimus, ut, quod ad Cannas faciun-  
 » dum fuit, quamprimum fiat; quoniam,  
 » quidquid postea viximus, id omne destina-  
 » tum ignominiae est.

*Ad  
 senatum  
 rejiciun-  
 tur.*

VII. SUB hæc dicta ad genua Marcelli  
 procubuerunt. Marcellus id nec juris, nec  
 potestatis suæ esse dixit. Senatui scripturum  
 se, omniaque de sententia Patrum facturum  
 esse. Hæ literæ ad novos consules adlatæ,  
 ac per eos in senatu recitatæ sunt: consul-  
 tusque de his literis ita decrevit senatus:  
 « Militibus, qui ad Cannas commilitones suos  
 » pugnantes deseruissent, senatum nihil vide-  
 » re, cur respublica committenda sit. Si M.  
 » Claudio proconsuli aliter videretur, face-  
 » ret, quod e republica fideque sua duceret:  
 » dum



» dum ne quis eorum munere vacaret, neu  
 » dono militari virtutis ergo donaretur, neu  
 » in Italiam reportaretur, donec hostis in ter-  
 » ra Italia esset. » Comitia deinde a prætore  
 urbano de senatus sententia plebisque scitu  
 sunt habita : quibus creati sunt quinqueviri  
 muris turribusque reficiendis : & triumviri  
 bini ; uni sacris conquirendis, domisque per-  
 signandis ; alteri reficiendis ædibus Fortunæ  
 & matris Matutæ intra portam Carmentalem,  
 sed & Spei extra portam, quæ priore anno  
 incendio consumptæ fuerant. Tempestates fœ-  
 dæ fuere. In Albano monte biduum continen-  
 ter lapidibus pluit. Tacta de cœlo multa :  
 duæ in Capitolio ædes : vallum in castris  
 multis locis supra Sueffulam, & duo vigiles  
 exanimati. Murus turresque quædam Cūmis  
 non ictæ modo fulminibus, sed etiam decussæ.  
 Reate faxum ingens visum volitare : sol ru-  
 bere solito magis, sanguineoque similis. Ho-  
 rum prodigiorum causa diem unum suppli-  
 catio fuit, & per aliquot dies consules rebus  
 divinis operam dederunt : & per eosdem dies  
 sacrum novemdiale fuit. Quum Tarentino-  
 rum defectio jam diu & in spe Hannibali, &  
 in suspitione Romanis esset ; causa forte ex-

*U. c. 540.  
 a. C. 212.*

*Obsides  
 Tarentinæ  
 Roma  
 fugiunt.*

*U. c. 540.  
a. C. 212.*

trinfecus maturandæ ejus intervenit. Phileas Tarentinus, diu jam per speciem legationis Romæ quum esset, vir inquieti animi, & minime otium, quo tum diutino senescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore cura, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis ædituis duobus, quum primis tenebris custodia eduxisset, ipse comes occulti itineris factus profugit. Luce prima vulgata per urbem fuga est: missique, qui sequerentur, ab Tarracina comprehensos omnes retraxerunt. Deducti in comitio, virgisque, adprobante populo, cæsi de saxo dejiciuntur.

*Compre-  
henfi  
necantur.*

VIII. Hujus atrocitas pœnæ duarum nobilissimarum in Italia Græcarum civitatum animos inritavit, quum (1) publice, tum etiam singulos privatim, ut quisque tam fœde interementos aut propinquitate, aut amicitia contingebat. Ex iis tredecim fere nobiles juvenes Tarentini conjuraverunt, quorum principes Nico & Philemenus erant. Hi, prius, quam aliquid moverent, colloquendum cum Han-

*Conjuratio  
Tarenti.*

(1) tum Gron.

nibale rati, nocte per speciem venandi urbem (m) egressi, ad eum proficiscuntur. Et, quum haud procul castris abessent, ceteri silva prope viam sese occuluerunt: Nico & Philemenus, progressi ad stationes comprehensique, ultro id petentes, ad Hannibalem deducti sunt. Qui quum & causas consilii sui, & quid pararent, exposuissent; conlaudati, oneratique promissis, jubentur, ut fidem popularibus facerent, prædandi causa se urbe egressos, pecora Carthaginensium, quæ pastum propulsa essent, ad urbem agere. Tuto ac sine certamine id facturos, promissum est. Conspecta ea præda juvenum est: minusque, iterum ac sæpius id eos audere, miraculo fuit. Congressi cum Hannibale rursus, fide sanxerunt, liberos Tarentinos leges suæque omnia habituros, neque ullum vestigal Pœno pensuros, præsidiumve invitos recepturos: prodita præsidia Carthaginensium fore. Hæc ubi convenerunt, tunc vero Philementus consuetudinem nocte egrediundi redeundique in urbem frequentiore facere: (& erat venandi studio insignis) canesque & alius adparatus sequebatur: captumque ferme aliquid, aut

U. c. 540.  
a. C. 212.

*U. c. 540.  
a. C. 212.*

ab hoste ex præparato ablatum reportando ; donabat aut præfecto , aut custodibus portarum. Nocte maxime commeare propter metum hostium , credebant. Ubi jam eo consuetudinis adducta res est , ut , quocumque noctis tempore sibillo dedisset signum , porta aperiretur , tempus agendæ rei Hannibali visum est. Tridui viam aberat : ubi , quo minus mirum esset , uno eodemque loco stativa eum tamdiu habere , ægrum simulabat. Romanis quoque , qui in præsidio Tarenti erant , suspecta esse jam segnis mora ejus desierat.

*Hannibal  
it  
Tarentum  
versus.*

IX. CETERUM postquam Tarentum ire constituit , decem millibus peditum atque equitum , quos in expeditione velocitate corporum ac levitate armorum aptissimos esse ratus est , electis , quarta vigilia noctis signa movit : præmissisque octoginta fere Numidis equitibus præcepit , ut discurrerent circa vias , perlustrarentque omnia oculis , ne quis agrestium procul spectator agminis falleret ; prægressos retraherent , obvios occiderent , ut prædonum magis , quam exercitus , adcolis species esset. Ipse , raptim agmine acto , quindecim ferme millium spatio castra ab Tarento posuit : & , ne ibi quidem nunciato , quo

pergerent, tantum convocatos milites monuit, *U. c. 540.*  
 via omnes irent; nec divertī quemquam, aut *a. C. 212.*  
 excedere ordinem agminis paterentur; & in  
 primis intenti ad imperia accipienda essent;  
 neu quid nisi ducum jussu facerent: se in  
 tempore editurum, quæ vellet agi. Eadem  
 ferme hora Tarentum fama pervenerat, Nu-  
 midas equites paucos populari agros, terro-  
 remque late agrestibus injecisse. Ad quem  
 nuncium nihil ultra motus præfectus Roma-  
 nus, quam ut partem equitum postero die  
 luce prima juberet exire ad arcendum popu-  
 lationibus hostem. In cetera adeo nihil ob  
 id intenta cura est, ut contra pro argumento  
 fuerit illa procurfatio Numidarum, Hanniba-  
 lem exercitumque castris non movisse. Han-  
 nibal concubia nocte movit. Dux Philemenus  
 erat, cum solito captæ venationis onere. Ce-  
 teri proditores ea, quæ composita erant, ex-  
 spectabant. Convenerat autem, ut Philemenus,  
 portula adsueta venationem inferens, armatos  
 induceret: parte alia portam Temenida adi-  
 ret Hannibal. Ea mediterranea regione orien-  
 tem spectabat: aliquantum intra mœnia in-  
 cluduntur. (n) Quum portæ adpropinquaret,

(n) *includitur* Gron.

*U. c. 540.* editus ex composito ignis ab Hannibale est,  
*a. C. 212.* refulsitque. Idem redditum ab Nicone signum:

extinctæ deinde utrimque flammæ sunt. Hannibal silentio ducebat ad portam. Nico ex improviso adortus sopitos vigiles in cubilibus suis obtruncat, portamque aperit.

*Hannibal  
Tarentum  
ingreditur.*

Hannibal cum peditum agmine ingreditur, equites subsistere jubet : ut, quo res postulet, obcurrere libero campo possent. Et Philemenus portulæ parte alia, qua com-  
meare adsuerat, adpropinquabat. Nota vox ejus & familiare jam signum quum excitasset vigilem, dicentis, vix sustinere grandis bestię onus, portula aperitur. Inferentes aprum duos juvenes secutus ipse cum expedito venatore, vigilem, incautius miraculo magnitudinis in eos, qui ferebant, versum, venabulo trajicit. Ingressi deinde triginta fere armati, ceteros vigiles obtruncant, refringuntque portam proximam : & agmen sub signis confestim inrupit. Inde cum silentio in forum ducti, Hannibali sese conjunxerunt. Cum duobus millibus Gallorum Pœnus, in tres divisas partes per urbem dimittit Tarentinos, & itinera quam maxime frequentia occupare jubet : tumultu orto, Romanos passim cædi,

oppidanis parci. Sed, ut fieri id posset, præcipit juvenibus Tarentinis, ut, ubi quem suorum procul vidissent, quiescere & filere, ac bono animo esse juberent.

*U. c. 540.  
a. C. 212.*

X. JAM tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota. Præfectus primo excitatus tumultu, in portum effugit: inde, acceptus scapha, in arcem circumvehitur. Terrorem & tuba audita ex theatro faciebat. Nam & Romana erat, a proditoribus ad hoc ipsum præparata: & inscien-ter a Græco inflata, quis, aut quibus signum daret, incertum efficiebat. Ubi inluxit, & Romanis Punica & Gallica arma cognita, tum dubitationem exemerunt: & Græci, Romanos passim cæde fratos cernentes, ab Hannibale captam urbem senserunt. Postquam lux certior erat, & Romani, qui cædibus superfuerant, in arcem confugerant, conticescebatque paullatim tumultus; tum Hannibal Tarentinos sine armis convocare jubet. Convenere omnes, præterquam qui, cedentes in arcem, Romanos ad omnem

*Romani in  
arcem con-  
fugiunt.*

*U. c. 540.  
a. C. 212.*

*Hannibal  
benigne  
adloquitur  
Tarenti-  
nos.*

adeundam simul fortunam profecuti fuerant. Ibi Hannibal, benigne adlocutus Tarentinos, testatusque, quæ præstitisset civibus eorum, quos ad Trasimenum aut ad Cannas cepisset, simul in dominationem superbam Romanorum invectus, recipere se in domos suas quemque iussit, & foribus nomen suum inscribere: se domos eas, quæ inscriptæ non essent, signo extemplo dato, diripi iussurum. Si quis in hospitio civis Romani (vacuas autem tenebant domos) nomen inscripisset, eum se pro hoste habiturum. Concione dimissa, quum titulis notatæ fores discrimen pacatæ ab hostili domo fecissent, signo dato, ad diripienda hospitia Romana passim discursus est: & fuit prædæ aliquantum.

XI. POSTERO die ad obpugnandam arcem ducit: quam <sup>in facta parat</sup> quum & mari, quo in peninsulæ modum <sup>quæ</sup> pars major circumluitur, præaltis rupibus, & ab ipsa urbe muro & fossa ingenti septam videret, eoque nec vi, nec operibus expugnabilem esse; ne aut se ipsum cura tuendi Tarentinos a maioribus rebus moraretur, aut in relictos sine valido præsidio Tarentinos inpetum ex arce, quum vellent, Romani facerent, vallo urbem ab arce inter-

*Arx ab ur-  
be vallo  
intersepi-  
tur.*



sepire statuit : non sine illa etiam spe , cum *U. c. 540.*  
 prohibentibus opus Romanis manum posse *a. C. 212.*  
 conferi ; & , si ferocius procucurrissent ,  
 magna cæde ita adtenuari præsidii vires , ut  
 facile per se ipsi Tarentini urbem ab iis tueri  
 possent. Ubi cœptum opus est , patefacta re-  
 pente porta , in munientes inpetum fecerunt  
 Romani : pellique se statio passa est , quæ  
 pro opere erat , ut successu cresceret audacia ,  
 pluresque & longius pulsos persequerentur.  
 (o) Tum signo dato coorti undique Pœni  
 sunt , quos instructos ad hoc Hannibal tenue-  
 rat. Nec sustinere inpetum Romani , sed ab  
 effusa fuga loci angustiae eos , inpeditaque  
 alia opere jam cœpto , alia adparatu operis ,  
 morabantur. Plurimi in fossam præcipitavere ,  
 occisique sunt plures in fuga , quam in pugna.  
 Inde & opus nullo prohibente fieri cœptum.  
 Fossa ingens ducta , & vallum intra eam  
 erigitur : modicoque post intervallo murum  
 etiam eadem regione addere parat , ut vel sine  
 præsidio tueri se adversus Romanos possent.  
 Reliquit tamen modicum præsidium , ut simul  
 in faciendo muro adjuvaret. Ipse , profectus  
 cum ceteris copiis , ad Galæsum (p) flumen

(o) *prosequerentur* Gron. Crev.(p) *Galesum* Gron. Crev.

*U. c. 540.* (quinque millia ab urbe abest) posuit castra.

*a. C. 212.*

*Hannibal  
arcem  
obpugnat.*

Ex iis stativis regressus ad inspiciendum opus quod aliquantum opinione ejus celerius creverat, spem cepit, etiam arcem expugnari posse. Et est non altitudine, ut cetera, tuta, sed loco plano posita, & ab urbe muro tantum ac fossa divisa. Quum jam machinationum omni genere & operibus obpugnaretur; missum a Metaponto praesidium Romanis fecit animum, ut nocte ex improviso opera hostium invaderent. Alia disjecerunt, alia igni contruperunt. Isque finis Hannibali fuit ea parte arcem obpugnandi. Reliqua erat in obsidione spes, nec ea satis efficax, quia arcem tenentes, quae in peninsula posita imminet faucibus portus, mare liberum habebant: urbs contra exclusa maritimis com meatibus, propiusque inopiam erant obsidentes, quam obfessi. Hannibal, convocatis principibus Tarentinorum, omnes praesentes difficultates exposuit: « neque arcis tam » munitae expugnandae viam cernere, neque » in obsidione quidquam habere spei, donec » mari potiantur hostes. Quod si naves sint, » quibus commeatus invehiri prohibeant, ex templo aut abscessuros, aut dedituros se

«hostes. » <sup>Interdum</sup> Adsentiebantur Tarentini; cete-  
 rum ei, qui <sup>unus</sup> consilium adferret, opem quo-  
 que in eam rem <sup>unus</sup> adferendam esse, censebant.  
 «Punicas enim naves ex Sicilia aditas id  
 » posse facere : suas, quæ sinu exiguo intus  
 » inclusæ essent, quum claustra portus hostis  
 » haberet, <sup>unus</sup> ecquem <sup>unus</sup> ad modum inde in aper-  
 » tum mare <sup>unus</sup> evasuras? Evadent, [inquit Han-  
 » nibal.] Multa, quæ <sup>unus</sup> impedita natura sunt,  
 » consilio expediuntur. Urbem in campo sitam  
 » habetis. Planæ & fatis latæ viæ patent in  
 » omnes partes. Via, quæ in portum per  
 » mediam urbem ad mare <sup>unus</sup> transmissa est,  
 » plaustris <sup>unus</sup> transveham naves haud magna mole.  
 » Et mare nostrum erit, quo nunc hostes  
 » potiuntur : & illinc mari, hinc terra cir-  
 » cumsidebimus arcem. Immo brevi, aut re-  
 » lictam ab hostibus, aut cum ipsis ( q ) hosti-  
 » bus capiemus. » Hæc oratio non <sup>unus</sup> spem mo-  
 do effectus, sed ingentem etiam ducis admi-  
 rationem fecit. Contracta <sup>unus</sup> extemplo undique  
 plaustra, junctaque inter se : & machinæ ad  
 subducendas naves admotæ, <sup>unus</sup> munitumque  
 iter, quo <sup>unus</sup> faciliora plaustra minorque moles  
 in transitu esset. Jumenta inde & homines

U. c. 540.  
 a. C. 212.

Plaustris  
 naves  
 transfe-  
 runt in  
 mare.

( q ) ipsis del. Gron.

*U. c. 540.  
a. C. 212.*

contracti, & opus <sup>inexpugnabile</sup> impigre cœptum : paucosque post dies classis instructa ac parata circumvehitur arcem, & ante os ipsum portus anchoras jacet. Hunc statum rerum Hannibal Tarenti reliquit, regressus ipse in hiberna. Ceterum, defectio Tarentinorum utrum prior anno, an hoc, facta sit, in diversum auctores trahunt. Plures propioresque ætate <sup>et in hunc annum a. C. 212. ab eis</sup> memoriæ rerum hoc anno tradunt factam.

*Marcus  
vates.*

XII. ROMÆ consules prætoresque usque ante diem <sup>27. Aprilis</sup> quintum Kalendas Maias Latinæ tenuerunt. Eo die perpetrato sacro in monte, in suas quisque provincias proficiscuntur. Religio <sup>hæc</sup> deinde nova objecta est ex carminibus Marcianis. Vates hic Marcus inlustris fuerat, & quum <sup>in fœderibus suis</sup> conquisitio prior anno ex senatusconsulto talium librorum fieret, in M. Atilii prætoris urbani, qui eam rem agebat, manus venerant. Is protinus novo prætori Sul læ tradiderat. Ex hujus Marcii duobus carminibus, alterius post rem actam editi cum <sup>et fuit et hoc est augustinus</sup> rato auctoritas eventu, alteri quoque, cujus nondum tempus venerat, adferebat fidem.

*Cannensem cladem prædixerat.*

Prior carmine Cannensis prædicta clades in hæc ferme verba erat : « Amnem Trojugena » Cannam Romane fuge : ne te alienigenæ



*U. c. 540.* carmen explanandum diem unum sumserunt.  
*a. C. 212.* Postero die senatusconsultum factum est, ut  
 decemviri libros, de ludis Apollini reque  
 divina faciunda, inspicerent. Ea quum inspecta  
 relataque ad senatum essent, censuerunt Pa-  
 tres : « Apollini ludos <sup>vovendos</sup> faciundos-  
 » que : &, quando ludi facti essent, duode-  
 » cim millia æris prætori ad rem divinam &  
 » duas hostias majores dandas. » Alterum se-  
 natusconsultum factum est, « Ut decemviri  
 » sacra Græco ritu facerent, iisque (s) hostiis :  
 » Apollini bove aurato & capris duabus albis  
 » auratis, Latonæ bove <sup>femina</sup> aurata. »  
 Ludos prætor in circo maximo quum factu-  
 rus esset, edixit, ut populus per eos ludos  
 stipem Apollini, quantam commodum esset,  
 conferret. Hæc est origo ludorum Apollina-  
 rium, victoriæ, non valetudinis, ergo, ut  
 plerique rentur, votorum (t) factorumque.  
 Populus coronatus spectavit : matronæ suppli-  
 cavere : vulgo apertis januis in propatulis  
 epulati sunt, celeberrque dies <sup>omni</sup> ceremo-  
 niarum genere fuit.

*Origo  
 Ludorum  
 Apollina-  
 rium.*

(s) *hisque Crev.*

(t) post *votorum* interpunctio major, sequentis-  
 que periodi initium hoc : *Factosque populus &c.*  
*Gron.*

XIII. QUUM Hannibal circa Tarentum , *U. c. 540.  
a. C. 212.*  
 consules ambo in Samnio essent , sed circum-  
 fessuri Capuam viderentur ; quod malum diu-  
 turnæ obsidionis esse solet , jam famem Cam-  
 pani sentiebant ; quia sementem facere pro-  
 hibuerant eos Romani exercitus. Itaque le-  
 gatos ad Hannibalem miserunt , orantes , ut  
 prius , quam consules in agros suos educerent  
 legiones , viæque omnes hostium præsi-  
 diis insiderentur , frumentum ex propinquis locis  
 convehi juberet Capuam. Hannibal , Hanno-  
 nem ex Bruttiiis cum exercitu in Campaniam  
 transire , & dare operam , ut frumenti copia  
 fieret Campanis , jussit. Hanno , ex Bruttiiis  
 profectus cum exercitu , vitabundus castra  
 hostium consulesque , qui in Samnio erant ,  
 quum Benevento jam adpropinquaret , tria  
 passuum millia ab ipsa urbe loco edito castra  
 posuit. Inde ex fociis circa populis , quo  
 æstate comportatum erat , devehî frumentum  
 in castra jussit ; præsi-  
 diis datis , quæ com-  
 meatus eos prosequerentur. Capuam inde nuncium  
 misit , qua die in castris ad accipiendum fru-  
 mentum præsto essent , omni undique genere  
 vehiculorum jumentorumque ex agris con-  
 tracto. Id pro cetera socordia negligentiaque

*Capuæ  
inopia.*

*Hanno in  
Campaniam cum  
exercitu  
venit.*

U. c. 540.  
a. C. 212.

a Campanis actum. Paulo plus <sup>400</sup>quadringenta  
vehicula missa, & pauca præterea jumenta.  
Ob id castigatis ab Hannone, quod ne fames  
quidem, quæ mutas accenderet bestias curam  
eorum <sup>Munus</sup>stimulare posset, alia prodita dies  
ad frumentum majore adparatu petendum.  
Ea omnia, sicut acta erant, quum enunciata  
Beneventanis essent, legatos decem extemplo  
ad consules (circa Bovianum castra Romano-  
rum erant) miserunt. Qui quum, auditis,  
quæ ad Capuam agerentur, inter se <sup>id est</sup>compa-  
rassent, ut alter in Campaniam exercitum du-  
ceret; Fulvius, cui ea provincia <sup>24</sup>obvenerat,  
profectus, nocte Beneventi (u) mœnia est  
ingressus. Ex propinquo cognoscit, Hannonem  
cum exercitus parte profectum frumentatum:  
per quaestorem Campanis datum frumentum:  
duo millia <sup>2000</sup>plaustrorum, <sup>invenit</sup>inconditam inermem-  
que aliam turbam, advenisse: per tumultum  
ac trepidationem omnia agi, castrorumque  
formam & militarem ordinem, inmixtis agresti-  
bus iis ex terris, sublatum. His satis com-  
pertis, consul militibus edicit, signa tantum  
armaque in proximam noctem expedirent:  
castra Punica obpugnanda esse. Quarta vigilia  
pro-

(u) Beneventum Gron.



profecti, <sup>Scindit</sup> farcinis omnibus impedimentisque U. c. 540.  
a. C. 212.  
Beneventi relictis, paullo ante lucem quum  
ad castra pervenissent, tantum pavoris injece-  
runt, ut, si in plano castra posita essent,  
haud dubie primo inpetu capi potuerint. Al-  
titude loci & munimenta defenderunt, quæ  
nulla ex parte adiri, nisi arduo ac difficili  
adscensu, poterant. Luce prima proelium in-  
gens accensum est: nec vallum modo tutan-  
tur Pœni, sed, <sup>Quædam deinde loca</sup> ut quibus locus æquior esset,  
<sup>Mittem in visum</sup> deturbant nitentes per ardua hostes.

XIV. VICIT tamen omnia pertinax virtus,  
& aliquot simul partibus ad vallum ac fossas  
perventum est; sed cum multis vulneribus ac  
militum pernicië. Itaque convocatis tribunis  
militum consul, «absistendum temerario in-  
»cepto,» ait «tutius sibi videri, reduci eo  
»die exercitum Beneventum: dein postero  
»castris se hostium jungi, ne exire inde Cam-  
»pani, neve Hanno regredi posset. Id quo  
»facilius obtineatur, collegam quoque &  
»exercitum ejus se adciturum, totumque  
»eo <sup>frangit</sup>versuros bellum.» Hæc consilia ducis,  
quum jam receptui caneret, clamor militum  
<sup>ad amicum</sup>adspernantium tam <sup>frangit</sup>segne imperium disjecit.  
Proxima portæ hostium erat cohors Peligna;

*U. c. 540.*  
*a. C. 212.*

*Hannonis  
 castra  
 capiuntur  
 a Rom.*

cujus præfectus Vibius <sup>in C. C. C.</sup> Accuæus adreptum vexillum trans vallum hostium trajecit. Exsecratus inde seque & cohortem, si ejus vexilli hostes potiti essent, princeps ipse per fossam vallumque in castra inrumpit. Jamque intra vallum Peligni pugnabant, quum altera parte, Valerio Flacco tribuno militum tertiæ legionis exprobrante Romanis ignaviam, qui sociis captorum castrorum concederent decus, T. Pedanius, princeps primus centurio, quum signifero signum ademisset, « Jam hoc signum, » & hic centurio, [ inquit ] intra vallum hostium erit. Sequantur, qui capi signum ab hoste prohibitori sunt. » Manipulares sui primum transcendentem fossam, dein legio tota secuta est. Jam & consul, ad conspectum transgredientium vallum mutato consilio, ab revocando ad incitandos hortandosque versus milites, ostendere, in quanto discrimine ac periculo fortissima cohors sociorum & civium legio esset. Itaque pro se quisque omnes per æqua atque iniqua loca, quum undique tela conjicerentur, armaque & corpora hostes objicerent, pervadunt, <sup>Invenit</sup> inrumpuntque. Multi vulnerati, etiam quos vires sanguisque defereret, ut intra vallum hostium.

caderent, nitebantur. Capta itaque momento temporis, velut in plano sita, nec permunita castra. Cædes inde, non jam pugna erat, omnibus intra vallum permixtis. Supra sex millia hostium occisa, supra septem millia capitum, cum frumentatoribus Campanis omnique plaustrorum & jumentorum adparatu, capta. Et alia ingens præda fuit, quam Hanno, populabundus passim quum isset, ex fociorum populi Romani agris traxerat. Inde, dejectis hostium castris, Beneventum reditum est, prædamque ibi ambo consules (nam & Ap. Claudius eo post paucos dies venit) vendiderunt, diviseruntque. Et donati, quorum opera castra hostium capta erant: ante alios Accuæus Pelignus, & T. Pedanius princeps tertiæ legionis. Hanno ab Cominio Cerito, quo nunciata castrorum clades est, cum paucis frumentatoribus, quos forte secum habuerat, fugæ magis, quam itineris, modo in Bruttios rediit.

XV. ET CAMPANI audita sua pariter fociorumque clade, legatos ad Hannibalem miserunt, qui nunciarent, « duos consules » ad Beneventum esse, diei iter a Capua; » tantum non ad portas & muros bellum

U. c. 540.  
a. C. 212.

Campani  
Hannibalem  
lem vocant.

*U. c. 540.  
a. C. 212.*

» esse : ni propere subveniat , celerius Ca-  
» puam , quam Arpos , in potestatem hostium  
» venturam. Ne Tarentum quidem , non modo  
» arcem , tanti debere esse , ut Capuam ,  
» quam Carthagini æquare sit solitus , deser-  
» tam indefensamque populo Romano tradat.»  
Hannibal , curæ sibi fore rem Campanam  
pollicitus , in præsentia duo millia equitum  
cum legatis mittit , quo præsidio agros popu-  
lationibus possent prohibere. Romanis inte-  
rim , sicut aliarum rerum , arcis Tarentinæ ,  
præsidiique , quod ibi obsideretur , cura esse.

*Arcem Ta-  
rentinam  
frumento  
& milite  
instruunt  
Romani.*

C. Servilius legatus , ex auctoritate Patrum a  
P. Cornelio prætore in Etruriam ad frumen-  
tum coëmendum missus , cum aliquot navi-  
bus onustis in portum Tarentinum inter ho-  
stium custodias pervenit. Cujus adventu ,  
qui ante , in exigua spe , vocati sæpe ad tran-  
sitionem ab hostibus per colloquia erant ,  
ultro ad transeundum hostes vocabant sollici-  
tabantque. Et erat satis validum præsidium ,  
traductis ad arcem Tarenti tuendam , qui  
Metaponti erant , militibus. Itaque Metapon-  
tini extemplo , metu , quo tenebantur , libe-  
rati , ad Hannibalem defecere. Hoc idem  
eadem ora maris & Thurini fecerunt. Movit

*Metapon-  
tini Thuri-  
nique ad  
Hanniba-  
lem defe-  
ciunt.*

eos non Tarentinorum magis defectio Metapontinorumque, quibus, indidem ex Achaia oriundi, etiam cognatione juncti erant, quam ira in Romanos propter obfides nuper interfectos. Eorum amici cognatique literas ac nuncios ad Hannonem Magonemque, qui in propinquo in Brutiis erant, miserunt, « si » exercitum ad mœnia admovissent, se in » potestatem eorum urbem tradituros esse. » M. Atinius Thuriis cum modico præsidio præerat : quem facile elici ad certamen temere ineundum rebantur posse; non tam militum, quos perpauca habebat, fiducia, quam juventutis Thurinæ. Eam ex industria centuriaverat armaveratque ad tales casus. Divisis copiis inter se, duces Pœni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ad tegendas insidias obpositis, subsistit. Atinius, peditum tantum agmine per exploratores comperto, in aciem copias educit, & fraudis intestinæ, & hostium insidiarum ignarus. Pedestre prælium fuit persegne, paucis in prima acie pugnantibus Romanis; Thurinis expectantibus magis, quam adjuvantibus, even-

U. c. 540.  
a. C. 212.

*U. c. 540.*  
*a. C. 212.*

tum : & Carthaginiensium acies de industria pedem referebat, ut ad terga collis ab equite suo infessi hostem incautum pertraheret. Quo ubi ventum est, coorti cum clamore equites, propere inconditam Thurinorum turbam, nec satis fido animo, unde pugnabat, stantem, extemplo in fugam averterunt. Romani, quamquam circumventos hinc pedes, hinc eques urgebat, tamen aliquamdiu pugnam traxere. Postremo & ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis accepissent, ubi Romanos fusos ad urbem ferri viderunt, conclamant, « instare » Poenum, permixtosque & hostes urbem » invasuros, ni propere portas claudant. » Ita exclusos Romanos præbuere hosti ad cædem. Atinius tamen cum paucis receptus. Seditio inde paullisper tenuit; quum alii urbem tuendam, inde alii cedendum fortunæ, & tradendam urbem victoribus censerent. Ceterum; ut plerumque, fortuna & consilia mala vicerunt : Atinio cum suis ad mare ac naves deducto, magis quia ipsi, ob imperium in se mite ac justum, consultum volebant, quam respectu Romanorum, Carthaginienses

in urbem accipiunt. Consules a Benevento in *U. c. 546.*  
 Campanum agrum legiones ducunt, non ad *a. C. 212.*  
 frumenta modo, quæ jam in hibernis erant,  
 conrumpenda, sed ad Capuam obpugnandam;  
 nobilem se consulatum tam opulentæ urbis ex-  
 cidio rati facturos, simul & ingens flagitium  
 imperio demturos, quod urbi tam propinquæ  
 tertium annum impunita defectio esset. Cete-  
 rum, ne Beneventum sine præsidio esset, &  
 ut ad subita belli, si Hannibal (quod factu-  
 rum haud dubitabant) ad opem ferendam so-  
 ciis Capuam venisset, equites vim sustinere  
 possent, Ti. Gracchum ex Lucanis cum equi-  
 tatu ac levi armatura Beneventum venire  
 jubent: legionibus stativisque ad obtinendas  
 res in Lucanis aliquem præficeret.

XVI. GRACCHO, priusquam ex Lucanis *Triste pro-*  
 moveret, sacrificanti triste prodigium factum *digium*  
 est. Ad exta, sacrificio perpetrato, angues *Graccho*  
*factum.*  
 duo ex occulto adlapi, edere jecur, conspecti-  
 que repente ex oculis abierunt. Id quum aru-  
 spicum monitu sacrificium instauraretur, at-  
 que intentius exta referata fervarentur (x):  
 iterum ac tertium venisse tradunt, libatoque  
 jecinore intactos angues abiisse. Quum aruspi-

(x) extares ollæ fervarentur Gron. Crev.

*U. c. 540.  
a. C. 212.*

*Flavii Lucani in  
Gracchum  
perfidia &  
proditio.*

ces, ad imperatorem id pertinere prodigium; præmonuissent, & ab occultis cavendum hominibus consultisque; nulla tamen providentia fatum inminens moveri potuit. Flavius Lucanus fuit, caput partis ejus Lucanorum, quum pars ad Hannibalem defecisset, quæ cum Romanis stabat: & jam anno in magistratu erat, ab eisdem illis creatus prætor. Is, mutata repente voluntate, locum gratiæ apud Pœnum quærens, neque transire ipse, neque trahere ad defectionem Lucanos fatis habuit, nisi imperatoris & ejusdem hospitis proditi capite ac sanguine fœdus cum hostibus sanxisset. Ad Magonem, qui in Brutiis præerat, clam in conloquium venit: fideque ab eo accepta, si Romanum iis imperatorem tradidisset (y), liberos cum suis legibus venturos in amicitiam Lucanos; deducit Pœnum, in locum pacis Gracchum adducturus. Magonem ibi pedites equitesque armare, & capere eas latebras, ubi ingentem numerum occuleret, jubet. Loco fatis inspecto atque undique explorato, dies composita gerendæ rei est. Flavius ad Romanum imperatorem venit:

(y) *si Romanum imperatorem sibi tradidisset.*  
Gron.



„ Rem se [ait] magnam inchoasse, ad quam  
 „ perficiendam ipsius Gracchi opera opus esse.  
 „ Omnium populorum prætoribus, qui ad  
 „ Pœnum in illo communi Italiæ motu descis-  
 „ sent, persuasisse, ut redirent in amicitiam  
 „ Romanorum: quando res quoque Romana,  
 „ quæ prope exitium clade Cannensi venis-  
 „ set, in dies melior atque auctior fieret;  
 „ Hannibalis vis senesceret, ac prope ad ni-  
 „ hilum venisset. Veteri delicto haud inplaca-  
 „ biles fore Romanos: nullam umquam gen-  
 „ tem magis exorabilem, promptioremque  
 „ veniæ dandæ fuisse. Quoties rebellionem  
 „ etiam majorum suorum ignotum? Hæc ab  
 „ se [ait] dicta: ceterum ab ipso Graccho  
 „ eadem hæc audire malle eos, præsentisque  
 „ contingere dextram: id pignus fidei secum  
 „ ferre. Locum se consciis dixisse a conspectu  
 „ amotum, haud procul a castris Romanis.  
 „ Ibi paucis verbis transigi rem posse, ut om-  
 „ ne nomen Lucanum in fide ac societate  
 „ Romana sit. Gracchus, fraudem & sermo-  
 „ ni & rei abesse ratus, ac similitudine veri  
 „ captus, cum lictoribus ac turma equitum e  
 „ castris profectus, duce hospite in insidias  
 „ præcipitatur. Hostes subito exorti: &, ne

*U. c. 540.*  
*a. C. 212.*

*U. c. 540.* dubia proditio esset, Flavius his se adjungit.  
*a. C. 212.* Tela undique in Gracchum atque equites con-  
 jiciuntur. Gracchus ex equo defilit. Idem ce-  
 teros facere jubet, hortaturque, « Ut, quod  
 » unum reliquum fortuna fecerit, id cohone-  
 » stent virtute. Reliquum autem quid esse  
 » paucis, a multitudine in valle silva ac mon-  
 » tibus septa circumventis, præter mortem?  
 » Id referre, utrum præbentes corpora pe-  
 » corum modo inulti trucidentur, an, toto  
 » animo a patiando expectandoque eventu in  
 » inpetum atque iram verso, agentes auden-  
 » tesque, perfusi hostium cruore, inter ex-  
 » spirantium inimicorum cumulata armaque  
 » & corpora cadant. Lucanum proditorem ac  
 » transfugam omnes peterent. Qui eam victi-  
 » mam præ se ad inferos misisset, eum decus  
 » eximium egregiumque solatium suæ morti  
 » inventurum. » Inter hæc dicta, paludamento  
 circum lævum brachium intorto, ( nam ne  
 scuta quidem secum extulerant ) in hostes in-  
 petum fecit. Major, quam pro numero ho-  
 minum, editur pugna. Jaculis maxime aperta  
 corpora Romanorum, & quum undique ex  
 altioribus locis in cavam vallem coniectus  
 esset, transfiguntur. Gracchum jam nudatum

præsidio, vivum capere Pœni nituntur. Ce- *U. c. 540.*  
 terum ille, conspicatus Lucanum hospitem *a. C. 212.*  
 inter hostes, adeo infestus confertos invasit,  
 ut parci ei sine multorum perniciæ non pos-  
 set. Exanimem eum Mago extemplo ad Han-  
 nibalem misit, ponique cum captis simul  
 fascibus ante tribunal imperatoris jussit. Hæc  
 vera fama est. Gracchus in Lucanis ad cam-  
 pos, qui Veteres vocantur, periit.

XVII. SUNT, qui in agro Beneventano, *Varia*  
 prope Calorem fluvium, ostendant a castris *fama de*  
 cum lictoribus ac tribus servis lavandi causa *Gracchi*  
 progressum, quum forte inter saliceta innata *morte ac*  
 ripis laterent hostes, nudum atque inermem, *funere.*  
 faxisque, quæ volvit amnis, propugnantem,  
 interfectum. Sunt, qui aruspicum monitu  
 quingentos passus a castris progressum, uti  
 loco puro ea, quæ ante dicta prodigia sunt,  
 procuraret, ab infidentibus forte locum dua-  
 bus turmis Numidarum circumventum scri-  
 bant. Adeo nec locus, nec ratio mortis in  
 viro tam claro & insigni constat. Funeris  
 quoque Gracchi varia est fama. Alii in castris  
 Romanis sepultum ab suis, alii ab Hannibale  
 (& ea vulgatiores fama est) tradunt in vesti-  
 bulo Punicorum castrorum rogam exstructum

*U. c. 540.* esse. Armatum exercitum decucurrisse (z)  
*a, C. 212.* cum tripudiis Hispanorum, motibusque armorum & corporum suæ cuique genti adfuetis, ipso Hannibale omni rerum verborumque honore exsequias celebrante. Hæc tradunt, qui in Lucanis rei gestæ auctores sunt. Si illis, qui ad Calorem fluvium interfectum memorant, credere velis; capitis tantum Gracchi hostes potiti sunt. Eo delato ad Hannibalem, missus ab eo confestim Carthalo, qui in castra Romana ad Cn. Cornelium quæstorem deferret. Is funus imperatoris in castris, celebrantibus cum exercitu Beneventanis, fecit.

*Coff. ad  
 Capuam  
 fusi.*

XVIII. CONSULES; agrum Campanum ingressi, quum passim popularentur, eruptione oppidanorum & Magonis cum equitatu terri & (a) trepidi, ad signa milites palatos passim revocarunt: &, vixdum instructa acie fusi, supra mille & quingentos milites amiserunt. Inde ingens ferocia superbæ suopte ingenio genti crevit, multisque præliis lacefebant Romanos: sed intentiores ad cavendum consules una pugna fecerat, incaute atque inconsulte inita. Restituit tamen his ani-

(z) *decurrisse Gron.* (a) *ac Gron. Crev.*

mos, & illis minuit audaciam, parva una res: sed in bello nihil tam leve est, quod non magnæ interdum rei momentum faciat. T.

Quinctio Crispino Badius Campanus hospes erat, perfamiliari hospitio junctus. Creverat consuetudo, quod æger Romæ apud Crispinum Badius ante defectionem Campanam liberaliter comiterque curatus fuerat. Tum Badius, progressus ante stationes, quæ pro porta stabant, vocari Crispinum iussit. Quod ubi est Crispino nunciatum, ratus colloquium amicum ac familiare quæri, manente memoria, etiam in discidio publicorum fœderum, privati juris, paullum a ceteris processit. Postquam in conspectum venere, « Provoco te, » [ inquit ] ad pugnam, Crispine, » Badius: « conscendamus equos, submotisque aliis, » uter bello melior sit, decernamus. » Ad ea Crispinus, « nec sibi, nec illi, [ ait ] hostes » deesse, in quibus virtutem ostendant: se (b), » etiam si in acie obcurrat, declinaturum, ne » hospitali cæde dextram violet. » Conversusque abibat. Enimvero ferocius tum Campanus increpare mollitiem ignaviamque, & se digna probra in insontem jacere, « hospi-

U. c. 540.  
a. C. 21<sup>ca</sup>  
1<sup>ca</sup>

*Singulare  
certamen  
inter  
Badium  
Camp. &  
Crispinum  
Romanum.*

(b) Se l. Se ab eo Grøn. Crev.

U. c. 540.  
a. C. 212.

» talem hostem » adpellans, » simulantemque  
» parcere, cui sciat parem se non esse. Si  
» parum publicis foederibus ruptis diremta  
» simul & privata jura esse putet, Badium  
» Campanum T. Quintio Crispino Romano  
» palam (c), duobus exercitibus audientibus,  
» renunciare hospitium. Nihil sibi cum eo  
» confociatum, nihil foederatum hosti cum  
» hoste, cujus patriam ac penates publicos  
» privatosque obpugnatum venisset. Si vir  
» esset, congrediretur. » Diu cunctantem  
Crispinum perpulere turmales, ne inipune  
insultare Campanum pateretur. Itaque tantum  
moratus, dum imperatores consularet, per-  
mitterentne sibi extra ordinem in provocan-  
tem hostem pugnare, permissu eorum arma  
cepit, equumque conscendit, & Badium,  
nomine compellans, ad pugnam evocavit.  
Nulla mora a Campano facta est. Insestis equis  
concurrerunt (d). Crispinus supra scutum  
sinistrum humerum Badio hasta transfixit;  
superque delapsus cum vulnere ex equo de-  
siluit, ut pedes jacentem conficeret. Badius,  
priusquam obprimeretur, parma atque equo

(c) add. *omnibus* Gron. Crev.

(d) *concurrere*. Gron. Crev.

relieto, ad suos aufugit. Crispinus, equum, armaque capta, & cruentam cuspidem insignis spoliis ostentans, cum magna laude & gratulatione militum, ad consules est deductus, laudatusque ibi magnifice, & donis donatus.

*U. c. 540.  
a. C. 212.*

XIX. HANNIBAL ex agro Beneventano castra ad Capuam quum movisset, tertio post die, quam venit, copias in aciem eduxit: haudquaquam dubius, quod Campanis, absente se, paucos ante dies secunda fuisset pugna, quin multo minus se suumque toties victorem exercitum sustinere Romani possent. Ceterum, postquam pugnari coeptum est, equitum maxime incurso, quum jaculis obrueretur, laborabat Romana acies: donec signum equitibus datum est, ut in hostem admitterent equos: Ira equestre proelium erat, quum procul visus Sempronianus exercitus, cui Cn. Cornelius quaestor praerat, utrique parti parem metum praebuit, ne hostes novi adventarent. Velut ex composito utrimque signum receptui datum: reductique in castra prope æquo Marte discesserunt. Plures tamen ab Romanis primo incurso equitum ceciderunt. Inde consules, ut averterent Capua Hannibalem, nocte, quæ secuta est, diversi, Fulvius in agrum

*Consules  
pugnant  
cum  
Hannibale  
æquo  
Marte.*

*U. c. 540.* Cumanum, Claudius in Lucanos abiit (c).

*a. C. 212.*

Postero die, quum vacua castra esse Romanorum nunciatum Hannibali esset, & duobus agminibus diversos abiisse; incertus primo, utrum sequeretur, Appium institit sequi. Ille, circumducto hoste, qua voluit, alio itinere ad Capuam rediit. Hannibali alia in his locis bene gerendæ rei fortuna oblata est.

*M. Centenii superba promissa.*

M. Centenius fuit cognomine Penula, insignis inter primipili centuriones & magnitudine corporis & animo. Is, perfunctus militia, per P. Cornelium Sullam prætorem in senatum introductus, petit a Patribus, uti sibi quinque millia militum darentur. «Se, peritum & hostis & regionum, brevi operæ pretium facturum; &, quibus artibus ad id locorum nostri & duces & exercitus capti forent, iis adversus inventorem usurum.» Id non promissum magis stolide, quam stolide creditum: tamquam eadem militares & imperatoriæ artes essent. Data, pro quinque, octo millia militum; pars dimidia cives, pars focii: & ipse aliquantum voluntariorum itinere in agris concivit, ac, prope duplicato exercitu, in Lucanos pervenit, ubi Hannibal, nequid-

(c) abierunt Gron. Crev.



nequidquam secutus Claudium, substitit. *U. c. 540.  
a. C. 212.*  
 Haud dubia res est, quippe inter Hannibalem ducem & centurionem, exercitusque, alterum vincendo veteranum, alterum novum totum, magna (f) ex parte etiam tumultuarium ac semiermem. Ut conspecta inter se agmina sunt, & neutra pars detrectavit pugnam, extemplo instructæ acies. Pugnatum tamen, ut in nulla pari re, duas amplius horas; concitata & (g), donec dux stetisset, Romana acie. Postquam is, non pro vetere fama solum, sed etiam metu futuri dedecoris, si sua temeritate contractæ cladi superesset, objectans se hostium telis, cecidit: fusa ex templo est Romana acies. Sed adeo ne fugæ quidem iter patuit, omnibus viis ab equite infestis, ut ex tanta multitudine vix mille evaserint; ceteri passim, alii alia peste, affumti sint.

*Ejusdem  
clades.*

XX. CAPUA a consulibus iterum summa vi obsideri cœpta est, quæque in eam rem opus erant, comportabantur parabanturque. Casilinum frumentum convectum: ad Vulturni ostium, ubi nunc urbs est, castellum

*Capua  
obsessa*

(f) & magna Gron. Crev.

(g) & del. Gron. Crev.

Tom. V.

R

*U. c. 540.*  
*a. C. 212.*

communitum : ( ante Fabius Maximus munierat ) præsidium inpositum , ut ( *h* ) mare proximum & flumen in potestate essent. In ea duo maritima castella frumentum , quod ex Sardinia nuper missum erat , quodque M. Junius prætor ex Etruria coëmerat , ab Ostia convectum est , ut exercitui per hiemem copia esset. Ceterum super eam cladem , quæ in Lucanis accepta erat , volonum quoque exercitus , qui , vivo Graccho , summa fide stipendia fecerat , velut exauctoratus morte ducis , ab signis discessit. Hannibal non Capuam neglectam , neque , ut ( *i* ) tanto discrimine , desertos volebat socios : sed , prospero ex temeritate unius Romani ducis successu , in alterius ducis exercitusque obprimendi occasionem imminebat. Cn. Fulvium prætorem Apuli legati nunciabant , primo , dum urbes quasdam Apulorum , quæ ad Hannibalem descivissent , obpugnaret , intentius rem egisse : postea nimio successu & ipsum & milites , præda inpletos , in tantam licentiam socordiamque effusos , ut nulla disciplina militiæ esset. Quum sæpe alias , tum paucis diebus

( *h* ) *ut* & Gron. Crev.

( *i* ) *ut* l. in Gron. Crev.

ante expertus, qualis sub incio duce exercitus esset, in Apuliam castra movit.

*U. c. 549.*

*a. C. 212.*

XXI. CIRCA Herdoniam Romanæ legiones & prætor Fulvius erant. Quo ubi adlatum est, hostes adventare, prope est factum, ut injussu prætoris signis convulsis in aciem exirent. Nec res ulla magis tenuit, quam spes haud dubia, suo id (k) arbitrio, ubi vellent, acturos. Nocte insequenti Hannibal, quum tumultuatum in castris, & plerosque ferociter, signum ut daret, institisse duci ad arma vocantes sciret, haud dubius prosperæ pugnæ occasionem dari, tria millia expeditorum militum in villis circa, vepribusque, & silvis disponit; qui, signo dato, simul omnes e latebris existerent: & Magonem ac duo ferme millia equitum, qua fugam inclinaturam credebat, omnia itinera infidere jubet. His nocte præparatis, prima luce in aciem copias educit. Nec Fulvius est cunctatus, non tam sua ulla spe, quam militum inpetu fortuito tractus. Itaque eadem temeritate, qua processum in aciem est, instruitur ipsa acies ad libidinem militum forte procurentium consistentiumque, quo loco ipsos

(k) *id del. Gron. Crev.*

*U. c. 540.  
a. C. 212.*

*Cn. Fulvius in  
Apulia ab  
Hannibale  
vincitur.*

rum tulisset animus, deinde per libidinem aut metum deferentium locum. Prima legio & sinistra ala in primo instructæ, & in longitudinem porrecta acies. Clamantibus tribunis, « nihil introrsus roboris ac virium esse, & » quacumque inpetum fecisset hostis (1), per- » rupturos; » nihil (m), quod salutare esset, non modo ad animum, sed ne ad aures quidem admittebant. Et Hannibal, haudquaquam similis dux, neque simili exercitu, neque ita instructo aderat. Ergo ne clamorem quidem atque inpetum primum eorum Romani sustinere. Dux, stultitia & temeritate Centenio par, animo nequaquam comparandus, ubi rem inclinatham ac trepidantes suos vidit, equo adrepto cum ducentis ferme equitibus effugit: cetera a fronte pulsa, a (n) tergo atque alis circumventa acies, eo usque est cæsa, ut ex duodeviginti millibus hominum, duo millia haud amplius evaserint. Castris hostes potiti sunt.

(1) *fecissent hostes Gron. Crev.*

(m) *nil Gron. Crev.]*

(n) *a del. Gron.*

XXII. HÆ clades, super aliam alia, Ro- *U. c. 540.*  
 mam quum essent nunciatae, ingens quidem *a. c. 212.*  
 & luctus & pavor civitatem cepit. Sed tamen,  
 quia consules, ubi summa rerum esset, ad id  
 locorum prospere rem gererent, minus his  
 cladibus commovebantur. Legatos ad consu-  
 les mittunt C. Lætorium, M. Metilium, qui  
 nunciarent, ut reliquias duorum exercituum  
 cum cura conlegerent : darentque operam,  
 ne per metum ac desperationem hosti se de-  
 derent, ( id quod post Cannensem accidisset  
 cladem ) & ut desertores de exercitu volonum  
 conquirerent. Idem negotii P. Cornelio datum,  
 cui & delectus mandatus erat : isque per fora  
 conciliabulaque edixit, ut conquisitio volo-  
 num fieret, iique ad signa reducerentur. Hæc  
 omnia intentissima cura acta. Ap. Claudius  
 consul, D. Junio ad ostium Vulturni, M.  
 Aurelio Cotta Puteolis præposito, qui, ut  
 quæque naves ex Etruria ac Sardinia acces-  
 sissent, extemplo in castra mitterent frumen-  
 tum, ipse ad Capuam regressus, Q. Fulvium  
 collegam invenit Casilini, omnia inde por-  
 tantem molientemque ad obpugnandam Ca-

*U. c. 540.  
a. C. 212.*

*Capua  
operibus  
cingitur.*

puam. (o) Tum ambo (p) circumfederunt urbem, & Claudium Neronem prætorem ab Sueffula ex Claudianis castris exciverunt. Is quoque, modico ibi præsidio ad tenendum locum relicto, ceteris omnibus copiis ad Capuam descendit. Ita tria prætoria circa Capuam erecta, tres & exercitus diversis partibus opus adgressi, fossa valloque circumdare urbem parant, & castella excitant modicis intervallis: multisque simul locis cum prohibentibus opera Campanis eo eventu pugnant, ut postremo portis muroque se contineret Campanus. Prius tamen, quam hæc continuarentur opera, legati ad Hannibalem missi, qui quererentur, desertam ab eo Capuam, ac prope redditam Romanis: obtestarenturque, ut tunc saltem opem non circumfessis modo, sed etiam circumvallatis, ferret. Consulibus literæ a P. Cornelio prætore missæ, « Ut priusquam clauderent Capuam operibus, » potestatem Campanis facerent, ut, qui eorum vellent, exirent ab Capua, suasque

(o) *Q. Fulvium collegam invenit, Casilino omnia importantem molientemque ad obpugnandam Capuam.*  
Gron. Crev.

(p) *ambo l. ambo consules Gron.*

» res secum auferrent. Liberos fore suaque  
 » omnia habituros, qui ante Idus Martias  
 » exissent. Post eam diem quique exissent,  
 » quique ibi mansissent, hostium futuros nu-  
 » mero.» Ea pronunciata Campanis, atque  
 ita spreta, ut ultro dicerent contumelias, mi-  
 narenturque. Hannibal ab Herdonea Tarentum  
 duxerat legiones; spe, aut vi, aut dolo, arcis  
 Tarentinæ potiundæ. Quod ubi parum pro-  
 cessit, ad Brundisium flexit iter, prodi id  
 oppidum ratus. Ibi quoque quum frustra tere-  
 ret tempus, legati Campani ad eum venerunt,  
 querentes simul, orantesque. Quibus Hanni-  
 bal magnifice respondit, & antea solvisse ob-  
 sidionem, & nunc adventum suum consules  
 non laturos. Cum hac spe dimissi legati, vix  
 regredi Capuam, jam duplici fossa, valloque  
 cinctam, potuerunt.

*U. c. 540.  
 a. C. 212.*

*Hannibal  
 auxilium  
 promittit  
 Campanis.*

XXIII. QUUM maxime Capua circumval-  
 laretur, Syracusarum obpugnatio ad finem  
 venit, præterquam vi ac virtute ducis exer-  
 citusque, intestina etiam proditione adjuncta.  
 Namque Marcellus initio veris incertus,  
 utrum Agrigentum ad Himilconem & Hippo-  
 craten verteret bellum, an obsidione Syracu-  
 sas premeret, quamquam nec vi capi videbat

*Obpugna-  
 tio Syra-  
 cusarum  
 intestina  
 proditione  
 adjuncta.*

*U. c. 540.*  
*a. C. 212.*  
posse inexpugnabilem terrestri ac maritimo situ urbem, nec fame, quam prope liberi ab Carthagine commeatus alerent, tamen, ne quid inexpertum relinqueret, transfugas Syracufanos (erant autem apud Romanos aliqui nobilissimi viri, inter defectionem ab Romanis, quia ab novis consiliis abhorrebant, pulsi) conloquiis suæ partis tentare hominum animos iussit, & fidem dare, si traditæ forent Syracusæ, liberos eos ac suis legibus victuros esse. Non erat conloquii copia, quia multorum animi suspecti omnium curam oculosque converterant, ne quid falleret tale admissum. Servus unus exfulum, pro transfuga intromissus in urbem, conventis paucis, initium conloquendi de tali re fecit. Deinde in piscatoria quidam navi, retibus operti, circumvectique ita ad castra Romana, conlocutique cum transfugis: & idem sæpius eodem modo alii atque alii: postremo ad octoginta facti. Et, quum jam composita omnia ad prodicionem essent, indicio delato ad Epicyden per Attalum quemdam, indignantem sibi rem creditam non esse, necati omnes cum cruciatu sunt. Alia subinde spes, postquam hæc vana evaserat, excepit. Da-



mippus quidam Lacedæmonius, missus ab Syracusis ad Philipppum regem, captus ab Romanis navibus erat. Hujus utique redimendi & Epicydæ cura erat ingens; nec abnuit Marcellus, jam tum Ætolorum, cujus gentis focii Lacedæmonii erant, amicitiam adfectantibus Romanis. Ad conloquium de redemptione ejus missis, medius maxime atque utrisque obportunus locus, ad portum Trogi-  
 liorum, propter turrin, quam vocant Galea-  
 gram, est visus. Quo quum sæpius commea-  
 rent, unus ex Romanis, ex propinquo mu-  
 rum contemplatus, numerando lapides, æsti-  
 mandoque ipse secum, quid in fronte paterent  
 singuli, altitudinem (q) muri, quantum pro-  
 xime conjectura poterat, permensus, humi-  
 lioremque aliquanto pristina opinione sua &  
 ceterorum omnium ratus esse, & vel medio-  
 cribus scalis superabilem, ad Marcellum rem  
 desert. Haud spernenda visa. Sed, quum adiri  
 locus, qui ob id ipsum intentius custodie-  
 batur, non posset, occasio quærebatur: quam  
 obtulit transfuga, nuncians, diem festum  
 Dianæ per triduum agi, &, quia alia in ob-

U. c. 545.  
 a. C. 212.

(q) qui in fronte paterent, simul altitudinem  
 Gron.

*U. c. 540.  
a. C. 212.*

fidione defint, vino largius epulas celebrari, & ab Epicyde præbito universæ plebei, & per tribus a principibus diviso. Id ubi accepit Marcellus, cum paucis tribunorum militum conlocutus, electisque per eos ad rem tantam agendam audendamque idoneis centurionibus militibusque, & scalis in occulto comparatis, ceteris signum dari jubet, ut mature corpora curarent, quietique darent: nocte in expeditionem eundum esse. Inde ubi id temporis visum, quo de die epulatis jam vini sarias principiumque somni esset, signi unius milites ferre scalas jussit; & ad mille fere armati tenui agmine per silentium eo deducti. Ubi sine strepitu ac tumultu primi evaserunt in murum, secuti ordine alii; quum priorum audacia dubiis etiam animum faceret.

*Murum  
urbis  
Romani  
scalas  
supcrant.*

XXIV. JAM mille armatorum ceperant partem, quum ceteræ admotæ, pluribusque scalis in murum evadebant, signo ab Hexapylo dato, quo per ingentem solitudinem erat perventum, quia magna pars, in turribus epulati, aut sopiti vino erant, aut semigraves potabant. Paucos tamen eorum obpressos in cubilibus interfecerunt. Prope He-

xapylon est portula magna vi refringi cœpta ; *U. c. 540.*  
 & e muro ex composito tuba datum signum *a. C. 212.*  
 erat. Et jam undique, non furtim, sed vi  
 aperta, gerebatur res : quippe ad Epipolas,  
 frequentem custodiis locum, perventum erat,  
 terrendique magis hostes erant, quam fallendi ;  
 sicut territi sunt. Nam simul ac tubarum est  
 auditus cantus, clamorque tenentium muros  
 partemque urbis ; omnia teneri custodes rati,  
 alii per murum fugere, alii salire de muro,  
 præcipitarique turba paventium. Magna pars  
 tamen ignara tanti mali erat, & gravatis om-  
 nibus vino somnoque, &, in vastæ magni-  
 tudinis urbe, partium sensu non satis perti-  
 nente in omnia. Sub luce, Hexapylo effracto,  
 Marcellus, omnibus copiis urbem ingressus,  
 excitavit convertitque omnes ad arma capien-  
 da, opemque, si quam possent, jam captæ  
 prope urbi ferendam. Epicydes, ab Insula,  
 quam ipsi Nafon vocant, citato profectus  
 agmine, haud dubius, quin paucos, per ne-  
 glegentiam custodum transgressos murum,  
 expulsiurus foret, obcurrentibus pavidis, tu-  
 multum augere eos, dictitans, & majora ac  
 terribiliora vero adferre, postquam conspe-  
 xit omnia circa Epipolas armis completa,

U. c. 540. laceffito tantum hoſte paucis miſſilibus, retro  
 a. C. 212.  
 in Achradinam agmen convertit, non tam  
 vim multitudinemque hoſtium metuens, quam  
 ne qua inteſtina fraus per occaſionem orire-  
 tur, clauſasque inter tumultum Achradinæ  
 Marcelli atque Inſulæ inveniret portas. Marcellus, ut,  
 lagrimæ. mœnia ingreſſus, ex ſuperioribus locis urbem,  
 omnium ferme illa tempeſtate pulcherrimam,  
 ſubjectam oculis vidit, inlacrimaſſe dicitur,  
 partim gaudio tantæ perpetratæ rei, partim  
 vetuſta gloria urbis. Athenienſium claſſes  
 demerſæ, & duo ingentes exercitus cum duo-  
 bus clariffimis ducibus deleti, obcurrabant, &  
 tot bella cum Carthaginienſibus tanto cum  
 discrimine geſta; tot tam opulenti tyranni  
 regesque, præter ceteros Hiero, quum re-  
 centiſſimæ memoriæ rex, tum ante omnia,  
 quæ virtus ei fortunaque ſua dederat, bene-  
 ficiis in populum Romanum inſignis. Ea quum  
 univerſa obcurrerent animo, ſubiretque co-  
 gitatio, jam illa momento horæ arſura omnia,  
 & ad cineres reditura; priuſquam ſigna Achra-  
 dinam (r) admoveret, præmittit Syracuſa-  
 nos, qui intra præſidia Romana, ut ante  
 dictum eſt, fuerant, ut adloquio leni perli-  
 cerent hoſtes ad dedendam urbem,

(r) Achradinæ Gron.

XXV. TENEBANT Achradinæ portas mu- *U. c. 548;*  
*a. C. 212;*  
rosque maxime transfugæ, quibus nulla erat  
per conditiones veniæ spes: ii nec adire mu-  
ros, nec adloqui quemquam passi. Itaque Mar-  
cellus, postquam id inceptum inritum fuit,  
ad Euryalum signa referri iussit. Tumulus est  
in extrema parte urbis versus a mari, viæque  
inminens ferenti in agros mediterraneaque  
insulæ, percommode situs ad commeatus ex-  
cipiendos. Præerat huic arci Philodemus Ar-  
givus, ab Epicyde inpositus, ad quem missus  
a Marcello Sosis, unus ex interfectorebus  
tyranni, quum, longo sermone habito, di-  
latus per frustrationem esset, retulit Marcel-  
lo, tempus eum ad deliberandum sumxisse.  
Quum is diem de die differret, dum Hippo-  
crates atque Himilco admoverent castra le-  
gionesque, haud dubius, si in arcem acce-  
pisset eos, deleri Romanum exercitum inclu-  
sum muris posse; Marcellus, ut Euryalum  
neque tradi, neque capi vidit posse, inter  
Neapolim & Tycham (nomina partium ur-  
bis, & instar urbium sunt) posuit castra;  
timens, ne, si frequentia intrasset loca, con-  
tineri ab discursu miles avidus prædæ non  
posset. Legati eo ab Tycha & Neapoli cum

*U. c. 540.* infulis & velamentis venerunt , precantes ;  
*a. C. 212.* ut a cædibus & ab incendiis parceretur. De  
 quorum precibus , quam postulatis , magis  
 consilio habito , Marcellus ex omnium senten-  
 tia edixit militibus , « ne quis liberum cor-  
 » pus violaret : cetera prædæ futura. » Ca-  
 straque tectis parietum pro muro septa. Por-  
 tis regione platearum patentibus stationes  
 præsidiaque disposuit , ne quis in discursu  
 militum inpetus in castra fieri posset. Inde ,  
 signo dato , milites discurrerunt : refractisque  
 foribus , quum omnia terrore ac tumultu  
 streperent , a cædibus tamen temperatum est.  
 Rapinis nullus ante modus fuit , quam omnia  
 diuturna felicitate cumulata bona egeffere.  
 Inter hæc & Philodemus , quum spes auxilii  
 nulla esset , fide accepta , ut inviolatus ad  
 Epicyden rediret , deducto præsidio , tradidit  
 tumultum Romanis. Aversis omnibus ad tu-  
 multum ex parte captæ urbis , Bomilcar ,  
 noctem eam nactus , qua propter vim tempe-  
 statis stare ad anchoram in salo Romana clas-  
 sis non posset , cum triginta quinque navibus  
 ex portu Syracusano profectus , libero mari  
 vela in altum dedit , quinque & quinquaginta  
 navibus Epicydæ & Syracusanis relictis ;

*Neapolis  
 & Tycha  
 partes ur-  
 bis a Rom.  
 diripiun-  
 tur.*

edoctisque Carthaginiensibus, in quanto res *U. c. 540.*  
 Syracusana discrimine esset, cum centum na- *a. C. 212.*  
 vibus post paucos dies redit, multis (ut fa-  
 ma est) donis ex Hieronis gaza ab Epicyde  
 donatus.

XXVI. MARCELLUS, Euryalo recepto præ-  
 sidioque addito, una cura erat liber, ne qua  
 ab tergo vis hostium in arcem accepta in-  
 clusos inpeditosque mœnibus suos turbaret.  
 Achradinam inde, trinis castris per idonea  
 dispositis loca, spe ad inopiam omnium re-  
 rum inclusos redacturum, circumfedit. Quum  
 per aliquot dies quietæ stationes utrimque  
 fuissent, repente adventus Hippocratis & Hi-  
 milconis, ut ultro undique obpugnarentur  
 Romani, fecit. Nam & Hippocrates, castris  
 ad magnum portum communitis, signoque  
 iis dato, qui Achradinam tenebant, castra  
 vetera Romanorum adortus est, quibus Crispi-  
 nus præerat; & Epicydes eruptionem in  
 stationes Marcelli fecit: & classis Punica  
 litori, quod inter urbem & castra Romana  
 erat, adpulsæ est; ne quid præsidii Crispino  
 submitti a Marcello posset. Tumultum tamen  
 majorem hostes præbuerunt, quam certamen.  
 Nam & Crispinus Hippocraten non repulit

*Hippocra-  
 tes & Hi-  
 milco ve-  
 niunt Sy-  
 racusas.*

*U. c. 540.* tantum munimentis, sed insecutus etiam est  
*a. C. 212.* trepide fugientem : & Epicyden Marcellus  
 in urbem compulit. Satisque jam etiam in  
 posterum videbatur provisum, ne quid ab  
 repentinis eorum excursionibus periculi foret.  
*Pestilentia.* Accessit & pestilentia, commune malum,  
 quod facile utrorumque animos averteret a  
 belli consiliis. Nam tempore autumnii, &  
 locis natura gravibus, multo tamen magis extra urbem, quam in urbe, intoleranda vis æstus per utraque castra omnium ferme corpora movit. Et primo temporis ac loci vitio & ægri erant, & moriebantur : postea curatio ipsa & contactus ægrorum vulgabat morbos : ut aut neglecti desertique, qui incidissent, morerentur, aut adfidentes curantesque eadem vi morbi repletos secum traherent : quotidianaque funera & mors ob oculos esset, & undique dies noctesque ploratus audirentur. Postremo ita adfuetudine mali efferaverant animos, ut non modo lacrimis iustoque comploratu prosequerentur mortuos, sed ne efferrent quidem, aut sepelirent, jacerentque strata exanima corpora in conspectu similem mortem expectantium; mortuique ægros, ægri validos, cum metu, tum tabe ac pestifero



fero odore corporum, conficerent: &, ut ferro potius morerentur, quidam invadebant soli hostium stationes. Multo tamen vis major (s) pestis Pœnorum castra, quam Romana, (diu circumsedendo Syracusas, cœlo aquisque adfuerant magis) adfecerat. Ex hostium exercitu Siculi, ut primum videre ex gravitate loci vulgari morbos, in suas quisque propinquas urbes dilapsi sunt. At Carthaginienſes, quibus nusquam receptus erat, cum ipsis ducibus Hippocrate atque Himilcone, ad internecionem omnes perierunt. Marcellus, ut tanta vis ingruerat mali, tra-duxerat in urbem suos, infirmaque corpora testâ & umbræ recreaverant. Multi tamen ex Romano exercitu eadem peste absumti sunt.

U. c. 540;  
a. C. 212a

*Qua absumitur exercitus Punicus.*

XXVII. DELETO terrestri Punico exercitu, Siculi, qui Hippocratis milites fuerant, in haud magna oppida, ceterum & situ & munimentis tuta, (tria millia alterum ab Syracusis, alterum quindecim abest) eo & com-meatus e civitatibus suis comportabant, & auxilia arcessebant. Interea Bomilcar, iterum cum classe profectus Carthaginem, ita expo-

*Classis Punicæ*

(s) major vis Gron. Crev.

*U. c. 540.* sita fortuna fociorum , ut spem faceret , non  
*a. C. 212.* ipsis modo salutarem opem ferri posse , sed Romanos quoque in capta quodammodo urbe capi , perpulit , ut onerarias naves quam plurimas omni copia rerum onustas secum mitterent , classemque suam augerent. Igitur , centum triginta navibus longis & septingentis onerariis profectus a Carthagine , satis prosperos ( t ) ventos ad trajiciendum in Siciliam habuit. Sed iidem venti superare eum Pachynum prohibebant. Bomilcaris adventus , fama primo , dein præter spem mora , quum gaudium & metum in vicem Romanis Syracusanisque præbuiſſet ; Epicydes metuens , ne , si pergerent iidem , qui tum tenebant , ab ortu solis stare per dies plures venti , classis Punica Africam repeteret , tradita Achradina mercenariorum militum ducibus , ad Bomilcarem navigat. Classem in statione versa in Africam habentem , atque timentem navale prælium , non tam quod impar viribus aut numero navium esset , ( quippe etiam plures habebat ) quam quod venti aptiores Romanæ , quam suæ , classi flarent , perpulit tandem , ut fortunam navalis certaminis ex-

( t ) *prosperos satis Gron. Crev.*

periri vellet. Et Marcellus, quum & Siculum exercitum ex tota insula conciri videret, & cum ingenti commeatu classem Punicam adventare, ne simul terra marique inclusus urbe hostium urgueretur, quamquam impar numero navium erat, prohibere aditu Syracusarum Bomilcarem constituit. Duæ classes infestæ circa promontorium Pachynum stabant, ubi prima tranquillitas maris in altum evexisset, concursuræ. Itaque, cadente jam Euro, qui per dies aliquot sævierat, prior Bomilcar movit: cujus prima classis petere altum visa est, quo facilius superaret promontorium. Ceterum, postquam tendere ad se Romanas naves vidit, incertum qua subita territus re, Bomilcar vela in altum dedit, missisque nunciis Heracleam, qui onerarias retro in Africam repetere juberent, ipse, Siciliam prætervectus, Tarentum petit. Epicycles, a tanta repente destitutus spe, ne in obsidionem magna ex parte captæ urbis rediret, Agrigentum navigat, expectaturus magis eventum, quam inde quidquam moturus.

*U. c. 540.  
a. C. 212.*

*Prælium  
navale de-  
scribat.*

*Epicycles  
Agrigen-  
tum abit.*

XXVIII. QUÆ ubi in castra Siculorum sunt nunciata, Epicydem Syracusis excessisse;

U. c. 540.  
a. C. 212.

*Legati  
exercitus  
Siculorum  
ad  
Marcellum.*

*Intrant  
Syracusas.*

a Carthaginienſibus relictam inſulam, & prope iterum Romanis traditam; legatos de conditionibus dedendæ urbis, explorata prius per conloquia voluntate eorum, qui obſidebantur, ad Marcellum mittunt. Quum haud ferme diſcreparet, quin, quæ ubique regum fuiſſent, Romanorum eſſent; Siculis cetera cum libertate ac legibus ſuis fervarentur; evocatis ad conloquium his, quibus ab Epicyde creditæ res erant, « miſſos ſe ſimul ad » Marcellum, ſimul ad eos (u) ab exercitu » Siculorum, [aiunt] ut una omnium, qui » obſiderentur, quique extra obſidionem eſſent, » fortuna eſſet: neve alteri proprie ſibi pa- » ciſcerentur quidquam. » Recepti deinde ab iis, ut neceſſarios hoſpitesque adloquerentur, expoſitis, quæ pacta jam cum Marcello haberent, oblata ſpe ſalutis perpulere eos, ut ſecum præfectos Epicydis, Polyclitum, & Philiftionem, & Epicydem, cui Sindon (x) cognomen erat, adgrederentur. Interfectis iis, & multitudine ad concionem vocata, & inopiam, qua ipſi inter ſe fremere occulte ſoliti erant, conqueſti, « quamquam tot mala

(u) *ad eos &c. l. ab eo ad exercitum Gron.*

(x) *Sidon Gron.*

» urguerent, » negarunt, « fortunam accusan- *U. e. 340.*  
 » dam esse, quod in ipsorum esset potestate, *a. C. 212.*  
 » quamdiu ea paterentur. Romanis causam  
 » obpugnandi Syracusas fuisse caritatem Sy-  
 » racusanorum, non odium : nam, ut occu-  
 » patas res ab satellitibus Hannibalis, deinde  
 » Hieronymi, Hippocrate atque Epicyde au-  
 » dierint, tum bellum movisse, & obsidere  
 » urbem coepisse, ut crudeles tyrannos ejus,  
 » non ut ipsam urbem, expugnarent. Hippo-  
 » crate vero interemto, Epicyde intercluso  
 » ab Syracusis, & praefectis ejus occisis,  
 » Carthaginienfibus omni possessione Siciliae  
 » terra marique pulsas, quam superesse causam  
 » Romanis, cur non, perinde ac si Hiero  
 » ipse viveret, unicus Romanae amicitiae cul-  
 » tor, incolumes Syracusas esse velint? Ita-  
 » que nec urbi nec hominibus aliud pericu-  
 » lum, (y) quam ab semet ipsis, esse, si  
 » occasionem reconciliandi se Romanis (z)  
 » praetermisissent. Eam autem, qualis illo  
 » momento horae sit, nullam deinde fore,  
 » simul liberatos ab inpotentibus tyrannis ad-  
 » paruisset. »

(y) periculi Gron.

(z) Romano Gron.

*U. c. 540.  
a. C. 212.*

*Legatorum  
Syracusana-  
rum ad  
Marcel-  
lum ora-  
tio.*

XXIX. OMNIUM ingenti adfensu audita ea oratio est. Prætores tamen prius creari, quam legatos nominari, placuit. Ex ipsorum deinde prætorum numero missi oratores ad Marcel- lum. Quorum princeps, « Neque primo, » [ inquit ] Syracusani a vobis defecimus, sed » Hieronymus, nequaquam tam in vos inpius, » quam in nos : nec postea pacem, tyranni » cæde compositam, Syracusanus quisquam, » sed satellites regii Hippocrates atque Epicy- » des, obpressis nobis hinc metu, hinc frau- » de, turbaverunt. Nec quisquam dicere po- » test, aliquando nobis libertatis tempus fuisse, » quod pacis vobiscum non fuerit. Nunc » certe cæde eorum, qui obpressas tenebant » Syracusas, quum primum nostri arbitrii » esse coepimus, extemplo venimus ad tra- » denda arma ; dedendos nos, urbem, mœnia ; » nullam recusandam fortunam, quæ inposita » a vobis fuerit. Gloriam captæ nobilissimæ » pulcherrimæque urbis Græcarum Dei tibi » dederunt, Marcelle. Quidquid umquam » terra marique memorandum gessimus, id » tui triumphii titulo accedit. Famæne credi » velis, quanta urbs a te capta sit, quam » posteris quoque eam spectaculo esse, ( quo

» quisque terra, quisque (a) mari venerit, *U. c. 540.*  
 » nunc nostra de Atheniensibus Carthaginien- *a. C. 212.*  
 » sibusque tropœa, nunc tua de nobis osten-  
 » dat ) incolumesque Syracusas familiæ vestræ  
 » sub clientela nominis Marcellorum tutela-  
 » que habendas tradas ? Ne plus apud vos  
 » Hieronymi, quam Hieronis, memoria mo-  
 » menti faciat. Diutius ille multo amicus fuit,  
 » quam hic hostis : & illius etiam benefacta  
 » persensistis ; hujus amentia ad perniciem  
 » tantum ipsius valuit. » Omnia & inpetra-  
 » bilia & tuta erant apud Romanos. Inter ipsos  
 » plus belli ac periculi erat. Namque transfu- *Transfu-*  
 » gæ, tradi se Romanis rati, mercenariorum *garum &*  
 » quoque militum auxilia in eundem compu- *mercen-*  
 » lere metum : adreptisque armis prætores *riorum tu-*  
 » primum obtruncant, inde ad cædem Syracu- *multus Sy-*  
 » fanorum discurrunt : quosque fors obtulit, *racusis.*  
 » irati interfecere, (b) atque omnia, quæ in  
 » promptu erant, diripuerunt (c). Tum, ne  
 » sine ducibus essent, sex præfectos creavere,  
 » ut terni Achradinæ ac Naso præessent. Seda-

(a) *quisque - - quisque* l. *quisquis - - quisquis*  
 Gron. Crev.

(b) *interfecerunt* Gron. Crev.

(c) *diripuerunt* Gron. Crev.

*U. c. 540.*  
*a. C. 212.*

to tandem tumultu, exsequentibus sciscitando mercenariis, quæ acta cum Romanis essent, dilucere, id quod erat, cœpit, aliam suam ac perfugarum causam esse.

XXX. In tempore legati a Marcello redierunt, falsa eos suspitione incitatos memorantes, nec causam expetendæ pœnæ eorum ullam Romanis esse. Erat ex tribus Achradinæ præfectis Hispanus, Mericus nomine. Ad eum inter comites legatorum de industria unus ex Hispanorum auxiliaribus est missus: qui, sine arbitris Mericum nactus, primum, quo in statu reliquisset Hispaniam, (& nuper inde venerat) exponit. « Omnia Romanis ibi » obtineri armis. Possse eum, si operæ pretium faciat, principem popularium esse: » seu militare cum Romanis, seu in patriam » reverti libeat. Contra, si malle obsideri » pergat, quam spem esse terra marique clauso? » Motus his Mericus, quum legatos ad Marcellum mitti placuisset, fratrem inter eos mittit: qui, per eundem illum Hispanum secretus ab aliis ad Marcellum deductus, quum fidem acceperat, composuissetque agendæ rei ordinem, Achradinam redit. Tum Mericus, ut ab suspitione proditiōis aver-



teret omnium animos, negat « fibi placere : *U. c. 540.*  
 » legatos commeare ultro citroque, neque *a. C. 212.*  
 » recipiendum quemquam, neque mittendum,  
 » &, quo intentius custodiæ ferventur, ob-  
 » portuna loca dividenda præfectis esse, ut  
 » suæ quisque partis tutandæ reus sit. » Om-  
 nes adfensi sunt partibus dividundis : ipsi re-  
 gio evenit ab Arethusa fonte usque ad ostium  
 magni portus. Id ut scirent Romani, fecit.  
 Itaque Marcellus nocte navem onerariam cum *Achradi-*  
 armatis remulco quadriremis trahi ad Achra- *na prodi-*  
 dinam jussit, exponique (d) milites regione *tur Roma-*  
 portæ, quæ prope fontem Arethusam est. *nis a Meri-*  
*co Hispa-*  
*no.*  
 Hoc quum quarta vigilia factum esset, expo-  
 sitosque milites porta, ut convenerat, rece-  
 pisset Mericus; luce prima Marcellus omni-  
 bus copiis, mœnia Achradinæ adgreditur : ita  
 ut non eos solum, qui Achradinam tenebant,  
 in se converterent, sed ab Naso etiam agmi-  
 na armatorum concurrerent, relictis statio-  
 nibus suis, ad vim & inpetum Romano-  
 rum arcendum. In hoc tumultu actuariæ na-  
 ves, instructæ jam ante circumvectæque, ad  
 Nasum armatos exponunt, qui, inprovviso ad-  
 orti femiplenas stationes & adapertas fores

(d) exponitque Gron.

*U. c. 540.* portæ, qua paullo ante excurrerant armati ;  
*a. C. 212.* haud magno certamine Nasum cepere, deser-  
 tam trepidatione & fuga custodum. Neque  
 ullis minus præsidii aut pertinaciæ ad ma-  
 nendum, quam transfugis, fuit : quia, ne  
 suis quidem satis credentes se, medio cerra-  
 mine effugerunt. Marcellus ut captam esse  
 Nasum didicit, & Achradinæ regionem unam  
 teneri, Mericumque cum præsidio suis ad-  
 junctum, receptui cecinit ; ne regiæ opes,  
 quarum fama major, quam res, erat, diri-  
 perentur.

*Syracusani permit-  
 tunt se  
 Marcello.*

XXXI. SUBPRESSO inpetu militum, & iis,  
 qui in Achradina erant, transfugis spatium  
 locusque fugæ datus est ; & Syracusani,  
 tandem liberi metu, portis Achradinæ aper-  
 tis, oratores ad Marcellum mittunt, nihil  
 petentes aliud, quam incolumitatem sibi libe-  
 risque suis. Marcellus, consilio advocato,  
 & adhibitis etiam Syracusanis, qui per sedi-  
 tiones pulsi ab domo intra (e) præsidia Ro-  
 mana erant, respondit : « Non plura per an-  
 » nos quinquaginta benefacta Hieronis, quam  
 » paucis his annis maleficia eorum, qui Sy-  
 » racusas tenuerint, erga populum Romanum

(e) *inter Gron.*

» esse. Sed pleraque eorum, quo debuerint, *U. c. 540.*  
 » recidisse; foederumque ruptorum ipsos ab *a. C. 212.*  
 » se graviores multo, quam populus Romanus  
 » voluerit, poenas exegisse. Se quidem tertium  
 » annum circumfedere Syracusas: non ut  
 » populus Romanus servam civitatem habe-  
 » ret, sed ne transfugarum duces captam &  
 » obpressam tenerent. Quid potuerint Syra-  
 » cusani facere, exemplo vel eos Syracusa-  
 » norum esse, qui intra praesidia Romana  
 » fuerint, vel Hispanum ducem Mericum,  
 » qui praesidium tradiderit, vel ipsorum Syra-  
 » cusanorum postremo, serum quidem, sed  
 » forte consilium. Omnium sibi laborum  
 » periculorumque, circa moenia Syracusana  
 » terra marique tam diu exhaustorum, nequa-  
 » quam tantum fructum esse, quam capere  
 » Syracusas potuisse.» Inde quaestor cum  
 praesidio ad Nasum ad accipiendam pecuniam  
 regiam custodiendamque missus. Urbs diri- *Urbs diri-*  
 pienda militi data est, custodibus divisus per *pienda mi-*  
 domos eorum, qui intra praesidia Romana *liti datur.*  
 fuerant. Quum multa irae, multa avaritiae,  
 foeda exempla ederentur, Archimeden, me- *Archime-*  
 moriae proditum est, in tanto tumultu, quan- *dis mors.*  
 tum capta urbs in discursu diripientium mili-

*U. c. 540.*  
*a. C. 212.*

tum ciere poterat, intentum formis, quas in pulvere descripserat, ab ignaro milite, quis esset, interfectum. Ægre id Marcellum tulisse, sepulturæque curam habitam: & propinquis etiam inquisitis honori præsidioque nomen ac memoriam ejus fuisse. Hoc maxime modo Syracusæ captæ: in quibus prædæ tantum fuit, quantum vix capta Carthagine tum fuisset, cum qua viribus æquis certabatur. Paucis ante diebus, quam Syracusæ caperentur, T. Otacilius cum quinqueremibus octoginta Uticam ab Lilybæo transmisit: &, quum ante lucem portum intrasset, onerarias frumento onustas cepit: egresusque in terram depopulatus est aliquantum agri circa Uticam, prædamque omnis generis retro ad naves egit. Lilybæum tertio die, quam inde profectus erat, cum centum triginta onerariis navibus frumento prædaque onustis rediit: idque frumentum extemplo Syracusas misit; quod ni tam in tempore subvenisset, victoribus victisque pariter perniciofa fames instabat.

*Res in  
 Hispania  
 gesta.*

XXXII. EADEM æstate in Hispania, cum biennio ferme nihil admodum memorabile factum esset, consiliisque magis, quam armis,

bellum gereretur, Romani imperatores egressi *U. c. 540.*  
hibernis copias conjunxerunt. Ibi consilium *a. C. 212.*  
advocatum, omniumque in unum congrue-  
runt sententiæ; quando ad id locorum id  
modo actum esset, ut Hasdrubalem tenden-  
tem in Italiam retinerent, tempus esse id jam  
agi, ut bellum in Hispania finiretur: & satis  
ad id virium credebant accessisse, viginti (f)  
millia Celtiberorum ea hieme ad arma excitata.  
Tres exercitus erant. Hasdrubal Gisgonis fi-  
lius & Mago, conjunctis castris, quinque *Vires*  
ferme dierum iter ab Romanis aberant. Propior *Pænorum,*  
erat Hamilcaris filius Hasdrubal, vetus in  
Hispania imperator. Ad urbem nomine Ani-  
torgin exercitum habebat. Eum volebant prius  
obprimi duces Romani: & spes erat satis  
superque ad id virium esse. Illa restabat cura,  
ne, fuso eo perculsi, alter Hasdrubal & Mago,  
in avios saltus montesque recipientes sese,  
bellum extraherent. Optimum igitur rati, di-  
visis bifariam copiis, totius simul Hispaniæ  
amplecti bellum, ita inter se diviserunt, ut  
P. Cornelius duas partes exercitus Romano- *Scipiones*  
rum sociorumque adversus Magonem duceret *exercitum*  
atque Hasdrubalem; Cn. Cornelius cum tertia *partiun-*  
*tur.*

(f) *triginta Gron. Cræv.*

*U. c. 540.* parte veteris exercitus, Celtiberis adjunctis;  
*a. C. 212.* cum Hasdrubale Barcino bellum gereret. Una profecti ambo duces exercitusque, Celtiberis prægredientibus, ad urbem Anitorgin in conspectu hostium, dirimente amni, (g) ponunt castra. Ibi Cn. Scipio, cum quibus ante dictum est copiis, substitit, & P. Scipio profectus ad destinatam belli partem.

XXXIII. HASDRUBAL postquam animadvertit, exiguum Romanum exercitum in castris, & spem omnem in Celtiberorum auxiliis esse; peritus omnis barbaricæ, & præcipue omnium earum gentium, in quibus per tot annos militabat, perfidiæ, facili linguæ commercio, quum utraque castra plena Hispanorum essent, per occulta conloquia paciscitur magna mercede cum Celtiberorum principibus, ut copias inde abducant. Nec atrox visum facinus! Non enim, ut in Romanos verterent arma, agebatur: & merces, quanta vel pro bello fatis esset, dabatur, ne bellum gererent: & quum quies ipsa, tum reditus domum fructusque videndi suos suaque, grata vulgo erant. Itaque non ducibus facilius, quam multitudini, persuasum est: simul ne metus quidem ab

*Celtiberi  
 deserunt  
 Cn. Scipio-  
 nem.*

(g) omne Gron. Crev.

Romanis erat, quippe tam paucis, si vi retinerent. Id quidem cavendum semper Romanis ducibus erit, exemplaque hæc vere pro documentis habenda, ne ita externis credant auxiliis, ut non plus sui roboris suarumque proprie virium in castris habeant. Signis repente sublati, Celtiberi abeunt, nihil aliud quærentibus causam obtestantibusque, ut manerent, Romanis respondentes, quam domestico se avocari bello. Scipio, postquam focii nec precibus, nec vi retineri poterant, nec se aut parem sine illis hosti esse, aut fratri rursus conjungi vidit posse, nec ullum aliud salutare consilium in promptu esse, retro, quantum posset, cedere statuit; in id omni cura intentus, necubi hosti æquo se committeret loco, qui, transgressus flumen, prope vestigiis abeuntium insistebat.

*U. c. 540.  
a. C. 212.*

*Cn. Scipionis periculum.*

XXXIV. PER eosdem dies P. Scipionem par terror, periculum majus ab novo hoste, urgebat. Masinissa erat juvenis, eo tempore socius Carthaginensium, quem deinde clarum potentemque Romana fecit amicitia. Is tum cum equitatu Numidarum & advenienti P. Scipioni obcurrit, & deinde assidue dies noctesque infestus aderat, ut non vagos tan-

*Item  
P. Scipionis a Masinissa.*

*U. c. 540.  
a. C. 212.*

*P. Scipio-  
nis teme-  
rarium  
consilium.*

tum, procul a castris lignatum pabulatumque progressos, exciperet, sed ipsis obequitaret castris, inVectusque in medias sæpe stationes, omnia ingenti tumultu turbaret. Noctibus quoque sæpe incurfu repentino in portis valloque trepidatum est: nec aut locus, aut tempus ullum vacuum a metu ac sollicitudine erat Romanis: compulsisque intra val- lum, adempto rerum omnium usu, quum prope iusta obsidio esset, futuramque artio- rem eam adpareret, si se Indibilis, quem cum septem millibus & quingentis Sueffeta- norum adventare fama erat, Pœnis conjun- xisset; dux cautus & providens Scipio, victus necessitatibus, temerarium capit consilium, ut nocte Indibili obviam iret: &, quocum- que obcurrisset loco, prælium consereret. Relicto igitur modico præsidio in castris, præpositoque T. Fonteio legato, media nocte profectus, cum obviis hostibus manus con- seruit. Agmina magis, quam acies, pugna- bant: superior tamen, ut in tumultuaria pu- gna, Romanus erat. Ceterum & equites Numidæ repente, quos fefellisse se dux ra- tus erat, ab lateribus circumfusi, magnum terrorem intulere. Contracto adversus Numi-

das



das certamine novo, tertius insuper advenit hostis, duces Pœni adsecuti ab tergo jam pugnantes: ancepsque proelium Romanos circumsteterat, incertos in quem potissimum hostem, quamve in partem conferti eruptionem facerent. Pugnantique imperatori & obferenti se, ubi plurimus labor erat, latus dextrum lancea trajicitur: cuneusque is hostium, qui in confertos circa ducem impetum fecerat, ut exanimem labentem ex equo Scipionem vidit, alacres gaudio cum clamore per totam aciem nunciantes discurrunt, imperatorem Romanum cecidisse. Hæc pervagata passim vox, ut & hostes haud dubie pro victoribus, & Romani pro victis essent, fecit. Fuga confestim ex acie, duce amisso, fieri cœpta est. Ceterum ut ad erumpendum inter Numidas leviumque armorum alia (h) auxilia haud difficilis res (i) erat; ita effugere tantum equitum, æquantiumque equos velocitate peditum, vix poterant: cæsique prope plures in fuga, quam in pugna, sunt. Nec superfuisset quisquam, ni præcipiti jam ad vesperum die nox intervenisset.

U. c. 540.  
a. C. 212.

*Concidit  
in prælio  
& ejus  
exercitus  
profligatus.*

(h) alia del. Gron.

(i) res del. Crev.

*U. c. 540.  
a. C. 212.*

XXXV. HAUD segniter inde duces Pœni fortuna usi, confestim e prælio, vix necessaria quiete data militibus, ad Hasdrubalem Hamilcaris citatum agmen rapiunt, non dubia spe, quum juncti essent, debellari posse.

*Tres Pœni  
duces con-  
jungunt se  
adversus  
Cn. Scipio-  
nem.*

Quo ubi est ventum, inter exercitus ducesque, victoria recenti lætos, gratulatio ingens facta, imperatore tanto cum omni exercitu deleta, & alteram pro haud dubia parem victoriam expectantes. Ad Romanos nondum quidem fama tantæ cladis pervenerat, sed mœstum quoddam silentium erat, & tacita divinatio, qualis jam præfagientibus animis imminentis mali esse solet. Imperator ipse, præterquam quod ab sociis se desertum, hostium tantum auctas copias sentiebat, conjectura etiam & ratione ad suspicionem acceptæ cladis, quam ad ullam bonam spem, pronior erat. « Quonam modo enim Hasdrubalem ac Magonem, nisi defunctos suo bello, » sine certamine adducere exercitum potuisse? » Quomodo autem non obstitisse, aut ab » tergo secutum fratrem? ut, si prohibere, » quo minus in unum coirent & duces & » exercitus hostium, non posset, ipse certe » cum fratre conjungeret copias. » His anxius

*Recedit  
Cn. Scipio,*

curis id modo esse salutare in præsens cre- *U. c. 540.*  
 debat, cedere inde, quantum posset: & inde *a. C. 212.*  
 una nocte, ignavis hostibus, & ob id quietis,  
 aliquantum emensus est iter. Luce, ut sen-  
 ferunt profectos hostes, præmissis Numidis,  
 quam poterant maxime citato agmine sequi  
 cœperunt: ante noctem adsecuti Numidæ;  
 nunc ab tergo, nunc in latera incurfantes:  
 Consistere cœperunt, ac tutari agmen, quan-  
 tum possent; tamen, tuto ut simul pugnarent  
 procederentque, Scipio hortabatur, prius-  
 quam pedestres copiæ adsequerentur.

XXXVI. CETERUM nunc agendo, nunc *Tumulum*  
 sustinendo agmen, quum aliquamdiu haud *occupat.*  
 multum procederetur, & nox jam instaret,  
 revocat e prælio suos Scipio: & conlectos  
 in tumulum quemdam, non quidem satis  
 tutum, (præsertim agmini perculso) editio-  
 rem tamen, quam cetera circa erant, sub-  
 ducit. Ibi primo, inpedimentis & equitatu in  
 medium receptis, circumdati pedites haud  
 difficulter inpetus incurfantium Numidarum  
 arcebant: dein, postquam toto agmine tres  
 imperatores cum tribus iustis exercitibus ade-  
 rant, adparebatque, parum armis ad tuendum  
 locum sine munimento valituros esse; circum-

*U. c. 540.* spectare atque agitare dux cœpit, si quo mō-  
*a. C. 212.* do posset vallum circuminjacere. Sed erat  
adeo nudus tumulus & asperi soli, ut nec  
virgulta vallo cædendo, nec terra cespiti  
faciendo, aut ducendæ fossæ, aliive ulli  
operi apta inveniri posset: nec natura quid-  
quam satis arduum aut abscisum (h) erat,  
quod hosti aditum adscensumve difficilem præ-  
beret; omnia fastigio leni subvexa. Ut tamen  
aliquam imaginem valli objicerent, clitellas  
inligatas oneribus, velut struentes ad altitu-  
dinem solitam, circumdabant; cumulo farci-  
narum omnis generis objecto, ubi ad molien-  
dum clitellæ defuerant. Punici exercitus post-  
quam advenere, in tumulum quidem perfa-  
cile agmen erexere: munitionis vero facies  
nova primo eos velut miraculo quodam te-  
nuit, quum duces undique vociferarentur,  
« Quid starent? & non ludibrium illud, vix  
» feminis puerisve morandis satis validum,  
» distraherent diriperentque? Captum hostem  
» teneri, latentem post sarcinas. » Hæc contem-  
tim duces increpabant. Ceterum, neque transi-  
lire, neque moliri onera objecta, nec cædere  
stipatas clitellas, ipsisque obrutas sarcinis, facile

*Eum  
adgrediun-  
tur  
Pani.*

(h) *abscissum* Gron. Crev.

erat. Tardatis diu quum amolita objecta onera armatis dedissent viam, pluribusque idem partibus fieret, capta jam undique castra erant, pauci ab multis, perculsi que a victoribus passim cædebantur. Magna pars tamen militum, quum in propinquas refugisset silvas, in castra P. Scipionis, quibus T. Fonteius legatus præerat, perfugerunt. Cn. Scipionem alii in tumulo primo inpetu hostium cæsum tradunt: alii cum paucis in propinquam castris turrim perfugisse. Hanc igni circumdatam, atque ita exustis foribus, quas nulla moliri potuerunt vi, captam; omnesque intus cum ipso imperatore occisos. Anno octavo, (i) postquam in Hispaniam venerat, Cn. Scipio, undetrigesimo die post fratris mortem, est interfectus. Luctus ex morte eorum non Romæ major, quam per totam Hispaniam, fuit. Quin apud cives partem doloris & exercitus amissi, & alienata provincia, & publica trahebat clades. Hispaniæ ipsos lugebant desiderabantque duces: Cnæum tamen magis, quo diutius præfuerat iis, priorque & favorem occupaverat, & specimen iustitiæ temperantiæque Romanæ primus dederat.

*U. c. 540.  
a. C. 212.*

*Cn. Scipio  
occisus,  
exercitus-  
que cæsus.*

(i) *septimo Gron. Crev.*

*U. c. 540.  
a. C. 212.*

*L. Marcius  
res perdi-  
tas resti-  
tuit.*

XXXVII. QUUM deletus exercitus amissæ-  
que Hispaniæ viderentur, vir unus res per-  
ditas restituit. Erat in exercitu L. Marcius  
Septimi filius, eques Romanus, inpiger ju-  
venis, animique & ingenii aliquanto, quam  
pro fortuna, in qua erat natus, majoris. Ad  
summam indolem accesserat Cn. Scipionis  
disciplina: sub qua per tot annos omnes mi-  
litiæ artes edoctus fuerat. Hic, & ex fuga  
conlectis militibus, & quibusdam de præsi-  
diis deductis, haud contemnendum exercitum  
fecerat, junxeratque cum T. Fonteio P. Sci-  
pionis legato. Sed tantum præstitit eques Ro-  
manus auctoritate inter milites atque honore,  
ut, castris citra Iberum communitis, quum  
ducem exercituum comitiis militaribus creari  
placuisset, subeuntes alii aliis in custodiam  
valli stationesque, donec per omnes suffra-  
gium iret, ad L. Marcium cuncti summam  
imperii detulerint. Omne inde tempus (exi-  
guum id fuit) muniendis castris convehen-  
disque com meatibus consumtum: & omnia  
imperia milites, quum inpigre, tum haudqua-  
quam abjecto animo, exsequobantur. Cete-  
rum postquam Hasdrubalem Gisgonis, venien-  
tem ad reliquias belli delendas, transisse Ibe-

rum, & adpropinquare adlatum est, signumque pugnae propositum ab novo duce milites viderunt; recordati, quos paullo ante imperatores habuissent, quibusque & ducibus & copiis freti prodire ad pugnam soliti essent, flere omnes repente & obfensare capita: & alii manus ad cœlum tendere, Deos incusantes: alii, strati humi, suum quisque nominatim ducem inplorare. Neque sedari lamentatio poterat, excitantibus centurionibus manipulares, & ipso mulcente & increpante Marcio, « quid in muliebres & inutiles se » projecissent fletus potius, quam ad tutandos » semet ipsos & rempublicam secum acuerent » animos, & ne inultos imperatores suos » jacere finerent? » Quum subito clamor tubarumque sonus (jam enim prope vallum hostes erant) exauditur. Inde, verso repente in iram luctu, discurrere ad arma: ac, velut accensi rabie, discurrunt ad portas, & in hostem, neglegenter atque incompote venientem, incurrunt. Extemplo inprovisa res pavorem incutit Pœnis: mirabundique unde tot hostes tam subito exorti prope deleti exercitu forent, unde tanta audacia, tanta fiducia sui victis ac fugatis, quis imperator

*U. c. 540.  
a. C. 212.*

*Luctus  
militum  
Rom.*

*Arma  
tamen ca-  
piunt.*

*U. c. 540.  
a. C. 212.*

*Panos  
repellunt.*

duobus Scipionibus cæsis exstitisset, quis castris præesset, quis signum dedisset pugnae, ad hæc tot tam necopinata, primo omnium incerti stupentesque referunt pedem: dein, valida inpressione pulsi, terga vertunt. Et aut fugientium cædes foeda fuisset, aut temerarius periculosusque sequentium inpetus, ni Marcius propere receptui dedisset signum, obsistensque ad prima signa, quosdam & ipse retinens, concitatam repressisset aciem. Inde in castra avidos adhuc cædisque & sanguinis reduxit. Carthaginienfes, trepide primo ab hostium vallo acti, postquam neminem insequi viderunt, metu substitisse rati, contemtim rursus & sedato gradu in castra abeunt. Par negligentia in castris custodiendis fuit. Nam, etsi propinquus hostis erat, tamen reliquias eum esse duorum exercituum ante paucos dies deletorum subcurrerat. Ob hoc quum omnia neglecta apud hostes essent, exploratis iis, Marcius ad consilium, prima specie temerarium magis, quam audax, animum adjecit, ut ultro castra hostium obpugnaret: facilius (m) esse ratus, unius Hasdrubalis expugnari castra, quam, si se rursus

*Marcus  
statuit ob-  
pugnare  
castra ho-  
stium.*

(m) *simul facilius Gron. Crev.*



tres exercitus ac tres duces junxissent, sua *U. c. 540.*  
 defendi : simul, aut, si successisset coëptis, *a. C. 212.*  
 recepturum se afflictas res : aut, si pulsus  
 esset, tamen ultro inferendo arma, contemptum  
 sui denturum.

XXXVIII. NE tamen subita res & nocturnus  
 terror etiam non suæ fortunæ consilium  
 perturbaret, adloquendos adhortandosque si-  
 bi milites ratus, concione advocata ita dis-  
 seruit : « Vel mea erga imperatores nostros  
 » vivos mortuosque pietas, vel præsens om-  
 » nium nostrum, milites, fortuna fidem cui-  
 » vis facere potest, mihi hoc imperium, ut  
 » amplum iudicio vestro, ita re ipsa grave ac  
 » sollicitum esse. Quo enim tempore, nisi  
 » metus mœrorem obstupesceret, vix ita  
 » compos mei essem, ut aliqua solatia inve-  
 » nire ægro animo possem : cogor vestram  
 » omnium vicem ( quod difficillimum in luctu  
 » est ) unus consulere : & ne tum quidem,  
 » ubi, quonam modo has reliquias duorum  
 » exercituum patriæ conservare possim, cogi-  
 » tandum est, avertere animum ab assiduo  
 » mœrore libet. Præsto est enim acerba me-  
 » moria, & Scipiones me ambo dies noctes-  
 » que curis insomniisque agitant, & excitant

*Ejus  
 oratio ad  
 milites.*

*U. c. 540.*  
*a. C. 212.*

» sæpe fomno ; neu se , neu invictos per octo-  
 » annos in his terris milites suos , commili-  
 » tones vestros , neu rempublicam patiar in-  
 » ultam , & suam disciplinam suaque instituta  
 » sequi jubent : & , ut imperiis vivorum ne-  
 » mo obedientior me uno fuerit , ita post  
 » mortem suam , quod quaque in re facturos  
 » illos fuisse maxime censeam , id optimum  
 » ducere. Vos quoque velim , milites , non  
 » lamentis lacrimisque tamquam extinctos  
 » prosequi , ( vivunt vigentque fama rerum  
 » gestarum ) sed , quotiescumque obcurrat  
 » memoria illorum , velut si adhortantes  
 » signumque dantes videatis eos , ita prœlia  
 » inire. Nec alia profecto species , hesterno  
 » die oculis animisque vestris oblata , memo-  
 » rabile illud edidit prœlium : quo documen-  
 » tum dedistis hostibus , non cum Scipioni-  
 » bus extinctum esse nomen Romanum : & ,  
 » cujus populi vis atque virtus non obruta  
 » sit Cannensi clade , ex omni profecto sævi-  
 » tia , fortunæ emersuram esse. Nunc , quia  
 » ( n ) tantum ausi estis sponte vestra , expe-  
 » riri libet , quantum audeatis duce vestro  
 » auctore. Non enim hesterno die , quum

( n ) qui Gron. Crev.

» signum receptui dedi sequentibus effuse vo-  
 » bis turbatum hostem, frangere audaciam  
 » vestram, sed differre in maiorem gloriam  
 » atque obportunitatem, volui: ut postmodo  
 » præparati incautos, armati inermes, atque  
 » etiam sopitos, per occasionem adgredi pos-  
 » setis. Nec hujus occasionis spem, milites,  
 » forte temere, sed ex re ipsa conceptam  
 » habeo. A vobis quoque profecto si quis  
 » quærat, quonam modo pauci a multis, victi  
 » a victoribus castra tutati sitis; nihil aliud  
 » respondeatis; quam id ipsum timentes vos  
 » omnia & operibus firmata habuisse, & ipsos  
 » paratos instructosque fuisse. Et ita se res  
 » habet. Ad id, quod, ne timeatur, fortuna  
 » facit, minime tuti sunt homines: quia,  
 » quod neglexeris, incautum atque apertum  
 » habeas. Nihil omnium nunc minus metuunt  
 » hostes, quam ne obsessi modo ipsi atque  
 » obpugnati castra sua ultro obpugnemus.  
 » Audeamus, quod credi non potest ausuros  
 » nos. Eo ipso, quod difficillimum vide-  
 » tur, facillimum erit. Tertia vigilia noctis  
 » silenti agmine ducam vos. Exploratum ha-  
 » beo, non vigiliarum ordinem, non statio-  
 » nes justas esse. Clamor in portis auditus

U. c. 540.

a. C. 212.

U. c. 540.  
a. C. 212.

» & primus inpetus castra ceperit. Tum in-  
» ter torpidos fomno, paventesque ad necopi-  
» natum tumultum, & inermes in cubilibus  
» suis obpressos, illa cædes edatur, a qua vos  
» hesterno die revocatos ægre ferebatis. Scio,  
» audax videri consilium: sed in rebus aspe-  
» ris & tenui spe fortissima quæque consilia  
» tutissima sunt: quia, si in occasionis mo-  
» mento, cujus prætervolat obportunitas,  
» cunctatus paullum fueris, nequidquam mox  
» omiffam (o) quæras. Unus exercitus in  
» propinquo est: duo haud procul absunt.  
» Nunc adgredientibus spes aliqua (p) est:  
» & jam tentastis vestras atque illorum vires.  
» Si diem proferimus, & hesternæ eruptio-  
» nis fama contemni desierimus; periculum  
» est, ne omnes duces, omnes (q) copiæ  
» convenient. Tres deinde duces, tres exer-  
» citus sustinebimus hostium, quos Cn. Sci-  
» pio incolumi exercitu non sustinuit? Ut  
» dividendo copias periere duces nostri, ita  
» separati ac divisi obprimi possunt hostes.

(o) *amiffam* Gron. Crev.

(p) *aliqua spes* Gron. Crev.

(q) *omnesque* Gron.

» Alia belli gerendi via nulla est. Proinde *U. c. 540*  
 » nihil, præter noctis proximæ obportunita- *a. C. 212.*  
 » tem, expectemus. Ite, Deis (r) bene juvan-  
 » tibus, corpora curate, ut integri vigen-  
 » tesque eodem animo in castra hostium in-  
 » rumpatis, quo vestra tutati estis. » Læti  
 & audire ab novo duce novum consilium,  
 & quo audacius erat, magis placebat. Re-  
 liquum diei expediendis armis & curatione  
 corporum consumtum : & major pars noctis  
 quieti data est. Quarta vigilia movere.

XXXIX. ERANT ultra proxima castra sex  
 millium intervallo distantes aliæ copiæ Pœ-  
 norum. Vallis cava intererat, condensa ar-  
 boribus. In hujus silvæ medio ferme spatio  
 cohors Romana arte Punica abditur, &  
 equites. Ita medio itinere intercepto, ceteræ  
 copiæ silenti agmine ad proximos hostes duc-  
 tæ. Et, quum statio nulla pro portis, neque  
 in vallo custodiæ essent, velut in sua castra,  
 nullo usquam obfistente, penetravere. Inde *Castra*  
 signa canunt, & tollitur clamor. Pars semi- *Hafdrubalis*  
 somnos hostes cædunt : pars ignes casis, *capiuntur.*  
 stramento arido tectis, injiciunt : pars portas

*U. c. 540.  
a. C. 212.*

occupant, ut fugam intercludant. Hostes simul ignis, clamor, cædes, velut alienatos sensibus, nec audire, nec providere quidquam sinunt. Incidunt inermes inter catervas armatorum; alii ruunt ad portas, alii obseptis itineribus super vallum saliant: & ut quisque evaserat, protinus ad castra altera fugiunt, ubi ab cohorte & equitibus ex occulto procurrentibus circumventi, cæsique ad unum omnes sunt. Quamquam, etiam si quis ex ea cæde effugisset, adeo raptim captis propioribus castris in altera transcursum castra ab Romanis est, ut prævenire nuncius claudis non posset. Ibi vero, quo longius ab hoste aberant, & quia sub lucum (s) pabulatum, lignatum, & prædatum quidam dilapsi fuerant, neglecta magis omnia ac soluta invenere: arma tantum in stationibus posita: milites inermes, aut humi sedentes adcubantesque, aut obambulantes ante vallum portasque. Cum his tam securis solutisque Romani, calentes adhuc ab recenti pugna, ferocesque victoria, prælium ineunt. Itaque nequaquam resisti in portis potuit.

*Altera  
etiam castra  
capta.*

(r) *lucem Gron. Crev.*

Intra portas , concursu ex totis castris ad *U. c. 540.*  
 primum clamorem & tumultum facto, atrox *a. C. 212.*  
 prœlium oritur : diuque tenuisset , ni cruenta  
 scuta Romanorum visa , indicium alterius  
 cladis Pœnis, atque inde pavorem iniecissent.  
 Hic (t) terror in fugam avertit omnes :  
 effusque , qua iter est, nisi quos cædes ob-  
 pressit , exuuntur castris. Ita nocte ac die bi-  
 na castra hostium expugnata ductu L. Marcii.  
 Ad triginta septem millia hostium cæsa,  
 auctor est Claudius , qui annales Acilianos  
 ex Græco in Latinum sermonem vertit : cap-  
 tos ad mille octingentos triginta : prædam  
 ingentem partam : in ea fuisse clipeum argen-  
 teum pondo centum triginta octo , cum ima-  
 gine Barcini Hasdrubalis. Valerius Antias una  
 castra Magonis capta tradit, septem millia  
 cæsa hostium : altero prælio, eruptione pu-  
 gnatum cum Hasdrubale : decem millia oc-  
 cisa , quatuor millia trecentos triginta captos.  
 Piso quinque millia hominum , quum Mago  
 cedentes nostros effuse sequeretur, cæsa ex  
 insidiis scribit. Apud omnes magnum nomen  
 Marcii ducis est. Et veræ gloriæ ejus etiam  
 miracula addunt : flammam ei concionanti

(t) *Hinc Gron.*

*U. c. 540.  
a. C. 212.*

fusam e capite , sine ipsius sensu , cum magno pavore circumstantium militum : monumentumque victoriæ ejus de Pœnis , usque ad incensum Capitolium , fuisse in templo clipeum , Marcium adpellatum , cum imagine Hasdrubalis. Quietæ deinde aliquamdiu in Hispania res fuere , utrisque , post tantas acceptas in vicem inlatasque clades , cunctantibus periculum summæ rerum facere.

*Spolia  
Syracufis  
Romam  
devecta.*

XL. DUM hæc in Hispania geruntur , Marcellus captis Syracufis , quum cetera in Sicilia tanta fide atque integritate composuisset , ut non modo suam gloriam , sed etiam majestatem populi Romani , augeret ; ornamenta urbis , signa , tabulasque , quibus abundabant Syracusæ , Romam devexit. Hostium quidem illa spolia , & parta belli jure : ceterum inde primum initium mirandi Græcarum artium opera , licentiæque huic sacra profanaque omnia vulgo spoliandi factum est : quæ postremo in Romanos Deos , templum id ipsum primum , quod a Marcello eximie ornatum est , vertit. Visebantur enim ab externis ad portam Capenam dedicata a Marcello templa ; propter excellentia ejus generis ornamenta , quorum perexigua pars comparet. Legationes  
omnium



omnium ferme civitatum Siciliæ ad eum conveniebant. Dispar ut causa earum, ita conditio erat. Qui ante captas Syracusas aut non desciverant, aut redierant in amicitiam, ut focii fideles accepti cultique; quos metus post captas Syracusas dediderat, ut victi a victore leges acceperunt. Erant tamen haud parvæ reliquæ belli circa Agrigentum Romanis: Epicydes & Hanno duces reliqui prioris belli, & tertius novus ab Hannibale in locum Hippocratis missus, Libyphœnicum generis Hipponiates, (Mutinem populares vocabant) vir inpiger, & sub Hannibale magistro omnes belli artes edoctus. Huic ab Epicyde & Hannone Numidæ dati auxiliares: cum quibus ita pervagatus est hostium agros, ita focios ad retinendos in fide animos eorum, ferendoque (u) in tempore cuique auxilium, adiit, ut brevi tempore totam Siciliam impleret nominis sui, nec spes alia major apud favens

U. c. 540.  
a. C. 212.

*Mutines  
novus  
Pænorum  
in Sicilia  
dux.*

(u) ferendumque Gron. Crev.

*U. c. 540.  
a. C. 212.*

tes rebus Carthaginiensium esset. Itaque inclusi ad tempus mœnibus Agrigenti dux Pœnus Syracusanusque, non consilio Mutinis, quam fiducia, magis ausi egredi extra muros, ad Himeram amnem posuerunt castra. Quod ubi perlatum ad Marcellum est, extemplo copias movit; & ab hoste quatuor ferme millium intervallo confedit, quid agerent pararentve expectaturus. Sed nullum neque locum, neque tempus cunctationi consiliove dedit Mutinès, transgressus amnem, ac stationibus hostium cum ingenti terrore ac tumultu inVectus. Postero die prope justo prælio compulit hostem intra munimenta. Inde revocatus seditione Numidarum in castris facta, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus confererent. Id ambo ægre passi duces, magis Hanno, jam ante anxius gloria ejus: « Mutinem sibi modum facere, degenerent » Afrum imperatori Carthaginiensi, misso ab

*Terree  
Romanos.*

» senatu populoque. » Is perpulit cunctantem *U. c. 540.*  
 Epicyden, ut, transgressi flumen, in aciem *a. C. 212.*  
 exirent. Nam si Mutinem operirentur, &  
 secunda pugnae fortuna evenisset, haud dubie  
 Mutinis gloriam fore.

XLI. ENIMVERO indignum ratus Marcel- *Eo absente*  
 lus se, qui Hannibalem subnifum victoria *praelium*  
 Cannensi ab Nola repulisset, his terra mari- *committitur,*  
 que victis ab se hostibus cedere, arma pro-  
 pere capere milites, & efferri signa jubet.  
 Instruenti exercitum decem effusis equis ad-  
 volant ex hostium acie Numidæ, nunciantes,  
 populares suos, primum ea seditione motos,  
 qua trecenti ex numero suo concesserint  
 Heracleam, dein quod præfectum suum ab  
 obtrestantibus ducibus gloriæ ejus, sub ipsam  
 certaminis diem, ablegatum videant, quie-  
 tuos in pugna. Gens fallax promissi fidem  
 præstitit. Itaque & Romanis crevit animus,  
 nuncio celeri per ordines (x) misso, desti-  
 tutum ab equite hostem esse, quem maxime

(x) ordinem Gron. Crev.

*U. c. 540.* timuerant : & territi [hostes, præterquam  
*a. C. 212.*

*Vincuntur  
 Pœni,*

quod maxima parte virium suarum non juvabantur, timore etiam incusso, ne ab suo & ipsi equite obpugnarentur. Itaque haud magni certaminis fuit. Primus clamor atque impetus rem decrevit. Numidæ, quum in concursu quieti stetissent in cornibus, ut terga dantes suos viderunt; fugæ tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum cæsa captaque, & octo elephanti. Hæc ultima in Sicilia Marcelli pugna fuit. Victor inde Syracusas rediit. Jam ferme in exitu annus erat. Itaque senatus Romæ decrevit, ut P. Cornelius prætor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules compararunt, ut Claudius comitia perficeret, Fulvius ad Capuam maneret. Con-

fules Claudius creavit Cn. Fulvium Centu-  
 malum & P. Sulpicium Servii filium Galbam, *U. c. 540.*  
*a. C. 212.*  
 qui nullum antea curulem magistratum gessif-  
 fet. Prætores deinde creati, L. Cornelius  
 Lentulus, M. Cornelius Cethegus, C. Sulpi-  
 cius, C. Calpurnius Piso. Pisoni jurisdictio  
 urbana, Sulpicio Sicilia, Cethego Apulia,  
 Lentulo Sardinia evenit. Consulibus proro-  
 gatum in annum imperium est.

*FINIS TOMI QUINTI.*

*ARGENTORATI,*


Typis FRANCISCI GEORGII LEVRAULT.

---

*PERMISSU SUPERIORUM.*















LIBRARY

27-11-1950

1950

1950

1950

